





M

Ex Bibliotheca
majori Coll. Rom.
Societ. Jesu

IV. 9. f

R. II ed. To. I, p. 387 n. 15

32.21B

5. 9. 12
















THE
LIBRARY OF THE
MUSEUM OF
ART AND HISTORY
OF THE
CITY OF
NEW YORK



THE
LIBRARY OF THE
MUSEUM OF
ART AND HISTORY
OF THE
CITY OF
NEW YORK



M. TVLLII CICERONIS
EPISTOLAE FAMILIARES.

PAVLI MANVTII SCHOLIA,
quibus harum epistolarum locos complures,
ab alijs propter obscuritatem aut omisso,
aut minus recte explanatos,
partim interpretatur,
partim corrigit.

Biblio.

N. A. Munich.



BIBLIOTECA NAZ.
ROMA
VITTORIO EMANUELE



VENETIIS, M. D. LIIII.

M. TULLI CICERO DE RE PUBLICA

1947-1948

847.111 334.374.01 137A9

—Continued from Page 10—

• *Antropología* •

• **THYROID TISSUES**

VEREENIG. W. D. 11111

PAVLVS MANVTIVS,
ALDI FILIVS, MATTHAEO
SENAREGAE, AMBROSII
FILIO, GENVENSII,
S. D.

T VONE, Matthae Senarega, an
meo dicam felici contigisse fato, quod,
relieto Louaniensi celeberrimo gymna
sio, quò, tanquam ad mercatum bo
narum artium, uirtutis & eloquen
tia comparandae causa concesseras, Venetias te hoc po
tissimum nomine contuleris, quòd nostri, ut ipse dice
re solitus es, uidendi & cognoscendi mira quadam te
cupiditas incenderet? tu quidem, si tuum sensum
explorem, uis me hoc tribuere fortunae tuae. nam quòd
ita euenerit, non modo ut ad amicitiam & consuetudi
nem meam, uerum etiam ut ad conuictum & contu
bernium meum tibi aditus patuerit; in eo, quasi tibi
quiddam expetendum contigerit, plurimum ipse tibi
solitus es gratulari, de quo, non est meum statuere
uere ne sentias, an secus. at illud meum est, paucis
ostendere, cur tu contra mihi carissimus ac iucundissi
mus sis, & quòd nunc in meis aedibus mecum habites,
mecumq; uiuas, in eo ego quoque meae felicitatis ali
quid agnoscam. nam si tu ita de me sentis honorifice,
quòd iudicio mouearis: equum est mihi à te concedi,
ut ego de te non minus uere, quam tu de me, iudica
re possim. sin istam tibi de me opinionem peperit huma

pro, ut.

ntas : me quoque non solum natura ; sed ipsa iam ratio docuit , præclarum esse humanitate excellere . itaque do melibenter in eam partem , ut homines officiis com lam , laudibus exornem , re , si opus est , pro mea tenuitate sustentem . Sed mehercule ego de te mi Mattheæ à uero animi mei sensu iudico : nihil me gratia , nihil afficit ambitio . Primum , cum aliquoties mei salutandi causa domum meam uenisses , pellexisti me in amorem tui comitate morum , & lenitate sermonis : deinde , quod iam non tibi modo , uerum & alijs petentibus negaueram atque excluderam , ut ego te domo reciperem , eloquentiæq; studijs erudirem , multis precibus usus peruicisti . nec mihi tamen , quòd tibi meorum sermonum cupiditate flagranti , meamq; domesticam consuetudinem petenti satisfecerim , adhuc uenit in mentem poenitere : quoniam , quo plus ad nostrum consuetum accedit temporis , eo maiorem è tuis moribus tuisq; studijs haurio suauitatem . non enim tam hoc in te laudo , quod certe in adolescente summa laude dignum est , quòd à studio doctrinæ non te suis illecebris uoluptas , non commodum , non ipsa ualetudinis ratio deducit ; quàm illud & admiror , et prædicare satis pro dignitate non possum , quòd in tuis cogitationibus hæc tibi prima est & antiquissima , ut Deum optimum maximum , à quo uno , quæ uere bona sunt , emanant omnia , humanis rebus , quæ fluxæ nimis infirmæq; sunt , omnibus anteponas . Perge adolescens optime in hoc præclaro diuinoq; sensu . hæc est omnium rerum una nobilissima , una , mihi crede , quæ omnium philosophorum scientias , una , quæ omnium regum opes

facile uincat . quare tu quidem oblecta te , quod facti ,
eloquentiæ studio ; in qua , quo modo principia se dant ,
futurum auguror ut excellas ; sed illud stet in primis ,
neque unquam excidat , omnium uirtutum pietatem
in Deum esse fundamentum . ac uide quot inde tibi bo-
na fluant . Primum tuæ salutis consulueris egregie :
animi salutem appello , non corporis : decet enim nos
æternam potius illam uitam , omni felicitate circun-
fluentem , quàm hanc , quæ temporum spatijs defini-
tur ; miseris nunquam uacantem , cogitare . deinde pa-
terem tuum , qui , ut audio de multis , atque etiam de
te ipso , humanam prudentiam præ diuina religione
nihil esse putat , incredibili uoluptate lætitiâq ; perfun-
des . cui quantum debeas , non ex eo solum intellige ,
quod pater est ; sed quod is pater , qui te filium uult
esse inter tuos ciues omni re florentem , atque honora-
tum ; qui te consilijs a puero sapientissimis erudiuit ;
qui te suo exemplo , suis optimis institutis ac factis ad
laudem quotidie uocat . tali patri , tam probo , tam tuti-
amanti , tam libenter suas omnes curas in te consumen-
ti , curare debes ; ut id , quod reliquum est uitæ , per te
sit iucundissimum . quod ita consequeris , si statueris ,
quibus artibus ideo nunc operam das , ut aliquando cæ-
teris hominibus elegantia sermonis & scientia rerum
antecellas , earum artium infirmam esse gloriam , nisi
perpetuo erga summum Deum amore studioq ; fulcia-
tur . Mihi quidem , cui tu carissimus esse aut uis , aut
certe ita uideris uelle , ut mihi persuadeas , magis ulla
re placere non poteris , quàm si te in eo , quod institui-
sti , uitæ innocenter & cum uirtute degenda studio

poteris . Scinde
uidero . sic a
Cicero 260.

constantem, tibiq; simillimum uidero. Et ut iam nunc intelligas, quos in animis hominum amoris igniculos uera uirtus accendat; scis quintum ab hinc mensem mihi tecum nihil fuisse, te mihi nunquam uisum, igno- tam mihi tuam faciem, obscurum nomen. nunc, apud me quo loco sis, intelligere te puto. paucissimis diebus ex conuictu consuetudo, ex consuetudine amor, ex amore familiaritas exorta. itaque tecum & sapissime sum, quod sub iisdem tectis necesse est; & admodum iucunde, quod ea, quæ in tuis moribus elucet, probitate consequeris. & quoniam is ego sum, qui, quò me uoluntas ducat à ratione profecta, eò perlibenter sequar; gessi morem animo meo, tacite hortanti, ut hanc meam ad te amandum propensionem non modo tibi, sed, quatenus ego possem, reliquis etiam hominibus illustri aliquo officio ac munere declararem. cumq; tulisset casus, ut hoc tempore Ciceronis epistolæ ad familiares, eæ, quas tu iam legendo & peruolu- tando triuisti, denuo typis, ut nunc loquimur, essent imprimendæ: peropportuna ad id, quod uolebam, uisa res est. nam hunc librum si cum tui nominis inscriptione publicarem, putauit me facere quiddam, quod utrique nostrum æque conueniret: tibi, quia ex his primum Ciceronis epistolis ad latinæ orationis elegantiam informamur, ex his primus eloquentiæ quasi succus, qui qualis initio fuerit, permagni interest, exhibetur: mihi, quia, cum hic liber omnium fere uer- setur inter manus, circumferet, id quod ego cupio, tuum nomen, & meum de te iudicium meamq; spem quamplurimis ostendet: quorum alterum est eiusmodi

di, ut ego tibi nunc ex aequalibus tuis neminem in ullo
genere laudis anteponam: altera, cum aetate proces-
seris, ea mihi de te pollicetur, quæ si euenerint, (oma-
nium autem rerum euentus in Deo positus est) uir eris
inter uiros maximus, & habebit à te familia tua me-
moriam nominis sempiternam, patria uero exemplum
in ciuitate uirtutis excolendæ præclarissimum. Vale.
M. D. LIIII. mense Maio.


A iiij

...the
... ..
... ..
... ..
... ..
... ..
... ..
... ..

2
M. TVLLII CICERONIS EPISTO-
LARVM AD LENTVLVM,

LIBER I.

M. CICERO P. LENTVLO
PROCOS. S.



GO OMNI OFFICIO, AC
potius pietate erga te, ceteris satisfacio omnibus: mihi ipse nunquam satisfacio: tanta enim magnitudo est tuorum erga me meritorum; ut, quoniam tu, nisi perfecta re, de me non conquiesci; ego, quia non idem in tua causa efficio, uitam mihi esse acerbam putem. in causa hæc sunt. Ammonius regis legatus aperte pecunia nos oppugnat. res agitur per eosdem creditores, per quos, cum tu aderas, agebatur. regis causa, si qui sunt, qui uelint, qui pauci sunt; omnes rem ad Pompeium deferri uolunt. senatus religionis calumniam non religione, sed maleuolentia, & illius regie largitionis inuidia comprobatur. Pompeium et hortari, & orare, & iam liberius accusare, & monere, ut magnam infamiam fugiat, non desistimus. sed plane nec precibus nostris, nec admonitionibus reliquit locum: nam cum in sermone quotidiano, tum in senatu palam sic egit causam tuam, ut neque eloquentia maiore quisquam, neque grauitate, nec studio, nec contentione agere potuerit, cum summa testificatione tuorum in se officiorum, & amoris erga te sui. Marcellinum

Cn. Corne-
Lentulus Ma-
cellinus

tibi esse iratum scis. is hac regia causa excepta cæteris in rebus se acerrimum tui defensorem fore ostendit. quod dat, accipimus. quod instituit referre de religione, & sæpe iam retulit, ab eo deduci non potest. res ante Idus acta sic est: nam hæc Idibus mane scripsi. Hortensij, & mea, & Luculli sententia cedit religioni de exercitu: (teneri enim res aliter non potest) sed ex illo S. C. quod te referente factum est, tibi decernit, ut regem reducas: quod commodo reip. facere possis: ut exercitum religio tollat, te auctorem senatus retineat. Crassus tres legatos decernit, nec excludit Pompeium; censet enim etiam ex ijs, qui cum imperio sunt: Bibulus tres legatos ex ijs, qui priuati sunt. huic assentiuntur reliqui consulares, præter Seruiliū, qui omnino reduci negat oportere; & Volcatium, qui, Lupo referente, Pompeium decernit; & Afranium, qui assentitur Volcatio: quæ res auget suspicionem Pompeij voluntatis: nam aduertebatur Pompeij familiares assentire Volcatio. laboratur uehementer. inclinata res est. Libonis, & Hypsæi non obscura concursatio, & *contentio*, omniumq; Pompeij familiarium studium, in eam opinionem rem adduxerunt, ut Pompeius cupere uideatur. cui qui nolunt, iidem tibi, quod cum ornasti, non sunt amici. nos in causa auctoritatem eo minorem habemus, quod tibi debemus. gratiam autem nostram extinguit hominum suspicio, quod Pompeio se gratificari putant. ut in rebus multo ante, quàm profectus es, ab ipso rege, & ab intimis, ac domesticis Pompeij clam exulceratis, deinde palam à consularibus exagitatis, & in summam inuidiam adductis, ita

uersamur . nostram fidem omnes , amorem tui absentis
 presentes tui cognoscent . si esset in ijs fides , in quibus
 summa esse debebat ; non laboraremus .

M. CICERO P. LENTULO S. D.

Dibus Ian. in senatu nihil est confectum ; pro-
 pterea quod dies magna ex parte consumptus
 est altercatione Lentuli consulis , & Caniniij
 trib. pl. eo die nos quoque multa uerba fecimus , maxi-
 meq; uisi sumus senatum commemoratione tuae uolun-
 tatis erga illum ordinem comouere . itaque postridie pla-
 cuit , ut breuiter sententias diceremus : uidebatur enim
 reconciliata nobis uoluntas senatus esse : quod tum dice-
 do , tum singulis appellandis , rogandisq; perspexeram .
 itaque cum sententia prima Bibuli pronunciata esset , ut
 tres legati regem reducerent ; secunda Hortensij , ut tu
 sine exercitu reduceres ; tertia Volcatij , ut Pompeius re-
 duceret : postulatum est , ut Bibuli sententia diuideretur .
 quatenus de religione dicebat : ei rei quia iam obsisti non
 poterat , Bibulo assensum est . de tribus legatis , frequentes
 ierunt in alia omnia . proxima erat Hortensij sententia ,
 cum Lupus trib. pl. quod ipse de Pompeio retulisset ,
 contendere coepit , ante se oportere discessionem facere ,
 quam consules . eius orationi uehementer ab omnibus re-
 clamatum est : erat enim et iniqua , et noua . Consules ne-
 que concedebant , neque ualde repugnabant : diem consu-
 mi uolebant : id quod est factum : perspiciebant enim in
 Hortensij sententiam multis partibus plures ituros ;
 quanquam aperte Volcatio assentirentur . multi rogaban-

tur, atque id ipsum consulibus inuitis: nam ij Bibuli sententiam ualere cupierunt. hac controuersia usque ad noctem ducta, senatus est dimissus: et ego eo die casu apud Pompeium coënaui: nactusq; tempus hoc magis idoneum, quàm unquam antea, quod post tuum discessum is dies primus honestissimus nobis fuerat in senatu, ita sum cum illo locutus, ut mihi uiderer animum hominis ab omni alia cogitatione ad tuam dignitatem tuendam traducere. quem ego ipsum cum audio, prorsus cum libero omni suspitione cupiditatis. cum autem eius familiares omnium ordinum uideo, perspicio id, quod iam omnibus est apertum, totam rem istam iampridem à certis hominibus, non inuito rege ipso, consiliarijsq; eius, esse corruptam. hæc scripsi ad XV I. cal. Febr. ante lucem. eo die senatus erat futurus. nos in senatu, quemadmodum spero, dignitatem nostram, ut potest in tanta hominum perfidia, et iniquitate, retinebimus. Quod ad popularem rationem attinet, hoc uidemur esse consecuti, ut ne quid agi cum populo aut saluis auspicijs, aut saluis legibus, aut denique sine ui possit. de his rebus pridie, quàm hæc scripsi, senatus auctoritas grauissima intercesserat. cui cum Cato, et Caninius intercessissent; tamen est perscripta. eam ad te missam esse arbitror. de cæteris rebus, quidquid erit actû, scribam ad te: & ut quam rectissime agantur, omni mea cura, opera, diligentia, gratia prouidebo. Vale.

M. CICERO P. LENTULO S. D.

A. Trebonio, qui in tua prouincia magna negotia, et ampla, et expedita habet, multos

annos utor ualde familiariter. is cum antea semper & suo splendore, & nostra, ceterorumq; amicorum commendatione gratissimus in prouincia fuit: tum hoc tempore propter tuum in me amorem, nostramq; necessitudinem uehementer confidit, his meis literis se apud te gratiosum fore. quæ ne spes eum fallat, uehementer te rogo: commendoq; tibi eius omnia negotia, libertos, procuratores, familiam; in primis, ut, quæ T. Ampius de eius re decreuerit, ea comprobes; omnibusq; rebus eum ita tractes, ut intelligat nostram commendationem non uulgarem fuisse. Vale.

M. CICERO P. LENTVLO S. D.

DXVI. cal. Febr. cum in senatu pulcher-
 A rime staremus, quod iam illam sententiam Bibuli de tribus legatis pridie eius dici fregeramus; unumq; certamen esset relictum, sententia Volcatij: res ab aduersarijs nostris extracta est uarijs calumnijs: causam enim frequenti senatu, in magna uarietate, magnaq; inuidia eorum, qui à te causam regiam aliò transferebāt, obtinebamus. eo die acerbum habuimus Curionem, Bibulum multo iustiores, pene etiam amicum. Caninius, et Cato negarunt se legem ullā ante comitia esse laturos. senatus haberi ante cal. Febr. per legem Pupiam, id quod scis, non potest, neque mense Febr. toto, nisi perfectis, aut reiectis legationibus. hæc tamē opinio est populi R. a' tuis inuidis, atque obtrectatoribus nomen inductum fictæ religionis, non tam ut te impedirēt, quàm ut ne quis propter exercitus cupiditatē

Alexandriam uellet ire. dignitatis autem tuæ, nemo est, quin existimet habitam esse rationem ab senatu: nemo est enim, qui nesciat, quo minus discessio fieret, per aduersarios tuos esse factum. qui nunc populi R. nomine, re autem uera sceleratissimo latrocinio, si qua conabuntur agere: satis prouisum est, ut ne quid saluis auspicijs, aut legibus, aut iam sine ui agere possint. Ego neque de meo studio, neque de nonnullorum iniuria scribendum mihi esse arbitror. quid enim aut me ostentem, qui, si uitam pro tua dignitate profundam, nullam partem uidear tuorum meritorum affecutus: aut de aliorum iniurijs querar: quod sine summo dolore facere non possum? ego tibi à ui, hac præsertim imbecillitate magistratum, præstare nihil possum: ui excepta, possum confirmare, te & senatus, & populi R. summo studio amplitudinem tuam retenturum. Vale.

M. CICERO P. LENTULO S. D.

Amet si nihil mihi fuit optatius, quàm ut primum abs te ipso, deinde à cæteris omnibus quam gratissimus erga te esse cognoscerer: tamen afficior summo dolore, eiusmodi tempora post tuam profectionem consecuta esse, ut & meam, & cæterorum erga te fidem; & beneuolentiam absens experirere. te autem uidere, & sentire eadem fidem hominum in tua dignitate, quàm ego in mea salute sum expertus, ex tuis literis intellexi. Nos cum maxime consilio, studio, labore, gratia de causa regia niteremur; subito exorta est nefaria Catonis promulgatio, quæ nostra studia impe-

direct, & animos à minore cura ad summum timorem
 traduceret. sed tamen in eiusmodi rerum perturbatio-
 ne quanquam omnia sunt metuenda, nihil magis, quàm
 perfidiam, timemus. Catoni quidem, quoquo modo se
 res habeat, profecto resistimus. De Alexandrina re, cau-
 saq; regia tantum habeo polliceri, me tibi absenti, tuisq;
 presentibus cumulate satisfacturum. sed uereor, ne
 aut eripiatur nobis, aut deferatur: quorum utrum mi-
 nus uelim, non facile possum existimare. sed si res co-
 get, est quiddam tertium, quod neque selicio, nec
 mihi displicebat: ut neque iacere regem pateremur, nec,
 nobis repugnantibus, ad eum deferri, ad quem prope
 iam delatum esse existimatur. à nobis agentur omnia
 diligenter: ut neque, si quid obtineri poterit, non con-
 tendamus; nec, si quid non obtinuerimus, repulsi esse
 uideamur. tue sapientie, magnitudinisq; animi est,
 omnem amplitudinem, et dignitatem tuam in uirtute,
 atque in rebus gestis tuis, atque in tua grauitate posi-
 tam existimare; si quid ex ijs rebus, quas tibi fortuna
 elargita est, nonnullorum hominum perfidia detraxerit,
 id maiori illis fraudi, quàm tibi, futurum. à me nullum
 tempus prætermittitur de tuis rebus & agendi, & co-
 gitandi: utroq; ad omnia Q. selicio: neque enim pru-
 dentiore quenquam ex tuis, neque fide maiore esse in-
 dico, neque amantiorem tui. Hic quæ agantur, quæq;
 acta sint, ea te & literis multorum, & nuncijs cogno-
 scere arbitror. quæ autem posita sunt in coniectura,
 quæq; mihi uidentur fore, ea putotibi à me scribi opor-
 tere. posteaquàm Pompeius apud populum ad VII. Id.
 Febr. cū pro Milone diceret, clamore, conuulsiq; lætatus

est, in senatuq; à Catone asperere, & acerbe omnium magno silentio est accusatus: uisus est mihi uehementer esse perturbatus. itaque Alexandrina causa, quæ nobis adhuc integra est, (nihil enim tibi detraxit senatus, nisi id, quod per eandem religionem dari alteri non potest) uidetur ab illo plane esse deposita. nunc id speramus, idq; molimur, ut, cum rex intelligat sese, id quod cogitabat, ut à Pompeio reducatur, assequi non posse, & nisi per te sit restitutus, desertum se, atque abiectum fore, proficiatur ad te. quod sine ulla dubitatione, si Pompeius paulum modo ostenderit sibi placere, faciet. sed nosti hominis tarditatem, & taciturnitatem. nos tamen nihil, quod ad eam rem pertineat, prætermittimus. cæteris iniurijs, quæ propositæ sunt à Catone, facile, ut spero, resistemus. amicum ex consularibus neminem tibi esse uideo, præter Hortensium, & Lucullum. cæteri sunt partim obscurius iniqui, partim non dissimulanter irati. tu fac animo forti, magnoq; sis; speresq; fore, ut, fracto impetu leuissimi hominis, tuam pristinam dignitatem, & gloriam consequare.

M. CICERO P. LENTULO S.

Q Væ gerantur, accipies ex Pollione, qui omnibus negotijs nō interfuit solum, sed præfuit.

Me in summo dolore, quem in tuis rebus capto, maxime scilicet consolatur spes, quod ualde suspicor fore, ut infringatur hominum improbitas & consilijs tuorum amicorum, et ipsa die, qua debilitantur cogitationes et inimicorum, et proditorum. facile secundo loco me consolatur recordatio meorum temporum: quos

tum.

rum imaginem uideo in rebus tuis . nam etsi minore in re uiolatur tua dignitas , quàm mea salus afflicta sit : tamen est tanta similitudo , ut sperem te mihi ignoscere , si ea non timuerim , quæ ne tu quidem unquam timenda duxisti . sed præsta te eum , qui mihi à teneris , ut Græci dicunt , unguiculis es cognitus . illustrabit ; mihi crede , tuam amplitudinem hominum iniuria . à me omnia summa in te studia , officiaq; expecta . non fallam opinionem tuam . Vale .

M. CIC. P. LENTVLO PRO COS. S. D.

Egi tuas literas ; quibus ad me scribis , gratum tibi esse quòd crebro certior per me fias de omnibus rebus ; & meam erga te beneuolentiam facile perspicias . quorum alterum mihi , ut te plurimum diligam , facere necesse est ; si uolois esse , quem tu me esse uoluisti : alterum facio libenter ; ut , quoniam interuallo locorum , & temporum disiuncti sumus , per literas tecum quamsepiissime colloquar . quod si rarius fiet , quàm tu expectabis : id erit causa , quòd non eius generis meæ literæ sunt , ut eas audeam temere committere . quoties mihi certorum hominum potestas erit , quibus recte dem ; non prætermittam . Quod scire uis , qua quisque in te fide sit , & uoluntate : difficile dictu est de singulis . unū illud audeo , quod antea tibi saepe significauī , nunc quoque re perspecta et cognita scribere : uehementer quosdam homines , et eos maxime , qui te et maxime debuerunt , et plurimum iuuare potuerunt , inuidisse dignitati tuæ : simillimamq; in re dissimili , tui temporis nūc , et nostri quondam , fuisse

rationem: ut, quos tu reip. causa laſeras, palam te op-
 pugnarent: quorum auct̄oritatem, dignitatem, volun-
 tatemq; defenderas, non tam memores eſſent uirtutis
 tuæ, quàm laudis inimici. quo quidem tempore, ut
 perſcripſi ad te antea, cognoui Hortenſium percupidũ
 tui, ſtudioſum Lucullum, ex magiſtratibus autem L.
 Raciliũ et fide, & animo in te ſingulari. nam noſtra
 propugnatio, ac deſenſio dignitatis tuæ, propter magni-
 tudinem beneficij tui fortasſe plerisque officiij maiorem
 auct̄oritatem habere uideatur, quàm ſententiæ. præ-
 terea quidem de conſularibus nemini poſſum aut ſtudiũ
 erga te, aut officiũ, aut amici animi eſſe teſtis. etenim
 Pompeiũ, qui mecum ſæpiſſime non ſolum à me pro-
 uocatus, ſed etiam ſua ſponte de te communicare ſolet,
 ſcis temporibus illis non ſæpe in ſenatu fuiſſe. cui qui-
 dem literæ tuæ, quas proxime miſeras, quod facile in-
 tellexerim, periucundæ fuerunt. mihi quidem huma-
 nitas tua, uel ſumma potius ſapientia non iucunda ſo-
 lum, ſed etiam admirabilis uiſa eſt: uirum enim excel-
 lentem, & tibi tua præſtanti in eum liberalitate deuin-
 ctum, non nihil ſuſpiciantem propter aliquorum opinio-
 nem ſuæ cupiditatis de te ab ſe abalienatum, illa epiſto-
 la retinuĩſti. qui mihi cum ſemper tuæ laudi fauere ui-
 ſus eſt, etiam ipſo ſuſpicioſiſſimo tempore Caniniano:
 tum uero lectis tuis literis, perſpectus eſt à me, toto an-
 ſmo de te, ac de tuis ornamentis, & commodis cogitare.
 quare ea, quæ ſcribam, ſic habeto, me, cum illo re ſæpe
 communicata, de illius ad te ſententiâ, atque auct̄orita-
 te ſcribere: quoniam S. C. nullum extat, quo reductio
 regis Alexandrini tibi adempta ſit; eaq; , quæ de ea ſcri-

pta est, auctoritas, cui scis intercessum esse, ut ne quis omnino regem reduceret, tantam uim habet, ut magis iratorum hominum studium, quàm constantis senatus consilium esse uideatur: te posse perspicere, qui Ciliciã, Cyprumq; teneas, quid efficere, et quid consequi possis: Et si res facultatem habitura uideatur, ut Alexandriam, atque Aegyptum tenere possis; esse Et tua, Et nostri imperij dignitatis, Ptolemaide, aut aliquo propinquo loco rege collocato, te cum classe, atque exercitu proficisci Alexandriam; ut, cum eã pace, praesidijsq; firmissimis, Ptolemaeus redeat in regnum: ita fore, ut per te restituantur, quemadmodum senatus initio censuit; Et sine multitudine reducatur, quemadmodum homines religiosi sibyllæ placere dixerunt. sed hæc sententia sic Et illi, Et nobis probabatur, ut ex euentu homines de tuo consilio existimatuos uideremus: si cecidisset, ut uolumus, Et optamus, omnes te et sapienter, Et fortiter; sin aliquid esset offensum, eosdem illos, Et cupide, Et temere fecisse, dicturos. quare, quid assequi possis, non tam facile est nobis, quàm tibi, cui prope in conspectu Aegyptus est, id iudicare. nos quidem hoc sentimus: si exploratum tibi sit posse te illius regni portiri, non esse cunctandum: sin dubium, non esse conandum. illud tibi affirmo, si rem istam ex sententia gesseris, fore, ut absens à multis; cum redieris, ab omnibus collaudere. offensionem esse periculosam propter interpositam auctoritatem, religionemq; uideo. sed ego te ut ad certam laudem adhortor, sic à dimicatione deterreo: redeoq; ad illud, quod initio scripsi, totius facti tui iudicium non tam ex consilio tuo,

quàm ex euentu homines esse facturos. quòd si hæc ratio rei gerendæ periculosa tibi uidebitur: placebat illud, ut, si rex amicis tuis, qui per prouinciam imperij tui pecunias ei credidissent, fidem suam præstitisset; et auxilijs cum tuis, & copijs adiuuares: eam esse naturam, et regionem prouinciæ tuæ, ut illius redditum uel adiuuando confirmares, uel negligendo impedires. in hac ratione quid res, quid causa, quid tempus ferat, tu facillime, optimeq; perspicies: quid nobis placuisset, ex me potissimum putauit te scire oportere. Quod mihi de nostro statu, de Milonis familiaritate, de leuitate, et imbecillitate Clodij gratularis: minime miramur te tuis, ut egregium artificem, præclaris operibus lætari. quamquam est incredibilis hominum. perversitas: (grauiori enim uerbo uti non libet) qui nos, quos fauendo in communi causa retinere potuerunt, inuidendo abalienauerunt: quorum maleuolentissimis obrectationibus nos scito de uetere illa nostra, diuturnaq; sententia prope iam esse depulso; non nos quidem, ut nostræ dignitatis simus obliti, sed ut habeamus rationem aliquando etiã salutis. poterat utrumque præclarè, si esset fides, si grauitas in hominibus consularibus: sed tanta est in plerisque leuitas, ut eos non tam constantia in rep. nostra delectet, quàm splendor offendat. quod eo liberius ad te scribo, quòd tu non solum temporibus ijs, quæ per te sum adeptus, sed etiam olim nascenti prope nostræ laudi, dignitati, uirtutiq; præfuisi: simul quòd uideo, non, ut antehac putabam, nouitati esse inuisum meæ: in te enim, homine omnium nobilissimo, similia inuidorū uitia per-spexi: quæ tamen illi esse in principibus facile sunt passi,

euolare altius certe noluerunt. gaudeo tuam dissimilem
fuisse fortunā: multum enim interest, utrum laus im-
minuatur, an salus deferatur. me mea tamen ne nimis
poeniteret, tua uirtute perfectum est: curasti enim; ut
plus additum ad memoriā nominis nostri, quā adē-
ptum de fortuna uideretur. Te uero moneo cum benefi-
cijs tuis, tum amore incitatus meo, ut omnem gloriam,
ad quā a pueritia inflammatus fuisti, omni cura,
atque industria cōsequare; magnitudinemq; animi tui;
quā ego semper sum admiratus, semperq; amavi, ne
unquam inflectas cuiusquam iniuria. magna est homi-
num opinio de te, magna commēdatio liberalitatis, ma-
gna memoria consulatus tui. hæc profecto uides quāto
expressiora, quantoq; illustriora futura sint, cum ali-
quantum ex prouincia, atque ex imperio laudis acceffe-
rit. quanquam te ita gerere uolo, quæ per exercitum,
atque imperium gerenda sunt; ut hæc multo ante mea-
ditere, huc te pares, hæc cogites, ad hæc te exerceas; sen-
tiasq; id, quod quia semper sperasti, non dubito quin
adeptus intelligas, te facillime posse obtinere summum,
atque altissimum gradum ciuitatis. quæ quidem mea
cohortatio ne tibi inanis, aut sine causa suscepta uidea-
tur: illa me ratio mouit, ut te ex nostris euentis cōmu-
nibus admonendum putarem; ut considerares in omni
reliqua tua uita, quibus crederes, quos caueres. Quod
scribis te uelle scire, qui sit reip. status: summa dissensio
est, sed contentio dispar. nam qui plus opibus, armis, po-
tentia ualent, profecisse tātum mihi uidentur stultitia,
et inconstantia aduersariorum, ut iam etiam auctoritā
te plus ualerēt. itaque per paucis aduersantibus omnia.

quæ ne per populum quidem sine seditione se assequi
posse arbitrabantur, per senatum consecuti sunt. nam
et stipendium Cæsari decretum est, et decem legati:
et, ne lege Sempronia succederetur, facile perfectum
est: quod ego ad te brevius scribo, quia me status hic
reip. non delectat: scribo tamē, ut te admoneam; quod
ipse literis omnibus à pueritia deditus, experiendo tamē
magis, quàm discendo cognoui, id ut tu rebus tuis in-
tegris discas, neque salutis nostræ rationem nobis habē-
dam esse sine dignitate, neque dignitatis sine salute.
Quod mihi de filia, et de Crassipede gratularis: agno-
sco humanitatem tuam: speroq; et opto, nobis hanc
coniunctionem uoluptati fore. Lentulum nostrum,
eximia spe summæ uirtutis adolescentem, cum ceteris
artibus, quibus studuisti semper ipse, tum in primis
imitatione tui fac erudias: nulla enim erit hac præstan-
tior disciplina. quem nos, et quia tuus, et quia te di-
gnus est filius, et quia nos diligit, semperq; dilexit,
in primis amamus, carumq; habemus.

M. CICERO P. LENTULO

P R O C O S. S. P. D.

De omnibus rebus, quæ ad te pertinent, quid
actum, quid constitutum sit, quid Pompeius
susceperit, optime ex Emplatorio cognosces:
qui non solum interfuit his rebus, sed etiam præfuit,
neque ullum officium erga te hominis amantissimi, pru-
dentissimi, diligentissimi prætermisit. ex eodem de toto
statu rerum communium cognosces: quæ quales sint,
non facile est scribere: sunt quidem certe in amicorum

nostrorum potestate, atque ita, ut nullam mutationem unquam hac hominum ætate habitura res esse uideatur. ego quidem, ut debeo, & ut tute mihi præcepisti, & ut me pietas, utilitasq; cogit, me ad eius rationes adiungo, quem tu in meis rationibus tibi esse adiungendum putasti. sed te non præterit, quàm sit difficile, sensum in rep. præsertim rectum, & confirmatum, deponere. ueruntamen ipse me conformo ad eius uoluntatem, à quo honeste dissentire non possum: neque id facio, ut forsitan quibusdam uideor, simulatione. tantum enim animi inductio, & mehercule amor erga Pompeium apud me ualeat, ut, quæ illi utilia sunt, & quæ ille uult, ea mihi omnia iam & recta, & uera uideantur. neque, ut ego arbitror, errarent ne aduersarij quidem eius, si, cum pares esse non possent, pugnare desisterent. me quidem etiam illa res consolatur, quòd ego is sum, cui uel maxime concedant omnes, ut uel ea defendam, quæ Pompeius uelit, uel taceam, uel etiam, id quod mihi maxime lubet, ad nostra me studia referam literarum: quod profecto faciam, si mihi per eiusdem amicitiam licebit. quæ enim proposita fuerant nobis, cum & honoribus amplissimis, & laboribus maximis perfuncti essemus, dignitas in sententijs dicendis, libertas in rep. capeffenda, ea sublata tota, sed nec mihi magis, quàm omnibus: nam aut assentiendum est nulla cum gravitate paucis, aut frustra dissentiendum. Hæc ego ad te ob eam causam maxime scribo, ut iam de tua quoque ratione meditare. commutata tota ratio est senatus, iudiciorum, rei totius publicæ. otium nobis exoptandum est: quod ij, qui potiuntur rerum, præ-

staturi uidentur, si quidam homines patientius eorum potentiam ferre potuerint. dignitatem quidem illam consularem fortis, & constantis senatoris, nihil est, quod cogitemus. amissa est culpa eorum, qui à senatu et ordinem coniunctissimum, et hominem clarissimum abalienarunt. Sed ut ad ea, quæ coniunctiora rebus tuis sunt, reuertar: Pompeium tibi ualde amicum esse cognoui: et eo tu consule, quantum ego perspicio, omnia, quæ uoles, obtinebis. quibus in rebus me ille sibi affixum habebit: neque à me ulla res, quæ ad te pertineat, negligetur. neque enim uerebor, ne sum ei molestus: cui iucundum erit etiam propter id ipsum, quòd me esse gratum uidebit. Tu uelim tibi ita persuadas, nullam rem esse minimam, quæ ad te pertineat, quæ mihi non carior sit, quàm meæ res omnes. idq; cum sentiam; sedulitate mihi met ipse satisfacere possum; re quidem ipsa ideo mihi non satisfacio, quòd nullam partem tuorum meritorum non modo referenda, sed ne cogitanda quidem gratia consequi possum. Rem te ualde bene gessisse rumor erat. expectabantur literæ tuæ: de quibus eramus iam cum Pompeio locuti: quæ si erunt allatæ, nostrum studium exabit in conueniendis magistratibus, & senatoribus. cætera, quæ ad te pertinebunt, cum etiam plus contenderimus, quàm possumus, minus tamen faciemus, quàm debemus.

M. CIC. P. LENTULO PROCOS. S. D.

P Eriucundæ mihi fuerunt. literæ tuæ: quibus intellexi, te perspicere meam in te pietatem: quid enim dicam, beneuolentiam? cum illud ipsum gra

uilissimum, et sanctissimum nomen pietatis leuius mihi
 meritis erga me tuis esse uideatur: Quod autem grata
 tibi mea erga te studia scribis esse: facis tu quidem a=
 bundantia quadam amoris, ut etiam grata sint ea, quæ
 prætermitti sine nefario scelere non possunt: tibi autem
 multo notior, atque illustrior meus in te animus esset,
 si hoc tempore omni, quo seiuncti fuimus, & una, &
 Romæ fuissetus. nam in eo ipso, quod te ostendis esse fa=
 cturum, quodq; et in primis potes, et ego à te uehemen=
 ter expecto, in sententijs senatorijs, et in omni actione,
 atque administratione reip. floruissemus. de qua osten=
 dam equidem paulo post qui sit meus sensus, et status:
 & rescribam tibi ad ea, quæ quæris. sed certe & ego te
 auctore amicissimo, ac sapientissimo, et tu me consilia=
 rio fortasse non imperitissimo, fideli quidem, & beneuo=
 lo certe usus esses. quanquam tua quidem causa te esse
 imperatorem, prouinciamq; bene gestis rebus cum exer=
 citu uictore obtinere, ut debeo, lætor. sed certe, qui tibi
 ex me fructus debentur, eos uberiores, et præstantiores
 præsens capere potuisses. in eis uero ulciscendis, quostibi
 partim inimicos esse intelligis propter tuam propugna=
 tionem salutis meæ, partim inuidere propter illius actio=
 nis amplitudinem, et gloriam, mirificum me tibi comi=
 tem præbuissem. quanquam ille perennis inimicus ami=
 corum suorum, qui tuis maximis beneficijs ornatus in
 te potissimum fractam illam & debilitatam uim suam
 contulit, nostram uicem ultus est ipse sese: ea est enim
 conatus, quibus patefactis, nullam sibi in posterum nō
 modo dignitatis, sed ne libertatis quidē partem reliquit.
 Te autem etsi malletm in meis rebus expertum, quā

etiam in tuis, tamen in molestia gaudeo, eandem fidem
 cognoscere hominum non ita magna mercede, quam
 ego maximo dolore cognoram. de qua ratione tota iam
 uidetur mihi exponendi tempus dari; ut tibi rescribam
 ad ea, quæ quæris. Certiorem te per literas scribis esse
 factum, me cum Casare, & cum Appio esse in gra-
 tia: teq; id non reprehendere adscribis. Vatinius au-
 tem, scire te uelle ostendis, quibus rebus adductus de-
 fenderim, et laudarim. quod tibi ut planius exponam,
 altius paulo rationem meorum consiliorum repetam,
 necesse est. Ego me Lentule initio rerum, atque actio-
 num tuarum non solum meis, sed etiam reip. restitutum
 putabam: & quoniam tibi incredibilem quendam
 amorem, & omnia in te ipsum summa, ac singularia
 studia deberem, reip. quæ te in me restituendo multum
 adiuuisset, eum certe me animum merito ipsius debere
 arbitrabar, quem antea tantummodo communi officio
 ciuium, non aliquo erga me singulari beneficio, debi-
 tum præstitissem. hac me mente fuisse, & senatus ex
 me te consule audiuit, & tu in nostris sermonibus, col-
 locutionibusq; ipse uidisti. etsi iam primis temporibus
 illis, multis rebus meus offendebar animus; cum, te
 agente de reliqua nostra dignitate, aut occulta nonnul-
 lorum odia, aut obscura in me studia cernebam, nam
 neque de monumentis meis ab ijs adiutus es, à quibus
 debuisti, neque de ui nefaria, qua cum fratre eram do-
 mo expulsus: neque hercule in ijs ipsis rebus, quæ quan-
 quam erant mihi propter rei familiaris naufragia ne-
 cessaria, tamen à me minimi putabantur in meis dam-
 nis ex auctoritate senatus refarciendis, eam uolunta-

tem, quam expectaram, præstiterunt. quæ cum uiderem, (neque enim erant obscura) non tamen tam acerba mihi hæc accidebant, quam erant illa grata, quæ fecerant. itaque quanquam & Pompeio plurimum te quidem ipso prædicatore ac teste debebam: & eum non solum beneficio, sed amore etiam, & perpetuo quodam iudicio meo diligebam: tamen, non repensans quid ille uellet, in omnibus meis sententijs derelictis præstis permanebam. Ego, sedente Cn. Pompeio, cum, ut laudaret P. Sestium, introisset in urbem; dixissetq; testis Vatinius, me fortuna, & felicitate C. Caesaris commotum; illi amicum esse coepisse; dixi, me eam Bibuli fortunam, quam ille afflictam putaret, omnium triumphis, uictorijsq; anteferre: dixiq; eodem teste alio loco, eosdem esse, qui Bibulum exire domo prohibuissent, & qui me coegissent. tota uero interrogatio mea nihil habuit aliud, nisi reprehensionem illius tribunatus: in qua omnia dicta sunt libertate, animoq; maximo de ui, de auspicijs, de donatione regnorum: neque uero hac in causa modo, sed constanter saepe in senatu. quin etiam, Marcellino, & Philippo consulibus, Nonis Apr. mihi est senatus assensus, ut de agro Campano frequenti senatus Idibus Maij referretur. num potui magis in arcem illius cause inuadere, aut magis obliuisci temporum meorum, & meminisse actionum? hac à me sententia dicta, magnus animorum motus est factus, cum eorum, quorum oportuit, tam illorum etiam, quorum nunquam putaram. nam hoc S. C. in meam sententiam facto, Pompeius, cum nihil mihi ostens-

disset se esse offensum, in Sardiniam, & in Africam
 profectus est: eoq; itinere Lucam ad Caesarem uenit: ubi
 multa de mea sententia questus est Caesar, quippe qui
 etiam Rauēnae Crassum ante uidisset, ab eoq; in me es-
 set incensus. sane moleste Pompeium id ferre constabat.
 quod ego cum audissem ex alijs, maxime ex meo fratre
 cognoui. quem cum in Sardinia Pompeius paucis post
 diebus, quā Luca discesserat, conuenisset, Te, inquit,
 ipsum cupio. nihil opportunius potuit accidere. nisi cū
 Marco fratre diligenter egeris; dependendum tibi est,
 quod mihi pro illo spondidisti. quid multa? questus est
 grauitur: sua merita cōmemorauit: quid egisset sapiisti
 me de actis Caesaris cum ipso meo fratre, quidq; sibi is
 de me recepiisset, in memoriā redegit: seq; , quae de mea
 salute egisset, uolūtate Caesaris egisse, ipsum meum fra-
 trem testatus est: cuius causam, dignitatēq; mihi ut
 commendaret, rogauit; ut eam ne oppugnarem, si nolo-
 lem, aut non possem tueri. haec cum ad me frater per-
 tulisset; et cum ante tamen Pompeius ad me cum man-
 datis Vibullium misisset, ut integrum mihi de causa
 Campana ad suum reditū reseruarem: collegi ipse me,
 et cum ipsa quasi rep. sum collocutus: ut mihi tam mul-
 ta pro se perpesso, atque perfuncto concederet, ut offi-
 cium meum, memoremq; in bene meritos animum, fi-
 demq; fratris mei praestarem; eumq; , quem bonum ci-
 uem semper habuisset, bonum uirum esse pateretur. In
 illis autem meis actionibus, sententijsq; omnibus, quae
 Pompeium uidebantur offendere, certorum hominum,
 quos iam debes suspicari, sermones referebantur ad me:
 qui cum illa sentiret in rep. quae ego agebam, semperq;

sensissent; me tamen non satisfacere Pompeio, Cæsaremque inimicissimum mihi futurum, gaudere se atebant. erat hoc mihi dolendum, sed multo magis illud, quod inimicum meum, meum autem? immo uero legum, iudiciorum, otij, patriæ, bonorum omnium, sic amplexabantur, sic in manibus habebant, sic fouebant, sic me presente osculabantur, non illi quidem ut mihi stomachum facerent, quem ego funditus perdidici, sed certe ut facere se arbitrantur. hic ego, quantum humano consilio efficere potui, circumspēctis rebus omnibus, rationibusque subductis, summam feci cogitationum mearum omnium: quam tibi, si potero, breuiter exponam. Ego si ab improbis, & perditis ciuibus remp. teneri uiderem, sicut et meis temporibus scimus, et nonnullis alijs accidisse accepimus: non modo præmijs, quæ apud me minimum ualent, sed ne periculis quidem compulsus ullis, quibus tamen mouentur etiam fortissimi uiri, ad eorū causam me adiungerem, ne si summa quidem eorum in me merita constarent. cum autem in rep. Cn. Pompeius princeps esset, uir is, qui hanc potentiam, & gloriā maximis in remp. meritis, præstantissimisque rebus gestis esset consecutus, cuiusque ego dignitatis ab adolescentia fautor, in prætura autem, et in consulatu adiutor etiam extitissē; cumque idem auctoritate, et sententia per se, consilijs, et studijs tecum me adiuuisset, meumque inimicum, unum in ciuitate haberet inimicum: non putauī famam inconstantie mihi pertimescendam, si quibusdā in sententijs paulum me immutassē, meamque uoluntatem ad summi uiri, de meque optime meriti dignitatē aggregassē. in hac sententia complectendus erat mihi

Cæsar, ut uides, in coniuncta & causa, et dignitate. hic multum ualuit cum uetus amicitia, quam tu non ignoras mihi, & Q. fratri cum Cæsare fuisse; tum humanitas eius, ac liberalitas; breui tempore & literis; & officijs perspecta nobis; & cognita. uehementer etiam res ipsa publica me mouit: quæ mihi uidebatur contentionem, præsertim maximis rebus à Cæsare gestis, cum illis uiris nolle fieri, & ne fieret, uehementer recusare. grauissime autem me in hanc mentem impulit & Pompeij fides, quam de me Cæsari dederat, & fratris mei, quam Pompeio. erant præterea hæc animaduertenda in ciuitate, quæ sunt apud Platonem nostrum scripta diuinitus: **Q**UALES in reiprincipes essent, tales reliquos solere esse ciues. tenebam memoria, nobis consulibus ea fundamenta iacta ex cal. Iano. confirmandi senatus, ut neminem mirari oporteret, Nonis Dec. tantum uel animi fuisse in illo ordine, uel auctoritatis. idemq; memineram, nobis priuatis usque ad Cæsarem, & Bibulum consules, cum sententia nostræ magnum in senatu pondus haberent, unum fere sensum fuisse bonorum omnium. postea, cum tu Hispaniam citeriorem cum imperio obtineres; neque resp. consules haberet, sed mercatores prouinciarum, & seditionum seruos, ac ministros: iecit quidam casus caput meum quasi certaminis causa in mediam contentionem, dissensionemq; ciuilem. quo in discrimine cum mirifica senatus, incredibilis Italiae totius, singularis bonorum omnium consensus in me tuendo extitisset: non dicam, quid acciderit: (multorum est enim, & uaria culpa.) tantum dicam bre-

ui, non mihi exercitum, sed duces defuisse. in quo, ut iam sit in ijs culpa, qui me non defenderunt; non minor est in ijs, qui reliquerunt. & si accusandi sunt, qui perituerunt: magis etiam reprehendendi, qui se timere simularunt. illud quidem certe nostrum consilium iure laudandum est, quod meos ciues & à me seruatos, & me seruare cupientes, spoliatos ducibus, seruis armatis obijci noluerim; declarariq; maluerim, quanta uis esse potuisset in consensu bonorum, si ijs pro me stante pugnare licuisset, cum afflictum excitare potuissent. quorum quidem animum tu non perspexisti solum, cum de me ageres, sed etiam confirmasti, atque tenuisti. quæ in causa non modo non negabo, sed etiam semper & meminero, & prædicabo libenter. usus es quibusdam nobilissimis hominibus, fortioribus in me restituendo, quàm fuerant iidem in tenendo. quæ in sententia si constare uoluissent, suam auctoritatem simul cum salute mea recuperassent: recreatis enim bonis uiris consulatu tuo, & constantissimis atque optimis actionibus tuis excitatis, Cn. Pompeio præsertim ad causam adiuncto, cum etiam Cæsar, rebus maximis gestis, singularibus ornatus, & nouis honoribus, ac iudicijs senatus, ad auctoritatem eius ordinis adiungeretur; nulli improbo ciui locus ad remp. uiolandam esse potuisset. sed attende quæso, quæ sint consecuta. primum illa furta muliebrium religionum: qui non pluris fecerat Bonam deam, quàm tres sorores, impunitatem est eorum sententijs affecturus, qui, cum tribunus pl. pœnas à seditioso ciue

per bonos viros iudicio persequi uellet, exemplum præclarissimum in posterum uindicandæ seditionis de rep. sustulerunt : iidemq; postea non meum monumentum , (non enim illæ manubiæ meæ, sed operis locatio mea fuerat) monumentum uero senatus, hostili nomine, et cruentis inustum literis esse passi sunt . qui me homines quod saluum esse uoluerunt, est mihi gratissimum: sed uellē, non solum salutis meæ , quemadmodum medici, sed etiam, ut aliptæ, uirium, et coloris rationem habere uoluisent. nunc, ut Apelles Veneris caput , et summa petitoris politissima arte perfecit , reliquam partem corporis inchoatā reliquit : sic quidam homines in capite meo solum elaborarunt , reliquum corpus imperfectum , ac rude reliquerunt. in quo ego spem fefelli non modo inuidorum , sed etiam inimicorū meorum : qui de uno acer rimo, et fortissimo uiro, meoq; iudicio, omnium magnitudine animi, et constantia præstantissimo , Q. Metello L. F. quondam falsam opinionem acceperunt : quem post reditum diētitant fracto animo , et demisso fuisse . est uero probandum, qui et summa uoluntate cesserit , et egregia animi alacritate abfuerit , neque sane redire curarit; eum ob id ipsum fractum fuisse animo , in quo cum omnes homines, tum M. illum Scaurum, singularem uirum , constantia , & grauitate superasset . sed quod de illo acceperant, aut etiam suspicabantur, de me idem cogitabant , abiectione animo me futurum : cum resp. maiorem etiam mihi animum , quàm unquam habuissem , daret ; quæ iam declarasset , sese non potuisse me uno ciue carere : cumq; Metellum unius tribuni pl. rogatio, me uniuersa resp. duce senatu, comitante Italia,

lia, promulgantibus omnibus, referente consule, comitibus centuriatis, cunctis ordinibus hominibusque incumbētibz, omnibus denique suis viribus recuperasset. neque uero ego mihi postea quidquam assumpsi, neque hodie assumo, quod quenquam malevolentissimum iure possit offendere. tantum enitor, ut neque amicis, neque etiam alienioribus opera, consilio, labore desim. hic mea uita cursus offendit eos fortasse, qui splendorem, et speciem huius uitae intuentur, solitudinem autem, et laborem perspicere non possunt. illud uero non obscure queruntur in meis sententijs, quibus ornem Caesarem, quasi descuerim à pristina causa: ego autem cum illa sequor, quae paulo ante proposui, tum hoc non in postremis, de quo coeperam exponere. non offendes eundem bonorum sensum Lentule, quem reliquisti: qui confirmatus consulatu nostro, nonnunquam postea interruptus, et afflictus ante te consulem, recreatus abste totus est, nunc ab ijs, à quibus tuendus fuerat, derelictus: idque non solum fronte, atque uultu, quibus simulatio facillime sustinetur, ij declarant, qui tum nostro illo statu optimates nominabantur, sed etiam sententia saepe iam, tabellaeque docuerunt. itaque tota iam sapientium ciuium, qualem me esse, et numerari uolo, et sententia, et uoluntas mutata esse debet: id enim iubet idem ille Plato, quem ego auctorem uehementer sequor: TANTVM contendere in rep. quantum probare tuis ciuibz possis: uim neque parenti, neque patriae asferre oportere: atque hanc quidem ille causam sibi ait non attingendae reip. fuisse, quod, cum offendisset populum Atheniensem prope iam desipientem senectute; cumque

In Crimine.
 Βιάζωδ; ἰ; ἴχ
 Δωρ ὅτι μὴ
 ἔτι πῶς, πῶς
 δε ὡς πῶς ἴχ
 Δωρ ὅτι πῶς ἴχ

eum nec persuadendo, nec cogendo regi posse uidisset;
 cum persuaderi posse diffideret, cogi fas esse non arbitra-
 retur. mea ratio fuit alia, quod neque desipiente popu-
 lo, neque integra re mihi ad consulendum capesserem
 ne remp. implicatus tenebar: sed lætatus tamen sum,
 quod mihi liceret in eadem causa et mihi utilia, et cui-
 us bono recta defendere. huc accessit commemoranda
 quædam, & diuina Cæsaris in me, fratremq; meum li-
 beralitas: qui mihi, quasunque res gereret, tuendus
 esset; nunc in tanta felicitate, tantisq; uictorijs, etiam
 si in nos non is esset, qui est, tamen ornandus uideretur,
 sic enim te existimare uelim; cum à uobis meæ salutis
 auctoribus discesserim, neminem esse; cuius officijs me
 tam esse deuinctum nō solum confitear, sed etiam gau-
 deam. quod quoniam tibi exposui; facilia sunt ea, quæ
 à me de Vatiniō, & de Crasso requiris. Nam de Appio
 quod scribis, sicut de Cæsare, te non reprehendere: gau-
 deo tibi consiliū probari meum. De Vatiniō autem,
 primum reditus intercesserat in gratiam per Pompeiū,
 statim ut ille prætor est factus: cum quidem ego eius pe-
 titionem grauissimis in senatu sententijs oppugnassem,
 neque tam illius lædendi causa, quàm defendendi, at-
 que ornandi Catonis: post autem Cæsaris, ut illum de-
 fenderem, mira contentio est consecuta. cur autem lau-
 darim, peto à te, ut id à me ne ue in hoc reo, ne ue in
 alijs requiras; ne tibi ego idem reponam, cum ueneris;
 tametsi possum uel absenti. recordare enim, quibus lau-
 dationem ex ultimis terris miseris: nec hoc pertimueris:
 nam à me ipso laudantur, & laudabuntur iidem, sed
 tamen defendendi Vatinijs fuit etiam ille stimulus, de

quo in iudicio, cum illum defenderem, dixi me facere
quiddam, quod in eunucho parasitus suaderet militi.
Vbi nominabit Phædriam: tu Pamphilam
Continuo: si quando illa dicet, Phædriam in-
tromittamus comesatum: tu, Pamphilam
Cantatum prouocemus: si laudabit hæc
Illius formam: tu huius contra: denique
Par pro pari referto, quod eam mordeat:
sic petiui à iudicibus, ut, quoniam quidam nobiles ho-
mines, & de me optime meriti nimis amarent inimicu
meum, meq; inspectante sæpe cum in senatu modo se-
uere seduceret, modo familiariter, atque hilare amplex-
arentur, quoniamq; illi haberent suum Publium, da-
rent mihi ipsi alium Publium, in quo possem eorum ani-
mos mediocriter laceffitius leuiter repungere. neque so-
lum dixi, sed etiam sæpe facio dijs hominibusq; appro-
bantibus. Habes de Vatiniò: cognosce de Crasso. Ego,
cum mihi cum illo magna iam gratia esset, quòd eius
omnes grauissimas iniurias, communis concordie cau-
sa, uoluntaria quadam obliuione contriueram; repen-
tinam eius defensionem Gabinij, quem proximis super-
rioribus diebus acerrime oppugnasset, tamen, si sine
ulla mea contumelia suscepisset, tulissem: sed cum me
disputantem, non laceffitentem, laceffitisset; exarsi, non
solum præsentì credo iracundia, (nam ea tam uche-
mens fortasse nõ fuisset) sed cum inclusum illud odium
multarum eius in me iniuriarum, quod ego effudisse
me omne arbitrabar, residuum tamen insciente me
fuisse, omne repente apparuit. quo quidem tempore
ipso quidam homines, & ydem illi, quos sæpe nutu,

ex sermo
in locu illu
quando fac
te cura
remordet.

significatione q̄; appello, cum se maximum fructum cepisse dicerent ex libertate mea, meq̄; tū denique sibi esse uisum reip. qualis fuisset, restitutum; cumq̄; ea contentio mihi magnum etiam foris fructum tulisset: gaudere se dicebant, mihi et illum inimicum, & eos, qui in eadem causa essent, nunquam amicos futuros. quorum iniqui sermones cum ad me per homines honestissimos perferrentur; cumq̄; Pompeius ita contendisset, ut nihil unquam magis, ut cum Crasso redirem in gratia; Caesarq̄; per literas maxima se molestia ex illa contentione affectum ostenderet: habui non temporum solum rationem meorum, sed etiam naturæ: Crassusq̄; ut quasi testata populo R. esset nostra gratia, pene a meis laribus in provinciam est profectus: nam cum mihi condixisset, cœnauit apud me in mei generi Crassipedis hortis. quamobrem eius causam, quod te scribis audisse, magna illius commendatione susceptam defendi in senatu, sicut mea fides postulabat. Accepisti, quibus rebus adductus, quamq̄; rem, causamq̄; defenderim, quiq̄; meus in rep. sit pro mea parte capeffenda status. de quo sic uelim statuas; me hac eadem sensurum fuisse, si mihi integra omnia, ac libera fuissent. nam neque pugnandū arbitrarer contra tantas opes; neque delendum, etiam si id fieri posset, summorum ciuium principatum; neque permanendum in una sententia, conuersis rebus, ac bonorum uoluntatibus immutatis; sed temporibus assentiendū. **NON QUAM** enim præstantibus in rep. gubernanda uiris laudata est in una sententia perpetua permanfio. sed ut in nauigando tēpestati obsequi artis est, etiam si portum tenere nō queas; cum uero id possis

mutata uelificatione assequi, stultum est eum tenere cū periculo cursum, quē ceperis, potius, quā eo commutato, quò uelis, tamē peruenire: sic, cum omnibus nobis in administranda rep. propositum esse debeat, id quod à me sæpissime dictū est, cum dignitate otium; NON idem semper dicere, sed idem semper spectare debemus. quāobrem, ut paulo ante posui, si essent omnia mihi solutissima; tamen in rep. non alius essem, atque nunc sum. cum uero in hunc sensum & alliciar beneficijs hominū, & compellar iniurijs; facile patior ea me de rep. sentire, ac dicere, quæ maxime cum mihi, tum etiam reip. rationibus putem conducere. apertius autem hæc ago, ac sæpius, quòd et Q. frater meus legatus est Cæsaris; & nullum meum minimū dictum, non modo factum, pro Cæsare intercessit, quod ille nō ita illustri gratia exceperit, ut ego eum mihi deuinctū putarem. itaque eius omni & gratia, quæ summa est, & opibus, quas intelligis esse maximas, sic fruor, ut meis: nec mihi aliter potuisse uideor hominum perditorum de me consilia frangere, nisi cum præsidijs ijs, quæ semper habui, nunc etiam potentium beneuolentiam cōiunxissem. his ego consilijs, si te præsentem habuissem; ut opinio mea fert, essem usus eisdem: noui enim temperantiam, & moderationem naturæ tuæ: noui animū tum mihi amicissimum, tum nulla in cæteros maleuolētia suffusum, contraq; cum magnum, & excelsum, tum etiam apertum, & simplicem. uidi ego quosdam in te tales, quales tu eosdem in me uidere potuisti. quæ me mouerunt, mouissent eadem te profecto. sed quocunque tempore mihi potestas præsentis tui fuerit, tu eris omnium mo-

derator consiliorum meorum . tibi erit eadem , cui salus
 mea fuit , etiam dignitas cura . me quidem certe tuarū
 actionum , sententiarum , uoluntatum , rerum denique
 omnium socium , comitemq; habebis : neque mihi in
 omni uita res tam erit ulla propofita , quam ut quoti-
 die uehementius te de me optime meritum effe latere .
 Quod rogas , ut mea tibi fcripta mittam , quæ post di-
 fceffum tuum fcripferim : funt orationes quædam , quas
 Menocrito dabo , neque ita multæ , ut pertimescas . fcri-
 pfi etiam , (nam etiam ab orationibus difiungo me fere ,
 referoq; ad manfuetiores mufas , quæ me maxime , fi-
 cut iam à prima adolefcentia , delectant) fcripsi igitur
 Aristotelico more , quemadmodum quidem uolui , tres
 libros in difputatione , ac dialogo de oratore : quos arbi-
 tror Lentulo tuo fore non inutiles : abhorrent enim à
 communibus præceptis , & omnem antiquorum &
 Aristotelicam , et Ifocraticam rationem oratoriam com-
 plectuntur . fcripsi etiam uerfibus tres libros de tempo-
 ribus meis : quos iam pridem ad te miffiffem , fi effe
 edendos putaffem : funt enim testes , & erunt fempi-
 terni meritorum tuorum erga me , meaq; in te pietatis .
 fed quia uerebar , non eos , qui fe læfos arbitrarentur ,
 (etenim id feci parce , & molliter) fed eos , quos erat
 infinitum bene de me meritos omnes nominare , non
 mifi . quos tamen ipfos libros , fi quem , cui recte com-
 mittam , inuenero , curabo ad te perferendos . atque iftā
 quidem partem uitæ , confuetudinisq; noftræ totam ad
 te defero . quantum literis , quantum ftudijs , ueteri-
 bus noftris delectationibus , confequi poterimus , id omne
 ad arbitrium tuum , qui hæc femper amafli , libentiffi-

me conferemus. Quæ ad me de tuis rebus domesticis scribis, quæq; mihi commendas, ea tantæ mihi curæ sunt, ut me nolim admoneri, rogari uero sine magno dolore uix possim. Quod de Q. fratris negotio scribis, te priore æstate, quod morbo impeditus in Ciliciam non transferis, conficere non potuisse, nunc autem omnia facturum, ut conficias: id scito esse eiusmodi, ut frater meus uere existimet, adiuncto isto fundo, patrimonii uere fore suum per te constitutum. Tu me de tuis rebus omnibus, et de Lentuli tui, nostriq; studiis, et exercitationibus uelim quamfamiliariissime certiores, et quamsepiissime facias, existimesq; , neminem cuiquam neque cariorum, neque iucundiorum unquam fuisse, quam te mihi; idq; , me, non modo ut tu sentias, sed ut omnes gentes, etiam ut posteritas omnis intelligat, esse facturum. Appius in sermonibus antea dicitabat, postea dixit etiam in senatu palam, sese, si licitum esset legem curiatam ferre, sortiturum esse cum collega prouinciam: si curiata lex non esset, separaturum cum collega, tibiq; successurum: legem curiatam consuli ferri opus esse, necesse non esse: se, quoniam ex S. C. prouinciam haberet, lege Cornelia imperium habiturum, quoad in urbem introisset. ego, quid ad te tuorum quisque necessariorum scribat, nescio: uarias esse opiniones intelligo. sunt qui putent posse te non decedere, quod sine lege curiata tibi succedatur: sunt etiam qui, si decedas, à te relinqui posse, qui prouinciæ præsit. mihi non tam de iure certum est, (quanquam ne id quidem ualde dubium est) quam illud, ad tuam summam amplitudinem, dignitatem, liberalitatem, qua te scio libentissime

solere frui, pertinere, te sine ulla mora prouinciam successori concedere: praesertim cum sine suspitione tuae cupiditatis non possis illius cupiditatem refutare. ego utrumque puto meum esse; et, quid sentiam, ostendere; et, quod feceris, defendere. Scripta iam epistola superiore, accepi tuas literas de publicanis: quibus aequitatem tuam non potui non probare: facilitate quidem, uellem, consequi potuisses, ne eius ordinis, quem semper ornasti, rem, aut uoluntatem offenderes. equidem non desinam tua decreta defendere: sed nosti consuetudinem hominum. scis, quam grauius inimici illi ipsi Q. Scaeuola fuerint, tibi tamen sum auctor, ut, quibus rebus possis, cum tibi ordinem aut reconcilies, aut mitiges. id etsi difficile est, tamen mihi uidetur esse prudentiae tuae. Vale.

M. CICERO S. D. L. VALERIO
IURISCONSULTO:

Uer enim tibi hoc non gratificer, nescio: praesertim cum his temporibus audacia pro sapientia liceat uti. Lentulo nostro egi per literas tuo nomine gratias diligenter. sed tu uelim desinas iam nostris literis uti, et nos aliquando reuistas, et ibi malis esse, ubi aliquo numero sis, quam istic, ubi solus sapere uideare. quanquam qui istinc nunc ueniunt, partim te superbum esse dicunt, quod nihil respondeas; partim contumeliosum, quod male respondeas. sed iam cupio tecum coram iocari. quare fac, ut quamprimum uenias, neque in Apuliam tuam accedas, ut possimus saluum te uenisse gaudere. nam illò si ueneris, tanquam Ulysses cognosces tuorum neminem. Vale.

18

M. TVLLII CICERONIS
EPISTOLARVM ADCVRIONEM,
ET ALIOS LIBER II.

M. CICERO C. CVRIONI S. P. D.

Q Vanquam me nomine negligentiae su-
spectum tibi esse doleo, tamen non tam
mihi molestum fuit, accusari abs te
officium meum, quam iucundum requi-
ri: praesertim cum, in quo accusabar,
culpa uacarem: in quo autem desiderare te significabas
meas literas, praeter te ferres perspectum mihi quidem, sed
tamen dulcem, et optatum amorem tuum. equidem
neminem praetermisi, quem quidem ad te peruenturum
putarem, cui literas non dederim: etenim quis est tam
in scribendo impiger, quam ego? à te uero bis, ter uel ad
summum, et eas per breues accepi. quare, si iniquus es
in me iudex; condemnabo eodem ego te crimine. sin me
id facere noles; te mihi aequum praebere debebis. sed de li-
teris haec tenus: non enim uereor, ne non scribendo te
expleam: praesertim si in eo genere studium meum non
aspernabere. Ego, te abfuisse tandiu à nobis et doleo,
quod carui fructu iucundissimae consuetudinis tuae; et
laetor, quod absens omnia cum maxima dignitate es
consecutus: quodque in omnibus tuis rebus, meis optatis
fortuna respondet: breue est, quod me tibi praecipere
meus incredibilis in te amor cogit. tanta est expectatio
uel animi, uel ingenij tui; ut ego te obsecrare, obtesta-
rique non dubitem, sic ad nos confirmatus reuertare, ut

et
ali ter
Nancting

quam expectationem tui conchaſti, hanc ſuſtinere, ac
tueri poſſis. & quoniam meam tuorum erga me meri-
torum memoriam nulla unquam delebit obliuio: te
rogo, ut memineris, quantacunque tibi acceſſiones fient
& fortunæ, & dignitatis, eas te non potuiſſe conſe-
qui, niſi meis puer olim fideliffimis, atque amantiſſi-
mis conſilijs paruiffes. quare hoc animo in nos eſſe debe-
bis, ut ætas noſtra iam ingraueſcenti, in amore, atque
in adoleſcentia conquieſcat tua. Vale.

M. CICERO C. CVRIONI S. P. D.

Ravi teſte priuatus ſum amoris ſummi erga
G te mei, patre tuo, clariffimo uiro: qui cum
ſuis laudibus, tum uero te filio ſuperaffet
omnium fortunam, ſi ei contigiffet, ut te ante uide-
ret, quam è uita diſcederet. ſed ſpero noſtram amici-
tiam non egere teſtibus. tibi patrimonium diſi fortu-
nent. me certe habebis, cui carus æque ſis, & periu-
cundus, ac fuiſti patri. Vale.

M. CICERO C. CVRIONI S. P. D.

Vpæ ſtudio non defuit declarandorum mu-
R nerum tuo nomine: ſed nec mihi placuit, nec
cuiquam tuorum, quidquam te abſente fieri,
quod tibi, cum ueniſſes, nō eſſet integrum. meam qui-
dem ſententiam aut ſcribam ad te poſtea pluribus: aut,
ne ad eam meditare, imparatum te offendam; coramq;
contra iſtam tuam rationem, meam dicam: ut aut te in
meam ſententiam adducam; aut certe teſtatum apud
animum tuū relinquam, quid ſenſerim: ut, ſi quando,

quod nolim, displicere tibi tuum consilium coeperit, possis meum recordari. breui tamen sic habeto, in eum statum temporum tuum reditū incidere, ut ijs bonis, quæ tibi natura, studio, fortuna data sunt, facilius omnia, quæ sunt in rep. amplissima, consequi possis, quàm munibus: quorum neque facultatem quisquam admiratur; (est enim copiarum, non uirtutis) neque quisquam est, quin satietate iam defessus sit. sed aliter, atque ostenderam, facio, qui ingrediar ad explicandam rationem sententiæ meæ. quare omnem hanc disputationem in aduentum tuum differo. Summa scito in expectatione te esse, eaq; à te expectari, quæ à summa uirtute, summoq; ingenio expectanda sunt. ad quæ si es, ut debes, paratus, quod ita esse confido; plurimis, maximisq; munibus & nos amicos, & ciues tuos uniuersos, & remp. afficies. illud profecto cognosces, mihi te neque cariorem, neque iucundiores esse quenquam. Vale.

M. CICERO C. CVRIONI S. P. D.

Pistolarum genera multa esse non ignoras, sed unum illud certissimum, cuius causa inuenta res ipsa est, ut certiores faceremus absentes, si quid esset, quod eos scire, aut nostra, aut ipsorum interesset. huius generis literas à me profecto non expectas: domesticarum enim rerum tuarum habes et scriptores, & nuncios: in meis autem rebus nihil est sane noui. reliqua sunt epistolarum genera duo, quæ me magnopere delectant, unum familiare, & iocosum: alterum seuerum, & graue. utro me minus deceat uti, non intelligo, iocor ne tecum per literas & ciuem

mehercule non puto esse, qui temporibus his ridere possit. an grauius aliquid scribam? quid est, quod possit grauius à Cicerone scribi ad Curionem, nisi de rep.? atque in hoc genere hæc mea causa est; ut neque ea, quæ nunc sentio, uelim scribere. quamobrem, quoniam mihi nullum scribendi argumentum relictum est; utar ea clausula, qua soleo; teq; ad studium summæ laudis cohortabor: est enim tibi grauis aduersaria constituta, et parata, incredibilis quædam expectatio: quam tu una re facillime uinces, si hoc statueris, quarum laudum gloriam admiraris, quibus artibus eæ laudes comparantur, in ijs esse elaborandum. in hanc sententiam scriberem plura, nisi te tua sponte satis incitatum esse considerem. & hoc, quicquid attigi, non feci inflammandi tui causa, sed testificandi amoris mei. Vale.

M. CICERO C. CURIONI S. P. D.

Aec negotia quo modo se habeant, ne epistola quidem narrare audeo. tibi, etsi ubicunque es, ut scripsi ad te antea, in eadem es nauis: tamen, quod abes, gratulor: uel quia non uides ea, quæ nos: uel quod excelsa, & illustri loco sita sit laus tua, in plurimorum & sociorum, & ciuium conspectu: quæ ad nos nec obscuro, nec uario sermone, sed et clarissima, & una omnium uoce perfertur. unum illud nescio, gratuler'ne tibi, an timeam, quod mirabilis est expectatio redditus tui: non quo uerear, ne tua uirtus opinionum hominum non respondeat: sed mehercule, ne, cum ueneris, non habeas iam, quod cures: ita sunt omnia debilitata iam prope, & extincta. sed hæc

ipsa nescio recte ne sint literis commissæ. quare cetera cognosces ex alijs. tu tamen, siue habes aliquam spem de rep. siue desperas; ea para, meditare, cogita, quæ esse in eo ciue, ac uiro debent, qui sit temp. afflictam, & oppressam miseris temporibus, ac perditis moribus in uerem libertatem, ac dignitatem uindicaturus. Vale.

M. CICERO C. CVRIONI S. P. D.

Ondum erat auditum, te ad Italiam aduen-
N tare, cum Sex. Iulium, Milonis mei familia-
rem, cū his ad te literis misi: sed tamen, cum
appropinquare tuus aduentus putaretur, & te iam ex
Asia Romam uersus profectum esse constaret; magnitu-
do rei fecit, ut non uereremur, ne nimis cito mittere-
mus, cum has ad te quamprimum perferri literas ma-
gnopere uellemus. Ego, si mea in te essent officia solum
Curio tanta, quanta magis à te ipso prædicari, quàm
à me ponderari solent; uerecundius à te, si qua magna
res mihi petenda esset, contenderem. GRAVE est
enim homini pudenti, petere aliquid magnum ab eo,
de quo se bene meritum putet; ne id, quod petat, exi-
gere magis, quàm rogare, et in mercedis potius, quàm
beneficij loco numerare uideatur. sed quia tua in me
uel nota omnibus, uel ipsa nouitate meorum temporū
clarissima, & maxima extiterunt; EST QUE ani-
mi ingenui, cui multum debeas, eidem plurimum uel-
le debere: non dubitavi id à te per literas petere, quod
mihi omnium esset maximum, maximeq; necessarium.
neque enim sum ueritus, ne sustinere tua in me uel in-
numerabilia beneficia non possem: cum præsertim con-

fiderem, nullam esse gratiam tantam, quam non uel capere animus meus accipiendo, uel remunerando, cumulandoq; illustrare possit. Ego omnia mea studia, omnem operam, curam, industriam, cogitationem, mentem denique omnem in Milonis consulatu fixi, & locavi: statuiq; in eo me non officij solum fructum, sed etiam pietatis laudem debere querere. neque uero cuiquam salutem, ac fortunas suas tantæ curæ fuisse unquam puto, quantæ mihi sit honos eties: in quo omnia mea posita esse decreui. huic te unū tanto adiumento esse, si uolueris, posse intelligo, ut nihil sit præterea nobis requirendum. habemus hæc omnia; bonorū studium conciliatum ex tribunatu, propter nostram, ut spero te intelligere, causam; uulgi, ac multitudinis, propter magnificentiam munerū, liberalitatemq; naturæ; iuuentutis, & gratiosorum in suffragijs, propter ipsius excellentem in eo genere uel gratiam, uel diligentiam; nostram suffragationem, si minus potentem, at probatam tamen, & iustam, & debitam, et propterea fortasse etiam gratiosam. dux nobis, & auctor opus est, & eorum uentorum, quos proposui, moderator quidam, & quasi gubernator. qui si ex omnibus unus optandus esset; quem tecum conferre possemus, non haberemus. quamobrem, si me memorem, si gratum, si bonum uirum uel ex hoc ipso, quod tam uehementer de Milone laborem, existimare potes; si dignum denique tuis beneficijs iudicas: hoc à te peto, ut subuenias huic meæ solitudini, ut huic meæ laudi, uel, ut uerius dicam, prope saluti tuum studium dices. De ipso T. Annio tantum tibi polliceor, te maioris ani-

mī, grauitatis, constantie, beneuolentie erga te, si
 complecti hominem uolueris, habiturum esse neminem.
 mihi uero tantum decoris, tantum dignitatis adiunxe-
 ris, ut eundem te facile agnoscam fuisse in laude mea,
 qui fueris in salute. Ego nī te uidere scirem, cum hac
 ad te scriberem, quantum officij sustinerem, quanto pe-
 re mihi esset in hac petitione Milonis omni non modo
 contentione, sed etiam dimicatione elaborandum; plu-
 ra scriberem. nunc tibi omnem rem, atque causam,
 meq; totum commendo, atque trado. unum hoc sic ha-
 beto; si à te hanc rem impetraro, me pene plus tibi,
 quam ipsi Miloni debiturum: non enim mihi tam mea
 salus cara fuit, in qua præcipue sum ab illo adiutus;
 quam pietas erit in referenda gratia iucunda. eam au-
 tem tuo unius studio me assequi posse confido. Vale.

M. CICERO PROCOS. C. CYRIONI
 TRIB. P. L. S. P. D.

Era gratulatio reprehendi non solet, præser-
 tim si nulla negligentia prætermissa est: lon-
 ge enim absum: audio sero. sed et tibi gratu-
 lor: et, ut sempiterna laudi tibi sit iste tribunatus, ex-
 opto: teq; hortor, ut omnia gubernes, et moderere pru-
 dentia tua; ne te auferant aliorum consilia. nemo est,
 qui sapientius tibi suadere possit te ipso. nunquā labere,
 si te audies. non scribo hoc temere. cui scribam, uideo.
 noui animum, noui consiliū tuum. non uereor, ne quid
 timide, ne quid stulte facias, si ea defendes, quæ ipse re-
 sta esse senties. quod in id reip. tēpus non incideris, sed

ueneris, (iudicio enim tuo, non casu, in ipsum discrimen rerum contulisti tribunatum tuum) profecto uides, quanta uis in rep. temporum sit; quanta uarietas rerum, quam incerti exitus, quam flexibiles hominum uoluntates: quid insidiarum, quid uanitatis in uita, non dubito quin cogites. sed, amabo te, cura, & cogita, nihil noui, sed illud idem, quod initio scripsi. tecum loquere: te adhibe in consilium: te audi: tibi obtempera. alteri, qui melius dare consilium possit, quam tu, non facile inueniri potest: tibi uero ipsi certe nemo melius dabit. dii immortales, cur ego non adsum uel spectator laudum tuarum, uel particeps, uel socius, uel minister consiliorum? tamen si hoc minime tibi deest: sed tamen efficeret magnitudo, & uis amoris mei, consilio te ut possem iuare. scribam ad te plura alias: pau-
cis enim diebus eram missurus domesticos tabellarios: ut, quoniam sane feliciter, & ex mea sententia remp. gessimus, unis literis totius aestatis res gestas ad senatum perscriberem. De sacerdotio tuo quantam curam adhibuerim, quamq; difficultati in re, atque causa, cognoscas ex ijs literis, quas Thrasoni liberto tuo dedi. Te mi Curio pro tua incredibili in me beneuolentia, mea; item in te singulari, rogo, atque oro, ne patiare mihi quidquam ad hanc prouincialem molestiam temporis prorogari. praesens tecum egi, cum te tribunum pl. isto anno fore non putarem: itemq; petui saepius per literas, sed tum quasi a senatore nobilissimo, & adolescente te gratiosissimo, nunc a tribuno pl. & a Curione trib. non ut decernatur aliquid noui, quod solet esse difficultius; sed ut ne quid noui decernatur; & ut S. C. & leges

*Ventura paucis
 me huius luciferi.
 Paucis, si huius
 fauendi diebus.*

cum hoc ad te literarum dedi. tibi cum omnia mea com-
mendatissima esse cupio, tum nihil magis, quam ne
tempus nobis provincie prorogetur. in eo mihi sunt
omnia. quid, quando, et quo modo, & per quos agen-
dum sit, tu optime constitues. Vale.

M. CICERO PRO COS. M. CELIOR VPO,
AEDILI CVR. DES. S. P. D.

Lurimum tibi, ut debeo, gratulor, latoꝝq;
P cum presenti, tum etiam sperata tua digni-
tate, serius, non negligentia mea, sed igno-
ratione rerum omnium: in ijs enim sum locis, quò ex-
propter longinquitatem, & propter latrocinia tardissi-
me omnia perferuntur. & cum gratulor: tum uero,
quibus uerbis tibi gratias agam, non reperio, quòd ita
factum sit, ut dederis nobis, quemadmodum scripseras
ad me, quem semper ridere possemus. itaque cum pri-
mum audiui, ego ille ipse factus sum, (scis quem di-
cam) egiq; omnes illos adolescentes, quos ille iactitabat.
difficile est loqui. Te autem contemplanſ absentem, &
quasi tecum coram loquerer, Non adeo pol quantam egeris
rem, neque quantum facinus feceris. quod quia præter
opinionem mihi acciderat, referebam me ad illud: In-
credibile hoc factu obijcitur. repente uero incesſi omni-
bus lætitijs. in quo cum obiurgarer, quòd nimio gau-
dio pene desiperem, ita me defendebam: Ego uolupta-
tem animi nimiam. quid queris? dum illum rideo, pe-
ne sum factus ille. sed hæc pluribus, multaq; alia &
de te, & ad te, cum primum ero aliquid otij nactus.

Te uero mi Rufe diligo; quem mihi fortuna dedit amplificatorem dignitatis meae, ultorem non modo inimicorum, sed etiam inuidorum meorum; ut eos partim scelerrum suorum, partim etiam ineptiarum poeniteret. Vale.

M. CICERO IMP. M. CELIO RVFO,
AEDILI CVR. DES. S. P. D.

V uide, quam ad me literae non perferantur: non enim adduci possum, ut abs te, posteaquam aedilis factus es, nullas putem datas; praesertim cum esset tanta res, tantae gratulationes: de te, quia, quod sperabam: de illo, (balbus enim sum) quod non putaram: atqui sic habeto, nullam me epistolam accepisse tuam post comitia ista praecleara, quae me letitia extulerunt. ex quo ueretur, ne idem eueniat in meas literas. equidem nunquam domum misi unam epistolam, quin esset ad te altera: nec mihi est te iucundius quidquam, nec carius. sed balbi non sumus. ad rem redeamus. Ut optasti, ita est: uelles enim, ais, tantum modo ut haberem negotij, quod esset ad laureolam satis. Parthos times, quia diffidis copiis nostris. ergo ita accidit: nam Parthico bello nunciato, locorum quibusdam angustius; et natura montium fretus, ad Amanum exercitum adduxi, satis probe ornatum auxilijs, et quadam auctoritate apud eos, qui me non norant, nominis nostri. multum est enim in his locis; Hicne est ille, qui urbem? quem senatus? nosti cetera. cum uenissem ad Amanum, qui mons mihi cum Bibulo communis est, diuisus aquarum diuortijs; Cassius noster, quod mihi magnae uoluptati fuit, feliciter ab

Antiochia hostem reiecerat. Bibulus provinciam acceperat. interea cum meis copiis omnibus uexavi Amanien-
ses hostes sempiternos. multi occisi, capti: reliqui dissi-
pati. castella munita, improuiso aduentu capta, &
incensa. ita uictoria iusta imperator appellatus apud
Issum, quo in loco sæpe, ut ex te audiui, Clitarchus ti-
bi narrauit, Darium ab Alexandro esse superatum,
abduxi exercitum ad infestissimam Ciliciæ partem. ibi
quintum & uigesimum iam diem aggeribus, uineis,
turribus oppugnabam oppidum munitissimum Pinde-
nissum, tantis opibus, tantoq; negotio, ut mihi ad sum-
mam gloriam nihil desit, nisi nomen oppidi. quod si,
ut spero, cepero: tum uero literas publice mittam. Hæc
ad te in præsentis scripsi, ut speres te assequi id, quod
optasses. sed, ut redeam ad Parthos: hæc æstas habuit
hunc exitum satis felicem. ea, quæ sequitur, magno
est in timore. quare mi Ruse uigila, primum ut mihi
succedatur: sin id erit, ut scribis, &, ut ego arbutor,
spissius; illud, quod facile est, ne quid mihi temporis
prorogetur. De rep. ex tuis literis, ut antea tibi scripsi,
cum præsentia, tum etiam futura magis expecto. qua-
re, ut ad me omnia quamdiligentissime perscribas, te
uehementer rogo. Vale.

M. CICERO IMP. M. CELIO,
AEDILI CVR. S. P. D.

Utares ne unquam accidere posse, ut mihi
uerba deessent, neque solum ista uestra ora-
toria, sed hæc etiam leuia nostratia? desunt
autem propter hanc causam, quod mirifice sum solici

tus, quidnam de provincijs decernatur: mirum me desiderium tenet urbis; incredibile meorum; atque in primis tui, satietas autem provinciae; uel quia uidemur eam famam consecuti, ut non tam accessio quaerenda, quam fortuna metuenda sit; uel quia totum negotium non est dignum uiribus nostris, qui maiora in re. onera sustinere & possimus, & soleamus; uel quia belli magni timor impendet: quod uidemur effugere; si ad constitutam diem decedemus. De pantheris per eos, qui uenari solent, agitur mandato meo diligenter: sed mira paucitas est: & eas, quae sunt, ualde aiunt queri, quod nihil cuiquam insidiarum in mea provincia, nisi sibi, fiat. itaque constitui se dicuntur in Cariam ex nostra provincia decedere. sed tamen sedulo fit, et in primis à Patifcho. quidquid erit, tibi erit: sed quid plane esset, nesciebamus. Mihi mehercule magnae curae est aeditas tua. ipsa dies me admonerat: scripsi enim haec ipsis Megalensibus. tu uelim ad me de omni reip. statu quamdiligētissime perscribas: ea enim certissima putabo, quae ex te cognouero. Vale.

M. CICERO IMP. M. CELIO,
AEDILI CVR. S. P. D.

Olicitus equidem eram de rebus urbanis: ita
S tumultuosae conciones, ita molestae quinque-
tribus afferebantur: nam citiora nondum
audiebamus. sed tamen nihil me magis sollicitabat,
quam in his molestijs non me, si qua ridenda essent, ri-
dere tecum: sunt enim multa: sed ea non audeo scribere: illud moleste fero, nihil me adhuc his de rebus habe-

re tuarum literarum. quare, etsi, cum tu hæc leges, ego iam annuum munus confecero: tamen obuia mihi uelim sint literæ tuæ, quæ me erudiant de omni rep. ne hospes plane ueniam. hoc melius, quàm tu, facere nemo potest. Diogenes tuus, homo modestus, à me cum Philone Pessinunte discessit. iter habebant ad Deiotarum regem: quanquam omnia nec benigna, nec copiosa cognorant. Urbem mi Rufe cole, & in ista luce ulue: omnis enim peregrinatio, quod ego ab adolescentia iudicauì, obscura, & sordida est ijs, quorum industria Romæ potest illustris esse. quod cum probe scirem, utinam in sententia permansissem. cum una mehercule ambulatiuncula, atque uno sermone nostro omnes fructus prouinciæ non confero. spero me integritatis laudem consecutum. non erat minor ex contemnenda, quàm ex conseruata prouincia. spes triumphì, inquis? satis gloriose triumpharem, si non essem tandiu quidem in desiderio rerum mihi carissimarum. sed, ut spero, propediem te uidebo. tu mihi obuiam mitte epistolas te dignas. Vale.

M. CICERO IMP. M. CELIO,
AEDILI CVR. S. P. D.

Aras tuas quidem (fortasse enim nō perferuntur) sed suauēs accipio literas: uel quas proxime acceperam, quàm prudentes, quàm multi & officij, & consilij. etsi omnia sic constitueram mihi agenda, ut tu admonebas: tamen confirmantur nostra consilia, cum sentimus prudentibus, fideliterq; suadentibus idem uideri. ego Appium, ut sæpe tecum

locutus sum, valde diligo. nequē ab eo diligi statim coepum esse; ut similitatem deposuimus, sensi: nam & honorificus in me consultus fuit, & suavis amicus, et studiosus studiorum etiam meorum: mea uero officia ei non defuisse, tute testis: quoniam *καὶ οὐκ ἔστιν ὁμοῖος*, ut opinor, accidit Phania. et mehercule etiam pluris eum feci, quod te amari ab eo sensi. iam me Pompeij totum esse scis: Brutum à me amari intelligis. quid est causæ, cur mihi non sit in optatis, complecti hominem florentem ætate, opibus, honoribus, ingenio, liberis, propinquis, affinibus, amicis? collegam meum præsertim, et in ipsa collegij laude, & scientia studiosum mei? hæc eo pluribus scripsi, quod mihi significabant tuæ literæ subdubitare, quæ essent erga illum uoluntate. credo te audisse aliquid: falsum est, mihi crede, si quid audisti. genus institutorum, & rationum mearum dissimilitudinem nonnullam habet cum illius administratione provinciae. ex eo quidam suspicati fortasse sunt, animorum contentione, non opinionum dissensione, me ab eo discrepare. nihil autem feci unquam, neque dixi, quod contra illius existimationem esse uellem. post hoc negotium autem, & temeritatem nostri Dolabellæ, deprecatorem me pro illius periculo præbeo. Erat in eadem epistola ueternus ciuitatis. gaudebam sane, & congelasse nostrum amicum letabar otio. Extrema pagella pupugit me tuo chirographo. quid ais? Casarem nunc defendit Curto? quis hoc putaret præter me? nam, ita uiuam, putaui. Dij immortales, quàm ego risum nostrum desidero? Mihi erat in animo, quoniam iurisdictionem confeceram; ciuitates locupletaram;

publicanis, etiam superioris lustris reliqua sine sociorum
 ulla querela conseruaram, priuatis, summis, infimis
 fueram iucundus; proficisci in Ciliciam nonis Maij,
 Et, cum primum aestiua attigissem, militaremq; rem
 collocassem, decedere ex S. C. Cupio te adilem uidere:
 miroq; desiderio me urbs afficit, Et omnes mei, tuq; in
 primis. Vale.

M. CICERO IMP. M. CELIO,
 AEDILI CVR. S. P. D.

Fabio, uiro optimo, Et homine doctissimo,
 M. familiarissime utor: mirificeq; eum diligo,
 cum propter summum eius ingenium, sum-
 mamq; doctrinam, tum propter singularem mode-
 stiam. eius negotium sic uelim suscipias, ut si esset res
 mea. noui ego uos magnos patronos. hominem occidat
 oportet, qui uestra opera uti uelit. sed in hoc homine
 nullam accipio excusationem. omnia relinques, si me
 amabis, cum tua opera Fabius uti uolet. Ego res Roma-
 nas uehementer expecto, et desidero: in primisq;, quid
 agas, scire cupio: nam iandiu propter hiemis magna-
 tudinem nihil noui ad nos afferebatur. Vale.

M. CICERO IMP. M. CELIO,
 AEDILI CVR. S. P. D.

Non potuit accuratius agi, neque prudentius,
 N quam aetum est à te cum Curione de supplica-
 tione. Et mehercule confecta res est ex mea
 sententia, cum celeritate, tum quòd is, qui erat iratus,
 competitor tuus, Et idem meus, assensus est ei, qui or-

nauit res nostras diuinis laudibus. quare scito me sperare ea, quæ sequuntur: ad quæ tu te para. Dolabelam à te gaudeo primum laudari, deinde etiam amari. nam ea, quæ speras Tullie meæ prudentia temperari posse, scio, cui epistolæ tuæ respondeant. quid, si meam legas, quam ego tum ex tuis literis misi ad Appium? sed quid agas? sic uiuitur. quod actum est, dii approbent. spero fore iucundum generum nobis. multum in eo tua nos humanitas adiuuabit. Resp. me ualde sollicitat. fauro Curioni. Cæsarem honestum esse cupio. pro Pompeio emori possum: sed tamen ipsa rep. nihil mihi est carius. in qua tu non ualde te iactas. distretus enim mihi uideris esse, quod & bonus ciuis, & bonus amicus es. Ego de prouincia decedens quæstorem Celiū præposui prouinciæ. puerum, inquis? at quæstorem, at nobilem adolescentem, at omnium fere exëplo. neque erat superiore honore usus, quem præficerem. Pontinius multo ante discessera. à Q. fratre impetrari non poterat: quem tamen si reliquisset, dicerent iniqui, non me plane post annum, ut senatus uoluisset; ex prouincia decessisse, quoniam alterum me reliquisset. fortasse & illud adderent; senatum eos uoluisset prouincijs præesse, qui antea non præfuerant; fratrem meum triennium Asiæ præfuisse. denique nunc sollicitus non sum: si fratrem reliquisset, omnia timerem. postremo non tam mea sponte, quàm potentissimorum uirorū exemplo; qui omnes Cassios, Antoniosq; complexi sunt. hominem adolescentem non tam allicere uolui, quàm alienare nolui. hoc tu meum consilium laudes necesse est: mutari enim non potest. De Ocella

parum plane ad me scripseras, & in actis non erat. Tuæ res gesta ita notæ sunt, ut trans montem Taurum etiam de Matrinio sit auditum. Ego, nisi quid me Etesia morabuntur, celeriter, ut spero, uos uidebo. Vale.

M. CICERO IMP. M. CELIO,
AEDILI CVR. S. P. D.

Agno dolore me affecissent tuæ literæ, nisi iam
M. & ratio ipsa depulisset omnes molestias, & diuturna desperatione rerum obduruisset animus ad dolorem nouum. sed tamen quare acciderit, ut ex meis superioribus literis id suspicarer, quod scribis, nescio: quid enim fuit in illis præter querelam temporū, quæ non animum meum magis sollicitum haberent, quàm tuum? nam non eam cognoui aciem ingenij tui; quod ipse uideam, te id ut non putem uidere. illud minor, adduci potuisse te, qui me penitus nosse deberes, ut me existimares aut tam improuidum, qui ab excitata fortuna ad inclinatam, et prope iacentem desciscerem; aut tam inconstantem, ut collectam gratiam florentissimi hominis effunderem, à meq; ipse deficerem, et, quod initio, semperq; fugi, ciuili bello interessem. quod est igitur meum triste consilium? ut discederem fortasse in aliquas solitudines: nosti enim non modo stomachi mei, cuius tu similem quondam habebas, sed etiam oculorum in hominum insolentium indignitate fastidium. accedit etiam molesta hæc pompa lictorum meorum, non menq; imperij, quo appellor. eo si onere carere, quamuis paruis Italia latebris contentus essem. sed incurrit

hæc nostra laurus non solum in oculos, sed iam etiam
in uoculas maleuolorum. quod cum ita esset, nihil ta-
men unquam de profectione, nisi uobis approbantibus,
cogitavi, sed mea prædiola tibi nota sunt. in his mihi
necesse est esse, ne amicis molestus sim. quod autem in
maritimis facillime sum, moueo nonnullis suspicionem,
uelle me nauigare. quod tamen fortasse non nollem,
si possem ad otium: nam ad bellum quidem qui con-
uenit? præsertim contra eum, cui spero me satisfac-
cisse; ab eo, cui tamen satisfieri nullo modo potest. de-
inde sententiam meam tu facillime perspicere potuisti
iam ab illo tempore, cum in Cumanum mihi obuiam
uenisti: non enim te celavi. sed non ne tum prouidi-
sti, quam abhorrerem ab urbe relinquenda? quod cum
audissem; non ne tibi affirmavi, quiduis me potius
perpeffurum, quam ex Italia ad bellum ciuile exitu-
rum? quid ergo accidit, cur consilium mutarem? non-
ne omnia potius, ut in sententia permanerem? credas
hoc mihi uelim, quod puto te existimare, ex his miserijs
nihil aliud me querere, nisi ut homines aliquando in-
telligant, me nihil maluisse, quam pacem; ea despe-
rata, nihil tam fugisse, quam arma ciuilia. huius me
constantie, puto fore, ut nunquam pœniteat. etenim
memini in hoc genere gloriari solitum esse familiarem
nostrum Q. Hortensium, quod nunquam bello ciuili in-
terfuisset. hoc nostra laus erit illustrior, quod illi tribue-
batur ignauia, de nobis id existimari posse non arbi-
tror. nec me ista terrent, quæ mihi à te ad timorē fidissi-
me, atque amantissime proponuntur: nulla est enim az-
cerbitas, quæ non omnibus hac orbis terrarū perturba-

tione impendere uideatur. quam quidem ego à rep.
 meis priuatis, et domesticis incommodis libentissime uel
 istis ipsis, quæ tu me mones ut caueam, redemissem. Fi-
 lio meo, quem tibi carum esse gaudeo, si erit ulla resp.
 satis amplum patrimonium relinquam memoriam no-
 minis mei: sin autem nulla erit, nihil accidet ei separa-
 tim à reliquis ciuibus. nam quod rogas, ut respiciam
 generum meum, adolescentem optimum, mihiq; caris-
 simum: an dubitas, cum scias quanti cum illum, tum
 uero Tulliam meam faciam, quin ea me cura uehemen-
 tissime sollicitet? Et eo magis, quod in communibus mi-
 serijs hac tantum oblectabar specula, Dolabellam meum,
 uel potius nostrum fore ab ijs molestijs, quas liberalita-
 te sua contraxerat, liberum. uelim quæras, quos ille
 dies sustinuerit, in urbe dum fuit, quam acerbos sibi,
 quam mihi ipsi socero non honestos. itaque neque ego
 hunc Hispaniensem casum expecto; de quo mihi explo-
 ratum est, ita esse, ut tu scribis: nec quidquam astu-
 te cogito. si quando erit ciuitas: erit profecto nobis lo-
 cus. sin autem non erit: in easdem solitudines tu ipse,
 ut arbitror, uenies, in quibus nos consedissee audies. sed
 ego fortasse uaticinor, Et hæc omnia meliores habebunt
 exitus. recordor enim desperationes eorum, qui senes
 erant adolescente me. eos ego fortasse nunc imitor, Et
 utor ætatis uitio. uelim, ita sit: sed tamen togam præ-
 textam texi Oppio, puto te audisse. nam Curtius noster
 dibaphum cogitat: sed eum infector moratur. hæc aspersi,
 ut scires, me tamen in stomacho solere ridere. De Dola-
 bella quod scripsi, suadeo uideas, tanquam si res tua
 agatur. Extremum illud erit: nos nihil turbulenter,

Specula.

nihil temere faciemus. te tamen oramus, quibuscunque
erimus in terris, ut nos, liberosq; nostros ita tueare, ut
amicitia nostra, & tua fides postulabit. Vale.

M. CICERO IMP. CANINIO SAL.

LVSTIO PRO QVAES. S. P. D.

* opinor,
cal scriptu esse
CAIO, oibus
literis; factu
esse, CANINIO.

Iteras à te mihi stator tuus reddidit Tarsi ad
L XVI. cal. Sext. his ego ordine, ut uideris
uelle, respondebo. De successore meo nihil
audiui: nec quenquam fore arbitror. quin ad diem de-
cedam, nulla causa est, praesertim sublato metu Par-
thico, commoraturum me nusquam sane arbitror. Rho-
dum Ciceronum causa puerorum accessurum puto. ne-
que id tamen certum est. ad urbem uelim quamprimū
uenire: sed tamen iter meū reip. et rerum urbanarum
ratio gubernabit. successor tuus non potest ita matura-
re ullo modo, ut tu me in Asia possis conuenire. De ra-
tionibus referendis, non erat incommodum te nullam
referre: quam tibi scribis à Bibulo fieri potestatem. sed
id uix mihi uideris per legem Iuliā facere posse: quam
Bibulus certa quadam ratione non seruat, tibi magno-
pere seruandam censeo. Quod scribis, Apamea praesi-
diū deduci non oportuisse: uidebam idem ceteros existi-
mare: molesteq; ferebam, de ea re minus commodos ser-
mones malenolorum fuisse. Parthi transierint, nec ne,
praeter te uideo dubitare neminem; itaque omnia praesi-
dia, quae magna, & firma paraueram, commotus ho-
minum non dubio sermone dimisi. Rationes mei quae-
storis nec uerum fuit me tibi mittere; nec tum erant

confecta . eas nos Apameæ deponere cogitabamus . De præda mea præter quæstores urb. idest populum R. ter-
 runcium nec attigit , nec tacturus est quisquam . Lao-
 diceæ me prædes accepturum arbitror omnis pecunie pu-
 blicæ ; ut ~~et~~ mihi , ~~et~~ populo cautum sit sine uelutæ
 periculo . Quod scribis ad me de drachmis CCCCXXX:
 nihil est , quod in isto genere cuiquam possim commo-
 dare : omnis enim pecunia ita tractatur , ut præda à
 præfectis ; quæ autē mihi attributa est , à quæstore cu-
 retur . Quod quæris , quid existimem de legionibus , quæ
 decreta sunt in Syriam : antea dubitabam , uentura ne
 essent ; nunc mihi non est dubium , quin , si antea au-
 ditum erit , otium esse in Syria , uentura non sint . Ma-
 rium quidem successorem tarde uideo esse uenturum ;
 propterea quod senatus ita decreuit , ut cum legionibus
 iret . Vni epistolæ respondi . uenio ad alteram . Petis à
 me , ut Bibulo te quamdiligentissime commendem : in
 quo mihi uoluntas non deest : sed locus uidetur esse te-
 cum expostulandi : solus enim tu ex omnibus , qui cum
 Bibulo sunt , certiores me nunquam fecisti , quàm ual-
 de Bibuli uoluntas à me sine causa abhorreret : permul-
 ti enim ad me detulerunt ; cum magnus Antiochiæ me-
 tus esset , et magna spes in me , atque in exercitu meo ,
 solitum dicere , quiduis se perpeti malle , quàm uideri
 eguisse auxilio meo . quod ego officio quæstorio te addu-
 ctū reticere de prætore tuo non moleste ferebam : quan-
 quam , quemadmodum tractare , audiebam . ille au-
 tem , cum ad Thermū de Parthico bello scriberet , ad me
 literam nunquam misit , ad quem intelligebat eius belli
 periculum pertinere . tantum de auguratu filij sui

scripsit ad me. in quo ego misericordia commotus, & quod semper amicissimus Bibulo fui, dedi operam, ut ei quamhumanissime scriberem. ille si omnibus est maleuolus, quod nunquam existimaui: minus offendor in me. sin à me est alienior: nihil tibi literæ meæ proderunt. nam ad senatum quas Bibulus literas misit, in ijs, quod mihi cum illo erat commune, sibi soli attribuit. se ait curasse, ut cum quæstu populi pecunia permutaretur. quod autem meum erat proprium, ut alarijs transpadanis uti negarem; id etiam populo se remisisse scribit. quod uero illius erat solius, id mecum communicat. equitibus auxiliarijs, inquit, cum amplius frumenti postularem. illud uero pusilli animi, & ipsa maleuolentia ieiuni, atque inanis, quod Ariobarzanes, quem senatus per me regem appellauit, mihiq; commendauit, iste in literis non regem, sed regis Ariobarzaris filium appellat. hoc animo qui sunt, deteriores fiunt rogati. sed tibi morem gessi. literas ad eum scripsi. quas eum acceperis, facies quod uoles. Vale.

M. CICERO IMP. Q. THERMO,
PRO PRAET. S. P. D.

Esicium meum erga Rhodonem, ceteraq; mea studia, quæ tibi, ac tuis præstiti, tibi homini gratissimo grata esse uehementer gaudeo: mihiq; scito in dies maiori curæ esse dignitatem tuam: quæ quidem à te ipso integritate, & clementia tua sic amplificata est, ut nihil addi posse uideatur. sed mihi magis, magisq; quotidie de rationibus tuis cogitanti placet illud meum consilium, quod initio Aristoni nostro,

ut ad me uenit, ostendi; graues te suscepturum inimicitias, si adolescens potens, et nobilis à te ignominia affectus esset. & hercle sine dubio erit ignominia: habes enim neminem honoris gradu. superiorem. ille autem, ut omittam nobilitatem, hoc ipso uincit uiros optimos, hominesq; innocentissimos legatos tuos, quod & quaestor est, & quaestor tuus. nocere tibi iratum neminem posse perspicio: sed tamē tres fratres, summo loco natos, promptos, non indisertos, te nolo habere iratos, praesertim iure, quos uideo deinceps tribunos pl. per triennium fore. tempora autem reip. qualia futura sint, quis scit? mihi quidem turbulenta uidentur fore. cur ego te uelim incidere in terrores tribunicios? praesertim cum sine cuiusquam reprehensione legatis quaestorem possis anteferre, qui si dignū se maioribus suis praebuerit, ut spero, & opto; tua laus ex aliqua parte fuerit. sin quid offenderit; sibi totum, nihil tibi offenderit. Quae mihi ueniebant in mentem, quae ad te pertinere arbitrabar; quod in Ciliciam proficiscebam, existimaui me ad te oportere scribere. tu quod egeris, id uelim dii approbent. sed, si me audies; uitabis inimicitias, et posteritatis otio consules. Vale.

M. CICERO IMP. C. CELIO L. F.

QVAES. DES. S. P. D.

Um optatissimum nuncium accepiſſem, te mihi quaestorem obtigisse, eo iucundiorē mihi eam sortem sperabam fore, quo diutius in prouincia mecum fuisses. magni enim uidebatur interesse, ad eam necessitudinem, quam nobis fors tribuisset,

buisset, consuetudinem quoque accedere. postea quàm
 mihi nihil neque à te ipso, neque ab ullo alio de aduen-
 tu tuo scriberetur; uerebar, ne id ita caderet, quod
 etiam nunc uereor, ne ante, quàm tu in prouinciam
 uenisses, ego de prouincia decederem: accepi autem à
 te missas literas in Cilicia, cum essem in castris, ad X.
 cal. Quint. scriptas humanissime: quibus facile & of-
 ficiū, & ingenium tuum perspicere posset: sed neque
 unde, neque quo die datæ essent, aut quo tempore te
 expectarem, significabant: nec is, qui attulerat, à te
 acceperat; ut ex eo scirem, quo ex loco, aut quo tem-
 pore essent datæ. quæ cum essent incerta, existimaui ta-
 men esse faciundum, ut ad te statores meos, & lieto-
 res cum literis mitterem: quas si satis opportuno tem-
 pore acceperis, gratissimum mihi feceris, si ad me in Ci-
 liciam quamprimum ueneris. nam quod ad me Curius,
 consobrinus tuus, mihi, ut scis, maxime necessarius,
 quod item C. Virginius, propinquus tuus, familiarissi-
 mus noster, de te accuratissime scripsit: ualet id quidem
 apud me multum, sicuti debet hominum amicissimo-
 rum diligens commendatio: sed tuæ literæ, de tua
 præsertim dignitate, & de nostra coniunctione, maxi-
 mi sunt apud me ponderis. mihi quæstor optatior obtin-
 gere nemo potuit. quamobrem quæcunque à me orna-
 menta in te proficiſcentur; ut omnes intelligant, à me
 habitam esse rationem tuæ, maiorumq; tuorum dignita-
 tis. sed id iam facilius consequar, si ad me in Ciliciam
 ueneris. quod ego & mea, & reip. & maxime tua
 interesse arbitror. Vale.

AD C. P. PULCHRO
M. TULLII CICERONIS
EPISTOLARVM AD APPIVM
LIBER III.

M. CICERO APPIO PVLCHRO
I M P. S. P. D.

I ipsa resp. tibi narrare posset, quo modo sese haberet: non facilius ex ea cognoscere posses, quam ex liberto tuo Phania: ita est homo non modo prudens, uerum etiam, quod uidi, curiosus. quapropter ille tibi omnia explanabit: id enim mihi et ad breuitatem est aptius, et ad reliquas res providentius. De mea autem beneuolentia erga te etsi potes ex eodem Phania cognoscere, tamen uidentur etiam aliqua mea partes: sic enim tibi persuade, carissimum te mihi esse cum propter multas suauitates ingenij, officij, humanitatis tuæ, tum quod ex literis tuis, et ex multorum sermonibus intelligo, omnia, quæ à me profecta sunt in te, tibi accidisse gratissima. quod cum ita sit, perficiam profecto, ut longi temporis usuram, qua caruimus intermissa nostra consuetudine, et gratia, crebritate, et magnitudine officiorum meorum sarciam, idque me, quoniam tu ita uis, puto non inuita Minerva esse facturum: quam quidem ego si forte de tuis sumptero, non solum Pallada, sed etiam Appiada nominabo. Cilix libertus tuus antea mihi minus fuit notus: sed ut mihi reddidit à te literas plenas et amoris, et officij, mirifice ipse suo sermone subsecutus est humanitatē

literarum tuarum . iucunda mihi eius oratio fuit , cum
 de animo tuo , cum de sermonibus , quos de me haberes ,
 quotidie mihi narraret . quid queris ? biduo factus est
 mihi familiaris , ita tamen , ut Phanium ualde sim desi-
 deraturus . quem cum Romam remittes , quod , ut pu-
 tabamus , celeriter eras factururus ; omnibus ei de rebus ,
 quas agi , quas curari à me uoles , mandata des uelim .
 L. Valerium iuriscòsultum ualde tibi commendo , sed
 ita etiam , se non est iuriscòsultus : melius enim ei ca-
 uere uolo , quàm ipse alijs solet . ualde hominem dili-
 go : est ex meis domesticis , atque intimis familiaribus .
 omnino tibi agit gratias : sed idem scribit , meas literas
 maximum apud te pondus habituras . id eum ne fallat ,
 te etiam atque etiam rogo . Vale .

M. CICERO PRO COS. APPIO
 PVLCHRO IMP. S. P. D.

Ubi contra uoluntatem meam , & prater
 opinionem accidisset , ut mihi cum imperio in
 prouinciam proficisci necesse esset : in multis ,
 & uarijs molestijs , cogitationibusq; meis hac una con-
 solatio occurrebat , quòd neque tibi amicior , quàm ego
 sum , quisquā posset succedere ; neque ego ab ullo pro-
 uinciam accipere , qui mallet eam mihi quammaxime
 aptā , explicatamq; tradere . quòd si tu quoque eandem
 de mea uoluntate erga te spem habes : ea te profecto nū-
 quā fallat . à te maximopere pro nostra summa còiun-
 ctione , tuāq; singulari humanitate etiam atque etiam
 peto , et que ego , ut , quibuscūque rebus potes , (potes autē

plurimis) prospicias, et consulas rationibus meis. uides ex S. C. prouinciam esse habendam. si eam, quoad eius facere potueris, quam expeditissimam mihi tradideris: facilius erit mihi quasi decursus mei temporis: quid in eo genere efficere possis, tui consilij est. ego te, quod tibi ueniet in mentem mea interesse, ualde rogo. pluribus uerbis ad te scriberem, si aut tua humanitas longior rem orationem expectaret; aut id fieri nostra amicitia pateretur; aut res uerba desideraret, ac non pro se ipsa loqueretur. hoc uelim tibi persuadeas; si rationibus meis à te prouisum esse intellexero, magnam te ex eo, & perpetuam uoluptatem esse capturum. Vale.

M. CICERO PRO COS. APPIO
PVLCHRO IMP. S. P. D.

D X I. cal. Iun. Brundisium cum uenisset, Q. Fabius legatus tuus mihi praestofuit, eaq; me ex tuis mandatis monuit, quae non modo mihi, ad quem pertinebant, sed uniuerso senatui uenerant in mentem, praesidio firmiori opus esse ad istam prouinciam. censebant enim omnes fere, ut in Italia supplementum meis, et Bibuli legionibus scriberetur. id cum Sulpicius consul passurum se negaret: multa nos quidem questi sumus: sed tantus consensus senatus fuit, ut mature proficisceremur, parendum ut fuerit: itaq; fecimus. Nunc, quod à te petij literis ijs, quas Romae tabellarijs tuis dedi, uelim tibi curae sit, ut, quae successorì coniunctissimo, & amicissimo comodare potest is, qui prouinciam tradit, ea pro nostra constantissima uoluntate erga te, cura, ac diligentia tua com-

plectare : ut omnes intelligant , nec me beneuolentiori
 cuiquam succedere , nec te amiciori potuisse provinciam
 tradere . Ex ijs literis , quarum exemplum ad me mis-
 isti , quas in senatu recitari uoluisti , sic intellexerā , per-
 multos à te milites esse dimissos : sed mihi Fabius idem
 demonstrauit id te cogitasse facere ; sed cum ipse à te di-
 scederet , integrum militū numerum fuisse . id si ita est ;
 pergratum mihi feceris , si istas exiguas copias , quas ha-
 buisti , quamminimū imminueris . quæ de re S . C .
 quæ facta sunt , ad te missa esse arbitror . equidem pro
 eo , quanti te facio , quidquid feceris , approbabo : sed te
 quoque confido ea esse facturum , quæ mihi intelliges
 maxime esse accommodata . Ego C . Pontinium legatum
 meū Brundusij expectabam : eumq̃ ante cal . Iun . Brun-
 dusium uenturū arbitror . qui cum uenerit , quæ primū
 nauigandi nobis facultas data erit , ea utemur . Vale .

M . CICERO PRO COS . APPIO
 PVLCHRO IMP . S . P . D .

Ridie Non . Iun . cum essem Brundusij , literas
 P tuas accepi : quibus erat scriptum , te L . Clo-
 dio mandasse , quæ illum mecum loqui uelles .
 eum sane expectabam , ut ea , quæ à te afferret , quam-
 primum cognoscerem . Meum studium erga te , et offi-
 cium tametsi multis iam rebus spero tibi esse cognitum ,
 tamen in ijs maxime declarabo , quibus plurimum signi-
 ficare potuero , tuam mihi existimationem , et dignitatē
 carissimam esse . mihi & Q . Fabius Virgilianus , & C .
 Flaccus L . F . & diligentissime M . Octavius Cn . F . de-
 monstrauit , me à te plurimi fieri : quod egomet multis

argumentis iam antea iudicaram, maximeq; illo libro augurali, quem ad me amantissime scriptum suauissimum misisti. mea in te omnia summæ necessitudinis officia constabunt. nam cum te ipsum, ex quo tempore tu me diligere cœpisti, quotidie pluris feci: tum accesserunt etiam coniunctiones necessariorum tuorum: duos enim duarum ætatum plurimi facio, Cn. Pompeium filię tuæ socerum, & M. Brutum generum tuum. collegij quoque coniunctio, præsertim tam honorifice à te approbata, non mediocre uinculum mihi quidem attulisse uidetur ad uoluntates nostras copulandas. sed si Clodium conuenero; ex illius sermone ad te scribam plura; & ipse operam dabo, ut te quamprimum uideam. Quod scribis, manendi tibi causam eam fuisse, ut me conuenires: id mihi, ne mentiar, gratum est. Vale.

M. CICERO PRO COS. APPIO
PVLCHRO IMP. S. P. D.

Ralles ueni ad VI. cal. Sext. ibi mihi præsto
T fuit L. Lucilius cum literis, mandatisq; tuis:
quo quidem homine neminē potuisti nec mihi
amiciozem, nec, ut arbitror, ad ea cognoscenda, quæ scire uolebam, aptiorem, prudentiorem uel mittere. ego autem & tuas literas legi libenter, et audiui Lucilium diligenter. nunc, quoniam et tu ita sentis; (scribis enim, quæ de nostris officiis ego ad te scripserim, etsi ea iucunda fuerunt, tamen, quoniam ex alto repetita sint, non necessaria te putasse) & re uera, confirmata amicitia, & perspecta fide, commemoratio officiorum superua-

canea est : eam partem orationis partermittam. tibi tamē agam , ut debeo , gratias : animaduerti enim , & didici ex tuis literis , te omnibus in rebus habuisse rationem , ut mihi consuleres , restitueresq; , & pręparares quodam modo omnia , quo mea ratio facilior & solutior esse posset . hoc tuum officium cum mihi gratissimū esse dicam : sequitur illud , ut te existimare uelim , mihi magnę curę fore , atque esse iam , primum ut ipse tu , tuiq; omnes , deinde etiam ut reliqui scire possint , me tibi esse amicissimum . quod quibus adhuc non satis est perspectum , ij mihi nolle magis hoc animo nos esse , quā non intelligere uidentur . sed profecto intelligent : neque enim obscuris personis , nec paruis in causis res agetur . sed hoc fieri melius , quā dici , aut scribi , uolo . Quod itinerum meorum ratio te non nullam in dubitationem uidetur adducere , uisurus ne me sis in prouincia : ea res sic habet . Brundusij cum loquerer cum Phania liberto tuo , ueni in eum sermonem , ut dicerem , melibenter ad eam partem prouincię primum esse uenturum , quō te maxime uelle arbitrarer . tunc mihi ille dixit , classe te uelle decedere : perfore accommodatum tibi , si ad Sidam , maritimam partem prouincię , nauibus accessissem . dixi me esse facturum : itaq; fecissem , nisi mihi L. Clodius noster Corcyrę dixisset , minime id esse faciendum ; te Laodiceę fore ad meum aduentum . erat id mihi multo breuius , multoq; cōmodius , cum pręsertim te ita malle arbitrarer . tua ratio postea est cōmutata . nunc , quid fieri possit , tu facillime statues . ego tibi meum consiliū exponam . Prid. cal. Sext. puto me Laodiceę fore : ubi perpaucos dies , dum pecunia accipitur ,

quæ mihi ex publica permutatione debetur, commorabor. deinde iter faciam ad exercitū: ut circiter Id. Sext. putem me ad Iconium fore. sed si quid nunc me fallit in scribendo, (procul enim aberam ab re ipsa, & locis) simul ac progredi cœpero, quàm celerrimis potero, & quàm creberrimis literis faciam, ut tibi nota sit omnis ratio dierum, atque itinerum meorum. oneris tibi imponere nec audeo quidquam, nec debeo: sed, quod tuo commodo fieri possit, utriusque nostrum magni interest, prius ut te conueniam, quàm decedas. quam facultatem si quis casus eripuerit: mea tamen in te omnia officia constabunt, non secus, ac si te uidissem. tibi de nostris rebus nihil sum ante mandaturus per literas, quàm desperaro coram me tecum agere posse. Quod te à Scæuola petiisse dicis, ut, dum tu abesses ante aduentum meum, provinciæ præesset: eum ego Ephesi uidi, fuitq; mecū familiariter triduum illud, quod ego Ephesi cōmoratus sum: nec ex eo quidquam audiui, quod sibi à te mandatum diceret. sane uellem potuisset obsequi uoluntati tuæ: non enim arbitror noluisse. Vale.

M. CICERO PROCOS. APPIO
PVLCHRO IMP. S. P. D.

Um meum factum cum tuo comparo; etsi
C non magis mihi faueo in nostra amicitia tuenda, quàm tibi, tamen multo magis meo facto delector, quàm tuo. ego enim Brundusij quasiui ex Phania, cuius mihi uidebar & fidelitatem erga te perspexisse, & nosse locum, quem apud te is teneret, quam in partem provinciæ maxime putaret te uelle ut.

in succedendo primum uenirem . cum ille mihi respondisset, nihil me tibi gratius facere posse, quàm si ad Sidũ nauigassem : etsi minus dignitatis habebat ille aduentus, et ad multas res mihi minus erat aptus ; tamen me ita dixi esse facturum . idem ego cum L. Clodium Corcyrae conuenissem, hominem ita tibi coniunctũ, ut mihi, cum illo quum loquerer , tecum loqui uiderer : dixi ei me ita facturum esse, ut in eam partem, quam Phania rogasset, primum uenirem . tunc mihi ille cum gratias egisset, magnopere à me petiuit, ut Laodiceam protinus irem : te in prima provincia uelle esse , ut quamprimum decederes : quin , nisi ego successor essem , quem tu cuperes uidere, te antea, quàm tibi successum esset, decessurum fuisse . quod quidem erat consentaneum cum ijs literis, quas ego Romæ acceperam : ex quibus perspexissem mihi uidebar, quàm festinares decedere . respondi Clodio, me ita esse facturum, ac multo quidem libentius , quàm si illud esset faciendũ, quod promiseram Phaniæ . itaque & consilium mutauĩ ; et ad te statim mea manu scriptas literas misi : quas quidem ex tuis literis intellexi satis mature ad te esse perlatas . hoc ego meo facto ualde delector : nihil enim potuit fieri amantius . considera nunc uicissim tuum . Non modo ibi non fuisti ; ubi me quamprimum uidere posses : sed eò discessisti, quò ego te ne persequi quidem possem triginta diebus, qui tibi ad decedendum lege, ut opinor , Cornelia constituti essent : ut tuum factum illis, qui , quo animo inter nos simus , ignorant, alieni hominis, ut leuissime dicam , et fugientis congressum , meum uero cõiunctissimi et amicissimi esse uideatur . ac mihi tamen ante , quàm in prouinciã

uenirem, redditæ sunt à te literæ: quibus etsi te Tarsum proficisci demonstrabas, tamen mihi non dubiam spem mei cõueniendi afferebas: cum interea, credo equidem, maleuoli homines, (late enim patet hoc uitium, et est in multis) sed tamen probabilem materiem naçti sermonis, ignari meæ constantiæ, conabantur alienare à te uoluntatem meâ: qui te forum Tarsi agere, statuere multa, decernere, iudicare dicerent; cum posses iam suspicari, tibi esse successum: quæ ne ab ijs quidem fieri solerent, qui breui tempore sibi successum iri putarent. horum ego sermone non mouebar: quin etiam (credas mihi uelim) si quid tu ageres, leuari me putabam molestia: & ex annua prouincia, quæ mihi longa uidebatur, prope iam undecim mensium prouinciam factâ esse gaudebam, si absenti mihi unius mensis labor detractus esset. illud, uere dicam, me mouet, in tanta militũ paucitate abesse tres cohortes, quæ sint plenissimæ, nec me scire ubi sint. molestissime autem fero, quòd, te ubi uisurus sim, nescio: eoq; ad te tardius scripsi, quòd quotidie te ipsum expectabam: cum interea ne literas quidem ullas accepi, quæ me docerent, quid ageres, aut ubi te uisurus essem. itaque uirum fortem, mihiq; in primis probatum, Antonium, præfectum euocatorum, misi ad te, cui, si tibi uideretur, cohortes traderes: ut, dum tempus anni esset idoneum, aliquid negotij gerere possem. in quo tuo consilio ut me sperarem esse usurum, & amicitia nostra, & literæ tuæ fecerant: quod ego ne nunc quidem despero. sed plane, quando, aut ubi te uisurus sim, nisi ad me scripseris, ne suspicari quidem possum. ego, ut me tibi amicissimum esse et æqui

Et iniqui intelligant, curabo. de tuo in me animo iniquis secus existimandi uideris non nihil loci dedisse. id si correxeris, mihi ualde gratum erit. et ut habere rationem possis, quo loco me; salua lege Cornelia, conuenias: ego in prouinciam ueni prid. cal. Sext. iter in Ciliciam facio per Cappadociam. castra moui ab Iconio Prid. cal. Sept. nunc tu et ex diebus, et ex ratione itineris, si putabis me esse conueniendum, constitues, quo loco id commodissime fieri possit; et quo die. Vale.

M. CICERO PRO COS. S. D.

APPIO PVLCHRO.

Luribus uerbis ad te scribam, cum plus otij
 P naetus ero. hæc scripsi subito, cum Bruti pueri Laodiceæ me conuenissent, et se Romam properare dixissent. itaque nullas ijs, præterquam ad te, et ad Brutum, dedi literas. Legati Appiani mihi uolumen à te plenum querelæ iniquissimæ reddiderunt, quod eorū ædificationem literis meis impedissem. eadem epistola petebas, ut eos quamprimū, ne in hiemem inciderent, ad facultatem ædificandi liberarem: et simul peracute querebare, quod eos tributa exigere uetarem prius, quàm ego re cognita permissem: genus enim quoddam fuisse impediendi, cum ego cognoscere non possem, nisi cum ad hiemem me ex Cilicia recepissem. ad omnia accipe: et cognosce æquitatē expostulationis tuæ. Primum cum ad me aditum esset ab ijs, qui dicerent à se intolerabilia tributa exigī; quid habuit iniquitatis, me scribere, ne facerent ante, quàm ego rem, causamq;

cognoscerem? non poteram, credo, ante hiemem: sic enim scribis. quasi uero ad cognoscendum ego ad illos, non illi ad me uenire debuerint. tam longe, inquis? quid? cum dabas ijs literas, per quas mecum agebas, ne eos impedirem, quominus ante hiemem edificarent; non eos ad me uenturos arbitrare? tametsi id quidem fecerunt ridicule: quas enim literas afferebant, ut opus aestate facere possent; eas mihi post brumam reddiderunt. sed scito, & multo plures esse, qui de tributis recusent, quàm qui exigi uelint; & me tamen, quod te uelle existimem, esse facturum. De Appianis hætenus. A' Pausania, Lentuli liberto, accenso meo, audiui, cum diceret, te secum esse questum, quod tibi obuiam non prodisssem. scilicet contempsisti te: nec potest fieri me quidquam superbius. cum puer tuus ad me secunda fere uigilia uenisset; isq; te ante lucem Iconium mihi uenturum nunciasset; incertumq;, utra uia, cum essent duæ: altera Varronem, tuum familiarissimum; altera Q. Leptam, præfectum fabrum meum, tibi obuiam misi: mandauit utrique eorum, ut ante ad me excurrerent, ut tibi obuiam prodire possem. currens Lepta uenit; mihiq; nūciauit, te iam castra prætergressum esse. confestim Iconium ueni. cætera iam tibi nota sunt. an ego tibi obuiam non prodirem? primum Appio Claudio? deinde imperatori? deinde more maiorum? deinde, quod caput est, amico? præsertim cum in isto genere multo etiam ambitiosius facere soleam, quàm honos meus & dignitas postulet. sed hæc hætenus. illud idem Pausania dicebat te dixisse: Quid? Appius Lentulo, Lentulus Appio processit obuiam, Ci-

cero Appio noluit? Quæso, etiam ne tu has ineptias, homo, mea sententia, summa prudentia, multa etiam doctrina, plurimorum usu, addo urbanitatem, quæ est uirtus, ut Stoici rectissime putant, ullam Appietatem, aut Lentulitatem ualere apud me plus, quam ornamenta uirtutis, existimas? cum ea consecutus nondum eram, quæ sunt hominum opinionibus amplissima; tamen ista uestra nomina nunquam sum admiratus; uiros eos, qui ea uobis reliquissent, magnos arbitrabar. postea uero quàm ita et accepi, et gessi maxima imperia, ut mihi nihil neque ad honorem, neque ad gloriam acquirendum putarem; superiorem quidem nunquam, sed parem uobis me speraui esse factum. nec mehercule aliter uidi existimare uel Cn. Pompeium, quem omnibus, qui unquam fuerunt; uel P. Lentulum, quem mihi ipsi antepono. tu si aliter existimas, nihil errabis, si paulo diligentius, (ut, quid sit ἐφοχὺ, quid sit ἐὺ γένηται, intelligas) Athenodorus Sandonis filius quid de his rebus dicat, attenderis. sed ut ad rem redeam, me tibi non amicum modo, uerum etiam amicissimum existimes uelim. profecto omnibus meis officiis efficiam, ut, ita esse, uere possis iudicare. tu autem si id agis, ut minus mea causa, dum ego absum, debere uidearis, quàm ego tua laborarim: libero te ista cura. παρ' ἐμοί γε καὶ ἄλλοι, οἱ κ' ἐμὲ πηνίσουσι, μάλιστα δὲ μὴ τέτατος. si autem natura es φιλαίποιος: illud non perficies, quo minus tua causa uelim: hoc assequere, ut, quam in partem accipias, minus laborem: Hæc ad te scripsi liberius, fretus conscientia officij mei, beneuolentiæq; quam a me certo

EPISTOLIB. III.
iudicio susceptam, quoad tu uoles, conseruabo. Vale.

M. CICERO PRO COS. S. D.

APPIO PVLCHRO.

Tui, quantum ex literis tuis intelligere pos-
E tui, uidebam te hanc epistolam, cum ad urbē
 esses, esse lecturum, refrigerato iam leuissi-
mo sermone hominum provincialium: tamen, cum tu
tam multis uerbis ad me de improborum oratione scri-
psisses, faciendum mihi putauī, ut tuis literis breuī
responderem. Sed prima duo capita epistolæ tuæ tacita
mihi quodam modo relinquenda sunt: nihil enim ha-
bent, quod aut definitum sit, aut certum; nisi, me
uultu, et taciturnitate significasse, tibi non esse amicū;
idq; pro tribunali, cum aliquid ageretur, et non nullis
in conuiujs intelligi potuisse: hoc totum nihil esse, pos-
sum intelligere: sed cum sit nihil, ne quid dicatur qui-
dem intelligo: illud quidem scio, meos multos, & illu-
stres & ex superiore, & ex æquo loco sermones habitos
cum tua summa laude, & cum magna significatione
nostræ familiaritatis, ad te uere potuisse deferri. Nam
quod ad legatos attinet: quid à me fieri potuit aut ele-
gantius, aut iustius, quā ut sumptus egentissima-
rum ciuitatum minuerem sine ulla imminutione di-
gnitatis tuæ, præsertim ipsis ciuitatibus postulanti-
bus? nam mihi totum genus legationum tuo nomine profici-
scentium notum non erat. Apameæ cum essem, multa-
rum ciuitatum principes ad me detulerunt, sumptus
decerni legatis nimis magnos, cum soluendo ciuitates

non essent, hic ego multa simul cogitavi. primum; te, hominem non solum sapientem, uerum etiam, ut nunc loquimur, urbanum, non arbitrabar genere isto legationum delectari. idq; me arbitror Synnadis pro tribus nali multis uerbis disputauisse: primum, Appium Claudium senatui, populoq; R. non Myndensium testimonio (de ea enim ciuitate mentio facta est) sed sua sponte esse laudatum: deinde me ista uidisse multis accidere, ut eorum causa legationes Romam uenirent; sed his legationibus non meminisse ullum tempus laudandi, aut locum dari: studia mihi eorum placere, quod in te bene merito grati essent; consilium totum uideri minime necessarium: si autem uellent declarare in eo officium suum; laudaturum me, si quis suo sumptu functus esset officio; concessurum, si legitimo; non permissurum, si infinito. quid enim reprehendi potest? nisi quod addis, uisum esse quibusdam, edictum meum quasi consulto ad istas legationes impediendas esse accommodatum, iam non tam mihi uidentur iniuriam facere ij, qui hæc disputant, quàm si cuius aures ad hanc disputationem patent. Romæ composui, edictum. nihil addidi, nisi quod publicani me rogarunt, cum samum ad me uenissent, ut de tuo edicto totidem uerbis transferrem in meum. diligentissime scriptum caput est, quod pertinet ad minuendos sumptus ciuitatum: quo in capite sunt quedam noua, salutaria ciuitatibus, quibus ego magnopere delector. hoc uero, ex quo suspicio nata est, me exquisiuisse aliquid, in quo te offenderem, tralatitium est, neque enim eram tam desipiens, ut priuata rei causa legari

putarem, qui & tibi non priuato, & pro re non priuata sua, sed publica; non in priuato, sed in publico orbis terræ consilio, id est in senatu ut gratias agerent, mittebantur. neque cum edixi, ne quis iniussu meo proficisceretur, exclusi eos, qui me in castra, & qui trans Taurum persequi non possent. nam id est maxime in tuis literis ridendum. quid enim erat, quod me persequerentur in castra, Taurum uel transirent; cum ego Laodicea usque ad Iconium iter ita fecerim, ut me omnium illarum dioecesium, quæ cis Taurum sunt, omniumque earum ciuitatum magistratus, legationesque conuenirent? nisi forte postea coeperunt legare, quam ego Taurum transgressus sum. quod certe non ita est. cum enim Laodicea, cum Apamea, cum Synnadis, cum Philomeli, cum Iconij essem; quibus in oppidis omnibus commoratus sum: omnes iam istius generis legationes erant constitutæ. atque hoc tamen te scire uolo, me de isto sumptu legationum aut minuendo, aut remittendo decreuisse nihil, nisi quod principes ciuitatû à me postulassent, ne in uenditionem tributorum, & illam acerbissimam exactionem, quam tu non ignoras, capitum, atque hostiorum inducerentur sumptus mihi me necessarij. ego autem, cum hoc suscepissem, non solum iustitia, sed etiam misericordia adductus, ut leuarem miseris perditas ciuitates, & perditas maxime per magistratus suos; non potui in illo sumptu non necessario negligens esse. tu, cum istiusmodi sermones ad te delati de me sunt, non debuisti credere. sin autem eo genere delectaris, ut, quæ tibi in mentem ueniant, alijs attribuas: genus sermonis inducis in amicitiam mini-

me liberale . ego , si in prouincia de tua fama detrahere unquam cogitasset , non ad generum tuum Lentulum , neque ad libertum tuum Brundusij , neque ad præfectum fabrum Corcyrae , quem in locum me uenire uelles , retulisset . quare potes , doctissimis hominibus auctoribus , quorum sunt de amicitia gerenda præclarissime scripti libri , genus hoc totum orationis tollere : Disputabant ; ego contra differebam : Dicebant ; ego negabam . an mihi de te nihil esse dictum unquam putas ? ne hoc quidem , quod , cum me Laodiceam uenire uoluisses , Taurum ipse transisti ? quod iisdem diebus meus conuentus erat Apameæ , Synnadis , Philomeli , tuus Tarsi ? non dicam plura ; ne , in quo te obiurgem , id ipsum uidear imitari . illud dicam , ut sentio : si ista , quæ alios loqui dicis , ipse sentis ; tua summa culpa est : si alij tecum hæc loquuntur ; tua tamen , quod audis , culpa non nulla est . mea ratio in tota amicitia nostra constans & grauis reperietur . quod si quis me astutiorum fingit : quid potest esse callidius , quam , cum te absentem semper defenderim , cum præsertim mihi usu uenturum non arbitrarer , ut ego quoque absens à te defendendus essem ; nunc committere , ut tu iure optimo me absentem deserere posses ? unum genus excipio sermonis , in quo persæpe aliquid dicitur , quod te putem nolle dici : si aut legatorum tuorum cuipiam , aut præfectorum , aut tribunorum mil. male dicitur : quod tamen ipsum non mehercule adhuc accidit me audiente , ut aut grauius diceretur , aut in plures , quam mecum Corcyrae Clodius est locutus ; cum in eo genere maxime quereretur te aliorum improbitate minus felicem fuisse.

hos ego sermones, quod & multi sunt, & tuam existi-
 mationem, ut ego sentio, non offendunt, laceſſiunt
 nunquam, sed non ualde repressi. si quis est, qui ne-
 minem bona fide in gratiam putet redire posse: non no-
 stram is perfidiam coarguit, sed indicat suam: simulq;
 non de me is peius, quam de te existimat. sin autem
 quem mea instituta in provincia non delectant; et qua-
 dam dissimilitudine institutorum meorum ac tuorum
 lœdi se putat, cum uterque nostrum recte fecerit, sed
 non idem uterque secutus sit: hunc ego amicum habere
 non curo. liberalitas tua, ut hominis nobilissimi, latius
 in provincia patuit: nostra si angustior; et si de tua
 prolixa, beneficaq; natura limauit aliquid posterior
 annus, propter quandam tristitiam temporum; non
 debent mirari homines, cum & natura semper ad lar-
 giendum ex alieno fuerim restrictior, & temporibus,
 quibus alij mouentur, iisdem ego mouear, me esse acer-
 bum sibi, ut sim dulcis mihi. De rebus urbanis quod me
 certiore fecisti, cum per se mihi gratum fuit, tum
 quod significasti tibi omnia mea mandata curæ fore: in
 quibus unum illud te præcipue rogo, ut cures, ne quid
 mihi ad hoc negotij aut oneris accedat, aut temporis:
 Hortensiumq; nostrum collegam, et familiarem, roges,
 ut, si unquam mea causa quidquam aut sensit, aut fe-
 cit, de hac quoque sententia bima decedat: qua mihi
 nihil potest esse inimicius. De nostris rebus quod scire
 uis: Tarso Non. Oct. Amanum uersus profecti sumus.
 hæc scripsi postridie eius diei, cum castra haberem in
 agro Mopsuestiæ. si quid egero, scribam ad te: neque
 domum unquam ad meos literas mittam, quin adiun-

gam eas, quas tibi reddi uelim. De Parthis quod quæris, fuisse nullos puto. Arabes qui fuerunt admixto Parthico ornatu, dicuntur omnes reuertisse. hostem esse in Syria negant ullum. Tu uelim ad me quam sæpiissime et de tuis rebus scribes, et de meis, et de omni reip. statu: de quo sum sollicitus, eo magis, quod ex tuis literis cognoui, Pompeiū nostrum in Hispaniam iturum. Vale.

M. CICERO IMP. APPIO
PVLCHRO S. D.

IX tandem legi literas dignas Appio Clodio,
V plenam humanitatis, officij, diligentiae. aspectus uidelicet urbis tibi tuam pristinam urbanitatem reddidit. nam quas ex itinere ante, quam ex Asia egressus es, ad me literas misisti, unam de legatis à me prohibitis proficisci, alteras de Apameorum adificatione impedita, legi perinuitus. itaque conscientia meae constantis erga te uoluntatis rescripsi tibi subiratus. ijs uero literis lectis, quas Philotimo liberto meo dedisti, cognoui, intellexiq; in provincia multos fuisse, qui nos, quo animo inter nos sumus, esse nollent: ad urbem uero ut accesseris, uel potius ut primum tuos uideris, cognosse te ex ijs, qua in te absentem fide, qua in omnibus officijs tuendis erga te obseruantia, et constantia fuisssem. itaque quanti illud me aestimare putas, quod est in tuis literis scriptum? si quid accidit, quod ad meam dignitatem pertineat, etsi uix fieri possit, tamen te parum mihi gratiam relaturum. tu uero facile facies: NIHIL est enim, quod studio, et beneuolentia, uel amore potius effici nō possit. Ego, etsi et ipse ita iudica-

bam, & fiebam crebro à meis per literas certior: tamen
 maximam lætitiā cepi ex tuis literis de spe minime du-
 bia, & plane explorata triumphī tui: neque uero ob
 eam causam, quo ipse facilius consequēter, (nam id
 quidem ἐπινοῦμεν est) sed mehercule, quod tua digni-
 tas, atque amplitudo mihi est ipsa cara per se. quare
 quoniam plures tu habes, quam ceteri, quos scias in
 hanc prouinciā proficisci; quod te adeunt fere omnes,
 si quid uelis: gratissimum mihi feceris, si ad me, simul
 atque adeptus eris, quod & tu confidis, & ego opto,
 literas miseris. longi subsellij, ut noster Pompeius ap-
 pellat, iudicatio, & mora si quem tibi item unum, al-
 terum ue diem abstulerit; (quid enim potest amplius?)
 tua tamen dignitas suum locum obtinebit. sed si me di-
 ligis, si à me diligis, ad me literas, ut quamprimum
 lætitiā afficiar, mittito. Et uelim, reliquum quod est
 promissi, ac muneris tui, mihi persoluas. cum ipsam
 cognitionem iuris auguralis consequi cupio: tum meher-
 cule tuis incredibiliter studiis erga me, muneribusq; de-
 lector. quod autem à me tale quiddam desideras: sane
 mihi considerandum est, quonam te remunerer potissi-
 mum genere. nam profecto non est meum, qui in scri-
 bendo, ut tu soles admirari, tantū industriæ ponam,
 committere, ut in scribendo negligens fuisse uidear;
 præsertim cum id non modo negligentis, sed etiam in-
 grati animi crimen futurum sit. uerū hæc uidebimus.
 illud, quod polliceris, uelim pro tua fide, diligentiaq;
 & pro nostra non instituta, sed iam inueterata amici-
 tia cures, enitare, ut supplicatio nobis quamhonorificen-
 tissime quamprimum decernatur. omnino serius mis-

litteras, quàm uellem. in quo cum difficultas nauigan-
di fuit odiosa: tum in ipsum discessum senatus incidisse
credo meas litteras. sed id feci adductus auctoritate, &
consilio tuo: idq; à me recte factum puto, quòd non stas-
tim, ut imperator appellatus sim, sed alijs rebus additis,
astutusq; confectis, litteras miserim. hæc igitur tibi erunt
curæ, quemadmodum ostendis: meq; totum, & mea,
& meos commendatos habebis. Vale.

M. CICERO IMP. APPIO
PVLCHRO S. P. D.

Um est ad nos allatum de temeritate eorum;
C qui tibi negotium facerent; etsi grauiter
primo nuncio commotus sum, quòd nihil tam
præter opinionem meam accidere potuit; tamen, ut me
collegi, cætera mihi facillima uidebantur; quòd & in
te ipso maximam spem, & in tuis magnam habebam;
multaq; mihi ueniebant in mentem, quamobrem istum
laborem tibi etiam honori putarem fore: illud plane mo-
leste tuli, quòd certissimum & iustissimum triumphũ
hoc inuidorum consilio esse tibi ereptum uidebam. quod
tu si tanti facies, quanti ego semper iudicaui faciendũ
esse: facies sapienter, & ages uictor ex inimicorum do-
lore triumphum iustissimum. ego enim plane uideo fo-
re neruis, opibus, sapientiaq; tua, uehementer ut ini-
micos tuos poeniteat intemperantiæ suæ. De me tibi sic,
contestans omnes deos, promitto, atque confirmo: me
pro tua dignitate (malo enim dicere, quàm pro salute)
in hac prouincia, cui tu præfuisi, rogando, deprecas-

toris; laborando, propinqui; auctoritate; cari homi-
nis, ut spero, apud ciuitates; grauitate, imperatoris
suscepturum officia, atque partes. omnia uolo à me
& postules, & expectes. uincam meis officijs cogita-
tiones tuas. Q. Seruilius perbreues à te mihi literas red-
didit, quæ mihi tamen nimis longa uisæ sunt: iniuriam
enim mihi fieri putabam, cum rogabar. nollem accidis-
set tempus, in quo perspicere posses, quanti ego te, quãti
Pompeium, quem unum ex omnibus facio, ut debeo,
plurimi; quanti Brutum facerem: quanquam in con-
suetudine quotidiana perspexisses, sicuti perspicies. sed
quoniam accidit: si quid à me prætermisum fuerit,
commissum facinus, & admissum dedecus confitebor.
Pontinus, qui à te tractatus est præstanti ac singulari
fide, cuius tui beneficii sum ego testis, præstat tibi me-
moriam, beneuolentiãq; , quam debet. qui, cum ma-
ximis rebus suis coactus à me inuitissimo decessisset; ta-
men, ut uidit tua interesse, conscendens iam nauem
Epheso Laodiceam reuertit. talia cum te studia uideam
habiturum esse innumerabilia; plane dubitare non pos-
sum, quin tibi amplitudini ista sollicitudo futura sit.
si uero effeceris, ut censor creeris; & si ita gesseris cen-
suram, ut & debes, & potes: non tibi solum, sed tuis
omnibus uideo in perpetuum summo te præsidio futu-
rum. Illud pugna, & enitere, ne quid nobis tempo-
ris prorogetur: ut, cum hic tibi satisfecerimus, istie
quoque nostram in te beneuolentiã nauare possimus.
Quæ de hominum, atque ordinum omnium erga te
studijs scribis ad me, minime mihi miranda, & maxi-
me incunda acciderunt: eademq; ad me perscripta sunt

à familiaribus meis . itaque capio magnam uoluptatem , cum tibi , cuius mihi amicitia non solum ampla , sed etiam iucunda est , ea tribui , quæ debeantur ; tum uero etiamnum remanere in ciuitate nostra studia prope omnium consensu erga fortes , & industrios uiros : quæ mihi ipsi una semper tributa merces est laborum , & uigiliarum mearum . illud uero mihi per mirum accidit , tantam temeritatem fuisse in eo adulescente , cuius ego salutem duobus capitibus iudicijs summa contentione defendi , ut tuis inimicijs suscipiendis obliuisceretur patroni omnium fortunarum , ac rationum suarum ; præsertim cum tu omnibus uel ornamentis , uel præsijs redundares ; illi (ut leuissime dicam) multa deessent : cuius sermo stultus & puerilis erat iam antea ad me à M. Celio familiaris nostro perscriptus : de quo item sermone multa scripta sunt ab te . ego autem citius cum eo , qui tuas inimicitias suscepisset , ueterem coniunctionem diremissem , quàm nouam conciliaissem . neque enim de meo erga te studio dubitare debes : neque id est obscurum cuiquam in provincia , nec Romæ fuit . sed tamen significatur in tuis literis suspicio quædam , et dubitatio tua : de qua alienum tempus est mihi tecum exposulandi , purgandi autem mei necessarium . ubi enim ego cuiquam legationi fui impedimento , quo minus Romam ad laudem tuam mitteretur : aut in quo potui , si te palam odissem , minus quod tibi obesset , facere ? si clam , magis aperte inimicus esse ? quòd si essem ea perfidia , qua sunt ij , qui in nos hæc conferunt : tamen ea stultitia certe non fuisset , ut aut in obscuro

odio apertas inimicitias, aut, in quo tibi nihil nocerem, summam ostenderem uoluntatem nocendi. ad me adire quosdam memini, qui dicerent, nimis magnos sumptus legatis decerni: quibus ego non tam imperaui, quam censui, sumptus legatis quammaxime ad legem Corneliam decernendos. atque in eo ipso me non persecuisse, testes sunt rationes ciuitatum: in quibus quantum quaque uoluit legatis tuis datum, induxit. te autem quibus mēdacij homines leuissimi onerarunt? non modo sublato sumptus, sed etiam à procuratoribus eorū, qui iam profecti essent, repetitos, & ablato, eamq; causam multis omnino non eundi fuisse. quereretur tecū, atque ex postulare, nisi, ut supra scripsi, purgare me tibi hoc tuo tempore, quam accusare te, mallet, idq; putarem esse rectius. itaque nihil de te, quod credideris: de me, quamobrem non debueris credere, pauca dicam. nam si me uirum bonum, si dignum ijs studijs, eaq; doctrina, cui me à pueritia dedi, si satis magni animi, non minimi consilij in maximis rebus perspectum habes: nihil in me non modo perfidiosum, et insidiosum, & fallax in amicitia, sed ne humile quidem, aut ieiunum debes agnoscere. sin autem me astutum, & occultum lubet fingere: quid est, quod minus cadere in eiusmodi naturam possit, quam aut florentissimi hominis aspernari beneuolentiam; aut eius existimationem oppugnare in prouincia, cuius laudem domi defenderis; aut in ea re animum ostendere inimicum, in qua nihil obsis; aut id eligere ad perfidiam, quod ad indicandum odiū apertissimum sit, ad nocendum leuissimum? quid erat autem, cur ego in te tam implacabilis essem; cum te ex

fratre meo ne tunc quidem, cum tibi prope necesse esset eas agere partes, inimicum mihi fuisse cognouissem? cum uero reditum nostrum in gratiam uterque expetisset: quid in consulatu tuo frustra mecum egisti, quod me aut facere, aut sentire uoluisses? quid mihi mandasti, cum te Puteolis prosequerer, in quo non expectationem tuam diligentia mea ulcerim? quod si id est maxime astuti, omnia ad suam utilitatem referre: quid mihi tandem erat utilius, quid commodis meis aptius, quam hominis nobilissimi, atque honoratissimi coniunctio, cuius opes, ingenium, liberi, affines, propinqui mihi magno uel ornamento, uel praesidio esse possent? quæ tamen ego omnia in expetenda amicitia tua, non astutia quadam, sed aliqua potius sapientia secutus sum. quid illa uincula, quibus quidem libentissime astringor, quanta sunt? studiorum similitudo, suauitas consuetudinis, delectatio uitæ, atque uictus, sermonis societas, literæ interiores. atque hæc domestica. quid illa tandem popularia? reditus illustris in gratiam; in quo ne per imprudentiam quidem errari potest sine suspitione perfidiæ: amplissimi sacerdotij collegium; in quo non modo amicitiam uiolari apud maiores nostros fas non erat, sed ne cooptari quidem sacerdotem licebat, qui cuiquam ex collegio esset inimicus. quæ ut omittam tam multa, atque tanta: quis unquam tanti quenquam fecit, aut facere potuit, aut debuit, quanti ego Cn. Pompeium, socerum filiae tuæ? etenim si merita ualent: patriam, liberos, salutem, dignitatem, memet ipsum mihi per illum restitutum puto. si consuetudinis iunctas: quæ fuit unquam amicitia consularium in no-

stra ciuitate coniunctior? si ulla amoris, atque officij
 signa: quid mihi ille non commisit? quid non mecum
 communicauit? quid de se in senatu, cum ipse abesset,
 per quenquam agi maluit? quibus ille me rebus non
 ornatissimum uoluit amplissime? qua denique ille faci-
 litate, qua humanitate tulit contentionem meam pro
 Milone, aduersantem interdum actionibus suis? quo
 studio prouidit, ne qua me illius temporis inuidia attin-
 geret, cum me consilio, cum auctoritate, cum armis
 denique texit suis? quibus quidem temporibus hac in eo
 grauitas, hac animi altitudo fuit, non modo ut Phry-
 gi alicui, aut Lycaoni, quod tu in legatis fecisti, sed
 ne summorum quidem hominum maleuolis de me sera-
 monibus crederet. huius igitur filius cum sit gener-
 tuus; cumq; praeter hanc coniunctionem affinitatis,
 quam sis Cn. Pompeio carus, quamq; iucundus, in-
 telligam: quo tandem animo in te esse debeo? cum prae-
 sertim eas ad me is literas miserit, quibus, etiam si ti-
 bi, cui sum amicissimus, hostis essem, placarer tamen,
 totumq; me ad eius uiri ita de me meriti uoluntatem,
 nutumq; conuerterem. sed hac haecenus: pluribus enim
 etiam fortasse uerbis, quam necesse fuit, scripta sunt.
 Nunc ea, quae a me perfecta, quaeq; instituta sunt,
 cognosce. atque haec agimus, et agemus magis pro
 dignitate, quam pro periculo tuo: te enim, ut spero,
 propediem censorem audiemus: cuius magistratus offi-
 cia, quae sunt maximi animi, summiq; consilij, tibi di-
 ligentius, et accuratius, quam hac, quae nos de te
 agimus, cogitanda esse censeo. Vale.

Um essem in castris ad fluuium Pyramum ,
C reditæ mihi sunt uno tempore à te epistolæ
duæ , quas ad me Q. Seruilius Tarso mise-
rat . earum in altera dies erat adscripta non . Apr. in
altera , quæ mihi recentior uidebatur , dies non erat .
respondebo igitur superiori prius : in qua scribis ad me
de absolutione maiestatis . de qua etsi permultum ante
certior factus eram literis , nuncijs , fama denique ipsa :
(nihil enim fuit clarius : non quo quisquam aliter pu-
tasset : sed nihil de insignibus ad laudem uiris obscure
nunciari solet) tamen eadem illa latiora fecerunt mihi
tuæ literæ : non solum , quia planius loquebantur , et
uberius , quàm uulgi sermo : sed etiam , quia magis
tibi uidebar gratulari , cum de te ex te ipso audiebam .
complexus igitur sum cogitatione te absentem , episto-
lam uero osculatus , etiam ipse mihi gratulatus sum .
quæ enim à cuncto populo , à senatu , à iudicibus inge-
nio , industriæ , uirtuti tribuuntur : quia mihi ipse as-
sentor fortasse , cum ea esse in me fingo ; mihi quoque
ipsi tribui puto : nec tam gloriosum exitum tui iudicii
extitisse , sed tam prauam inimicorum tuorum men-
tem fuisse mirabar . De ambitu uero quid interest , in-
quies , an de maiestate ? ad rem nihil : alterum enim
non attigisti , alteram auxisti . ueruntamen est maies-
tas , ut Sylla uoluit , ne in quemuis impune declamare
liceret . ambitus uero ita apertam uim habet , ut aut
accusetur improbe , aut defendatur : qui enim facta ,

aut non facta largitio ignorari potest? tuorum autem honorum cursus cui suspectus unquam fuit? me miserum, qui non affuerim. quos ego risus excitassem. Sed de maiestatis iudicio duo mihi illa ex tuis literis iucundissima fuerunt: unum, quod te ab ipsa rep. defensum scribis; quæ quidem etiam in summa bonorum, et fortium ciuium copia tueri tales uiros deberet; nunc uero eo magis, quod tanta penuria est in omni uel honoris, uel ætatis gradu, ut tam orba ciuitas tales tutores complecti debeat: alterum, quod Pompeij, et Bruti fidem, beneuolentiamq; mirifice laudas. lator uirtute, et officio cum tuorum necessariorum, meorum amicissimorum, tum maxime alterius omnium seculorum, et gentium principis, alterius iam pridem iuuentutis, celeriter, ut spero, ciuitatis. De mercenarijs testibus à suis ciuitatibus notandis, nisi iam aliquid factum est per Flaccum, fiet à me, cum per Asiam decedam. nunc ad alteram epistolam uenio. Quod ad me quasi formam communium temporum, et totius reip. misisti expressam: prudentia literarum tuarum ualde est mihi grata: uideo enim et pericula leuiora, quam timebam, et maiora prasidia; si quidem, ut scribis, omnes uires ciuitatis se ad Pompeij ductum applicauerunt: tuumq; simul promptum animum et alacrem perspexi ad defendendam rep. mirificamq; cepi uoluptatem ex hac tua diligetia, quod in summis tuis occupationibus mihi tamen reip. statum per te notum esse uoluisti. Nam augurales libros ad commune utriusque nostrum otium serua. ego enim à te cum tua promissa per literas flagitabam, ad urbem te otiosissimum esse arbitrabar. nunc

tamen, ut ipse polliceris, pro auguralibus libris orationes tuas confectas omnes expectabo. Tullius, cui mandata ad me dederas, non conuenerat me: nec erat iam quisquam mecum tuorum, præter omnes meos; qui sunt omnes tui. Stomachosiores meas literas quas dicas esse, non intelligo. bis ad te scripsi, me purgans diligenter, te leniter accusans in eo, quod de me cito credidisses. quod genus querelæ mihi quidem uidebatur esse amici: sin tibi displicet, non utar eo posthac. sed si, ut scribis, eæ literæ non fuerunt disertæ; scito meas non fuisse. ut enim Aristarchus Homeri uersum negat, quem non probat: sic tu, (libet enim mihi iocari) quod disertum non erit, ne putaris meum. Vale, & in censura, si iam es censor, ut spero, de proauro multum cogitato tuo.

M. CICERO IMP. APPIO

PVLCHRO S. P. D.

Ratulabor tibi prius, (ita enim rerum ordo postulat) deinde ad me conuertar. Ego uero uehementer gratulor de iudicio ambitus; neque id, quod nemini dubium fuit, absolutum te esse; sed illud, quod, quo melior ciuis, quo uir clarior, quo fortior amicus es, quoq; plura uirtutis & industriæ ornamenta in te sunt, eo mirandum est magis, nullam ne in tabellæ quidem latebra fuisse absconditam maleuolentiam, quæ te impugnare auderet. non horum temporum, non horum hominum, atque morum negotium. nihil iam sum pridem admiratus magis. De me autem, suscipe paulisper meas partes; et cum te esse finge, qui ego sum. si facile inueneris, quod dicas; noli

ignoscere hesitationi meæ. ego uero uelim mihi, Tulliaq; meæ, sicut tu amicissime, & suauissime optas, prospere euenire ea, quæ me insciente facta sunt à meis: sed ita cecidisse, ut agerentur eo tempore, spero omnino cum aliqua felicitate, & opto; ueruntamen plus me in hac spe, tua sapientia, & humanitas consolatatur, quàm opportunitas temporis: itaque, quemadmodum expediam exitum huius institutæ orationis, nō reperio: neque enim tristius dicere quidquam debeo ea de re, quam tu ipse omnibus optimis prosequeris. neque non me tamen mordet aliquid: in quo unum non uereor, ne tu parum perspicias, ea, quæ gesta sunt, ab illis esse gesta, quibus ego ita mandaram, ut, cum tam longe abfuturus essem, ad me ne referrent, agerent, quod probassent. in hoc autem mihi illud occurrit: quid tu igitur, si affuisses? rem probassem; de tempore, nihil te inuito, nihil sine consilio egissem tuō. uides me sudare, iandudum laborantem, quo modo ea tuear, quæ mihi tuenda sunt, & te non offendam. leua me igitur hoc onere: nunquam enim mihi uideor tractasse causam difficiliorem. sed tamen sic habeto: nisi iam tunc omnia negotia cum summa tua dignitate diligentissime confecissem: tamen si nihil uidebatur ad meum erga te pristinum studium addi posse; tamen, hac mihi affinitate renunciata, nō maiore equidem studio, sed acrius, apertius, significantius dignitatem tuam defendissem. decedenti mihi, & iam imperio annuo terminato, ante diem I I I. non. Sext. cum ad Sidam naui accederem, & mecum Q. Seruilius esset, literæ à meis sunt reditæ. dixi statim seruilio (etenim uidebatur esse commo-

tus) ut omnia à me maiora expectaret. quid multa? beneuolentior tibi, quàm fui, nihilo sum factus, diligē-
tior quidem ad declarādā beneuolentiam multo. nam
ut uetus nostra similitas antea stimulabat me, ut caue-
rem, ne cui suspicionem fide reconciliatæ gratiæ darē:
sic affinitas noua curam mihi affert cauendi, ne quid de
summo meo erga te amore detractū esse uideatur. Vale.

M. CICERO IMP. APPIO
PVLCHRO S. D.

Vasi diuinarem, tali in officio fore mihi ali-
quando expectandum studium tuum; sic,
cum de tuis rebus gestis agebatur, in seruie-
bam honori tuo. dicam tamen uere: plus, quàm accepe-
ras, reddidisti. quis enim ad me non perscripsit, te non
solū auctoritate orationis, sententia tua, quibus ego à
tali uiro contentus eram, sed etiam opera, consilio, do-
mum ueniendo, conueniendis meis, nullum onus officij
cuiquam reliquum fecisse? hæc mihi ampliora multo
sunt, quàm illa ipsa, propter quæ elaborantur. IN SI-
GNIA enim uirtutis multè etiam sine uirtute affecti
sunt; talium uirorum tanta studia assequi sola uirtus
potest. itaque mihi propono fructum amicitiae nostræ
ipsam amicitiam, qua nihil est uberius, præsertim in ijs
studijs, quibus uterque nostrū deuinctus est. nam tibi
me profiteor & in rep. socium, de qua idem sentimus;
& in quotidiana uita coniunctum cum ijs artibus, stu-
dijsq; quæ colimus. uelim ita fortuna tulisset, ut, quāti
ego omnes tuos facio, tanti tu meos facere posses: quod
tamen ipsum nescio qua permotus animi diuinatione

non despero. sed hoc nihil ad te: nostrum est onus. illud uelim sic habeas, quod intelliges; hac re nouata additum potius aliquid ad meum erga te studium, cui nihil uidebatur addi posse, quàm quidquam esse detractum. Cum hæc scribebam, censorem iam te esse sperabam: co breuior est hæc epistola; & ut aduersus magistrum morum modestior. Vale.

M. T V L L I I C I C E R O N I S
E P I S T O L A R V M A D S V L P I C I V M ,
E T A L I O S , L I B E R I I I I .

M. CICERO SER. S V L P I C I O S. D.

Aius Trebatius, familiaris meus, ad
me scripsit, te ex se quasisse, quibus in
C locis essem; molesteq; ferre, quòd me
propter ualitudinem tuam, cum ad
urbem accessissem, non uidisses; et hoc
tempore uelle te mecum, si propius accessissem, de offi-
cio utriusque nostrum communicare. Vinam Serui sal-
uis rebus (sic enim est dicendum) colloqui potuissemus
inter nos: profecto aliquid opis occidēti reip. tulissemus.
cognorā enim iam absens, te hæc mala multo ante pro-
uidentem, defensorem pacis & in consulatu tuo, et post
consulatum fuisse. ego autem cum consilium tuum pro-
barem, & idem ipse sentirem, nihil proficiebam: sero
enim ueneram: solus eram: rudis esse uidebar in causa:
incideram in hominum pugnandi cupidorum insanias.
nunc, quoniam nihil iam uidemur posse opitulari reip.
si quid

si quid est, in quo nobismet ipsis consulere possimus,
 non ut aliquid ex pristino statu nostro retineamus, sed
 ut quamhonestissime lugeamus: nemo est omnium,
 qui cum potius mihi, quam tecum communicandum
 putem: nec enim clarissimorum uirorum, quorum si-
 miles esse debemus, exempla, neque doctissimorum,
 quos semper coluisti, praecepta te fugiunt. atque ipse
 antea ad te scripsissem, te frustra in senatum, siue po-
 tius in conuentum senatorum esse uenturum, ni ueri-
 tus essem, ne eius animum offenderem, qui à me, ut
 te imitarer, petebat. cui quidem ego, cum me rogaret
 ut adessem in senatu, eadem omnia, quae à te de pace,
 & de Hispanijs dicta sunt, ostendi me esse dicturum.
 rem uides, quo modo se habeat; orbem terrarum impe-
 rij distributis ardere bello; urbem sine legibus, sine iu-
 dicijs, sine iure, sine fide, relictam direptioni, & in-
 cendijs. itaque mihi uenire in mentem nihil potest, non
 modo quod sperem, sed uix iam quod audeam optare.
 sin autem tibi, homini prudentissimo, uidetur utile esse,
 nos colloqui: quanquam longius etiam cogitabam ab
 urbe discedere, cuius iam etiam nomen inuitus audio;
 tamen propius accedam. Trebatio mandauit, si quid tu
 eum uelles ad me mittere, ne recusaret: idq; ut facias,
 uelim: aut, si quem tuorum fideliū uoles, ad me mit-
 tas: ne aut tibi exire ex urbe necesse sit, aut mihi acce-
 dere. ego tibi tantum tribuo, quantum mihi fortasse
 arrogo: ut exploratum habeam, quidquid nos commu-
 ni sententia statuerimus, id omnes homines probatu-
 ros. Vale.

M. CICERO SER. SVLPICIO S. D.

D III. cal. Maias, cum essem in Cumano,
 A accepi tuas literas: quibus lectis, cognoui non
 satis prudenter fecisse Philotimum; qui, cum
 abs te mandata haberet, ut scribis, de omnibus rebus,
 ipse ad me non uenisset; literas tuas misisset: quas intel
 lexi breuiores fuisse; quod eum perlaturum putasses.
 sed tamen, postquam literas tuas legi, Postumia tua
 me conuenit, & serulus noster. his placuit, ut tu in
 Cumanum uenires: quod etiam, mecum, ut ad te scri
 berem, egerunt. Quod meum consiliū exquiris: id
 est tale, ut capere facilius ipse possim, quā alteri dare.
 quid enim est, quod audeam suadere tibi, homini summa
 auctoritate, summaq; prudentia? si, quid rectissim
 um sit, quærimus: perspicuum est. si, quid maxime
 expediat: obscurum. sin ijs sumus, qui profecto esse de
 bemus, ut nihil arbitremur expedire, nisi quod rectum,
 honestumq; sit: non potest esse dubium, quid faciendū
 nobis sit. Quod existimas meam causam continētam
 esse cum tua: certe similis in utroque nostrum, cum
 optime sentiremus, error fuit. nam omnia utriusque
 consilia ad concordiam spectauerunt. quæ cum ipsi Cæ
 sari nihil esset utilius: gratiam quoque nos inire ab eo,
 defendenda pace, arbitrabamur. quantum nos sefelle
 rit, & quem in locum res deducta sit, uides: neque so
 lum ea perspicis, quæ geruntur, quæq; iam gesta sunt,
 sed etiam qui cursus rerum, qui exitus futurus sit.
 ergo aut probare oportet ea, quæ fiunt; aut interesse,
 etiam si non probes. quarum altera mihi turpis, altera

etiam periculosa ratio uidetur. Restat, ut discedendum putem: in quo reliqua uidetur esse deliberatio, quod consilium in discessu, quæ loca sequamur. omnino cum miserior res nunquam accidit, tum ne deliberatio quidē difficilior: nihil enim constitui potest, quod non incurrat in magnam aliquam difficultatem. tu, si uidebitur, ita censeo facias: ut, si habes iam statutum, quid tibi agendum putes, in quo non sit coniunctum consiliū tuū cum meo, supersedeas hoc labore itineris. sin autem est, quod mecum communicare uelis: ego te expectabo. tu, quod tuo commodo fiat, quamprimū uelim uenias, sicut intellexi & seruo, & Postumia placere. Vale.

M. CICERO SER. SVLPICIO S. D.

Ehementer te esse sollicitum, & in communibus miserijs præcipuo quodam dolore angi, multi ad nos quotidie deferunt. quod quamquam minime miror, & meum quodam modo agnosco: doleo tamen te sapientia præditum prope singulari, nō tuis bonis delectari potius, quā alienis malis laborare. me quidem, etsi nemini concedo, qui maiorem ex perniciē, et peste reip. molestiam traxerit; tamen multa iam consolantur, maximeq; conscientia consiliorum meorū: multo enim ante, tāquam ex aliqua specula, prospexi tempestatem futuram; neque id solum mea sponte, sed multo etiam magis monente, et denūciante te. etsi enim absui magnam partem consulatus tui: tamen et absens cognoscebam, quæ esset tua in hoc pestifero bello cauendo, et prædicendo sententia: et ipse affui primis tempo-

ribus tui consulatus, cum accuratissime monuisti sena-
 tum collectis omnibus bellis ciuilibus, ut et illa timeret,
 quæ meminissent; et scirent, cum superiores, nullo tali
 exemplo antea in rep. cognito, tam crudeles fuissent,
 quicumque postea temp. oppressisset armis, multo into-
 lerabiliorem futurum: NAM quod exemplo fit, id
 etiam iure fieri putant, & aliquid, atque adeo multa
 addunt, & afferunt de suo: quare meminisse debes,
 eos, qui auctoritatem, & consilium tuum non sunt se-
 cuti, sua stultitia occidisse, cum tua prudentia salui
 esse potuissent. dices: Quid me ista res consolatur in
 tantis tenebris, & quasi parietinis reip? est omnino uix
 consolabilis dolor; tanta est omnium rerum amissio, &
 desperatio recuperandi: sed tamen & Caesar ipse ita de
 te iudicat, & omnes ciues sic existimant, quasi lumen
 aliquod, extinctis cæteris, elucere sanctitatem, & pru-
 dentiam, & dignitatem tuam. hæc tibi ad leuandas
 molestias magna esse debent. Quod autem à tuis abes,
 id eo leuius ferendum est, quod eodem tempore à multa-
 tis, ac magnis molestiis abes: quas ad te omnes perscri-
 berem, nisi uererer, ne ea cognosceres absens, quæ quia
 non uides, mihi uideris meliore esse conditione, quàm
 nos, qui uidemus. hætenus existimo nostram consola-
 tionem recte adhibitam esse, quoad certior ab homine
 amicissimo fieres ijs de rebus, quibus leuari possent mo-
 lestiæ tuæ. reliqua sunt in te ipso, neque mihi ignota,
 nec minima solatia, &, ut quidem ego sentio, multo
 maxima: quæ ego ipse experiens quotidie sic probò, ut
 ea mihi salutem afferre uideantur. te autem ab initio
 ætatis memoria tenito summe omnium doctrinarum stu-

ditosum fuisse; omniaq; , quæ à sapientissimis ad bene uiuendum tradita essent, summo studio, curaq; didicisse: quæ quidem uel optimis rebus & usui, & delectationi esse possent: his uero temporibus habemus aliud nihil, in quo acquiescamus. nihil faciam insolenter: neque te, tali uel scientia, uel natura præditum, hortabor, ut ad eas te referas artes, quibus à primis temporibus ætatis studium tuum dedisti. tantum dicam, quod te spero approbatum; me, posteaquam illi arti, cui studueram, nihil esse loci neque in curia, neque in foro uiderim, omnem meam curam, atque operam ad philosophiam contulisse. tuæ scientiæ excellenti, ac singulari non multo plus, quàm nostræ, relictum est loci: quare non equidem te moneo: sed mihi ita persuasi, te quoque in iisdem uersari rebus; quæ etiam si minus prodessent, animum tamen à solitudine abducerent. Seruius quidem tuus in omnibus ingenuis artibus, in primisq; in hac, in qua ego me scripsi acquiescere, ita uersatur, ut excellat; à me uero sic diligitur, ut tibi uni concedam, præterea nemini: mihiq; ab eo gratia referatur: in quo ille existimat, quod facile appareat, quod me colat, & obseruet, tibi quoque in eo se facere gratissimum. Vale.

M. CICERO S. D. SER.

SVLPICIO.

A Accipio excusationem tuam, qua usus es, cur sepius ad me literas uno exemplo dedisses: sed accipio ex ea parte, quatenus aut negligentia, aut improbitate eorum, qui epistolas accipiant, fieret

scribis, ne ad nos perferantur. illam partem excusa-
 tionis, qua te scribis orationis paupertate (sic enim ap-
 pellas) iisdem uerbis epistolas saepius mittere, nec agno-
 sco, nec probō. et ego ipse, quem tu per iocum (sic enim
 accipio) diuitias orationis habere dicis, me non esse uer-
 borum admodum inopem agnosco: εἰρωνόμοις enim
 non necesse est: sed tamē idem, nec hoc εἰρωνόμοις,
 facile cedo tuorum scriptorum subtilitati, et elegantiae.
 Consilium tuum, quo te usum scribis hoc Achaicum ne-
 gotium non recusauisse, cum semper probauissem, tum
 multo magis probaui lectis tuis proximis literis: omnes
 enim causae, quas commemoras, iustissimae sunt, tuaq;
 & auctoritate, & prudentia dignissimae. Quod aliter
 cecidisse rem existimas, atque opinatus sis: id tibi nullo
 modo assentior. sed quia tanta perturbatio, & confu-
 sio est rerum, ita perculsa, & prostrata foedissimo bel-
 lo iacent omnia, ut is cuique locus, ubi ipse sit, miser-
 rimus esse uideatur: propterea & tui te consilij poeni-
 tet, & nos, qui domi sumus, tibi beati uidemur. at
 contra nobis non tu quidem uacuus molestijs, sed prae
 nobis beatus. atque hoc ipso melior est tua, quam no-
 stra conditio; quod tu, quid doleat, scribere audes; nos
 ne id quidem tuto possumus; nec id uictoris uitio, quo
 nihil moderatius, sed ipsius uictoriae, quae civilibus bel-
 lis semper est insolens. uno te uicimus, quod de Marcel-
 li collegae tui salute paulo ante, quam tu, cognouimus:
 etiam mehercule, quod, quemadmodum ea res agere-
 tur, uidimus: nam sic fac existimes, post has misérias,
 id est, postquam armis disceptari coeptum est de iure pu-
 blico, nihil esse actum aliud cum dignitate. nam &

Ipse Cæsar, accusata acerbitate Marcelli, (sic enim appellabat) laudatâq; honorificentissime & æquitate tua, et prudentia, repente præter spem dixit, se senatui roganti de Marcello ne hominis quidem causa negaturum. fecerat autem hoc senatus, ut, cum à L. Pifone mentio esset facta de Marcello, & cum C. Marcellus se ad Cæsaris pedes abiecisset; cunctus consurgeret, & ad Cæsarem supplex accederet. noli quærere: ita mihi pulcher hic dies uisus est, ut speciem aliquam uiderer uidere quasi reuiuiscantis reip. itaque cum omnes ante me rogati gratias Cæsari egissent, præter Volcatium, (is enim, si eo loco esset, negauit se facturum fuisse) ego rogatus mutavi meum consilium: nam statueram, non me hercule inertia, sed desiderio pristinae dignitatis, in perpetuum tacere. fregit hoc meum consilium & Cæsaris magnitudo animi, & senatus officium. itaque pluribus uerbis egi Cæsari gratias: meq; metuo, ne etiâ in cæteris rebus honesto otio priuarim: quod erat unicum solatium in malis. sed tamen, quando effugi eius offensionem, qui fortasse arbitraretur, me hanc remp. non putare, si perpetuo tacerem; modice hoc faciam, aut etiam intra modum; ut & illius uoluntati, & meis studiis seruiam. nam etsi à prima ætate me omnis ars, & doctrina liberalis, & maxime philosophia delectauit: tamen hoc studium quotidie ingrauescit, credo, & ætatis maturitate ad prudentiam, & his temporum uitij, ut nulla res alia leuare animum molestij possit. à quò studio te abduci negotij, intelligo ex tuis literis: sed tamen aliquid iam noctes te adiuuabunt. Seruius tuus, uel potius noster summa me

obseruantia colit : cuius ego cum omni probitate , summaq; uirtute , tum studijs , doctrinaq; delector . is mecum saepe de tua mansione , aut decessione communicat . adhuc in hac sum sententia , nihil ut faciamus , nisi quod maxime Caesar uelle uideatur . res sunt eiusmodi , ut , si Romæ sis , nihil te præter tuos delectare possit . de reliquis , nihil melius ipso est . ceteri , et cetera eiusmodi , ut , si alterutrum necesse sit , audire ea malis , quàm uidere . hoc nostrum consilium nobis minime iucundum est , qui te uidere cupimus : sed consulimus tibi . Vale .

SER. SVLPICIVS M. CICERONI S.

Osteaquam mihi renunciatum est de obitu
 P Tullia filia tua; sanequam pro eo , ac debui ,
 grauitèr , molesteq; tuli ; communemq; eam
 calamitatem existimaui : qui si istuc affuissem , neque
 tibi defuissem , coramq; meum dolorem tibi declaras-
 sem . etsi genus hoc consolationis miserum , atque acer-
 bum est ; propterea quia , per quos id fieri debet , propin-
 quos , ac familiares , ipsi pari molestia afficiuntur , ne-
 que sine lacrymis multis id conari queunt ; ut magis
 ipsi uideantur aliorum consolatione indigere , quàm
 alijs posse suum officium præstare : tamen , quæ in præ-
 sentia mihi in mentem uenerunt , decreui breui ad te
 perscribere : non quòd ea te fugere existimem : sed quòd
 forsitan dolore impeditus , minus ea perspicias . Quid
 est , quòd tantopere te commoueat tuus dolor intestinus ?
 cogita , quemadmodum adhuc fortuna nobiscum ege-
 rit : ea nobis erepta esse , quæ hominibus non minus ,

quàm liberi, cara esse debent, patriam, honestatem, dignitatem, honores omnes. hoc uno incommodo addito, quid ad dolorem adiungi potuit? aut qui non in illis rebus exercitatus animus callere iam debet, atque omnia minoris aestimare? ~~an~~ illius uicem, credo, doles. *at* quoties in eam cogitationem necesse est et tu ueneris, ut nos sæpe incidimus, hisce temporibus non pessime cum ijs esse actum, quibus sine dolore licitum est mortem cum uita commutare. quid autem fuit, quod illam hoc tempore ad uiuendum magnopere inuitare posset? quæ res? quæ spes? quod animi solatium? ut cum aliquo adolescente primario coniuncta ætatem ageret? licitum est tibi, credo, pro tua dignitate ex hac iuuentute generum deligere, cuius fidei liberos tuos tuto committere putares. an ut ea liberos ex sese pareret, quos cum florentes uideret, letaretur? qui rem à parente traditam per se tenere possent, honores ordinati in rep. petaturi essent, in amicorum negotijs libertate sua uterentur? quid horum fuit, quod non prius, quàm datum, ademptum sit? at uero malum est liberos amittere: malum, nisi hoc prius sit, hac sufferre, & perpeti. Quæ res mihi non mediocrem consolationem attulit, uolo tibi commemorare; si forte eadem res tibi minuere dolorem possit. Ex Asia rediens, cum ab Aegina Megaram uersus nauigare, cœpi regiones circumcirca prospicere. post me erat Aegina, ante Megara, dextra Piræus, sinistra Corinthus: quæ oppida quodam tempore florentissima fuerunt, nunc prostrata, & diruta ante oculos iacent. cœpi egomet mecum sic cogitare: Hem, nos homunculi indignamur, si quis nostrum

interijt, aut occisus est, quorum uita breuior esse debet, cum uno loco tot oppidum cadauera proiecta taceant? uis ne tu te Serui cohibere, & meminisse, hominem te esse natum? crede mihi, cogitatione ea non mediocriter sum confirmatus. hoc idem, si tibi uidetur, fac ante oculos tibi proponas. modo uno tempore tot uiri clarissimi interierunt: de imperio præterea tanta diminutio facta est: omnes prouinciae conuassatae sunt: in unius mulierculæ animula si iactura facta sit, tantopere commoueris? quæ si hoc tempore non suum diem obisset; paucis post annis tamen ei moriendum fuit, quoniam homo nata fuerat. Etiam tu ab hisce rebus animum, ac cogitationem tuam auoca: atque ea potius reminiscere, quæ digna tua persona sunt: illam, quandiu ei opus fuerat, uixisse: una cum rep. fuisse: te patrem suum prætorem, consulem, augurem uidisse: adolescentibus primarijs nuptam fuisse: omnibus bonis prope perfunctam esse: cum resp. occideret, uita excessisse. quid est, quod tu aut illa cum fortuna hoc nomine queri possitis? denique noli te obliuisci Cicero-
nem esse, & eum, qui alijs consueueris præcipere, & dare consilium; neque imitari malos medicos, qui in alienis morbis profitentur se tenere medicinæ scientiam, ipsi se curare non possunt: sed potius, quæ alijs tute præcipere soles, ea tute tibi subiice, atque apud animū propone. NVLLVS dolor est, quem non longinquitas temporis minuat, atque molliat. hoc te expectare
+ ^{p.} tempus tibi turpe est, ac non ei rei sapientia tua te occurrere. quod si quis etiam inferis sensus est: qui illius amor in te fuit, pietasq; in omnes suos, hoc certe illa te

AD SVLPICIVM, ET ALIOS. SI

facere non vult . da hoc illi mortuæ : da cæteris amicis,
 & familiaribus , qui tuo dolore mœrent : da patriæ ;
 ut , si qua in re opus sit , opera , & consilio tuo uti pos-
 sit . denique , quoniam in eam fortunam deuenimus ,
 ut etiam huic rei nobis seruiendum sit : noli committere ,
 ut quisquam te putet non tam filiam , quàm reip. tem-
 pora , & aliorum uictoriam lugere . plura me ad te de
 hac re scribere pudet , ne uidear prudentiæ tuæ diffide-
 re . quare si hoc unum proposuero , finem faciam scri-
 bendi . uidimus aliquoties secundam pulcherrime te
 ferre fortunam , magnamq; ex eare te laudem adia-
 pisci : fac aliquando intelligamus , aduersam quoque
 te æque ferre posse , neque id maius , quàm debeat ,
 tibi onus uideri , ne ex omnibus uirtutibus hæc una ti-
 bi uideatur deesse . Quod ad me attinet , cum te tran-
 quilliore animo esse cognouero , de ijs rebus , quæ hic ge-
 runtur , quemadmodumq; se prouincia habeat , certio-
 rem faciam . Vale .

M. C I C E R O S. D.

SER. SVLPICIO.

E Go uero Serui uellem , ut scribis , in meo gra-
 uissimo casu affuisses : quantum enim præ-
 sens me adiuuare potueris & consolando , &
 prope æque dolendo , facile ex eo intelligo , quòd literis
 tuis lectis aliquantulum acquieui : nam & ea scripsi-
 sti , quæ leuare luctum possent ; & in me consolando
 non mediocrem ipse animi dolorem adhibuisti . Seruius
 tamen tuus omnibus officijs , quæ illi tempori tribui

potuerunt, declarauit, & quanti ipse me faceret, & quam suum talem erga me animum tibi gratum putaret fore: cuius officia iucundiora scilicet sæpe mihi fuerunt, nunquam tamen gratiora. me autem non oratio tua solum, & societas pene agnitudo, sed etiam au-
 floritas consolatur. turpe enim esse existimo, me non ita ferre casum meum, ut tu, tali sapientia præditus, ferendum putas. sed opprimor interdum, & uix resisto dolori; quod ea me solatia deficiunt, quæ ceteris, quorum mihi exempla propono, simili in fortuna non defuerunt. nam & Q. Maximus, qui filium consularum, clarum uirum, & magnis rebus gestis, amisit; & L. Paulus, qui duos septem diebus; & uester Gallus, & M. Cato, qui summo ingenio, summa uirtute filium perdidit; ijs temporibus fuerunt, ut eos tum ipsorum dignitas consolaretur ea, quam ex rep. consequerentur. mihi autem, amissis ornamentis ijs, quæ ipse commemoras, quæq; eram maximis laboribus adeptus, unum manebat illud solatium, quod ereptum est. non amicorum negotijs, non reip. procuracione impediabantur cogitationes meæ. nihil in foro agere licebat. aspicere curiam non poteram. existimabam id, quod erat, omnes me & industria mea fructus, & fortunæ perdidisse. sed cum cogitarem hæc mihi tecum, & cum quibusdam esse communia; & cum frangerem iam ipse me, cogeremq; illa ferre toleranter: habebam quod confugerem, ubi conquiescerem, cuius in sermone, & suauitate omnes curas, doloresq; deponerem. nunc autem hoc tam graui uulnere etiam illa, quæ consensuisse uidebantur, recrudescunt. non enim, ut

eum me à rep. mœstum domus excipiebat, quæ leuaret; sic nunc domo moerens ad temp. confugere possum, ut in eius bonis acquiescam. itaque & domo absum, et foro: quod nec eum dolorem, quem à rep. capio, domus iam consolari potest, nec domesticum resp. quo magis te expecto, teq; uidere quamprimum cupio. maior mihi leuatio afferri nulla potest, quàm coniunctio consuetudinis, sermonumq; nostrorum. quanquam sperabam tuum aduentum (sic enim audiebam) appropinquare. ego autem cum multis de causis te exopto quàmprimum uidere, tum etiam, ut ante commentemur inter nos, qua ratione nobis traducendum sit hoc tempus, quod est totum ad unius uoluntatem accommodandum, & prudentis, & liberalis, & ut perspexisse mihi uideor, nec à me alieni, & tibi amicissimi. quod cum ita sit, magnæ tamen est deliberationis, quæ ratio sit inuenda nobis, non agendi aliquid, sed illius concessu, et beneficio quiescendi. Vale.

M. C I C E R O S. D.

M. MARCELLO.

¶ Tsi eo te adhuc consilio usum intelligo, ut id reprehendere non audeam; non quin ab eo ipse dissentiam; sed quod ea te sapientia esse iudicem, ut meum consilium non antepo-
 ¶ nam tuo: tamen & amicitie nostræ uetustas, & tua summa erga me beneuolentia, quæ mihi iam à pueritia tua cognita est, me hortata est, ut ea scriberem ad te, quæ & saluti tuæ conducere arbitrarer, & non aliena esse dua-

cerem à dignitate . ego eum te esse , qui horum malorum initia multo ante uideris , qui consulatum magnificētissime , atque optime gesseris , præclare meministi . sed idem etiam illa uidi , neque te consilium ciuiliſ belli ita gerendi , neque copias Cn. Pompeij , nec genus exercitus probare , semperq; summe diffidere . quæ in sententia me quoque fuisse , memoria tenere te arbitror . itaque neque tu multum interfuisti rebus gerendis : & ego id semper egi , ne interesset . non enim ijs rebus pugnamus , quibus ualere poteramus , consilio , auctoritate , causa , quæ erant in nobis superiora ; sed laceratis , & uiribus , quibus pares non eramus . uicti sumus igitur , aut , si uinci dignitas non potest , fracti certe , et abiecti . in quo tuum consilium nemo potest non maxime laudare , quod cum spe uincendi simul abiectiſti certandi etiam cupiditatem ; ostendistiq; , sapientem , et bonum ciuem initia belli ciuiliſ inuitum suscipere , extrema non libenter persequi . qui non idem consilium , quod tu , secuti sunt ; eos uideo in duo genera esse distractos . aut enim renouare bellum conati sunt , & hi se in Africam contulerunt : aut , quemadmodum nos , uictori sese crediderunt . medium quoddam tuum consilium fuit , qui hoc fortasse humilis animi duceres , illud pertinacis . fateor à plerisque , uel dicam ab omnibus sapiens tuum consilium , à multis etiam magni ac fortis animi iudicatum : sed habet ista ratio , ut mihi quidem uidetur , quendam modum : præsertim cum tibi nihil deesse arbitrer ad tuas fortunas omnes obtinendas , præter uoluntatem . sic enim intellexi , nihil aliud esse , quod dubitationem afferret ei , penes quem est potestas ,

nisi quod ueretur, ne tu illud beneficium omnino nō putares. de quo quid sentiam, nihil attinet dicere; cum appareat, ipse quid fecerim. sed tamen si iam ita consti-
tuisses, ut abesse perpetuo mallet, quā ea, quæ nol-
les, uidere: tamen id cogitare deberes, ubicunque esses,
te fore in eius ipsius, quem fugeres, potestate. qui si fa-
cile passurus esset, te carentem patria, et fortunis tuis
quite, & libere uiuere: cogitandum tibi tamen esset,
Romæ ne, & domi tuæ, cuiusmodi res esset, an Myti-
lenis, aut Rhodi mallet uiuere. sed cum ita late pateat
eius potestas, quem ueremur, ut terrarum orbem com-
plexa sit: non ne mauis sine periculo domi tuæ esse,
quā cum periculo alienæ? equidem, etiam si oppeten-
da mors esset, domi, atque in patria mallet, quā
in externis, atque alienis locis. hoc idem omnes, qui te
diligunt, sentiunt; quorum est magna pro tuis maxi-
mis, clarissimisq; uirtutibus multitudo. habemus etiam
rationem rei familiaris tuæ, quam dissipari nolumus.
nam etsi nullam potest accipere iniuriam, quæ futura
perpetua sit; propterea quod neque is, qui tenet remp.
pateretur, neque ipsa resp. tamen impetum prædonum
in tuas fortunas fieri nolo. ij autem qui essent, aude-
rem scribere, nisi te intelligere confiderem. hic te unius
solicitudines, unius etiam multe, et assidue lacrymæ
C. Marcelli, fratris optimi, deprecantur. inos cura, &
dolore proximi sumus, precibus tardiores; quod ius ad-
eundi, cum ipsi deprecatore eguerimus, non habemus.
gratia tantum possumus, quantum uiuisti. sed tamen
consilio, studio Marcello non desumus. à tuis reliquis
non adhibemur. ad omnia parati sumus. Vale.

M. CICERO S. D.

M. MARCELLO.

Eque monere te audeo, præstanti prudentia uirum; nec confirmare, maximi animi hominẽ, uirumq; fortissimum; consolari uero nullo modo. nam si ea, quæ acciderunt, ita fers, ut audio: gratulari magis uirtuti debeo, quàm consolari dolorem tuum. sin te tanta mala reip. frangunt: non ita abundo ingenio, ut te consoler, cum ipse me non possim. reliquum est igitur, ut tibi me in omni re cum præbeam, præstemq; , ut ad omnia, quæ tui uelint, ita sim præsto, ut me non solum omnia debere tua causa, quæ possum, sed ea quoque, quæ non possum, putent: illud uel tu me monuisse, uel censuisse putata, uel propter beneuolentiam tacere non potuisse; ut, quod ego facio, tu quoque in animum inducas: si sit aliqua resp. in ea te esse oportere, iudicio omnium, req; principem, necessitate cedentem tempori: sin autem nulla sit, hunc tamen aptissimum esse etiam ad exulandum locum. si enim libertatem sequimur; qui locus hoc dominatu uacat? sin qualemcunque locum; qui est domestica sede lucundior? sed mihi crede, etiam is, qui omnia tenet, fauet ingenuis; nobilitatem uero, & dignitatem hominum, quantum ei res, & ipsius causa concedit, amplectitur. sed plura, quàm statueram. redeo ergo ad unum illud, me tuum fore cum tuis, si modo erunt tui; sin minus, me certe in omnibus rebus satis nostræ coniunctioni, amoriq; facturum. Vale.

M. CICERO

M. CICERO S. D. M. MARCELLO.

Tſi perpaucis ante diebus dederam Q. Mu-
 cio literas ad te, pluribus uerbis ſcriptas; qui-
 bus declaraueram, quo te animo cenſerem
 eſſe oportere, et quid tibi faciendum arbitrarer: tamen,
 cum Theophilus libertus tuus proficiſceretur, cuius ego
 fidem erga te, beneuolentiamq; perſpexeram; ſine meis
 literis eum ad te uenire nolui. iſdem igitur de rebus
 etiam atque etiam hortor, quibus ſuperioribus literis
 hortatus ſum; ut in ea rep. quæcunque eſt, quam pri-
 mum uelis eſſe. multa uidebis fortasſe, quæ nolis; non
 plura tamen, quàm audis quotidie. non eſt porro tuū,
 uno ſenſu ſolum oculorum moueri; cum illud idem au-
 ribus percipias, quod etiam maius uideri ſolet, minus
 laborare. At tibi ipſi dicendum erit aliquid, quod non
 ſentias; aut faciendum, quod non probes. Primum
 TEMPORI cedere, id eſt neceſſitati parere, ſemper
 ſapientis eſt habitum. deinde non habet, ut nunc qui-
 dem eſt, id uitij res. dicere fortasſe, quæ ſentias, non
 licet: tacere plane licet. omnia enim delata ad unum
 ſunt. iſ utitur conſilio ne ſuorum quidem, ſed ſuo.
 quod non multo ſecus fieret, ſi is temp. teneret, quem
 ſecuti ſumus. an, qui in bello, cum omnium noſtrum
 coniunctum eſſe periculum ſuo cerneret, certorum ho-
 minum minime prudentium conſilio uteretur; eum ma-
 gis communem cenſemus in uictoria futurum fuiſſe,
 quàm incertis in rebus fuiſſet? et qui nec, te conſule, tuū
 ſapientiſſimum conſilium ſecutus eſſet; nec, fratre tuo
 conſulatum ex auctoritate tua gerente, nobis auctoria

bus uti uoluerit ; nunc omnia tenentem , nostras sententias desideraturum censes fuisse ? OMNIA sunt misera in bellis ciuilibus : quæ maiores nostri ne semel quidem , nostra ætas sæpe iam sensit : sed MISERIVS nihil , quàm ipsa uictoria : quæ , etiam si ad meliores uenit , tamen eos ipsos ferociores , impotentioresq ; reddit ; ut , etiam si natura tales non sint , necessitate esse cogantur : MULTA enim uictori eorum arbitrio , per quos uicit , etiam inuito facienda sunt . an tu non uidebas mecum simul , quàm illa crudelis esset futura uictoria ? igitur tunc quoque patria careres , ne , quæ nolles , uideres ? non , inquires : ego enim ipse tenerem opes , & dignitatem meam . at erat tuæ uirtutis , in minimis res tuas ponere , de rep. uehementius laborare . deinde , qui finis istius consilij est ? nam adhuc & factum tuum probatur , & , ut in talire , etiam fortuna laudatur : factum , quòd & initium belli necessario secutus sis , & extrema sapienter persequi nolueris : fortuna , quòd honesto otio tenueris & statum , & famam dignitatis tuæ . nunc uero nec locus tibi ullus dulcior esse debet patria : nec eam diligere minus debes , quòd deformior est , sed misereri potius : nec eam multis claris uiris orbatam , priuare etiam aspectu tuo . denique , si fuit magni animi non isse supplicem uictori : uide , ne superbi sit , aspernari eiusdem liberalitatem : et si sapientis est carere patria , duri non desiderare : & si re publica non possis frui , stultum est nolle priuata . Caput illud est , ut , si ista uita tibi commodior esse uideatur , cogitandum tamen sit , ne tutior non sit . magna gladiorum est licentia : sed in externis locis minor etiam ad

facinus uerecundia . mihi salus tua tantæ curæ est , ut
 Marcello fratri tuo aut par , aut certe proximus sim .
 Tuum est consulere temporibus , & incolumitati , &
 uitæ , & fortunis tuis . Vale .

M. CICERO M. MARCELLO S.

Tsi nihil noui , quod ad te scriberem , habea-
 E bam ; magisq; literas tuas iam expectare inci-
 piebam , uel te potius ipsum : tamen , cum
 Theophilus proficiaceretur , non potui nihil ei literarum
 dare . Cura igitur , ut quamprimum uenias : uenies
 enim , mihi crede , expectatus , neque solum nobis , id est
 tuis , sed prorsus omnibus : uenit enim mihi in mentē ,
 subuereri interdum , ne te delectet tarda decessio . quod
 si nullum haberes sensum , nisi oculorum : prorsus tibi
 ignoscerem , si quosdam nolles uidere . sed cum leuiora
 non multo essent , quæ audirentur , quàm quæ uideren-
 tur ; suspicarer autem multum interesse rei familiaris
 tuæ , te quamprimum uenire , idq; in omnes partes ua-
 lere : putaui ea de re te esse admonendum . sed quoniā
 quod mihi placeret , ostendi : reliqua tu pro tua pruden-
 tia considerabis . me tamen uelim , quod ad tempus te
 expectemus , certiore facias . Vale .

M. MARCELLVS M. CICERONI S.

Lurimum ualuisse apud me tuam semper au-
 P storitatem , cum in omni re , tum in hoc ma-
 xime negotio potes existimare . cum mihi C.
 Marcellus frater , amantissimus mei , non solum con-
 silium daret , sed precibus quoque me obsecraret ;

non prius mihi persuadere potuit, quàm tuis est effectū literis, ut uterer uestro potissimum consilio. Res quemadmodum sit acta, uestre literæ mihi declarant. Gratulatio tua etsi est mihi probatissima, quòd ab optimo fit animo: tamen hoc mihi multo iucundius est, & gratius, quòd in summa paucitate amicorum, propinquorum, ac necessariorum, qui uere meæ saluti fauerent, te cupidissimum mei, singularemq; mihi beneuolentiæ præstitisse cognoui. Reliqua sunt eiusmodi, quibus ego, quoniam hæc erant tempora, facile, & æquo animo carebam: hoc uero eiusmodi esse statuo, ut sine talium uirorum, et amicorum beneuolentia, neque in aduersa, neque in secunda fortuna quisquā uiuere possit. itaque hoc ego mihi gratulor. tu uero ut intelligas homini amicissimo te tribuisse officium, re tibi præstabo. Vale.

SER. SVLPICIVS CICERONI S.

in alijs, fortuna nobis
 Tsi scio non iucundissimum nuncium me uobis allaturum: tamen, quoniam CASVS, & natura in bonis dominatur; uisum est faciendum, quoquo modo res se haberet, uos certiores ut facerem. Ad V. cal. Iun. cum ab Epidauro Piræum nauis aduectus essem, ibi Marcellum, collegam nostrum, conueni; eumq; diem ibi consumpsi, ut cum eo essem. postero die, cum ab eo digressus essem, eo consilio, ut ab Athenis in Bœotiam irem, reliquamq; iurisdictionē absoluerem: ille, uti aiebat, supra Maleas Italiam uersus nauigaturus erat. postridie eius diei, cum ab Athenis proficisci in animo haberem; circiter horam decimā noctis Postumius, familiaris eius, ad me uenit; & mihi

nunciauit, M. Marcellum, collegam nostrum, post cœ-
 næ tempus à P. Magio Chilone, familiari eius, pugio-
 ne percussum esse, & duo uulnera accepisse, unum in
 stomacho, alterum in capite secundum aurem; sperare
 tamen, eum uiuere posse: Magium se ipsum interfes-
 sisse: postea se à Marcello ad me missum esse, qui hæc
 nuntiaret, & rogaret, uti cogerem medicos. coegi, et
 è uestigio eò sum profectus prima luce. cum non longe
 à Piræo abessem; puer Acidini obuiam mihi uenit cum
 codicillis; in quibus erat scriptum, paulo ante lucem
 Marcellum dlem suum obijisse. ita uir clarissimus ab ho-
 mine teterrimo acerbissima morte est affectus; & cui
 inimici propter dignitatem pepercerant, inuentus est
 amicus, qui ei mortem asferret. ego tamen ad taberna-
 culum eius perrexi: inueni duos liberos, & pauculos
 seruos: reliquos aiebant profugisse, metu perterritos,
 quòd dominus eorum ante tabernaculum interfectus
 esset. coactus sum in eadem illa lectica, qua ipse dela-
 tus eram, meisq; lecticarijs in urbem eum referre: ibiq;
 pro ea copïa, quæ Athenis erat, funus ei satis amplum
 faciendum curauì. ab Atheniensibus, locum sepulture
 intra urbem ut darent, impetrare non potui, quòd re-
 ligione se impediri dicerent: neque tamen id antea cui-
 quam concesserant. quod proximum fuit; uti, in quo
 uellemus gymnasio, eum sepeliremus, nobis permiserunt.
 nos in nobilissimo orbis terrarum gymnasio Academiæ
 locum delegimus: ibiq; eum combussimus: posteaq; cu-
 rauimus, ut ijdem Athenienses in eodem loco monumẽ-
 tum ei marmoreum faciendum locarent. ita, quæ nos-
 tra officia fuerunt, pro collegio, & propinquitate &

uiu, & mortuo omnia ei præstitimus. Vale.

Data pridie cal. Iun. Athenis.

M. CICERO P. NIGIDIO FIGVLO S. D.

Varenti mihi iandiu, quid ad te potissimū scriberem, non modo certa res ulla, sed ne genus quidem literarum usitatum ueniebat in mentem. unam enim partem, & consuetudinem earum epistolarum, quibus secundis rebus uti solebamus, tempus eripuerat: perfeceratq; fortuna, ne quid tale scribere possem, aut omnino cogitare. relinquebatur triste quoddam, & miserum, & his temporibus consentaneum genus literarum. id quoque deficiebat me: in quo debebat esse aut promissio auxiliij alicuius, aut consolatio doloris tui. quod pollicerer, non erat: ipse enim pari fortuna abiectus, aliorum opibus casus meos sustentabam: sæpiusq; mihi ueniebat in mentem, queri, quod ita uiuerem; quā gaudere, quod uiuerem. quanquā enim nulla me ipsum priuatim perculit insignis iniuria; nec mihi quidquam tali tempore in mentem uenit optare, quod non ultro mihi Cæsar detulerit: tamen nihilo minus eis confictor curis, ut hoc ipsum, quod maneam in uita, peccare me existimem. careo enim cum familiarissimis multis, quos aut mors eripuit nobis, aut distraxit fuga; tum omnibus amicis, quorum beneuolentiam nobis cōciliarat per me quondam, te socio, defensa resp. uersorq; in eorum naufragijs, et bonorū direptionibus: nec audio solum, quod ipsum esset miserum, sed etiam id ipsum uideo, quo nihil est acerbius, eorum fortunas dissipari, quibus nos olim adiutoribus illud incē-

dium extinximus: et in qua urbe modo gratia, du fortitate, gloria floruimus, in ea nunc ijs quidem omnibus caremus: obtinemus ipsius Caesaris summam erga nos humanitatem: sed ea plus non potest, quàm uis, et mutatio omnium rerum, atque temporum. itaque orbis ijs rebus omnibus, quibus et natura me, et uoluntas, et consuetudo assuefecerat; cum ceteris, ut quidē uideor, tum ipsi mihi displiceo. natus enim ad agendum semper aliquid dignum uiro, nunc non modo agendi rationem nullam habeo, sed ne cogitandi quidem: & qui antea aut obscuris hominibus, aut etiam fontibus opitulari poteram; nunc P. Nigidio, uni omnium doctissimo, & sanctissimo; & maxima quondam gratia, & mihi certe amicissimo, ne benigne quidem polliceri possum. ergo hoc ereptum est literarum genus. Reliquum est, ut cōsoler, et asseram rationes, quibus te à molestijs conerabducere. at ea quidem facultas uel tui, uel alterius consolandi, in te summa est, si unquam in ullo fuit. itaque eam partem, quæ ab exquisita quadam ratione, & doctrina proficiscitur, non attingam, tibi totam relinquam. quid sit forti, & sapienti homine dignum, quid grauitas, quid altitudo animi, quid æta tua uita, quid studia, quid artes, quibus à pueritia floruisti, à te flagitent, tu uidebis. ego, quod intelligere, et sentire, quia sum Romæ, et quia tuus, attendoq; possum, id tibi affirmo, te in istis molestijs, in quibus es hoc tēpore, non diutius futurū, in ijs autem, in quibus etiam nos sumus, fortasse semper fore. uideor mihi perspicere, primū ipsius animum, qui plurimum potest, propensum ad salutem tuā. non scribo hoc temere. quo minus familiaris

sum, hoc sum ad inuestigandum curiosior. quo facilius, quibus est iratior, respondere tristius possit; hoc est adhuc tardior ad te molestia liberandum. familiares uero eius, & ij quidem, qui illi iucundissimi sunt, mirabiliter de te & loquuntur, & sentiunt. accedit eodem uulgi uoluntas, uel potius consensus omnium. etiam illa, quæ minimum nunc quidem potest, (sed possit necesse est) resp. quascunque uires habebit, ab ijs ipsis, quibus tenetur, de te propediem, mihi crede, impetrabit. Re-
 deo igitur ad id, ut iam tibi etiam pollicear aliquid, quod primo omiseram. nam et amplectar eius familiarissimos; qui me admodum diligunt, multumq; mecum sunt: & in ipsius consuetudinem, quam adhuc mens pudor mihi clausit, insinuabo: et certe omnes uias persequar; quibus putabo ad id, quod uolumus, peruenire posse. in hoc toto genere plura faciam, quam scribere audeo. cætera, quæ tibi à multis prompta esse certo scio, à me sunt paratissima. nihil in re familiari mea est, quod ego malim meum esse, quam tuum. hac de re, et de hoc genere toto hoc scribo parcius; quod te, id quod ipse confido, sperare malo esse usurum tuis. Extremum illud est, ut te hortor, & obsecrem, animo ut maximo sis; nec ea solum memineris, quæ ab alijs magnis uiris accepisti; sed illa etiam, quæ ipse ingenio, studioq; peperisti. quæ si colliges; & sperabis omnia optime; et, quæ accident, qualiacunque erunt, sapienter feres. sed hæc tu melius, uel optime omnium. Ego, quæ pertine-
 re ad te intelligam, studiosissime omnia, diligentissimeq; curabo; tuorumq; tristissimo meo tempore meritorum erga me memoriam conseruabo. Vale.

M. CICERO S. D. CN. PLANCIO.

Inas à te accepi literas, Corcyrae datas: quarum alteris mihi gratulabare, quod audisses me meam pristinam dignitatem obtinere: alteris dicebas, te uelle, quae egissem, bene, ac feliciter euenire. Ego autem, si dignitas est bene de rep. sentire, & bonis uiris probare, quod sentias: obtineo dignitatem meam. sin autem in eo dignitas est, quod sentias; aut re efficere si possis, aut denique libera oratione defendere: ne uestigium quidem ullum est reliquum nobis dignitatis: agiturq; praclare, si nosmet ipsos regere possimus; ut ea, quae partim iam adsunt, partim impendent, moderate feramus: quod est difficile in eiusmodi bello, cuius exitus ex altera parte caedem ostentat, ex altera seruitutem. quo in periculo non nihil me consolatur, cum recordor, haec me tum uidisse, cum secundas etiam res nostras, non modò aduersas, pertimescebam; uidebamq; quāto periculo de iure publico disceptaretur armis: quibus si ij uicissent, ad quos ego, pacis spe, non belli cupiditate adductus, accesseram; intelligebam tamen, & tratorum hominum, & cupidorum, et insolentium quā crudelis esset futura uictoria: sin autem uicti essent; quantus interitus esset futurus ciuium partim amplissimorum, partim etiam optimorum: qui me haec praedicentem, atque optime consulentem saluti suae, malebant nimium timidum, quā satis prudentem existimari. Quod autem mihi de eo, quod egerim, gratularis: te ita uelle, certo scio: sed ego tam misero tempore nihil noui consilij cepissem, nisi in

reditu meo nihil meliores res domesticas, quàm temp. offendissem. quibus enim pro meis immortalibus beneficijs carissima mea salus, & mea fortuna esse debebat: cum propter eorum scelus nihil mihi intra meos parietes tutum, nihil insidijs uacuum uiderem; nouarum me necessitudinum fidelitate cōtra ueterum perfidiam muniendum putauī. sed de nostris rebus satis, uel etiam nimium multa. De tuis uelim ut eos animo, quo debes esse, id est, ut ne quid tibi prācipue timendum putes. si enim status erit aliquis ciuitatis; quicumque erit, te omnium periculorum uideo expertem fore: nam alteros tibi iam placatos esse intelligo, alteros nunquam iratos fuisse. De mea autem in te uoluntate sic uelim iudices, me, quibuscunque rebus opus esse intelligam, quāquam uideam quis sim hoc tempore, & quid possim, opera tamen, & consilio, studio quidem certe, rei, fama, saluti tuā praesto futurum. Tu uelim, & quid agas, & quid acturum te putes, facias me quamdiligentissime certiore. Vale.

M. CICERO S. D. CN. PLANCIO.

Accepi perbreues tuas literas: quibus id, quod scire cupiebam, cognoscere non potui: cognoui autem id, quod mihi dubium non fuit. nam, quā fortiter ferres communes miseras, non intellexi: quā me amares, facile perspexi. sed hoc sciebam: illud si scissem, ad id meas literas accommodassem. sed tamen, etsi antea scripsi, quā existimauī scribi oportere: tamen hoc tempore breuiter commonendū putauī,

ne quo periculo te proprio existimares esse: in magno omnes, sed tamen in communi sumus. quare non debes aut propriam fortunam, & præcipuam postulare, aut communem recusare. quapropter eo animo simus inter nos, quo semper fuimus. quod de te sperare, de me præstare possum. Vale.

M. TVLLII CICERONIS
EPISTOLARVM AD METELLVM,
ET ALIOS, LIBER V.

Q. METELLVS Q. F. CELER PRO
COS. S. D. M. CICERONI.

I uales, bene est. Existimaram pro tuo inter nos animo, et pro reconciliata gratia, neque me absentem ludibrio læsum iri, nec Metellum fratrem, ob dictum, capite, ac fortunis per te oppugnatum iri. quem si parum pudor ipsius defendebat; uel familie debebat nostræ dignitas, uel meum studium erga uos, remq; pub. satis subleuare. nunc uideo illum circumuentum, me desertum à quibus minime conueniebat. itaque in luctu, et squalore sum, qui prouinciæ, qui exercitui præsum, qui bellum gero. quæ quoniam nec ratione, nec maiorum nostrorum clementia administrastis: non erit mirandum, si uos poenitebit. Te tam mobili in me, meosq; esse animo, non sperabam. Me interea nec domesticus dolor, nec cuiusquam iniuria à rep. abducet. Vale.

M. CICERO Q. METELLO Q. F.
 CELERI, PRO COS. S. D.

1 tu, exercitusq; ualeatis, bene est. Scribis ad
 S me, te existimasse pro mutuo inter nos ani-
 mo, & pro reconciliata gratia, nunquam te
 à me ludibrio læsum iri. quod cuiusmodi sit, satis intel-
 2 ligere non possum: sed tamen suspicor ad te esse allatū,
 me in senatu, cum disputarem, permultos esse, qui
 remp. à me conseruatam dolerent, dixisse; à te propin-
 quos tuos, quibus negare non potuisses, impetrasse, ut
 ea, quæ statuisses tibi in senatu de mea laude esse dicen-
 da, reticeres. quod cum dicerem, illud adiunxi: mihi
 tecum ita dispartitum officium fuisse in reip. salute reti-
 nenda, ut ego urbem à domesticis insidijs, & ab inte-
 stino scelere, tu Italiam & ab armatis hostibus, & ab
 occulta coniuratione defenderes: atque hanc nostram
 tanti, & tam præclari muneris societatem à tuis pro-
 pinquis labefactatā: qui, cum tu à me rebus amplissi-
 mis, atque honorificentissimis ornatus esses, timu-
 sent, ne qua mihi pars abs te uoluntatis mutuae tribue-
 retur. hoc in sermone cum à me exponeretur, quæ
 mea expectatio fuisset orationis tuæ, quantoq; in erro-
 re uersatus essem: uisa est oratio non iniucunda; &
 mediocris quidam est risus consecutus, non in te, sed
 magis in errorem meum, & quòd, me abs te cupisse
 laudari, aperte, atque ingenuè confitebar. iam hoc non
 potest in te non honorifice esse dictum, me in clarissimis
 meis, atque amplissimis rebus tamen aliquod testimoniū
 tuæ uocis habere uoluisse. Quod autem ita scribis, pro

mutuo inter nos animo : quid tu existimes esse in amicitia mutuum, nescio : equidem hoc arbitror, cum par uoluntas accipitur, & redditur. ego si hoc dicam, me tua causa prætermisisse provinciam, tibi ipse leuior uidear esse : meæ enim rationes ita tulerunt : atque eius mei consilij maiorem in dies singulos fructum, uoluptatemq; capio. illud dico, me, ut primum in concione provinciam deposuerim, statim, quemadmodum eam tibi traderem, cogitare coepisse. Nihil dico de sortitione uestra : tantum te suspicari uolo, nihil in ea re per collegam meum me insciente esse factum. Recordare cetera ; quàm cito senatum illo die, facta sortitione, coegerim ; quàm multa de te uerba fecerim ; cum tu ipse mihi dixisti, orationem meam non solum in te honorificam, sed etiam in collegas tuos contumeliosam fuisse. Nam illud S. C. quod eo die factum est, ea perscriptione est, ut, dum id extabit, officium meum in te obscurum esse non possit. Postea uero quàm profectus es, uelim recordere, quæ ego de te in senatu egerim, quæ in concionibus dixerim, quas ad te literas miserim. quæ cum omnia collegeris ; tu ipse uelim iudices, satisne uideatur his omnibus rebus tuus aduentus, cum proxime me Romam uenisti, mutuo respondisse. Quod scribis de reconciliata nostra gratia : non intelligo, cur reconciliata esse dicas, quæ nunquam immutata est. Quod scribis, non oportuisse Metellum fratrem tuum ob dictum à me oppugnari : primum hoc uelim existimes, animū mihi istum tuum uehementer probari, & fraternam, plenam humanitatis, ac pietatis, uoluntatem : deinde, si qua ego in re fratri tuo reip. causa restiterim ; peto, ut

mihi ignoscas: tam enim sum amicus reip. quàm qui maxime. si uero meam salutem contra illius impetum in me crudelissimum defenderim: satis habeas, nihil me etiamnum tecum de tui fratris iniuria conqueri. quem ego cum comperissem omnem sui tribunatus conatum in meam perniciem parare, atque meditari: egicum Claudia uxore tua, & cum uestra sorore Mucia, cuius erga me studium pro Cn. Pompeij necessitudine multis in rebus perspexeram, ut cum ab illa iniuria deterrent. atque ille, quod te audisse credo, prid. cal. Ian. qua iniuria nemo unquam in aliquo magistratu improbissimus ciuis affectus est, ea me consulem affecit, cum rep. conseruassem: atque abeuntem magistratu concionis habenda potestate priuauit. cuius iniuria mihi tamen honori summo fuit. nam, cum ille mihi nihil, nisi ut iurarem, permetteret; magna uoce iuravi uerissimum, pulcherrimumq; iusiurandum: quod populus item magna uoce, me uere iurasse, iurauit. hac accepta tam insigni iniuria, tamen illo ipso die misi ad Metellum communes amicos, qui agerent cum eo, ut ab illa mente desisteret. quibus illeresspondit, sibi non esse integrum. etenim paulo ante in concione dixerat, ei, qui in alios animaduertisset indigne causa, dicendi ipsi potestatem fieri non oportere. hominem grauem, & ciuem egregium; qui, qua pœna senatus, consensu bonorum omnium, eos affecerat, qui urbem incendere, magistratus, ac senatum trucidare, bellum maximum conflare uoluissent, eadem dignum iudicaret eum, qui curiam cæde, urbem incendijs, Italiam bello liberasset. itaque ego Metello fratri tuo præ-

Claudia
P. Clodij
soror, uxor
Q. Metelli
Ciceronis. pro
Cælio 54.
vnde pro
Domus sua
224.

senti restiti. nam in senatu cal. ian. sic cum eo de rep.
 disputaui, ut sentiret sibi cum uiro forti, & con-
 stanti esse pugnandum. Ad III. non: ian. cum
 agere coepisset, tertio quoque uerbo orationis suae me ap-
 pellabat, mihi minabatur: neque illi quidquam deli-
 beratius fuit, quam me, quacunque ratione posset,
 non iudicio, neque disceptatione, sed ui, atque impres-
 sione euertere. huius ego temeritati si uirtute, atque
 animo non restitissem: quis esset, qui me in consulatu
 non casu potius existimaret, quam consilio, sortem
 fuisse? hac si Metellum cogitare de me nescisti: debes
 existimare, te maximis de rebus à fratre esse calatum.
 sin aliquid impertiuuit tibi sui consilij: lenis à te, & fa-
 cilis existimari debeo, qui nihil tecum de his ipsis rebus
 expostulem: etsi intelligis non me dicto Metelli, ut
 scribis, sed consilio eius, animoq; in me inimicissimo
 esse commotum. Cognosce nunc humanitatem meam:
 si humanitas appellanda est in acerbissima iniuria re-
 missio animi, ac dissolutio. nulla est à me unquam sen-
 tentia dicta in fratrem tuum. quotiescunque aliquid
 est actum, sedens ijs assensi, qui mihi lenissime sen-
 tire uisi sunt. addam illud etiam; quod iam ego cu-
 rare non debui, sed tamen fieri non moleste tuli,
 atque etiam, ut ita fieret, pro mea parte adiuui;
 ut S. C. meus inimicus, quia tuus frater erat, sub-
 leuaretur. quare non ego oppugnaui fratrem tuum,
 sed fratri tuo repugnaui: nec in te, ut scribis, ani-
 mo fui mobili, sed ita stabili, ut in mea erga te uo-
 luntate, etiam desertus ab officijs tuis, permanerem.
 Atque hoc ipso tempore tibi, pene minitanti nobis

per literas, hoc rescribo, atque respondeo. ego dolori tuo non solum ignosco, sed summam etiam laudem tribuo: meus enim me sensus, quanta vis fraterni sit amoris, admonet. à te peto, ut tu quoque æquum te iudicem dolori meo præbeas; si acerbe, si crudeliter, si sine causa sum à tuis oppugnatus; ut statuas mihi non modo non cedendum, sed etiam tuo, atque exercitus tui auxilio in eiusmodi causa utendum fuisse. Ego te mihi semper amicum esse uolui: me ut tibi amicissimum esse intelligeres, laboravi. maneo in uoluntate, & quoad uoles tu, permanebo: citiusq; amore tui fratrem tuum odisse desinam, quàm illius odio quidquam de nostra beneuolentia detrahatur. Vale.

Q. METELLVS NEPOS S. D.
M. C I C E R O N I.

Ominis importunissimi contumeliae, quibus
H crebris concionibus me onerat, tuis erga me officijs leniuntur: & ut sunt leues huiusmodi homines, à me despiciuntur: libenterq; commutata persona, te mihi fratris loco esse duco. de illo ne meminisse quidem uolo: tametsi bis eum inuitum seruaui. De me, meisq; rebus, ne uobis multitudine literarum molestior essem, ad Lollium perscripsi; de rationibus etiam prouinciae quid uellem fieri, ut is uos doceret, & comonefaceret. Si poteris, uelim pristinam tuam erga me uoluntatem conserues. Vale.

M. C I C E R O

M. CICERO S. D. Q. METELLO COS.

Itera Q. fratris, & T. Pomponij necessarij
 L mei tantum mihi spei dederant, ut in te non
 minus auxilij, quam in tuo collega mihi cō-
 stitutū fuerit. itaque ad te literas statim misi: per quas,
 ut fortuna postulabat, & gratias tibi egi, & de reli-
 quo tempore auxilium petij. postea mihi non tam meo-
 rum litera, quam sermones eorum, qui hac iter facie-
 bant, animum tuū immutatum significabant. quæ res
 fecit, ut tibi literis obstrepere non auderem. nunc mihi
 Q. frater meus mitissimam tuam orationem, quam
 in senatu habuisses, perscripsit: qua inductus, ad te
 scribere sum coactus: & abs te, quantum tua fert vo-
 luntas, peto, quæsoq; ut tuos mecum serues potius,
 quam propter arrogātiā, et crudelitatem tuorum me
 oppugnes. tu, tuas inimicitias ut reip. donares, te uici-
 sti: alienas ut contra remp. confirmes, adduceres? quod
 si mihi tua clementia opem tuleris; omnibus in rebus
 me fore in tua potestate tibi confirmo. sin mihi neque
 magistratum, neque senatum, neque populum auxi-
 liari propter eam uim, quæ me cum rep. uicit, licuerit:
 uide, ne, cum uelis reuocare tempus omnium seruādo-
 rum, cum, qui seruetur, non erit, non possis. Vale.

M. CICERO S. D. C. ANTONIO M. F. IMP.

E² Tsi statueram nullas ad te literas mittere,
 nisi commendaticias; non quod eas intellige-
 rem satis apud te ualere; sed ne ijs, qui me
 rogarent, aliquid de nostra coniunctione imminutum

esse ostenderem: tamen cum T. Pomponius, homo omnium
 meorum in te studiorum et officiorum maxime conscius,
 tui cupidus, nostri amantissimus, ad te proficisceretur,
 aliquid mihi scribendum putavi, praesertim cum aliter
 ipsi Pomponio satisfacere non possem. Ego si abs te sum=
 ma officia desiderem, mirum nemini uideri debeat:
 omnia enim a me in te profecta sunt, quae ad tuum com=
 modum, quae ad honorem, quae ad dignitatem pertine=
 rent. pro ijs rebus nullam mihi abs te relatam esse gra=
 tiam, tu es optimus testis. contra etiam esse aliquid abs
 te profectum, ex multis audiui: nam, comperisse me,
 non audeo dicere; ne forte id ipsum uerbum ponam,
 quod abs te aiunt falso in me solere conferri. sed ea, quae
 ad me delata sunt, malo te ex Pomponio, cui non mi=
 nus molesta fuerunt, quam ex meis literis, cognoscere.
 meus in te animus quam singulari officio fuerit, et se=
 natus, et populus R. testis est. tu quam gratus erga me
 fueris, ipse existimare potes. quantum mihi debeas, cae=
 teri existiment. ego quae tua causa antea feci, uoluntate
 sum adductus, posteaq; constantia. sed reliqua, mihi
 crede, multo maius meum studium, maioremq; graui=
 tate, laboremq; desiderant: quae ego si non profunderem,
 ac perdere uidebor, omnibus meis uiribus sustinebo: sin
 ingrata esse sentiam, non committam, ut tibi ipse insa=
 nire uidear: ea quae sint, et cuiusmodi, poteris ex Pom=
 ponio cognoscere. atque ipsum tibi Pomponium ita com=
 mendo, ut, quanquam ipsius causa confido te facturum
 esse omnia, tamen abs te hoc petam, ut, si quid residet
 in te amoris erga me, id omne in Pomponij negotio osten=
 das. hoc mihi gratius facere nihil potes. Vale.

M. CICERO S. D. P. SESTIO

L. F. PRO COS.

Vm ad me Decius libertus tuus uenisset; egis-
 setq; mecum, ut operam darem, ne tibi hoc
 tempore succederetur: quanquam illum ho-
 minem frugi, & tibi amicum existimabam; tamen,
 quòd memoria tenebam, cuiusmodi ad me literas antea
 misisses; non satis credidi homini prudenti, tam ualde
 esse mutatam uoluntatem tuam. sed posteaquam &
 Cornelia tua Terentiam conuenit; & ego cum Q.
 Cornelio locutus sum: adhibui diligentiam, quotiescun-
 que senatus fuit, ut adessem: plurimumq; in eo nego-
 rij habui, ut Q. Fusium trib. pl. & ceteros, ad quos
 tu scripseras, cogerem mihi potius credere, quàm tuis
 literis. omnino res tota in mensem Ian. reiecta erat,
 sed facile obtinebatur. Ego tua gratulatione commo-
 tus, quòd ad me pridem scripseras uelle te bene euenire,
 quòd de Crasso domum emissem, emi eam ipsam do-
 mum XXXV, aliquanto post tuam gratulationem.
 itaque nunc me scito tantum habere æris alieni, ut cu-
 piam coniurare, si quis me recipiat. sed partim odio
 inducti me excludunt, & aperte uindictæ coniura-
 tionis oderunt: partim non credunt; & à me insidias
 metuunt; nec putant ei nummos deesse posse, qui
 ex obsidione foeneratores exemerit. omnino semissi-
 bus magna copia est. ego autem meis rebus gestis
 hoc sum affecutus, ut bonum nomen existimer. Do-
 mum tuam, atque ædificationem omnem perspexi,

et uehementer probaui. Antonium, etsi eius in me officia omnes desiderant, tamen in senatu grauissime, ac diligentissime defendi; senatumq; uehementer oratione mea, atque auctoritate commoui. Tu ad me, uelim, literas crebrius mittas. Vale.

M. TVLLIVS M. F. CICERO S. D. CN.
POMPEIO CN. F. MAGNO, IMP.

I tu, exercitusq; ualetis, bene est. Ex literis tuis, quas publice misisti, cepi una cum omnibus incredibilem uoluptatem: tantam enim spem otij ostendisti, quantam ego semper omnibus, te uno fretus, pollicebar. sed hoc scito, tuos ueteres hostes, nouos amicos, uehementer literis perculsos, atque ex magna spe deturbatos iacere. ad me autem literas quas misisti, quanquam exiguam significationem tue erga me uoluntatis habebant, tamen mihi scito iucundas fuisse. nulla enim re tam letari soleo, quam meorum officiorum conscientia. quibus si quando non mutuo respondetur; apud me plus officij residere facillime patior. illud non dubito, quin, si te mea summa erga te studia parum mihi adiunxerunt, resp. nos inter nos conciliatura, coniuncturaq; sit. ac ne ignores, quid ego in tuis literis desiderarim: scribam aperte, sicut et mea natura, et nostra amicitia postulat. Res eas gessi, quarum aliquam in tuis literis, et nostra necessitudinis, et reip. causa, gratulationem expectaui: quam ego abs te praetermissam esse arbitror, quod uerebaret, ne cuius animum offenderes. sed scito, ea, quae nos pra

salute patriæ gessimus; orbis terræ iudicio, ac testimonio comprobari. quæ, cum ueneris, tanto consilio, tantâq; animi magnitudine à me gesta esse cognosces, ut tibi multo maiori, quàm Africanus fuit, me non multo minorem, quàm Lelius, facile & in rep. & in amicitia adiunctum esse patiare. Vale.

M. TVLLIVS CICERO M. LICINIO

P. F. CRASSO S. D.

Quantum meum studium extiterit dignitatis tuæ uel tuendæ, uel etiam augendæ: non dubito, quin ad te omnes tui perscripserint: nō enim fuit aut mediocre, aut obscurum, aut eiusmodi, quod silentio posset præteriri. nam & cum consulibus, & cum multis consularibus tanta contentione decertauim, quantâ nunquam antea ullâ in causa: suscepim; mihi perpetuam propugnationem pro omnibus ornamentis tuis: ueterim; nostræ necessitudini iandiu debitum, sed multa uarietate temporum interruptum officium cumulate reddidi. neque mehercule unquâ mihi tui aut colendi, aut ornandi uoluntas defuit: sed quædam pestes hominum laude aliena dolentium, & te nonnunquâ à me alienarunt, et me aliquando immutarunt tibi. sed extitit tempus optatū mihi magis, quàm speratum, ut florentissimis tuis rebus mea perspicieret & memoria nostræ uoluntatis, & amicitie fides. sum enim consecutus, non modo ut domus tua tota, sed ut cuncta ciuitas me tibi amicissimum esse cognosceret. itaque & præstantissima omnium foeminarum

uxor tua, & eximia pietate, uirtute, gratia tui Cras-
 si meis consilijs, monitis, studijs, actionibusq; nitun-
 tur: & senatus populusq; R. intelligit, tibi absenti
 nihil esse tam promptum, aut tam paratum, quàm in
 omnibus rebus, quæ ad te pertineant, operam, curam,
 diligentiam, auctoritatē meam: quæ sint acta, quæq;
 agantur, domesticorum tibi literis declarari puto. De
 me sic existimes, ac tibi persuadeas uehementer uelim;
 non me repentina aliqua uoluntate, aut fortuito ad
tuam amplitudinem meis officijs amplectendam inci-
 disse, sed, ut primum forum attigerim, spectasse sem-
 per, ut tibi possem quammaxime esse coniunctus: quo
 quidem ex tempore, memoria teneo, neque meam tibi
 obseruantiam, neque mihi tuam summam beneuolen-
 tiam, ac liberalitatē defuisse. si qua interciderunt non
 tam re, quàm suspicione uiolata; eacum fuerint &
 falsa, & inania, sint euulsa ex omni memoria, uitæq;
 nostra. is enim tu uires, & cum me esse cupio, ut,
 quoniam in eadem reip. tempora incidimus, coniun-
 ctionem, amicitiamq; nostram utrique nostrum laudi
 sperem fore. quamobrem tu quantum tuo iudicio tri-
 buendū nobis esse putes, statues ipse, & ut spero, sta-
 tues ex nostra dignitate. ego uero tibi profiteor, atque
 polliceor eximium, et singulare meum studium in omnī
 genere officij, quod ad honestatem, & gloriam tuam
 spectet. in quo, etiam si multi mecum contendunt, ta-
 men, cum reliquis omnibus, tum Crassis tuis iudicibus,
 omnes facile superabo: quos quidem ego ambos unice dī-
 ligo, sed in Marco beneuolentia impari: hoc magis sum
 Publio deditus, quod me quanquam à pueritia sua

semper, tamen hoc tempore maxime, sicut alterum parentem, & obseruat, et diligit. has literas uelim existimes foederis habituras esse uim, non epistola; meq; ea, quæ tibi promitto, ac recipio, sanctissime esse obseruaturum, diligentissimeq; facturum. quæ à me suscepta defensio est te absente dignitatis tuæ, in ea iam ego non solum amicitiae nostræ, sed etiam constantiae meae causa permaneo. quamobrem satis esse hoc tempore arbitratus sum, hoc ad te scribere: me, si quid ipse intelligerem aut ad uoluntatem, aut ad commodum, aut ad amplitudinem tuam pertinere, mea sponte id esse facturum: sin quidpiam aut à te essem admonitus, aut à tuis, effecturum, ut intelligeres, nihil neque te scripsisse, neque quenquam tuorum ad me frustra detulisse. quamobrem uelim ita & ipse ad me scribas de omnibus minimis, maximis, mediocribusq; rebus, ut ad hominē amicissimum; & tuis præcipias, ut opera, consilio, auctoritate, gratia mea sic utantur in omnibus publicis, priuatis, forensibus, domesticis, tuis, amicorum, hospitum, clientum tuorum negotijs, ut, quoad eius fieri possit, præsentiæ tuæ desiderium meo labore minuat. Vale.

P. VATINIUS IMP. M. CICERO
RONI SVO S. D.

I uales, bene est: ego ualeo. Si tuam consuetudinem in patrocinijs tuendis seruas, P. Vatinius cliens ad te uenit, qui pro se causam dicier uult. non puto repudiabis in honore, quæ in periculo recepisti. ego autem quem potius adoptem, aut inuocem.

cem, quàm illum, quo defendente uincere didici? an ue-
 rear, ne, qui potentissimorum hominum conspirationē
 neglexerit pro mea salute, is pro honore meo, pusillo-
 rum, ac malenolorum obtrectationes, & inuidias non
 prosterнат, atque obterat? quare si me, sicut soles,
 amas; suscipe me totum; atque hoc, quidquid est one-
 ris, ac muneris, pro mea dignitate tibi tuendum, ac su-
 stinendum puta. scis meam fortunam, nescio quo modo,
 facile obtrectatores inuenire, non meo quidem mehercu-
 le merito: sed quanti id refert, si tamen fato nescio quo
 accidit? si quis forte fuerit, qui nostræ dignitati obesse
 uelit: peto à te, ut tuam consuetudinem, & liberali-
 tatem in me absente defendendo mihi præstes. Literas
 ad senatum nostris de rebus gestis quo exemplo miserā,
 infra tibi perscripsi. Dicitur mihi tuus seruus anagno-
 stes fugitiuus cum Vardeis esse: de quo tu mihi nihil
 mandasti: ego tamen, terra, mariq; ut conquiretetur,
 præmandavi: & profecto tibi illum reperiam, nisi in
 Dalmatiam aufugerit, & inde tamen aliquando eruā.
 Tu nos, fac, ames. Vale. ad III. id. Quint. ex
 castris, Narona.

P. VATINIVS IMP. M. CICE-
 RONI SVO S. D.

I uales, bene est: ego quidem ualeo. De Dio-
 S nysio tuo adhuc nihil extrico, & eo minus,
 quòd me frigus Dalmaticum, quod illinc eie-
 cit, etiam hic refrigerauit: sed tamen non desistam,
 quin illum aliquando eruam. sed tamen omnia mihi

dura imperas . de Catilio nescio quid ad me scripsisti deprecationis diligentissimæ . Apagete cum nostro Sex . Seruilio : nam mehercule ego illum quoque amo . sed huiuscemodi uos clientes , huiusmodi causas recipitis ? hominem unum omnium crudelissimum , qui tot ingenuos , matres familias , ciues R . occidit , arripuit , disperdidit , regiones uastauit ? simius , non semissis homo , contra me arma tulit , & eum bello cepi . sed tamen mi Cicero quid facere possum ? omnia mehercule cupio , quæ tu mihi imperas . meam animaduersionem , & supplicium , quo usurus eram in eum , quem cepissem , remitto tibi , et condono . quid illis respondere possum , qui sua bona direpta , nauis expugnatas , fratres , liberos , parentes occisos , actione expostulant ? si mehercule Appij os haberem , in cuius locum suffectus sum ; tamen hoc sustinere non possem . quid ergo est ? faciam omnia sedulo , quæ te sciam uelle . defenditur à Q . Volusio tuo discipulo . si forte ea res poterit aduersarios fugare , in eo maxima spes est . Nos , si quid erit istic opus , defendes . Caesar adhuc mihi iniuriam facit . de meis supplicationibus , & rebus gestis Dalmaticis adhuc non refert : quasi uero non iustissimi triumphi in Dalmatia res gesserim . nam si hoc expectandum sit , dum totum bellum conficiam : uiginti oppida sunt Dalmatiæ antiqua : quæ ipsi sibi ascluerunt , amplius sexaginta . hæc nisi omnia expugno , si mihi supplicationes non decernuntur ; longe alia conditione ego sum , ac ceteri imperatores . Ego post supplicationes mihi decretas in Dalmatiam profectus sum : sex oppida ui opugnando cepi : unum hoc , quod erat maximum , quæ

ter à me iam captum : quatuor enim turres , & quatuor muros cepi , & arcem eorum totam : ex qua meniuēs , frigora , imbres detruserunt : indigneq; mi Cicero oppidum captum , & bellum iam confectum relinquere sum coactus . quare te rogo , si opus erit , ad Cæsarem meam causam agas , meq; tibi in omnes partes defendendum putes , hoc existimans , neminem te tui amantiozem habere . Vale . Nonis Dec. Narona .

M. CICERO P. VATINIO IMP. S.

Rata tibi esse officia mea , non miror : cognoui enim te gratissimū omnium : idq; nunquam destiti prædicare : nec enim tu mihi gratiam modo habuisti , uerum etiam cumulatissime retulisti . quamobrem reliquis tuis rebus omnibus pari me studio erga te , & eadem uoluntate cognoscēs . Quod mihi foeminam primariam Pompeiā uxorem tuam commendas : cum sura nostro statim , tuis literis lectis , locutus sum , ut ei meis uerbis diceret , ut , quidquid opus esset , mihi denunciaret ; me omnia , quæ ea uellet , summo studio , curaq; facturum : itaq; faciam ; eamq; , si opus esse uidebitur , ipse conueniam . tu tamē ei uelim scribas , ut nullā rem neque tam magnam , neque tam paruum putet , quæ mihi aut difficilis , aut parum me digna uideatur . omnia , quæ in tuis rebus agam , & non laboriosa mihi , & honesta uidebuntur . De Dionysio , si me amas , confice . quamcunque ei fidem dederis , præstabo . si uero improbus fuerit , ut est ; duces eū captiuum in triumpho . Dalmatis dī male faciant , qui tibi mole-

sti sunt. sed, ut scribis, breui capientur, et illustrabunt
res tuas gestas : semper enim habitusunt bellicosi. Vale .

M. CICERO S. D. L. LVCCEIO Q. F.

Oram me tecum eadem hæc agere sæpe conan-
C tē deterruit pudor quidam pene subrusticus :
quæ nunc expromam absens audacius : epi-
stola enim non erubescit . Ardeo cupiditate incredibili ,
neque , ut ego arbitror , reprehendenda , nomen ut no-
strum scriptis illustretur , & celebretur tuis . quod etsi
mihi sæpe ostendis te esse facturum : tamen ignoscas ue-
lim huic festinationi meæ . genus enim scriptorum tuo-
rum , etsi erat semper à me uehementer expectatum , ta-
men uicit opinionem meam ; meq; ita uel cepit , uel in-
cendit , ut cuperem quamcelerrime res nostras moni- u
mentis commendari tuis . non enim me solum commea-
moratio posteritatis ad spem quandam immortalitatis
rapit , sed etiam illa cupiditas , ut uel auctoritate testi-
monij tui , uel indicio beneuolentiæ , uel suauitate inge-
nij uiui perfruemur . neque tamen , hæc cum scribe-
bam , eram nescius , quantis oneribus premerere susce-
ptarum rerum , & iam institutarum . sed quia uide-
bam Italici belli , & ciuilis historiam iam pene à te esse
perfectam ; dixeras autem mihi , te reliquas res ordiri :
deesse mihi nolui , quin te admonerem , ut cogitares ,
coniuncte ne mallet cum cæteris rebus nostra contexere ,
an , ut multi Græci fecerunt , Callisthenes Troicum bel-
lum , Timæus Pyrrhi , Polybius Numantinū , qui omnes
à perpetuis suis historijs ea , quæ dixi , bella separauerūt ;

C
A

tu quoque item ciuilem coniurationem ab hostibus, externisq; bellis seiungeres. equidem ad nostram laudem non multum uideo interesse: sed ad properationem meam quiddam interest, non te expectare, dum ad locum uenias, at statim causam illam totam, & tempus arripere. & simul si uno in argumento, unaq; in persona mens tua tota uersabitur: cerno iam animo, quanto omnia uberiora, atque ornatiora futura sint. neque tamen ignoro, quam impudenter faciam; qui primum, tibi tantum oneris imponam: potest enim mihi denegare occupatio tua: deinde etiam, ut ornēs me, postulem. quid, si illa tibi non tantopere uidentur ornanda? sed tamen, qui semel uerecundiae fines transierit, eum bene, & nauiter oportet esse impudentem. itaque te plane etiam atque etiam rogo, ut & ornēs ea uehementius etiam, quam fortasse sentis; & in eo leges historiae negligas: gratiamq; illam, de qua suauissime quodam in proemio scripsisti, à qua te affici non magis potuisse demonstras, quam Herculem Xenophontium illum à uoluptate, ea si me tibi uehementius commendabit, ne aspernere; amoriq; nostro plusculum etiam, quam concedit ueritas, largiari. quod si te adducemus, ut hoc suscipias: erit, ut mihi persuadeo, materies digna facultate, et copia tua. à principio enim coniurationis usque ad reditum nostrum uidetur mihi modicum quoddam corpus confici posse. in quo & illa poteris uti ciuiliū commutationum scientia, uel in explicandis causis rerum nouarum, uel in remedijs incommodorum; cum & reprehendes ea, quae uituperanda duces; & quae placebunt, exponendis rationibus comprobabis; et,

e

si liberius, ut consuesti, agendum putabis, multorum
 in nos perfidiam, insidias, prodicionem notabis. multā
 etiam casus nostri tibi uarietatem in scribendo suppedita-
 bunt, plenam cuiusdam uoluptatis, quæ uehemen-
 ter animos hominum in legendo scripto retinere possit.
 NIHIL est enim aptius ad delectationem lectoris,
 quàm temporum uarietates, fortunæq; uicissitudines:
 quæ etsi nobis optabiles in experiendo non fuerunt, in
 legendo tamen erunt iucundæ. HABET enim præ-
 teriti doloris secunda recordatio delectationem. cæteris ue-
 ro nulla perfunctis propria molestia, casus alienos sine
 ullo dolore intuentibus, etiam ipsa misericordia est iu-
 cunda. quem enim nostrum ille moriens apud Mantia-
 neam Epaminondas non cum quadam miseratione de-
 lectat? qui tum denique sibi auelli iubet spiculum, po-
 steaquam ei percotanti dictum est, clypeum esse saluū:
 ut etiam in uulneris dolore, æquo animo cum laude mo-
 reretur. cuius studium in legendo non erectum Themis-
 toclis fuga, redituq; retinetur? etenim ordo ipse anna-
 lium mediocriter nos retinet, quasi enumeratione fastio-
 rum: at uiri sepe excellentis ancipites, uariūq; casus ha-
 bēt admirationem, expectationem; lætitiā, molestiā;
 spem, timorem; si uero exitu notabili concluduntur,
 expletur animus iucundissimæ lectionis uoluptate. quo
 mihi acciderit optatius, si in hac sententia fueris, ut à
 continentibus tuis scriptis, in quibus perpetuam rerum
 gestarum historiam complecteris, secernas hanc quasi
 fabulam rerum, euentorumq; nostrorum; habet enim
 uarios actus, multasq; *actiones* et consiliorum, et tem- *mutationes*
 porum. Ac non uereor, ne assenti iuncta quadam au-

cupari tuam gratiam uidear, cum hoc demonstrem, me à te potissimū ornari, celebrariq; uelle: neque enim tu is es, qui, quid sis, nescias; & qui non eos magis, qui te non admirētur, inuidos, quā eos, qui laudent, assentatores arbitrere. neque autem ego sum ita demēs, ut me sempiternæ gloriæ per eum commendari uelim, qui non ipse quoque in me commendando propriam ingenij gloriā consequatur. neque enim Alexander ille gratiæ causa ab Apelle potissimum pingi, & à Lysippo fingi uolebat, sed quòd illorū artem cum ipsis, tum etiam sibi gloriæ fore putabat. atque illi artifices, corporis simulacra ignotis nota faciebant: quæ uel si nulla sint, nihilo sunt tamen obscuriores clari uiri. nec minus enim est Spartiates Agesilaus ille perhibendus, qui neque piētā, neque fiētā imaginem suam passus est esse, quā qui in eo genere laborarunt. unus enim Xenophontis libellus in eo rege laudando facile omnes imagines omnium, statuasq; superauit. atque hoc præstantius mihi fuerit & ad lætitiā animi, et ad memoriæ dignitatem, si in tua scripta peruenero, quā si in cæterorum; quòd non ingenium mihi solum suppeditatum fuerit tuum, sicut Timoleonti à Timæo, aut ab Herodoto Themistocli, sed etiam auctoritas clarissimi, & spectatissimi uiri, & in reip. maximis, grauissimisq; causis cogniti, atque in primis probati: ut mihi non solum præconium, quod, cum in Sigæum uenisset, Alexander ab Homero Achilli tributum esse dixit, sed etiam graue testimonium impertitum clari hominis, magniq; uideatur. placet enim Hector ille mihi Næuianus, qui non tantum laudari se letatur, sed addit

etiam, à laudato uiro. quod si à te non impetro, hoc est, si qua te res impederit; (neque enim fas esse arbitror, quidquam me rogantem abs te non impetrare) cogar fortasse facere, quod nonnulli sæpe reprehendunt: scribam ipse de me, multorum tamen exemplo, & clarorum uirorum. sed, quod te non fugit, hæc sunt in hoc genere uitia: et uerecundius ipsi de sese scribant, necesse est, si quid est laudandum; & prætereant, si quid forte reprehendendum est. accedit etiam, ut minor sit fides, minor auctoritas, multi denique reprehendant, & dicant, uerecundiores esse præcones ludorum gymnycorum, qui, cum cæteris coronas imposuerunt uictoribus, eorumq; nomina magna uoce pronunciarunt, cum ipsi ante ludorum missionem corona donentur, alium præconem adhibeant, ne sua uoce ipsi se uictores esse prædicent. hæc nos uitare cupimus, & si recipis causam nostram, uitabimus: idq; ut facias, rogamus. Ac ne forte mirere, cur, cum mihi sæpe ostenderit te accuratissime nostrorum temporum consilia, atque euentus literis mandaturum, à te id nunc tantopere, & tam multis uerbis petamus: illa nos cupiditas incendit, de qua initio scripsi, festinationis; quòd alacres animo sumus, ut & cæteri uiuentibus nobis ex libris tuis nos cognoscant, & nosmet ipsi uiui gloriola nostra perfruamur. his de rebus quid acturus sis, si tibi non est molestum, rescribas mihi uelim. si enim suscipis causam, conficiam commentarios rerum omnium. sin autem differs me in tempus aliud, coram tecum loquar. tu interea non cessabis, & ea, quæ habes instituta, perpolies, nosq; diliges. Vale.

Plutar. in opus.
440.

M. CICERO S. D.

L. LVCCEIO Q. F.

Vanquam ipsa consolatio literarum tuarum
 Q mihi gratissima est; declarat enim summam
 beneuolentiam coniunctam pari prudentia:
 tamen illum fructum ex ijs literis uel maximum cepi,
 quod te praeclare res humanas contemnentem, & opti-
 me contra fortunam paratum, armatumq; cognoui.
 quam quidem laudem sapientiae statuo esse maximam,
 NON aliunde pendere, nec extrinsecus aut bene, aut
 male uiuendi suspensas habere rationes. quae cogitatio
 cum mihi non omnino excidisset, (etenim penitus inse-
 derat) ui tamen tempestatum, & concussu calamita-
 tum erat aliquantum labefactata, atque conuulsa:
 cui te opitulari & uideo, & id fecisse etiam proximis
 literis, multumq; profecisse sentio. itaque hoc saepius
 dicendum, tibiq; non significandum solum, sed etiam
 declarandum arbitror, nihil mihi esse potuisse tuis lite-
 ris gratius. ad consolandum autem cum illa ualent;
 quae eleganter, copioseq; collegisti: tum nihil plus, quam
 quod firmitudinem, gravitatemq; animi tui perspexi;
 quam non imitari, turpissimum existimo. itaque hoc
 etiam fortiozem me puto, quam te ipsum, praeceptorem
 fortitudinis, quod tu mihi uidere spem nonnullam ha-
 bere, haec aliquando futura meliora: casus enim gla-
 diat prius, similitudinesq; ea, tum rationes in ea dispu-
 tatione à te collectae, uetabant me reip. penitus diffide-
 re. itaque alterum minus mirum, fortiozem te esse,
 cum

cum aliquid speres : alterum mirum , spe ulla teneri .
 quid est enim non ita affectum , ut id non deletum ,
 extinctumq; omne esse fateare ? circumspecte omnia mem-
 bra reip. quæ notissima sunt tibi : nullum reperies pro-
 fecto , quod non fractum , debilitatum'ue sit . quæ per-
 sequerer , si aut melius ea uiderem , quam tu uides ;
 aut commemorare possem sine dolore . quanquam tuis
 monitis , præceptisq; omnis est abiiciendus dolor , ergo et
 domestica feremus , ut censes , & publica paulo etiam
 fortius fortasse , quam tu ipse , qui præcipis . te enim
 spes aliqua consolatur , ut scribis : nos autem erimus
 etiam in omni desperatione fortes , ut tu tamen idem et
 hortaris , & præcipis : das enim mihi iucundas recor-
 dationes conscientie nostræ , rerumq; earum , quas te
 in primis auctore gessimus : præstitimus enim patriæ
 non minus certe , quam debuimus , plus profecto ,
 quam est ab animo cuiusquam , aut consilio hominis
 postulatum . ignoscas mihi de me ipso aliquid prædican-
 ti : quarum enim tu rerum cogitatione nos leuare ægri-
 tudine uoluisti , earum etiam commemoratione leni-
 mur . itaque , ut mones , quantum potero , me ab
 omnibus molestiis , & angoribus abducam , transfe-
 ramq; animum ad ea , quibus secunda res ornantur ,
 aduersæ adiuantur ; tecumq; & ero tantum , quan-
 tum patietur utriusque ætas , & ualeitudo : & , si
 esse una minus poterimus , quam uolumus , animo-
 rum tamen coniunctione iisdem studiis ita fruemur ,
 ut nunquam non una esse uideamur . Vale .

L. LVCCEIVS, Q. F. S. D.

M. CICERONI, M. F.

I uales, bene est: ego ualeo, sicut soleo, paulo tamen etiam deterius, quam soleo. Te requisiui saepius, ut uiderem. Romae quia postea non fuisti, quam à me discesseras, miratus sum: quod item nunc miror. non habeo certum, quae te res hinc maxime retrahat. si solitudine delectare, cum scribas, & aliquid agas eorum, quorum consuesti: gaudeo, neque reprehendo tuum consilium: nam nihil isto potest esse iucundius, non modo miseris his temporibus, & luctuosis, sed etiam tranquillis, & optatis, praesertim uel animo defatigato tuo, qui nunc requiem quaerit ex magnis occupationibus, uel erudito, qui semper aliquid ex se promat, quod alios delectet, te ipsum laudibus illustret. sin autem, sicut hic dum eras, & lacrymis, & tristitia te tradidisti: doleo, quia doles, & agere: nec possum te, si concedis, quod sentimus, ut liberius dicamus, non accusare. quid enim? tu solus aperta non uidebis, qui propter acumen occultissima perspicis? tu non intelliges, te querelis quotidianis nihil proficere? non intelliges, duplicari sollicitudines, quas eleuare tuâ te prudentia postulat? quod si non possumus aliquid proficere suadendo, gratia contendimus, & rogando, si quid nostrae causa uis, ut istis te molestijs laxes, & ad conuietum nostrum redeas, & ad consuetudinem, uel nostram communem, uel tuam solius, ac propriam. cupio non obtundere te, si non delectare nostro studio. cu=

pio detertere, ne permanceas in incepto: cum duæ res istæ contrariæ me conturbent: ex quibus aut in altera mihi uelim, si potes, obtemperes; aut in altera non offendas. Vale.

M. CICERO L. LVCCEIO, Q. F. S.

Mnis amor tuus ex omnibus partibus se ostendit in ijs literis, quas à te proxime accepi, non ille quidem mihi ignotus, sed tamen gratus, & optatus; dicerem, iucundus, nisi id uerbum in omne tempus perdidissem, neque ob eam unā causam, quam tu suspicaris, & in qua me, lenissimis, & amantissimis uerbis utens, re grauiter accusas; sed quòd illius tanti uulneris quæ remedia esse debebāt, ea nulla sunt: quid enim? ad amicos ne confugiam? quā multi sunt? habuimus enim fere communes: quorum alij occiderunt, alij nescio quò pacto obduruerunt. tecum uiuere possem equidem, & maxime uellem. uetustas est, amor, consuetudo, studia paria: quod uinculum, quæ res deest nostræ coniunctioni? possumus ne igitur esse una? nec mehercule intelligo, quid impediat: sed certe adhuc non fuimus, cum essemus uicini in Tusculano, in Puteolano: nam quid dicam, in urbe? in qua, cum forum commune sit, uicinitas non requiritur. sed casu nescio quo in ea tempora nostra ætas incidit, ut, cum maxime florere nos oporteret, tum uiuere etiam puderet. quod enim mihi poterat esse perfugium spoliato & domesticis, & forensibus ornamentis, atque solatijs? litera, credo; quibus utor assidue: quid enim aliud facere possum? sed nescio quo modo ipsæ illæ exa-

cludere me à portu, & perfugio uidentur, & quasi exprobrare, quòd in ea uita maneam, in qua nihil in-
sit, nisi propagatio miserrimi temporis. Hic tu ea me
abesse urbe miraris, in qua domus nihil delectare possit,
summum sit odium temporum, hominum, fori, curiae?
itaque sic literis utor, in quibus consumo omne tempus,
non ut ab his medicinam perpetuam, sed ut exiguam
doloris obliuionem petam. quòd si id egissemus ego,
atque tu, quòd ne in mentem quidem nobis ueniebat
propter quotidianos metus: omne tempus una fuisse-
mus: neque me ualeitudo tua offenderet, neque te mœ-
ror meus. quòd, quantum fieri poterit, consequamur;
quid enim utrique nostrum aptius? propediem te igi-
tur uidebo. Vale.

M. CICERO S. D. TITIO.

Tsi unus ex omnibus minime sum ad te conso-
landum accommodatus, quòd tantum ex tuis
molestijs cepi doloris, ut consolatione ipse ege-
rem: tamen, cum longius à summi luctus acerbitate
meus abesset dolor, quàm tuus, statui nostræ necessitu-
dinis esse, meæq; in te beneuolentiæ, non tacere tanto
in tuo mœrore tandiu, sed adhibere aliquam modicam
consolationem, quæ leuare dolorem tuum posset, si mi-
nus sanare potuisset. Est autem consolatio peruulgata
quidem illa maxime, quam semper in ore, atque in ani-
mo habere debemus; HOMINES nos ut esse memi-
nerimus, ea lege natos, ut omnibus telis fortunæ propo-
sita sit uita nostra; neque esse recusandum, quo minus
ea, qua nati sumus, conditione uiuamus: ne ue tam

grauiter eos casus feramus, quos nullo consilio vitare
 possumus: euentisq; aliorum memoria repetendis, nihil
 accidisse nobis noui cogitemus: neque hæ, neque ceteræ
 consolationes, quæ sunt à sapientissimis uiris usurpatae,
 memoriæq; , & literis proditæ, tantum uidentur pro-
 ficere debere, quantum status ipse nostræ ciuitatis, &
 hæc perturbatio temporum perditorum: cum beatissimi
 sint, qui liberos non susceperunt; minus autem mise-
 ri, qui his temporibus amiserunt, quàm si eosdem bo-
 na, aut denique aliqua rep. perdidissent. quod si tuum
 te desiderium mouet; aut si tuarum rerum cogitatione
 moeres: non facile exhauriri tibi istum dolorem posse
 uniuersum puto: sin illa te res cruciat, quæ magis amo-
 ris est, ut eorum, qui occiderunt, misérias lugeas: ut
 ea non dicam, quæ sæpissime & legi, & audiui, nihil
 mali esse in morte; in qua si resideat sensus, immorta-
 litas illa potius, quàm mors ducenda sit; sin sit amissus,
 nulla uideri miseria debeat, quæ non sentiatur: hoc ta-
 men non dubitans confirmare possum; ea misceri, pa-
 rari, impendere reip. quæ qui reliquerit, nullo modo
 mihi quidem deceptus esse uideatur. quid est enim iam
 non modo pudori, probitati, uirtuti, rectis studijs, bo-
 nis artibus, sed omnino libertati, ac saluti loci? non me-
 hercule quenquam audiui hoc grauissimo, & pestilen-
 tissimo anno adolescentulum, aut puerum mortuum,
 qui mihi non à dijs immortalibus ereptus ex his miserijs,
 atque ex iniquissima conditione uitæ uideretur. quare
 si tibi unum hoc detrahi potest, ne quid ijs, quos ama-
 sti, mali putes contigisse: permultum erit ex mœrore
 tuo diminutum. relinquetur enim simplex illa iam cu-

ra doloris tui, quæ non cum illis communicabitur, sed ad te ipsum proprie referetur. in qua non est iam grauitatis, ac sapientiæ tuæ, quam tu à puero præstitisti, ferre immoderatus casum incommodorum tuorum, qui sit ab eorum, quos dilexeris, miseria, maloq; sciundus. etenim eum semper te & priuatis in rebus, & publicis præstitisti, tuenda tibi ut sit grauitas, & constantia seruiendum. nam quod allatura est ipsa diuturnitas, quæ maximos luctus uetustate tollit, id nos præripere consilio, prudentiaq; debemus. etenim si nulla unquam fuit, liberis amissis, tam imbecillo mulier animo, quæ non aliquando lugendi modum fecerit: certe nos, quod est dies allatura, id consilio ante ferre debemus, neque expectare temporis medicinam, quam representare ratione possimus. His ego literis si quid profecissem, existimabam optandum quiddam me esse assecutum: sin minus forte ualuissem, officio tamen esse functum beneuolentissimi, atque amicissimi: quem me tibi & fuisse semper existimes uelim, & futurum esse confidas. Vale.

M. CICERO S. D. P. SEXTIO P. F.

ON obliuione amicitiae nostræ, neque intermissione cōsuetudinis meæ, superioribus temporibus ad te nullas literas misi, sed quod priora tempora in ruinis reip. nostrisq; iacuerunt, posteriora autem me à scribendo tuis iniustissimis, atque acerbissimis incommodis retardarunt. cum uero & interuallum iam satis longum fuisset; & tuam uirtutem, animiq; magnitudinem diligentius essem mecum

recordatus; non putavi esse alienum institutis meis, hæc ad te scribere. Ego te P. Sexti & primis temporibus illis, quibus in inuidiam absens, & in crimen uocabar, defendi: & cum in tui familiarissimi iudicio, ac periculo tuum nomē coniungeretur, quā potui accuratissime te, tuamq; causam tutatus sum: & proxime recenti aduentu meo cum rem aliter institutam offendissem, ac mihi placuisset, si affuissem, tamen nulla re salutis tuæ defui: cumq; eo tempore inuidia annonæ inimici non solum tui, uerum etiam amicorum tuorum, iniquitas totius iudicii, multaq; alia reip. uitia plus, quā causa ipsa, ueritasq; ualuissem; Publio tuo neque opera, neque consilio, neque labore, neque gratia, neque testimonio defui. quamobrem, omnibus officiis amicitiae diligenter à me, sancteque seruatis, ne hoc quidem prætermittendum esse duxi, te ut hortarer, rogaremq; ut & hominem te, & uirum esse meminisses; id est ut & communem, incertumq; casum, quem neque uitare quisquam nostrum, neque præstare ullo pacto potest, sapienter ferres; & dolori fortiter, ac fortunæ resisteres; cogitaresq; & in nostra ciuitate, & in cæteris, quæ rerum potitæ sunt, multis fortissimis, atque optimis uiris inuictis iudicijs tales casus incidisse. illud utinam ne uere scriberem, ea te rep. carere, in qua neminem prudentem hominem res ulla delectet. De tuo autem filio uereor, ne, si nihil ad te scripserim, debitum eius uirtuti uidear testimonium non cepisse: sin autem omnia, quæ sentio, perscripserim, ne refricem meis literis desiderium, ac dolorem tuum. sed tamen prudentissime facies, si illius pietatem, uirtutem, industriam,

ubique erit, tuam esse, tecum esse duces. NEC enim minus nostra sunt, quæ animo complectimur, quàm quæ oculis intuemur. quamobrem & illius eximia uirtus, summusq; in te amor magnæ tibi consolationi debet esse; & nos, ceteriq; qui te non ex fortuna, sed ex uirtute tua pendimus, semperq; pendemus; & maxime animi tui conscientia; cum tibi nihil merito accidisse reputabis, et illud adiunges, HOMINES sapientes turpitudine, non casu; & delicto suo, non aliorum iniuria commoueri. Ego et memoria nostræ ueteris amicitiae, & uirtute, atque obseruantia filij tui monitus, nullo loco deero neque ad consolandū, neque ad leuandum fortunam tuam. tu si quid ad me forte scripseris, perficiā, ne te frustra scripsisse arbitrere. Vale.

M. CICERO S. D. T. FADIO.

Tsi egomet, qui te consolari cupio, consolans
 E dus ipse sum, propterea quod nullam rem
 grauius iandiu tuli, quàm incommodum
 tuum: tamen te magnopere non hortor solū, sed etiam
 pro amore nostro rogo, atque oro, te colligas, uirumq;
 præbeas, & quā conditione omnes homines, & quibus
 temporibus nati simus, cogites: plus tibi uirtus tua
 dedit, quàm fortuna abstulit: propterea quod adeptus
 es, quod non multi homines noui; amisisti, quod pluri
 mi homines nobilissimi: ea denique uidetur conditio im
 pendere legum, iudiciorum, temporum, ut optime
 actum cum eo uideatur esse, qui quamleuissima poena
 ab hac rep. discesserit. tu uero, qui et fortunas, & li

beros habeas, & nos, ceterosq; necessitudine, & beneuolentia tecum coniunctissimos; quiq; magnam facultatem sis habiturus nobiscum, & cum omnibus tuis uiuendi; et cum unum sit iudicium ex tam multis, quod reprehendatur, ut quod una sententia, eaq; dubia, potentia alicuius condonatum existimetur: omnibus his de causis debes istam molestiam quam lenissime ferre. Meus animus erit in te, liberosq; tuos semper, quem tu esse uis, & qui esse debet. Vale.

M. CICERO RVFO S.

Tsi mihi nunquam dubium fuit, quin tibi
 E essem carissimus: tamen quotidie magis id
 perspicio: extatq; id, quod mihi ostenderas
 quibusdam literis; hoc te studiosiorem in me colendo fore, quam in prouincia fuisses, (etsi, meo iudicio, nihil ad tuum prouinciale officium addi potest) quo liberius iudicium esse posset tuum. itaque me et superiores literae tuae admodum delectauerunt, quibus & expectatum meum aduentum abs te amanter uidebam, & cum aliter res cecidisset, ac putasses, te meo consilio magnopere esse latatum: & his proximis literis magnum cepi fructum & iudicii, et officij tui: iudicii, quod intelligo te, id quod omnes fortes, ac boni uiri facere debent, nihil putare utile esse, nisi quod rectum, honestumq; sit: officij, quod te mecum, quodcunque cepissem consilij, polliceris fore: quo neque mihi gratius, neque, ut ego arbitror, tibi honestius esse quidquam potest. mihi consilium captum iandiu est. de quo ad te, non quocelandus esses, nihil scripsi antea, sed quia communicatio

consilij tali tempore, quasi quædam admonitio uidetur esse officij, uel potius efflagitatio ad coeundam societatem uel periculi, uel laboris. cum uero ea tua sit uoluntas, humanitas, beneuolentia erga me: libenter amplector talem animum, sed ita, (non enim dimittam pudorem in rogando meum) si feceris id, quod ostendis, magnam habebō gratiam; si non feceris, ignoscam; & alterum timori, alterum mihi te negare non potuisse arbitror. est enim res profecto maxima. quid rectum sit, apparet: quid expediat, obscurum est, ita tamen, ut, si nos ij sumus, qui esse debemus, id est studio digni, & literis nostris, dubitare non possimus, quin ea maxime conducant, quæ sunt rectissima. quare tu, si simul placebit, statim ad me uenies: sin idem placebit, atque eodem, nec continuo poteris; omnia tibi ut nota sint, faciam. quidquid statueris, te mihi amicum; sin id, quod opto, etiam amicissimum iudicabo. Vale.

CICERO RVFOS.

Voquo modo potuissem, te conuenissem, si eò, quo constitueras, uenire uoluisses. quare etsi mei commodi causa commouere me noluisti: tamen ita existimes uelim, me antelaturum fuisse, si ad me misisses, uoluntatem tuam commodο meo. Ad ea, quæ scripsisti, commodius equidem possem de singulis ad te rebus scribere, si M. Tullius, scriba meus, adesset: à quo mihi exploratum est, in rationibus duntaxat referendis, (de cæteris rebus affirmare non possum) nihil eum fecisse scientem, quod esset contra aut rem,

aut exstimationem tuam : deinde, si rationum referendarum ius uetus, & mos antiquus maneret, me relaturum rationes, nisi tecum pro coniunctione nostræ necessitudinis contulisset, confecissetq; , non fuisse. quod igitur fecissem ad urbem, si consuetudo pristina maneret; id, quando lege Iulia relinquere rationes in prouincia necesse erat, easdemq; totidem uerbis referre ad aearium, feci in prouincia, neque ita feci, ut te ad meum arbitrium adducerem : sed tribui tibi tantum, quantum me tribuisse nunquam pœnitebit. totum enim scribam meum, quem tibi uideo nunc esse suspectum, tibi tradidi. tu ei M. Mindium fratrem tuum adiunxisti. rationes confectæ me absente sunt tecum : ad quas ego nihil adhibui præter lectionem. ita accepi librum à meo seruo scriba, ut eundem acceperim à fratre tuo. si hoc nos is fuit, maiorem tibi habere non potui : si fides, maiorem tibi habui, quàm pene ipsi mihi. si prouidendum fuit, ne quid aliter, ac tibi & honestum, & uile esset, referretur : non habui, cui potius id negotij darem, quàm scribæ meo. illud quidem certe factum est, quod lex iubebat, ut apud duas ciuitates, Laodicensem, & Apamensem, quæ nobis maxime uidebantur, quoniam ita necesse erat, rationes confectas, & consolutas deponeremus. itaque huic loco primum respondeo, me, quanquam iustis de causis rationes deferre properarim, tamen te expectaturum fuisse, nisi in prouincia relictas rationes pro latis haberem. Quamobrem de Volusio quod scribis, non est id rationum. docuerunt enim me periti homines, in his cum omnium peritissimus, tum mihi amicissimus C. Ca-

nullus, ad Volusium trāsferri nomen à Valerio non po-
 tuisse, sed prædes Valerianos teneri. neque id erat H5
 XXX, ut scribis, sed XIX. erat enim curata nobis pe-
 cunia Valerij Mancipis nomine: ex qua reliquum quod
 erat in rationibus, retuli. sed sic me et liberalitatis fru-
 ctu priuas, & diligentiae, & quod minime tamen la-
 boro; mediocris etiam prudentiae: liberalitatis, quod
 maius scribae mei beneficio, quam meo, legatū meum,
 praefectumq; maxima calamitate leuatos, cum praeser-
 tim non deberent esse obligati: diligentiae, quod existia-
 mas, de tanto officio meo, tanto etiam periculo nec scisse
 me quidquam, nec cogitasse; scribam, quidquid uoluis-
 set, cum id mihi ne recitasset quidem, retulisse: pru-
 dentiae, cum rem à me ne insipienter quidem cogitatam
 putas. nam et Volusij liberandi meum fuit consilium:
 et ut multa tam grauis Valerianis praedibus, ipsiq; T.
 Mario depelleretur, à me inita ratio est: quam quidem
 omnes non solum probant, sed etiam laudant. & si ue-
 rum scire uis, hoc uni scribae meo intellexi non nimium
 placere. sed ego putauī esse utri boni, cū populus suum
 seruaret, consulere fortunis tot uel amicorū uel ciuium.
 Nam de logeio est ita actum, ut auctore Cn. Pompeio
 ista pecunia in fano poneretur. id ego agnouī meo iussu
 esse factum. qua pecunia Pompeius est usus, ut tua,
 quam tu deposueras, Sextius. sed hoc ad te nihil intelli-
 go pertinere. illud me non animaduertisse moleste fer-
 rem, ut adscriberem, te in fano pecuniā iussu meo de-
 posuisse, nisi ista pecunia grauissimis esset, certissimisq;
 monumentis testata, cui data, quo S. C. quibus tuis,
 quibus meis literis P. Sextio tradita esset. quae cum ui-

derem tot uestigijs impressa, ut in his errari non posset : non adscripsi id, quod tua nihil referebat : ego tamen adscripsisse malletm, quando id te uideo desiderare. sicut scribis tibi id esse referendum, idem ipse sentio : neque in eo quidquam à meis rationibus discrepabit tuæ. addes enim tu, meo iussu : quod ego nunquam addidi : nec causa est, cur negem : nec, si esset, & tu nolles, negarem. Nam de HS nongentis millibus, certe ita relatum est, ut tu, siue frater tuus referri uoluit. sed si quid est, quando de logeio parum prouisum est, quod ego in rationibus referendis etiamnum corrigere possim : de eo mihi, cum S. C. non sim usus, quid per leges liceat, considerandū est. te certe in pecunia exacta ita efferre ex meis rationibus relatis non oportuit : nisi quid me fallit : sunt enim alij peritiores. illud caue dubites, quin ego omnia faciam, quæ interesse tua, aut etiam uelle te existimem, si ullo modo facere possim. Quod scribis de beneficijs, scito à me et tribunos mil. et præfectos, et contubernales duntaxat meos delatos esse. in quo quidē ratio me fefellit. liberum enim mihi tempus ad eos deferendos existimabam dari : postea certior sum factus, triginta diebus deferri necesse esse, quibus rationes retulissem. sane moleste tuli, non illa beneficia tuæ potius ambitioni reseruata esse, quàm meæ, qui ambitione nihil uterer. de centurionibus tamen, & de tribunorum mil. contubernalibus res est in integro : genus enim horum beneficiorum definitum lege non erat. Reliquum est de HS centum millibus : de quibus memini mihi à te Myrina literas esse allatas, non mei errati, sed tui : in quo peccatum uidebatur esse, si modo erat, fratris tui, &

Tullij. sed cum id corrigi non posset, quòd, iam depositis rationibus, ex prouincia decesssemus: credo me quidem tibi pro animi mei uoluntate, proq; ea spe facultatum, quam tum habebamus, quam humanissime potuerim, rescripsisse. sed neque tum me humanitate mearum literarum obligatum puto; neque tuam hodie epistolam de HS centum sic acceperis, ut ij accipiunt, quibus epistolæ per hæc tempora molestæ sunt. simul illud cogitare debes, me omnem pecuniam, quæ ad me salutis legibus peruenisset, Ephesi apud publicanos deposuisse: id fuisse HS XXII: eam omnem pecuniam Pompeium abstulisse. quod ego siue æquo animo fero, siue iniquo: tu de HS centum æquo animo ferre debes, et existimare, eo minus ad te uel de tuis cibarijs, uel de mea liberalitate peruenisse. quòd si mihi expensa ista HS centum tulisses: tamen, quæ tua est suauitas, quiq; in me amor, nolles à me hoc tempore æstimationem accipere. nam numeratum si euiperem, non erat. sed hæc iocatum me putato, ut ego te existimo. ego tamen, cum Tullius rure redierit, mittam eum ad te, si quid ad rem putabis pertinere. Hanc epistolam cur non scindi uelim, causa nulla est. Vale.

M. CICERO S. D. L. MESCINIO.

G Rata mihi tuæ literæ fuerunt: ex quibus intellexi, quod etiam sine literis arbitrabar, uidentis mei te summa cupiditate affectum esse. quod ego ita libenter accipio, ut tamen tibi non concedam. nam tecum esse, ita mihi commoda omnia, quæ

opto, contingant, ut uehementer uelim. etenim, cum esset maior & ultorum, & ciuium bonorum, & iucundorum hominum, & amantium mei copia, tamen erat nemo, quicum essem libentius, quàm tecum, & pauci, quibuscum æque libenter: hoc uero tempore, cum alij interierint, alij absint, alij mutati uoluntate sint, unum mediusfidius tecum diem libentius posuerim, quàm hoc omne tempus cum plerisque eorum, quibuscum uiuo necessario. noli enim existimare, mihi non solitudinem iucundiorē esse, quā tamen ipsa uti non licet, quàm sermones eorum, qui frequentant domum meam, excepto uno, aut summum altero. itaque utor eodem perfugio, quo tibi utendum censeo, literulis nostris, præterea etiam conscientia consiliorum meorum. ego enim is sum, quemadmodum tu facillime potes existimare, qui nihil unquam mea potius, quàm meorum ciuium, causa fecerim: cui nisi inuidisset is, quem tu nunquam amasti, (me enim amabas) et ipse beatus esset, et omnes boni. ego sum, qui nullius uim plus ualere uolui, quàm honestum otium. idemq; cum illa ipsa arma, quæ semper timuerā, plus posse sensi, quàm illum consensum bonorum, quem ego idem effeceram; quauis tuta conditione pacem accipere malui, quàm uiribus cum ualentiore pugnare. sed et hæc, et multa alia coram breui tempore licebit. neque me tamē ulla res alia Romæ tenet, nisi expectatio rerum Africanarū. uidetur enim mihi res in propinquum adducta discrimen. puto autem mea non nihil interesse; quanquā, id ipsum quid intersit, non sane intelligo; ueruntamen, quidquid illinc nunciatū sit, non longe abesse à consilijs amicorū:

est enim res ipsa iam in eum locum adducta, ut, quamquam multum intersit inter eorum causas, qui dimittant, tamen inter uictorias non multum interfuturum putem. sed plane animus, qui dubijs rebus forsitan fuerit infirmior, desperatis confirmatus est multum: quem etiam superiores tuæ literæ confirmarunt: quibus intellexi, quam fortiter iniuriam ferres: iunxitq; me, tibi cum summam humanitatem, tum etiam tuas literas profuisse. uerum enim scribam: teneriore mihi animo uidebare, sicut omnes fere, qui uita ingenua, in beata, & libera ciuitate uiximus, sed ut illa secunda moderate tulimus: sic hanc non solum aduersam, sed etiam funditus euersam fortunam fortiter ferre debemus: ut hoc saltem in maximis malis boni consequamur, ut mortem, quam etiam beati contemnere debemus, propterea quod nullum sensum esset habitura, nunc sic affecti non modo contemnere debeamus, sed etiam optare. Tu, si me diligis, fruiere isto otio; tibiq; persuade, PRAETER culpam, ac peccatum, quo semper caruisti, & carebis, homini accidere nihil posse, quod sit horribile, aut pertimescendum. Ego, si uidebitur recte fieri posse, ad te ueniam breui. si quid acciderit, ut mutandum consilium sit: te certiore faciam statim. tu ita fac cupidus mei uidendi sis, ut istinc te ne moueas tam infirma ualetudine, nisi ex me prius quaesieris per literas, quid te uelim facere. Me uelim, ut facis, diligas, ualetudiniq; tuæ, & tranquillitati animi seruias. Vale.

M. TULLII CICERONIS
EPISTOLARVM, AD TORQVA-
TVM, ET ALIOS, LIB. VI.

M. CICERO S. D. A. TORQVATO.

¶ Si ea perturbatio est omnium rerum,
ut suæ quæque fortunæ maxime præ-
niteat; nemoq; sit, quin ubiuis, quàm
ibi, ubi est, esse malit: tamen mihi du-
bium non est, quin hoc tempore bono
nitro Romæ esse miserrimum sit. nam etsi quocunque in
loco quisque est, idem est ei sensus, & eadem acerbitas
ex interitu rerum & publicarum, & suarum; tamen
oculi augent dolorem, qui ea, quæ cæteri audiunt,
intueri coguntur, nec auertere à miseris cogitationem
sinunt. quare etsi multarum rerum desiderio te angi
necesse est: tamen illo dolore, quò maxime te confici au-
dio, quòd Romæ non sis, animum tuum libera. etsi
enim cum magna molestia tuos, tuâq; desideras: ta-
men illa quidem, quæ requiris, suum statum tenent,
nec melius, si tu adesses, tenerent, nec sunt ullo in pro-
prio periculo. nec debes tu, cum de tuis cogitas, aut
præcipuam aliquam fortunam postulare, aut commu-
nem recusare. De te autem ipso Torquate est tuum. sic
agitare animo, ut non adhibeas in consilium cogitatio-
num tuarum desperationem, aut timorem, nec enim
is, qui in te adhuc iniustior, quàm tua dignitas postu-
labat, fuit, non magna signa dedit animi erga te miti-
gati. nec tamen is ipse, à quò salus petitur, habet ex-

plicatam, aut exploratam rationē salutis suae. C. V. M.
 QV E omnium bellorum exitus incerti sint : ab altera
 uictoria tibi periculum nullum esse perspicio, quod qui-
 dem sciunctum sit ab omnium interitu : ab altera te ip-
 sum nunquam timuisse ; certo scio . reliquum est , ut te
 id ipsam , quod ego quasi consolationis loco pono , ma-
 xime excruciet , commune periculum reip. cuius tanti
 mali , quamuis docti uiri multa dicant , tamen uereor ,
 ne cōsolatio nulla possit uera reperiri , præter illam , quæ
 tanta est , quātum in cuiusque animo roboris est , atque
 nervorum . si enim BENE sentire , recteq ; facere , sa-
 tis est ad bene , beateq ; uiuendum : uereor , ne eum , qui
 se optimorum consiliorum conscientia sustentare possit ,
 miserum esse , nefas sit dicere . nec enim nos arbitror ui-
 ctoria præmijs dictos patriam olim , & liberos , & for-
 tunas reliquisse : sed quoddam nobis officium iustum ,
 & pium , & debitum reip. nostræq ; dignitati uideba-
 tur ; qui neque , cum id faciebamus , tam eramus amen-
 tes , ut explorata nobis esset uictoria . quare si id euenit ,
 quod ingredientibus nobis in causam propositum fuit
 accidere posse : non debemus ita cadere animis , quasi ali-
 quid euenerit , quod fieri posse nunquam putarimus . si-
 mus igitur ea mente , quam ratio , & ueritas præscribit ;
 ut nihil in uita nobis præstādum præter culpam pute-
 mus ; eaq ; cum careamus , omnia humana placate , &
 moderate feramus . atque hæc eō pertinet oratio , ut per-
 ditis rebus omnibus , tamen ipsa uirtus se sustentare pos-
 se uideatur . sed si est spes aliqua rebus communibus , ea
 tu , quicunque status es ; futurus , carere non debes . at-
 que hoc mihi scribenti ueniebat in mētem , me eum esse ,

cuius tu desperationem accusare solitus esses, quemq;
 auctoritate tua cunctantem & diffidentem excitare.
 quo quidem tempore non ego causam nostram, sed con-
 silium improbabam: sero enim nos ijs armis aduersari
 uidebam, quæ multo ante confirmata per nosmetipsos
 erant: docebamq; , pilis, & gladijs, non consilijs, ne-
 que auctoritatibus nostris, de iure publico disceptari.
 neque ego ea, quæ facta sunt, fore cum dicebam, dis-
 uinabam futura: sed quod & fieri posse, & exitia-
 sum fore, si euenisset, uidebam, id ne accideret, time-
 bam; præsertim cum, si mihi alterutrum de euentu,
 atque exitu rerum promittendum esset, id futurum,
 quod euenit, exploratius possem promittere. ijs enim
 rebus præstabamus, quæ non prodeunt in aciem: usu
 autem armorum, et militum robore inferiores eramus.
 sed tu illum animum nunc adhibe quæso, quo me tum
 esse oportere censebas. hæc eo scripsi, quod mihi nunc
 Philargyrus tuus, omnia de te requirenti, fidelissimo
 animo, ut mihi quidem uisus est, narrauit, te inter-
 dum sollicitum solere esse uehementius. quod facere non
 debes, nec dubitare, quin aut aliqua rep. sis futurus;
 qui esse debes; aut perditæ, non afflictiore conditione;
 quàm ceteri. hoc uero tempus, quo exanimati omnes,
 & suspensi sumus, hoc moderatiore animo ferre debes,
 quod & in ea urbe es, ubi nata, & alta est ratio, ac
 moderatio uitæ: & habes ser. sulphiciu, quem sem-
 per unice dilexisti: qui te profecto & beneuolentia, &
 sapientia consolatur. cuius si essemus et auctoritatem,
 & consilium secuti, togati potius potentiam, quàm
 armati uictoriam subissemus. sed hæc longiora for-

tasse fuerunt, quàm necesse fuit. illa, quæ maiora sunt, breuius exponam. Ego habeo, cui plus, quàm tibi, debeam, neminem. quibus tantum debebam, quantum tu intelligis, eos mihi huius belli casus eripuit. qui sim autem hoc tempore, intelligo. sed quia NEMO est tam afflictus, qui, si nihil aliud studeat, nisi id, quod agit, non possit nauare aliquid, et efficere: omne meum consilium, operam, studium certe uelim existimes tibi, tuisq; liberis esse debitum. Vale.

M. CICERO S. D. A. TORQUATO.

Eto à te, ne me putes obliuione tui rariùs ad te scribere, quàm solebam, sed aut grauitate ualeitudinis, qua tamen iam paululum uideor leuari, aut quòd absim ab urbe; ut, qui ad te proficiscantur, scire non possim. quare uelim, ita statutum habeas, me tui memoriam summa cum beneuolentia tenere, tuasq; omnes res non minori mihi curæ, quàm meas, esse. Quòd maiore in uarietate uersata est adhuc tua causa, quàm homines aut uolebāt, aut opinabantur: mihi crede, non est, pro malis temporum, quod molestè feras. necesse est enim, aut armis urgeri remp. sempiternis, aut, his positis, recreari aliquando, aut funditus interire. si arma ualebunt: nec eos, à quibus recipere, uereri debes, nec eos, quos adiunxisti. si armis aut conditione positis, aut defatigatione abiectis, aut uictoria detractis, ciuitas respirauerit; & dignitate tua frui tibi, et fortunis licebit. sin omnino interierint omnia, fueritq; is exitus, quem uir prudentissimus M.

Antonius iam tūc timebat, cum tantum instare malos
 rum suspicabatur: misera est illa quidem cōsolatio, tali
 præsertim ciui, et uiro, sed tamē necessaria; N I H I L
 esse præcipue cuiquam dolendum in eo, quod accidat
 uniuerfis. quæ uis insit in his paucis uerbis (plura enim
 committenda epistolæ non erant) si attendes, quod fa-
 cis: profecto etiam sine meis literis intelliges, te aliquid
 habere, quod speres; nihil, quod aut hoc, aut aliquo
 reip. statu timeas; omnia si interierint, cum superstiti-
 tem te esse reip. ne si liceat quidem, uelis, ferendam esse
 fortunam, præsertim quæ absit à culpa. sed hæc hæ-
 ctenus. Tu, uelim, scribas ad me, quid agas, & ubi fu-
 turus sis; ut, aut quo scribam, aut quò ueniam, scire
 possim. . . Vale.

M. CICERO S. D. A. TORQVATO.

Vperioribus literis beneuolentia magis addus-
 s Etus, quàm quo res ita postularet, fui lon-
 gior. neque enim confirmatione nostra ege-
 bat uirtus tua: neque erat ea mea causa, atque fortu-
 na, ut, cui ipsi omnia deessent, alterum confirmarem.
 hoc item tēpore breuior esse debeo. siue enim tum nihil
 opus fuit tam multis uerbis; nihilo magis nunc opus est:
 siue tum opus fuit; illud satis est: præsertim cum acceso-
 serit nihil noui. nam etsi quotidie aliquid audimus ea-
 rum rerum, quas ad te perferri existimo: summa ta-
 men eadem est, & idem exitus, quem ego tam uideo
 animo, quàm ea, quæ oculis cernimus. nec uero quid-
 quam uideo, quod non idem te uidere certo sciam. nam

etsi, quem exitum acies habitura sit, diuinare nemo potest: tamen & belli exitum uideo; & si id minus, hoc quidem certe, cum sit necesse alterutrum uincere, qualis futura sit uel hæc, uel illa uictoria. idq; cum optime perspexi, tale uideo, nihil ut mali uideatur esse futurum, si id uel ante acciderit, quod uel maximum ad tunc morem proponitur. I T A enim uiuere, ut non sit uiuendum, miserrimum est: mori autem nemo sapiens miserum duxit, ne beato quidem. sed in ea es urbe, in qua hæc uel plura, & ornatiore parietes ipsi loqui posse uideantur. ego tibi hoc confirmo, E T S I leuis est consolatio ex miseris aliorum, nihilo te nunc maiore in discrimine esse, quam quemuis aut eorum, qui discesserint, aut eorum, qui remanserint. alteri dimicant: alteri uictorem timent. sed hæc consolatio leuis; illa grauior, qua te uti spero, ego certe utor: nec enim, dum ero, angar ulla re, cum omni uacem culpa; &, si non ero, sensu omnino carebo. sed rursus γλαῶν' εἰς ἀδύνατον, qui ad te hæc. Mihi tu, tui, tua omnia maxima curæ sunt, & dum uiuam, erunt. Vale.

M. CICERO S. D. A. TORQUATO.

Oui, quod ad te scriberem, nihil erat: & tamen, si quid esset, sciebam te a tuis certiores fieri solere. de futuris autem rebus etsi semper difficile est dicere, tamen interdum coniectura possis propius accedere, cum res est eiusmodi, cuius exitus prouideri possit. nunc tantum uidemur intelligere, non diuturnum bellum: etsi id ipsum nonnullis uideatur secus. equidem cum hæc scribebam, aliquid iam actum puta-

bam, non quo ego certo scirem, sed quòd non difficilis
 erat coniectura. nam cum omnis belli Mars communis,
 et cum semper incerti exitus praeliorum sunt: tum hoc
 tempore ita magnæ utrinque copiæ, ita paratæ ad depu-
 gnandum esse dicuntur, ut, utercunque uicerit, non
 sit mirum futurum. illa in dies singulos magis magisq;
 opinio hominum confirmatur, etiam si inter causas ar-
 morum aliquantum intersit, tamen inter uictorias non
 multum interfuturum. alteros propemodum iam su-
 mus experti: de altero, nemo est, quin cogitet, quàm sit
 metuendus iratus uictor armatus. hoc loco si uideor au-
 gere dolorem tuum, quem consolando leuare debebam,
 fateor me communium malorum cōsolationem nullam
 inuenire, præter illam, quæ tamen, si possis eam susci-
 pere, maxima est, quâq; ego quotidie magis uitor;
 CONSCIENCIAM rectæ uoluntatis maximam
 consolationem esse rerum incommodarū; necesse ullum
 magnum malum præter culpam. à qua quando tan-
 tum absumus, ut etiam optime senserimus, euentusq;
 magis nostri consilij, quàm consilium reprehendatur;
 & quando præstitimus, quod debuimus: moderate,
 quod euenit, feramus. sed hoc mihi tamen non sumo,
 ut te consoler de communibus miserijs, quæ & ad conso-
 landum maioris ingenij, & ad ferendum singularis uir-
 tutis indigent. illud cuius facile est docere, & cur præci-
 pue tu dolere nihil debeas. eius enim, qui tardior in te
 leuando fuit, quàm fore putaramus, non est mihi dua-
 bia de tua salute sententia: de alijs autem, non arbitror
 te expectare, quid sentiam. reliquum est, ut te angat,
 quòd absis à tuis tādīu. res molesta, præsertim ab ijs puea

ris, quibus nihil potest esse festiuius. sed, ut antea ad
 te scripsi, tempus est huiusmodi, ut suam quisque con-
 ditionem miserrimam putet; & ubi quisque sit, ibi es-
 se minime uelit. equidem, nos quòd Roma sumus, mi-
 ferrimum esse duco; non solum quòd in omnibus malis
 acerbius est uidere, quàm audire; sed etiam quòd ad
 omnes casus subitorum periculorum magis obiecti su-
 mus, quàm si abessemus. etsi me ipsum consolatore
 tuum non tantum literæ, quibus semper studui, quan-
 tum longinquitas temporis, mitigauit. quanto fuerim
 dolore, meministi. in quo prima illa consolatio est, ui-
 disse me plus, quàm ceteros, cum cupiebam quamuis
 iniqua conditione pacem. quod etsi casu, non diuinatio-
 ne mea factum est: tamen hac inani prudentiæ laude
 delector. deinde, quod mihi ad consolationem commu-
 ne tecum est, si iam uocer ad exitum uitæ, non ab ea
 rep. auellar, qua carendum esse doleam, præsertim
 cum id sine ullo sensu futurũ sit. adiuuat etiam ætas,
 et acta iam uita, quæ cum cursu suo bene confecto de-
 lectatur, tum uetat in eo uim timere, quòd nos iam na-
 tura ipsa pene perduxerit. postremo is uir, uel etiam ij
 uiri hoc bello occiderunt, ut impudètia uideatur, eandẽ
 fortunam, si res cogat, recusare. equidem mihi omnia
 propono: nec ullum est tantum malum, quod non pu-
 tem impendere: sed cum plus in metuendo mali sit,
 quàm in illo ipso, quod timetur, desino; præsertim cum
 id impendeat, in quo non modo dolor nullus, uerum
 finis etiam doloris futurus sit. sed hæc satis multa, uel
 plura potius, quàm necesse fuit. facit autem non lo-
 quacitas mea, sed beneuolentia longiores epistolas. Ser=

uium discessisse Athenis, moleste tuli: non enim dubito, quin magnæ tibi leuationi sit solitus esse quotidianus congressus, et sermo cum familiarissimi hominis, tum optimi, et prudentissimi uiri. tu, uelim, te, ut debes, et soles, tua uirtute sustentas. ego, quæ te uelle, quæq; ad te, et ad tuos pertinere arbitrabor, omnia studiose, diligenterq; curabo; quæ cum faciam, beneuolentiâ tuam erga me imitabor, merita non assequar. Vale.

M. CICERO A. CAECINAE S. D.

QVotiescunque filium tuum uideo, (ui deo autem fere quotidie) polliceor ei studium quidem meum, et operam sine ulla exceptione aut laboris, aut occupationis, aut temporis; gratiam autem, atque auctoritatem cum hac exceptione, quantum ualeam, quantumq; possim. Liber tuus et lectus est, et legitur à me diligenter, et custoditur diligentissime. Res, et fortunæ tuæ mihi maximæ curæ sunt. quæ quidem quotidie faciliores mihi, et meliores uidentur: multisq; uideo magnæ esse curæ: quorum de studio, et de sua spe filium ad te perscripsisse certo scio. ijs autem de rebus, quas coniectura consequi possumus, non mihi sumo, ut plus ipse prospiciam, quam te uidere, atque intelligere mihi persuaferim. sed tamen quia fieri potest, ut tu ea perturbatiore animo cogites; puto esse meum, quid sentiam, exponere. ea natura rerum est, et is temporum cursus, ut non possit ista aut tibi, aut cæteris fortuna esse diuturna, neque hætere in tam bona causa, et in tam bonis ciuibus tã acerba iniuria.

quare ad eam spem quam extra ordinem de te ipso habemus non solum propter dignitatem, & uirtutem tuam; (hæc enim ornamenta sunt tibi etiam cum alijs communia) accedunt tua præcipua, propter eximium ingenium, summamq; uirtutem: cui mehercule hic, cuius in potestate sumus, multum tribuit, itaque ne pñctum quidem temporis in ista fortuna fuisses, nisi eo ipso bono tuo, quo delectatur, se uiolatum putaret. quod ipsum lenitur quotidie: significaturq; nobis ab ijs, qui simul cum eo uiuunt, tibi hæc ipsam opinionem ingenij apud ipsum plurimum profuturam. quapropter primum fac animo forti, atque magno sis: ita enim natus, ita educatus, ita doctus es, ita etiam cognitus, ut tibi id faciendum sit. deinde spem quoque habeas firmissimã propter eas causas, quas scripsi. à me uero tibi omnia, liberisq; tuis paratissima esse confidas uelim: id enim & uetus nostris amoris, & mea consuetudo in meos, & tua multa erga me officia postulant. Vale.

M. CICERO A. CAECINAE. S. D.

Ereor, ne desideres officium meum: quod tibi
 V pro nostra & meritorum multorum, & studiorum, & partium coniunctione deesse non debet: sed tamen uereor, ne literarum à me officium requiras: quas tibi & iam pridem, & sæpe misissem, nisi quotidie melius expectans, gratulationem, quam confirmationem animi tui, cõplecti literis maluisssem. nunc autem, ut spero, breui gratulabimur: itaque in aliud tempus id argumentum epistolæ differo. his autem literis animum tuum, quem minime imbecillum esse &

audio, et spero, etsi non sapientissimi, at amicissimi hominibus auctoritate confirmandum etiam atque etiam putato; nec ijs quidē uerbis, quibus te consoler ut afflictum, & iam omni spe salutis orbatum, sed ut cum, de cuius incolumitate non plus dubitem, quā te memini dubitare de mea. nam cum me ex rep. expulissent ij, qui illam cadere posse, stante me, non putarunt: memini me ex multis hospitibus, qui ad me ex Asia, in qua tu eras, uenerant, audire, te de glorioso, & celeri reditu meo confirmare. si te ratio quādā Etruscæ disciplinæ, quam à patre, nobilissimo atque optimo uiro, acceperas, non fessellit: nec nos quidem nostra diuinitio fallit, quam tum sapientissimorum uirorum monumentis, atque præceptis, plurimōq; ut scis, doctrinæ studio, tum magno etiam usu tractandæ reip. magnāq; nostrorum temporum uarietate consecuti sumus. cui quidem diuinitas ni hoc plus confidimus, quod ea nos nihil in hystam obscuris rebus, tamq; perturbatis unquam omnino fessellit. dicerem, quæ antea futura dixissem, ni uererer, ne ex euentis fingere uiderer. sed tamen plurimi sunt testes, me & initio, ne coniungeret se cum Cæsare, monuisse Pompeium, et postea, ne seiungeret. coniunctione ne frangi senatus opes, disiunctione ciuile bellum excitari uidebam. atque utebar familiarissime Cæsare, Pompeium faciebam plurimi: sed erat meum consilium cum fidele Pompeio, tum salutare utrique. quæ præterea prouiderim, prætereo: nolo enim hunc de me optime meritum existimare, ea me suasisse Pompeio, quibus ille si paruisset, esset hic quidem clarus in toga, & princeps, sed tantas opes, quantas nunc ha-

bet, non haberet. eundem in Hispaniam censui. quod si fecisset, civile bellum nullū omnino fuisset. rationem haberi absentis, non tam pugnavi, ut liceret, quā ut, quando ipso consule pugnante populus iusserat, haberetur. causa belli orta est. quid ego pratermisi aut monitorum, aut querelarum? cum uel iniquissimam pacem iustissimo bello anteferrē. uicta est auctoritas mea non tam à Pompeio, (nam is mouebatur) quā ab ijs, qui duce Pompeio freti, peropportunam & rebus domesticis, & cupiditatibus suis illius belli uictoriam fore putabant. susceptum bellum est, quiescente me: depulsum ex Italia, manente me, quoad potui. sed ualuit apud me plus pudor meus, quā timor. ueritus sum deesse Pompeij saluti, cum ille aliquando non defuisset meae. itaque uel officio, uel fama bonorum, uel pudore uictus, ut in fabulis Amphiaras, sic ego prudens et sciens ad pestem ante oculos positam sum profectus. quo in bello nihil aduersi accidit non praedicente me. quare, quando, ut augures, & astrologi solent, ego quoque augur publicus ex meis superioribus praedictis constitui apud te auctoritatem augurij, & diuinationis meae: debet habere fidem nostra praedictio. non igitur ex alitis inuolatu, nec è cantu sinistro oscinis, ut in nostra disciplina est, nec è tripudijs solistimis, aut somnijs tibi auguror: sed habeo alia signa, quae obseruem: quae etsi non sunt certiora illis, minus tamen habent uel obscuritatis, uel erroris. notantur autem mihi ad diuinandum signa dupliciquadam uia: quarum alteram duco è Caesare ipso, alteram è temporum ciuiliū natura, atque ratione. in Caesare haec sunt: mitis, clemēsq;

natura, qualis exprimitur præclare illo libro querelarum tuarum. accedit, quod mirifice ingenijs excellentibus, quale est tuum, delectatur. præterea cedit multorum iustis, et officio incensis, non inanibus, aut ambiciosi voluntatibus. in quo uehementer eum consentiens Etruria mouebit. cur hæc igitur adhuc parum profecerunt? quia non putat se sustinere causas posse multorum, si tibi, cui iustius uidetur irasci posse, concesserit. Quæ est igitur, inquires, spes ab irato? eodem fonte se hausturum intelligit laudes suas, è quò sit leuiter aspersus. postremo homo est ualde acutus, et multum prouidens: intelligit, te, hominem in parte Italiae minime contemnenda facile omnium nobilissimum, et in comuni rep. cuius summorum tuæ ætatis uel ingenio, uel gratia, uel fama populi R. parem, non posse prohibere à rep. diutius: nolet hoc temporis potius esse aliquando beneficium, quàm iam suum. dixi de Cesare: nunc dicam de temporum, rerumq; natura. Nemo est tam inimicus ei causæ, quàm Pompeius, animatus melius, quàm paratus susceperat, qui nos malos ciues dicere, aut homines improbos audeat. in quo admirari soleo grauitatem, et iustitiam, et sapientiam Caesaris: nunquam nisi honorificentissime Pompeium appellat, at in eius personam multa fecit asperius. armorum ista, et uictoriæ sunt facta, non Caesaris. at nos quemadmodum est complexus? Cassium sibi legauit: Brutum Gallie præfecit, Sulpicium Græciæ: Marcellum, cui maxime succensebat, cum summa illius dignitate restituit. quò igitur hæc spectant? rerum hoc natura, et ciuiliū temporum nō patietur: nec manens, nec mu-

tata ratio feret, primum ut non in causa pari eadem sit
 & conditio, & fortuna omnium: deinde ut in eam ci-
 uitatem boni uiri, et boni ciues, nulla ignominia nota-
 ti, non reuertantur, in quam tot, nefariorum scele-
 rum cōdemnati, reuerterunt. habes augurium meum.
 quo, si quid addubitarem, non potius uterer, quàm il-
 la consolatione, qua facile fortem uirum sustentarem,
 te, si explorata uictoria arma sumpsisSES pro rep. (ita
 enim tum putabas) non nimis esse laudandum: sin pro-
 pter incertos exitus, euentusq; bellorum posse accidere,
 ut uinceremur, putasses; non debere ad secundam for-
 tunam bene paratum fuisse; aduersam ferre nullo mo-
 do posse. disputarem etiam, quanto solatio tibi conscien-
 tia tui facti, quantæ delectationi in rebus aduersis lite-
 ræ esse deberent. commemorarem non solum ueterum,
 sed & horum etiam recentium uel ducū, uel comitum
 tuorum grauissimos casus. etiam externos multos, cla-
 ros uiros nominarem: LEVAT enim dolorem com-
 munis quasi legis, & humanæ conditionis recordatio.
 exponerem etiam, quemadmodum hic, & quanta in
 turba, quantaq; in confusione rerum omnium uiuerem-
 us; necesse est enim minore desiderio perdita rep. ca-
 vere, quàm bona. sed hoc genere nihil opus est. incolu-
 mem te cito, ut spero, uel potius ut perspicio, uidebi-
 mus. interea tibi absenti, & huic, qui adest, imagini
 animi, & corporis tui, constantissimo, atque optimo
 filio tuo studium, officium, operam, laborem meum
 iam pridem & pollicitus sum, & detuli, nunc hoc am-
 plius, quòd me amicissime quotidie magis Cæsar ample-
 ctitur, familiares quidem eius sicuti neminem. apud

quem quidquid ualebo uel auctoritate, uel gratia, ualebo tibi. tu cura, ut cum firmitudine te animi, tum etiam spe optima sustentens. Vale.

A. CAECINA M. CICERONI S.

Q uod tibi non tam celeriter liber est redditus, ignosce timori nostro, & miserere temporis. filius, ut audio, pertimuit, (neque iniuria) si liber exisset, quando non tam interest, quo animo scribatur, quam quo accipiat, ne ea res inepte mihi noceret; cum praesertim adhuc styli poenas dem. quae quidem in re, singulari sum fato. nam cum mendum scripturae litura tollatur, stultitia fama multetur: meus error exilio corrigitur: cuius summa criminis est, quod armatus aduersario male dixi. nemo nostrum est, ut opinor, quin uota uictoriae suae fecerit: nemo, quin, etiam cum de alia re immolaret, tamen eo quidem ipso tempore, ut quamprimum Caesar superaretur, optaret. hoc si non cogitat, omnibus rebus felix est. si scit, & persuasus est: quid irascitur ei, qui aliquid scripsit contra suam uoluntatem, cum ignorit omnibus, qui multa deos uenerati sint contra eius salutem? sed, ut eodem reuertar, causa haec fuit timoris: scripsi de te, parce medijs fidijs, & timide, non reuocans me ipse, sed pene refugiens. genus autem hoc scripturae non modo liberum, sed incitatum, atque elatum esse debere, quis ignorat? solum existimatur esse, alteri maledicere: tamen cauendum est, ne in petulantiam incidas. impeditum, se ipsum laudare, ne uitium arro-

gantia subsequatur . solum uero liberum , alterum lau-
 dare . de quo quidquid detrahas , necesse est , aut infirmi-
 tati , aut inuidia assignetur . ac nescio , an tibi gratius ,
 opportuniusq; acciderit . nam quod prestare non pote-
 ram , primum erat non attingere : secundum benefi-
 cium , quam parcissime facere . sed tamen ego me qui-
 dem sustinui : multa minui : multa sustuli : complura
 ne posui quidem . QVEM ADMODVM igitur ,
 scalarum gradus si alios tollas , alios incidas , nonnullos
 male hærentes relinquas , ruinæ periculum struas , non
 ascensum pares : sic tot malis tum uictū , tum fractum
 studium scribendi , quid dignum auribus , aut probabi-
 le potest afferre ? cum uero ad ipsius Cæsaris nomen ue-
 ni , toto corpore cōtremisco , non pœnæ metu , sed ipsius
 iudicij : totum enim Cæsarem non noui . quem putas
 animum esse , ubi secum loquitur ? hoc probabit : hoc
 uerbum suspiciosum est . quid , si muto ? at uereor , ne
 peius sit . age uero , laudo aliquem , num offendo ? cum
 porro offendam , quid si non uult ? armati stylum per-
 sequitur : uicti , & non dum resituti quid faciet ? au-
 ges etiam tu mihi timorem , qui in oratore tuo caues tibi
 per Brutum , & ad excusationem socium quæris . ubi
 hoc omnium patronus facis : quid me , ueterem tuum ,
 nunc omnium clientem , sentire oportet ? in hac igitur
 calumnia timoris , & cæcæ suspicionis tormento cum
 plurima ad alieni sensus coniecturam , non ad suum iu-
 dicium scribantur , quàm difficile sit euadere , si minus
 expertus es , quòd te ad omnia summum , atque excel-
 lens armauit ingenium ; nos sentimus . sed tamen ego
 filio dixeram , librum tibi legeret , & auferret ; aut ea
 conditione

conditione daret, si reciperes te correcturum, hoc est, si totum alium faceres. De Asiatico itinere, quanquam summa necessitas premebat, ut imperasti, feci. Te pro me quid horter? uides tempus uenisse, quo necesse sit de nobis constitui, nihil est mi Cicero, quod filium meum expectes. adolescens est: omnia excogitare uel studio, uel atate, uel metu non potest. totum negotium tu sustineas oportet. in te mihi omnis spes est. tu pro tua prudentia, quibus rebus gaudeat, quibus capiatur Cæsar, tenes. à te omnia proficiantur, & per te ad exitum perducantur, necesse est. apud ipsum multum, apud eius omnes plurimum potes. unum si tibi persuaseris, non hoc esse tui muneris, si quid rogatus fueris, ut facias, (quanquam id magnum, & amplum est) sed totum tuum esse onus, perficies: nisi forte aut in miseria nimis stulte, aut in amicitia nimis impudenter tibi onus impono. sed utrique rei excusationem tuæ uitæ consuetudo dat: nam quod ita consueuisti pro amicis laborare, non iam sic sperant abs te, sed etiam sic imperant tibi familiares. Quod ad librum attinet, quem tibi filius dabit; peto à te, ne exeat; aut ita corrigas, ne mihi noceat. Vale.

M. CICERO A. CAECINAE S. D.

Um esset mecum Largus, homo tui studiosus,
C locutus cal. Ian. tibi præfinitas esse: quod omnibus in rebus perspexeram, quæ Balbus et Oppius absente Cæsare egissent, ea solere illi rata esse, egi uehementer cum his, ut hoc mihi darent, tibi in Si-

cilia, quoad uellemus, uti esse liceret. qui mihi cum
 fuissent aut libèter polliceri, si quid esset eiusmodi, quod
 eorum animos non offenderet, aut etià negare, et as-
 ferre rationem, cur negarent: huic meæ rogationi po-
 tius non continuo responderunt: eodem die tamè ad me
 reuerterunt, mihiq; hoc dederunt, ut esses in Sicilia,
 quoad uelles, se præstituros, nihil ex eo te offensionis ha-
 biturum. quando, quid tibi permittatur, cognouisti:
 quid mihi placeat, puto te scire oportere. actis his rebus,
 literæ à te mihi sunt redditæ: quibus à me consilium pe-
 tis, quid sim tibi auctor, in Sicilia ne subsidas, an ut
 ad reliquias Asiaticæ negotiationis proficiscare. hæc tua
 deliberatio non mihi conuenire uisa est cū oratione Lar-
 gi: ille enim mecū, quasi tibi non liceret in Sicilia diu-
 tius commorari, ita locutus erat: tu autem, quasi con-
 cessum sit, ita deliberas. sed ego, siue hoc, siue illud est,
 in Sicilia censeo commorandum. propinquitas locorum
 uel ad impetrandum adiuvat crebris literis, et nuncijs;
 uel ad reditus celeritatem, re aut impetrata, quod spe-
 ro, aut aliqua ratione confecta. quamobrem censeo ma-
 gnopere commorandum. T. Furfano Postumio, fami-
 liari meo, legatisq; eius, item meis familiaribus, diligen-
 tissime te cōmendabo, cum uenerint: erant enim omnes
 Mutinæ. uiri sunt optimi, & tui similibus studiosi, et
 mei necessarij. quæ mihi uenient in mentem, quæ ad te
 pertinere arbitror, ea mea sponte faciam. si quid igno-
 rabo, de eo admonitus omnium studia uincam. ego etsi
 coram de te cum Furfano ita loquar, ut tibi literis meis
 ad eum nihil opus sit: tamen, quoniam tuis placuit,
 te habere meas literas, quas ei redderes, morem eis ges-

AD TORQUAT. ET ALIOS. 87
si. earum literarum exemplū infra scriptum est. Vale.

M. CICERO T. FURFANO
PRO COS. S. D.

Um A. Cæcina tanta mihi familiaritas, con-
suetudoq; semper fuit, ut nulla maior esse
possit. nam & patre eius, claro homine, &
forti viro, plurimū usi sumus: & hunc à puero, quòd
et spem mihi magnā afferebat summæ probitatis, sum-
mæq; eloquētiæ, et uiuebat mecum coniunctissime, non
solum officijs amicitia, sed etiam studijs communibus,
sic semper dilexi, ut non ullo cum homine coniunctius
uiuerem. nihil attinet me plura scribere. quàm mihi
necesse sit eius salutem, & fortunas, quibuscunque
rebus possim, tueri, uides. reliquum est, ut, cum co-
gnorim pluribus rebus, quid tu & de bonorum fortu-
na, & de reip. calamitatibus sentires, nihil à te petam,
nisi ut ad eam uoluntatem, quam tua sponte erga Cæci-
nam habiturus esses, tantus cumulus accedat commen-
datione mea, quanti me à te fieri intelligo. hoc mihi
gratius facere nihil potes. Vale.

M. CICERO TREBATIO S. D.

E Go, quanti te faciā, semperq; fecerim, quan-
ti me à te fieri intellexerim, sum mihi ipse tes-
tis. nam & consiliū tuum, uel casus potius
diutius in armis ciuilibus cōmorandi, semper mihi ma-
gno dolori fuit: et hic euentus, quòd tardius, quàm est
æquū, et quàm ego uellem, recuperes fortunā, et dignita-

tem tuam, mihi non minori curæ est, quàm tibi sem-
 per fuerint casus mei. itaque et Postumuleno, & Sex-
 tio, & sapissime Attico nostro, proximèq; Theuda li-
 berto tuo totum me patefeci: & his singulis sæpe dixi,
 quacunque re possem, me tibi, & liberis tuis satisfacere
 cupere: idq; tu ad tuos uelim scribas, hæc quidem cer-
 te, quæ in potestate mea sunt, ut operam, studium,
 consilium, rem, fidem meam sibi ad omnes res paratam
 putent. si auctoritate, et gratia tantum possem, quan-
 tum in ea rep. de qua ita meritus sum, posse deberem:
 tu quoque is esses, qui fuisti, cum omni gradu amplis-
 simo dignissimus, tum certe ordinis tui facile princeps.
 sed quando eodem tempore, eademq; de causa nostrum
 uterque cecidit: tibi et illa polliceor, quæ supra scripsi,
 quæ sunt adhuc mea; & ea, quæ præterea uideor mihi
 ex aliqua parte retinere tanquam ex reliquijs pristinae
 dignitatis. neque enim ipse Caesar, ut multis rebus intel-
 ligere potui, est alienus à nobis: & omnes fere familia-
 rissimi eius, casu deuincti magnis meis ueteribus offi-
 cijs, me diligenter obseruant, & colunt. itaque si quis
 mihi erit aditus de tuis fortunis, id est de tua incolumi-
 tate, in qua sunt omnia, agendi, quod quidem quoti-
 die magis ex eorū sermonibus adducor, ut sperem: agam
 per me ipse, & moliar. singula persequi non est neces-
 se: uniuersum studium meum, & beneuolentiam ad
 te defero. sed magni mea interest, hoc tuos omnes scire,
 quod tuis literis fieri potest, ut intelligant, omnia Cice-
 ronis patere Trebatio. hoc eò pertinet, ut nihil existi-
 ment esse tam difficile, quod non, pro te mihi susce-
 ptum, incundum sit futurum. Vale.

M. CICERO TREBATIO S.

Ntea misissem ad te literas, si genus scribendi inuenirem. tali enim tempore aut consolari amicorum est, aut polliceri. consolatione non utebar, quod ex multis audiebam; quam fortiter, sapienterq; ferres iniuriam temporum, quamq; te uehementer consolaretur conscientia faëtorum, & consiliorum tuorum: quod quidem si facis, magnum fructum studiorum optimorum capis: in quibus te scio semper esse uersatum: idq; ut facias, etiam atque etiam te hortor. simul & illud tibi, homini peritissimo rerum et exemplorum, & omnis uetustatis, ne ipse quidem ruidis, sed in studio minus fortasse, quam uellem, at in rebus, atque usu plus etiam, quam uellem, uersatus, spondeo, tibi acerbiter istam, & iniuriam non diuturnam fore. nam et ipse, qui plurimum potest, quotidie mihi delabi ad æquitatem, & ad rerum naturam uidetur: & ipsa causa ea est, ut iam simul cum rebus, quæ in perpetuum iacere non potest, necessario reuiuiscat, atque recreetur: quotidieq; sit aliquid lenius, & liberalius, quam timebamus. quæ quoniam in temporum inclinationibus saepe paruis posita sunt: omnia momenta obseruabimus, neque ullum prætermitemus tui iuandi, & leuandi locum. itaque illud alterum, quod dixi, literarum genus quotidie mihi, ut spero, fiet procliuus, ut etiam polliceri possim. id re, quam uerbis, faciam libentius. tu uelim existimes, & plures te amicos habere, quam qui in isto casu sint, ac fue-

rint, quantum quidem ego intelligere potuerim; et me concedere eorum nemini. fortem fac animum habeas, & magnum: quod est in uno te. quæ sunt in fortuna, temporibus regentur; & consilijs nostris providebuntur. Vale.

M. CICERO TREBATIO S.

Olbellam antea tantummodo diligebam: obligatus ei nihil eram. nec enim acciderat mihi opus esse: et ille mihi debebat, quod non defueram eius periculis. nunc tanto sum deuinctus eius beneficio, quod & antea in re, & hoc tempore in salute tua cumulatissime mihi satisfecit, ut nemini plus debeam. quæ in re tibi gratulor ita uehementer, ut te quoque mihi gratulari, quàm gratias agere, malim. alterum omnino non desidero: alterum uere facere poteris: quod reliquum est, quando tibi uirtus, & dignitas tua redditum ad tuos aperuit: est tuæ sapientiæ, magnitudinisq; animi, quid amiseris, obliuisci; quid recuperaueris, cogitare. uiues cum tuis: uiues nobiscum. plus acquisiisti dignitatis, quàm amisisti rei familiaris: quæ ipsa tum esset iucundior, si ulla res esset publica. Vestorius, noster familiaris, ad me scripsit, te mihi maximas gratias agere. hæc prædicatio tua mihi ualde grata est: eaq; te uti facile patior cum apud alios, tum mehercule apud Sironem, nostrum amicum: quæ enim facimus, ea prudentissimo cuique maxime probata esse uolumus. Te cupio uidere quamprimum. Vale.

Ratulor tibi mi Balbe, uereq; gratulor: nec
 G sum tam stultus, ut te usura falsi gaudiij frui
 uelim, deinde frangirepente, atque ita cade-
 re, ut nulla res te ad aequitatem animi postea possit ex-
 tollere: egi tuam causam apertius, quam tempora no-
 stra ferebant: uincebatur enim fortuna ipsa debilitata
 gratia nostrae tui caritate, & meo perpetuo erga te
 amore, culto à te diligentissime. omnia promissa, cõfir-
 mata, certa, et rata sunt, quæ ad reditum, & salutem
 tuam pertinent. uidi, cognoui, interfui: etenim omnes
 Caesaris familiares satis opportune habeo implicatos cõ-
 suetudine, et beneuolentia, sic, ut, cum ab illo discesse-
 rint, me proximũ habeant. hoc Pansa, Hirtius, Balbus,
 Oppius, Matius, Postumius, plane ita faciunt, ut me
 unice diligant. quod si mihi pro me efficiendum fuisset,
 nõ me poeniteret pro ratione tẽporum ita esse molitum.
 sed nihil est à me inseruitũ temporis causa. ueteres mihi
 necessitudines cum his omnibus intercedunt. quibuscum
 ego agere de te non destiti: principem tamen habuimus
 Pansam, tui studiosissimũ, mei cupidũ: qui ualet apud
 illum non minus auctoritate, quàm gratia. Cimber au-
 tem Tullius mihi plane. satisfecit. ualent tamen apud
 Casarẽ non tam ambitiosæ rogationes, quàm necessariae:
 quas quia Cimber habebat, plus ualuit, quàm pro ullo
 alio ualere potuisset. diploma statim non est datũ, quod
 mirifica est improbitas in quibusdã, qui tulissent acer-
 bius, ueniã tibi dari, quem illi appellant tubã belli ciui-
 lis: multa q; ita dicũt, quasi non gaudeant id bellũ inci-

disse. quare uisum est occultius agendum, neque ullo modo diuulgandum, de te iam esse perfectum: sed id erit perbreui: nec dubito, quin legente te has literas cōfecta iam res futura sit. Pansa quidem mihi, grauis homo, et certus, non solum confirmauit, uerum etiam recepit, perceleriter se ablaturum diploma. mihi tamē placuit, hæc ad te perscribi: minus enim te firmum sermo Appuleia tuæ, lacrymæq; Ampliæ declarabāt, quā significānt literæ tuæ. atque illæ arbitrabantur, cum a te abessent ipsæ, multo in grauiore te cura futurum. quare magnopere putauī, angoris, et doloris tui leuandi causa, pro certis ad te ea, quæ essent certa, perscribi oportere. scis me antea sic solitum esse scribere ad te, magis ut consolarer fortem uirum, atque sapientem, quā ut exploratam spem salutis ostenderem, nisi eam, quā ab ipsa rep. cum hic ardor extinctus esset, sperari oportere censerem. recordare tuas literas, quibus et magnum animū mihi semper ostendisti, et ad omnes casus ferendos cōstantem, atque paratum. quod ego non mirabar, cum recorder te et a primis temporibus ætatis in rep. esse uersatum, et tuos magistratus in ipsa discrimina incidisse salutis, fortunarumq; communium: Et in hoc ipsum bellum esse ingressum, non solum ut uictor beatus, sed etiam, si ita accidisset, uictus ut sapiēs esses. deinde, cum studium tuum consumas in uiro- rum fortium factis memoriæ prodendis, considerare debes, nihil tibi esse committendum, quamobrem eorum, quos laudas, non te similē præbeas. sed hæc oratio magis esset apta ad illa tempora, quæ iam effugisti. nunc uero tantum te para ad hæc nobiscum ferenda. quibus

ego si quam medicinam inuenirem, tibi quoque eandem traderem. sed est unum perfugium, doctrina, ac literæ, quibus semper usi sumus: quæ secundis rebus deestationem modo habere uidebantur, nunc uero etiam salutem. sed ut ad initium reuertar, caue dubites, quin omnia de salute, ac reditu tuo perfecta sint. Vale.

M. CICERO Q. LIGARIO S. D.

Tsi tali tuo tempore me aut consolandi, aut
 E. iuuandi tui causa scribere ad te aliquid pro
 nostra amicitia oportebat: tamē adhuc id non
 feci, quia neque lenire uidebar oratione, neque lenare
 posse dolorem tuum: postea uero quā magnam spem
 habere cœpi, fore, ut te breui tempore incolumem ha=
 beremus: facere non potui, quin tibi et sententiam, et
 uoluntatem declararem meam: primū igitur scribam,
 quod intelligo, et perspicio, non fore in te Cæsarem du=
 riorē: nam et res eum quotidie, et dies, et opinio
 hominum, et, ut mihi uidetur, etiam sua natura mi=
 tiorem facit: idq; cū de reliquis sentio, tum de te etiam
 audio ex familiarissimis eius: quibus ego ex eo tempo=
 re, quo primū ex Africa nuncius uenit, supplicare una
 cum fratribus tuis nō destiti: quorum quidem et uir=
 tus, et pietas, et amor in te singularis, et assidua, et
 perpetua salutis tuæ cura tantum proficit, ut nihil sit;
 quod non ipsum Cæsarem tributurū existimem: et si
 tardius sit, quā uolumus; magnis occupationibus eius,
 à quo omnia petuntur, aditus ad eum difficiliore s fue=
 runt: et simul Africanæ causæ iratior, diutius uelle ui=
 detur eos habere sollicitos, à quibus se putat diuturnio=

ribus esse molestijs conflictatum. sed hoc ipsum intelligi-
 museum quotidie remissius, & placatius ferre. quare
 mihi crede, et memoriæ manda, me tibi id affirmasse, te
 in istis molestijs diutius non futurum. quādo, quid sen-
 tirem, exposui: quid uellem tua causa, re potius decla-
 rabo, quā oratione. & si tantum possem, quantum
 in ea rep. de qua ita meritus sum, ut tu existimas, posse
 debebam: ne tu quidem in istis incommodis esses: eadem
 enim causa opes meas fregit, quæ tuam salutem in di-
 scrimen adduxit. sed tamē quidquid imago ueteris meæ
 dignitatis, quidquid reliquæ gratiæ ualebunt, studiū,
 consilium, opera, gratia, fides mea nullo loco deerit
 tuis optimis fratribus. tu fac habeas fortem animum,
 quem semper habuisti; primum ob eas causas, quas scri-
 psi; deinde quod ea de rep. semper uoluisti, atque sen-
 sisti, ut non modo nunc secunda sperare debeas, sed
 etiam, si omnia aduersa essent, tamen conscientia et fa-
 ctorum, et consiliorum tuorū, quæcunque acciderent,
 fortissimo, & maximo animo ferre deberes. Vale.

M. CICERO Q. LIGARIO S. D.

E scito omnem meū laborem, omnem operam,
 M curam, studium in tua salute consumere.
 nam cū te semper maxime dilexi: tum fratrum
 tuorum, quos aque, atque te, summa beneuolētia sum
 complexus, singularis pietas; amorq; fraternus nullum
 me patitur officij erga te, studiūq; munus, aut tempus
 prætermittere. sed quæ faciā, fecerimq; pro te, ex illo-
 rum te literis, quā ex meis malo cognoscere. quid au-
 tem sperem, aut confidam, & exploratum habeam de

salute tua, id tibi à me declarari uolo. nam si quisquam est timidus in magnis, periculosisq; rebus, semperq; magis aduersos rerum exitus metuens, quàm speràs secundos, is ego sum: & si hoc uitium est, eo me non carere confiteor. ego idem tamen cum ad V. cal. intercalares priores rogatu fratrum tuorum uenissem mane ad Cæsarem; atque omnem adeundi, & conueniendi illius indignitatem, & molestiam pertulissem: cum fratres, & propinqui tui iacerent ad pedes, & ego essem locutus, quæ causa, quæ tuum tēpus postulabat; non solum ex oratione Cæsaris, quæ sane mollis, & liberalis fuit, sed etiam ex oculis, et uultu, et multis præterea signis, quæ facilius perspicere potui, quàm scribere, hanc in opinionem discessi, ut mihi tua salus dubia non esset. quam obrem fac animo magno, fortiq; sis: et si turbidissima sapienter ferebas, trāquilliora late feras. ego tamen tuis rebus sic adero, ut difficillimis: neque Cæsari solū, sed etiā amicis eius omnibus, quos mihi amicissimos esse cognoui, pro te, sicut adhuc feci, libentissime supplicabo. Vale.

CICERO BASILIO S.

Ibi gratulor: mihi gaudeo. te amq: tua
 T tueor. à te amari, & quid agas, quidq;
 istic agatur, certior fieri uolo. Vale.

BITHYNICVS CICERONI S.

I mihi tecum non & multæ, & iustæ causæ
 S amicitia priuatim essent, repeterem initia
 amicitia ex parentibus nostris: quod faciendū
 ijs existimo, qui paternam amicitiam nullis ipsi officijs

prosecuti sunt. itaque contentus ero nostra ipsorum amicitia : cuius fiducia peto à te , ut absentem me , quibuscunque in rebus opus fuerit , tueare , si nullum officium tuum apud me intermoriturum existimas . Vale .

M. CICERO BITHYNICO S.

Utrum caterarum rerum causa cupio esse aliquando remp. constitutam : tum uelim , mihi credas , accidere id etiam , quo magis expetam promissum tuum , quo in literis uteris : scribis enim , se ita sit , te mecum esse uicturum . gratissima mihi tua uoluntas est : facisq; nihil alienum necessitudine nostra , iudicijsq; patris tui de me , summi uiri . nam sic habeto , beneficiorum magnitudine eos , qui temporibus ualuerunt , aut ualeant , coniunctiores tecum esse , quam me ; necessitudine neminem . quamobrem grata mihi est et memoria tua nostrae coniunctionis , et eius etiam augendae uoluntas . Vale .

M. CICERO LEPTAE S. D.

Imul accepi à Seleuco tuo literas , statim squasiuè Balbo per codicillos , quid esset in lege . rescripsit , eos , qui facerent praconium , uetari esse in decurionibus ; qui fecissent , non uetari . quare bono animo sint et tui , et mei familiares : neque enim erat ferendum , cum , qui hodie aruspicinam facerent , in senatu Romae legerentur , eos , qui aliquando praconium fecissent , in municipijs decuriones esse non licere . De Hispanijs noui nihil : magnum tamè exercitum Pompeium habere constat : nam Caesar ipse ad nos

misit exemplum Paciaci literarum, in quo erat, illi XI.
 esse legiones. scripserat etiam Messalla Q. Salasso, Q.
 Curtiū fratrem eius, iussu Pompeij, inspectante exerci-
 tu, interfectū, quod consensisset cum Hispanis quibus-
 dam, si in oppidum nescio quod Pompeius rei frumētaz
 riæ causa uenisset, eum comprehendere, ad Casaremq;
 deducere. De negotio tuo quod spōsor es pro Pompeio: si
 Balbus consponsor tuus redierit, homo in re familiari
 non parum diligens, non desinam cū illo communicare,
 si quid expediri possit: quod uidebatur mihi ille confide-
 re. Oratorem meum tantopere à te probari, uehemēter
 gaudeo. mihi quidem sic persuadeo, me, quidquid ha-
 buerim iudiciū de dicendo, in illum librum contulisse.
 qui si est talis, qualem tibi uideri scribis, ego quoque ali-
 quid sum: sin aliter, non recuso, quin, quantum de
 illo libro, tantundem de mei iudiciū fama detrahatur.
 Leptam nostrum cupio delectari iam talibus scriptis.
 etsi abest maturitas ætatis: iam tamen personare aures
 eius huiusmodi uocibus, non est inutile. Me Romæ te-
 nuit omnino Tullia mea partus. sed cum ea, quemad-
 modum spero, satis firma sit, teneor tamen dum à Do-
 labellæ procuratoribus exigam primam pensionem. &
 mehercule non tam sum peregrinator iam, quàm sole-
 bam: ædificia mea me delectabant, & otium. domus
 est, quæ nulli uillarum mearum cedat: otium omni de-
 sertissima regione maius. itaquæ ne literæ quidem meæ
 impediuntur: in quibus sine ulla interpellatione uersor.
 quare, ut arbitror, prius hic te nos, quàm istic tu nos
 uidebis. Lepta suauissimus ediscat Hesiodum; & ha-
 beat in ore, Τὸς δ' ἀπέτῃσ' ἰσπᾶτα. Vale.

CICERO LEPTAE S.

Aculam officio functum esse gaudeo. eius Fa-
 M lernum mihi semper idoneum uisum est di-
 uersorio: si modo tecti satis est ad comitatum
 nostrum recipiendum. cæteroqui is mihi locus non displicet: nec ea re Petrinum tuum deferam: nam & uilla;
 & amœnitas illa cômorationis est, non diuersorij. De
 curatione aliqua munerum regionum cum Oppio locu-
 tus sum. nam Balbum, posteaquam tu es profectus,
 non uidi: tantis pedum doloribus afficitur, ut se conue-
 niri nolit. omnino de tota re, ut mihi uideris, sapien-
 tius faceres, si non curares: quod enim eo labore assequi
 uis, nullo modo assequere: tanta est enim intimorum
 multitudo, ut ex his potius aliquis effluat, quàm nouo
 sit aditus, præsertim qui nihil afferat præter operam,
 in qua ille se dedisse beneficium putabit, (si modo ipsum
 sciet) non accepisse. sed tamẽ aliquid uidebimus, in quo
 sit spes. aliter quidem non modo non appetendum, sed
 etiam fugiendum puto. Ego me Asturæ diutius arbitror
 commoraturum, quoad ille quandoque ueniat. Vale.

CICERO TORANIO S.

Ederam triduo ante pueris Cn. Planciꝝ literas
 D ad te: eo nunc ero breuior, teq; , ut antea
 consolabar, hoc tempore monebo. Nihil puto
 tibi esse utilius, quàm ibidem opperiri, quoad scire pos-
 sis, quid tibi agendum sit. nam præter nauigationis
 longæ, & hiemalis, & minime portuose periculum,
 quod uitaueris; ne illud quidem non quatinus, subito,

cum certi aliquid audieris, te istinc posse proficisci: nihil est præterea, cur aduenientibus te offerre gestias. multa præterea metuo, quæ cum Chilone nostro communicaui. quid multa? loco opportuniore in his malis nullo esse potuisti, ex quo te, quocunque opus erit, facillime, & expeditissime conferas. quod si recipiet ille se, ad tempus aderis. sin, quoniam multa accidere possunt, aliqua res eum uel impediet, uel morabitur: tu ibi eris, ubi omnia scire possis. hoc mihi prorsus ualde placet. De reliquo ut te sæpe per literas hortatus sum, ita uelim tibi persuadeas, te in hac causa nihil habere, quod timendum sit, præter communem casum ciuitatis. qui etsi est grauissimus: tamen ita uiuimus, & id ætatis iam sumus, ut omnia, quæ non nostra culpa nobis accidunt, fortiter ferre debeamus. Hic tui omnes ualent, summaq; pietate te desiderant, & diligunt, & conlunt. Tu & cura, ut ualeas, & te istinc ne temere commoueas. Vale.

CICERO TORANIO S. D.

Tsi, cum hæc ad te scriberem, aut appropinquare exitus huius calamitosissimi belli, aut iam aliquid actum, et confectum uidebatur: tamē quotidie cōmemorabam, te unum in tanto exercitu mihi fuisse assensorem, et me tibi; solosq; nos uidisse, quantum esset in eo bello mali, in quo, spe pacis exclusa, ipsa uictoria futura esset acerbissima, quæ aut interitum allatura esset, si uictus esses, aut, si uicisses, seruitutē. itaque ego, quem tum fortes illi uiri, & sapientes, Do-

mitij, & Lentuli timidum esse dicebant, (& eram plane : timebam enim , ne euenirent ea , quæ acciderunt) idem nunc nihil timeo , & ad omnem euentum paratus sum . cum aliquid uidebatur cauere posse , tum id negligi dolebam . nunc uero , euersis omnibus rebus , cum consilio profici nihil possit , una ratio uidetur , quid quid euenierit , ferre moderate ; præsertim cum omnium rerum mors sit extremum ; & mihi sim conscius , me , quoad licuerit , dignitati reip. consuluisse , et hac amissa salutem retinere uoluisse . hæc scripsi , non ut de me ipse dicerem , sed ut tu , qui coniunctissima fuisti mecum & sententia , & uoluntate , eadem cogitares .

MAGNA enim consolatio est , cum recordare , etiam si secus acciderit , te tamen recte , uereq; sensisse . atque utinam liceat aliquando aliquo reip. statu nos frui , interq; nos conferre sollicitudines nostras , quas pertulimus tum , cum timidi putabamur , quia dicebamus ea futura , quæ facta sunt . De tuis rebus nihil esse , quod tamen meas , præter uniuersæ reip. interitum , tibi confirmo . De me autem sic uelim iudices ; quantum ego possim , me tibi , salutem tuam , liberisq; tuis summo cum studio præsto semper futurum ,

Vale .

CICERO DOMITIO S. D.

On ea res me deterruit , quo minus , posteaquam in Italiam uenisti , literas ad te mitterem , quod tu ad me nullas miseris ; sed quia nec quid tibi pollicerer , ipse egēs rebus omnibus , nec quid suaderem , cum mihi met ipsi consilium deesset , nec quid consolationis

consolationis asferrem in tantis malis, reperiebam. hac
 quanquam nihilo meliora sunt, nunc etiam, atque et-
 tiam multo desperatiora: tamen inanes esse meas lites-
 ras, quàm nullas, malui. ego si te intelligerem plus co-
 natum esse suscipere reip. causa muneris, quàm quan-
 tum præstare potuisses, tamen, quibuscūque rebus pos-
 sem, ad eam conditionē te uinendi, quæ daretur, quæq;
 esset, hortarer. sed cum consilij tui bene, fortiterq; su-
 scepti eum tibi finem statueris, quem ipsa fortuna tera-
 minum nostrarum cōtentionum esse uoluisset: oro, ob-
 testorq; te pro nostra uetere coniunctione, ac necessitu-
 dine, proq; summa mea in te beneuolentia, et tua in
 me pari, te ut nobis, parenti, coniugi, tuisq; omnibus,
 quibus es, fuistiq; semper carissimus, saluum conserues;
 incolumitati tuæ, tuorumq; , qui ex te pendent, consu-
 las; quæ didicisti, quæq; ab adolescentia pulcherrime
 à sapientissimis uiris tradita, memoria, et scientia com-
 prehendisti, ijs hoc tempore utare; quos coniunctos sum-
 ma beneuolentia, plurimisq; officijs amisisti, eorum
 desiderium si non æquo animo, at forti feras. ego quid
 possim, nescio, uel potius me parum posse sentio. illud
 tamen tibi polliceor, me, quacunque saluti, dignitatiq;
 tuæ conducere arbitror, tanto studio esse facturum,
 quanto semper tu et studio, et officio in meis rebus fui-
 sti, hanc meam uoluntatem ad matrem tuam, optimam
 foeminam, tuiq; amantissimam, detuli. si quid ad me
 scripseris, ita faciam, ut te uelle intellexero. sin tu mi-
 nus scripseris, ego tamen omnia, quæ tibi utilia esse ar-
 bitrabor, summo studio, diligentiaq; curabo. Vale.

mitij, & Lentuli timidum esse dicebant, (& eram plane : timebam enim , ne euenirent ea , quæ acciderunt) idem nunc nihil timeo , & ad omnem euentum paratus sum . cum aliquid uidebatur cauere posse , tum id negligi dolebam . nunc uero , euersis omnibus rebus , cum consilio profici nihil possit , una ratio uidetur , quid quid euenierit , ferre moderate ; præsertim cum omnium rerum mors sit extremum ; & mihi sim conscius , me , quoad licuerit , dignitati reip. consuluisse , et hac amissa salutem retinere uoluisse . hæc scripsi , non ut de me ipse dicerem , sed ut tu , qui coniunctissima fuisti mecum & sententia , & uoluntate , eadem cogitares .

MAGNA enim consolatio est , cum recordare , etiam si secus acciderit , te tamen recte , uerèq; sensisse . atque utinam liceat aliquando aliquo reip. statu nos frui , interq; nos conferre sollicitudines nostras ; quas pertulimus tum , cum timidi putabamur , quia dicebamus ea futura , quæ facta sunt . De tuis rebus nihil esse , quod tui meas , præter uniuersæ reip. interitum , tibi confirmo . De me autem sic uelim iudices ; quantum ego possim , me tibi , salutis tuæ , liberisq; tuis summo cum studio præsto semper futurum . Vale .

CICERO DOMITIO S. D.

On ea res me deterruit , quo minus , posteaquam in Italiam uenisti , literas ad te mitterem , quod tu ad me nullas miseris ; sed quia nec quid tibi pollicerer , ipse egēs rebus omnibus , nec quid suaderem , cum mihi met ipsi consilium deesset , nec quid consolationis

consolationis asferrem in tantis malis, reperiebam. hæc
 quanquam nihilo meliora sunt, nunc etiam, atque et-
 tiam multo desperatiora: tamen inanes esse meas lites-
 ras, quàm nullas, malui. ego si te intelligerem plus co-
 natum esse suscipere reip. causa muneris, quàm quan-
 tum præstare potuisses, tamen, quibuscūque rebus pos-
 sem, ad eam conditionē te uinendi, quæ daretur, quæq;
 esset, hortarer. sed cum consilij tui bene, fortiterq; su-
 scepi eum tibi finem statueris, quem ipsa fortuna ter-
 minum nostrarum cōtentionum esse uoluisset: oro, ob-
 testorq; te pro nostra uetere coniunctione, ac necessitu-
 dine, proq; summa mea in te beneuolentia, et tua in
 me pari, te ut nobis, parenti, coniugi, tuisq; omnibus,
 quibus es, fuistiq; semper carissimus, saluum conserues;
 incolumitati tuæ, tuorumq; , qui ex te pendent, consu-
 las; quæ didicisti, quæq; ab adolescentia pulcherrime
 à sapientissimis uiris tradita, memoria, et scientia com-
 prehendisti, ijs hoc tempore utare; quos coniunctos sum-
 ma beneuolentia, plurimisq; officijs amisisti, eorum
 desiderium si non æquo animo, at forti feras. ego quid
 possim, nescio, uel potius me parum posse sentio. illud
 tamen tibi polliceor, me, quæcunque saluti, dignitatiq;
 tuæ conducere arbitrabor, tanto studio esse facturum,
 quanto semper tu et studio, et officio in meis rebus fui-
 sti, hanc meam uoluntatem ad matrem tuam, optimam
 fœminam, tuiq; amantiſsimam. detuli. si quid ad me
 scripseris, ita faciam, ut te uelle intellexero. sin tu mi-
 nus scripseris, ego tamen omnia, quæ tibi utilia esse ar-
 bitrabor, summo studio, diligentiaq; curabo. Vale.

M. TVLLII CICERONIS EPISTO-
LARVM, AD MARIVM, ET ALIOS,
LIBER VII.

M. CICERO M. MARIO S. D.

S Ite dolor aliquis corporis, aut infirmia-
tas valetudinis tuæ tenuit, quo minus
ad ludos uenires: fortunæ magis tri-
buo, quàm sapientiæ tuæ. sin hæc, quæ
ceteri mirantur, contemnenda duxi-
sti, & cum per valetudinem posses, uenire tamen no-
luisti: utrunque lætor, & sine dolore corporis te fuisse,
& animo ualuisse, cum ea, quæ sine causa mirantur
aliij, neglexeris: modo ut tibi constiterit fructus otij tui:
quo quidem tibi perfrui mirifice licuit, cum esses in ista
amoenitate pene solus relictus. neque tamen dubito,
quin tu ex illo cubiculo tuo, ex quo tibi Stabianum per-
forasti, & patefecisti Seianum, per eos dies matutina
tempora lectiunculis consumpseris: cum illi interea, qui
te isthic reliquerunt, spectarent communes mimos se-
misomni. reliquas uero partes diei tu consumebas ijs de-
lectationibus, quas tibi ipsi ad arbitrium tuum compa-
raras. nobis autem erant ea perpetienda, quæ scilicet P.
Metius probauisset. omnino, si quæris, ludi appara-
tissimi, sed non tui stomachi: coniecturam enim facio
de meo: nam primum honoris causa in scenam redie-
rant ij, quos ego honoris causa de scena decessisse arbi-
trabar. deliciæ uero tuæ, noster Aesopus eiusmodi fuit,
ut ei desinere per omnes homines liceret. is iurare cum

coepisset, nox cum defecit in illo loco, si sciens fallo. quid tibi ego alia narrem? nosti enim reliquos ludos. quid? ne id quidem leporis habuerunt, quod solent mediocres ludi: apparatus enim spectatio tollebat omnem hilaritatem. quo quidem apparatu, non dubito, quin animo æquissimo carueris: quid enim delectationis habent sexcenti muli in Clytemnestra? aut in Equo Troiano craterarum tria millia? aut armatura varia pediatatus, & equitatus in aliqua pugna? quæ popularem admirationem habuerunt, delectationem tibi nullam attulissent. quòd si tu per eos dies operam dedisti Proptogeni tuo: dum modo is tibi quiduis potius, quàm orationes meas, legerit, nã tu haud paulo plus, quàm quisquã nostrũ, delectationis habuisti. non enim te puto Græcos, aut Oscos ludos desiderasse; præsertim cum Oscos ludos uel in senatu nostro spectare possis, Græcos uero ita non ames, ut ne ad uillam quidem tuam uia Græca ire soleas. nam quid ego te athletas putem desiderare, qui gladiatores contempseris? in quibus ipse Pompeius confiteatur se & operam, & oleum perdidisse. Reliquæ sunt uenationes binæ per dies quinque, magnificæ, nemo negat: sed quæ potest esse homini politico delectatio, cum aut homo imbecillus à ualentissima bestia laniatur, aut præclara bestia uenabulo transuerberatur? quæ tamen si uidenda sint, sæpe uidisti: neque nos, qui hæc spectauimus, quidquam noui uidimus. elephantorum extremus dies fuit: in quo admiratio magna uulgi, atque turbæ, delectatio nulla extitit: quin etiã misericordia quædam consecuta est, atque opinio eiusmodi, esse quandam illi belluæ cum genere humano societatem. his ego

tamen diebus, ludis scenicis, ne forte uidear tibi non modo beatus, sed liber omnino fuisse, dirupi pene me in iudicio Galli Canini, familiaris tui. quod si tam facilem populum haberem, quam Aesopus habuit, libenter mehercule artem desinerem, tecumq; & cum similibus nostri uiuerem. nam me cum antea tadebat, cum et ætas, & ambitio hortabantur, & licebat denique, quem nolebam, non defendere: tum uero hoc tempore uita nulla est: neque enim fructum ullum laboris expecto; & cogor nonnunquam homines non optime de me meritos, rogatu eorum, qui bene meriti sunt, defendere. itaque quæro causas omnes aliquando uiuendi arbitrati meo: teq; & istam rationem otij tui & laudo uehementer, & probo: quodq; nos minus interuifis, hoc fero animo æquiore, quod, si Romæ esses, tamen neque nos lepore tuo, neque te, si quis est in me, meo frui liceret propter molestissimas occupationes meas: quibus si me relaxaro, (nam ut plane exoluam. non postulo) te ipsum quidem, qui multos annos nihil aliud commentaris, docebo profecto, quid sit humaniter uiuere. tu modo istam imbecillitatem uoletudinis tuæ sustenta, et tueri, ut facis; ut nostras uillas obire, & mecum simul leuicula concursare possis. hæc ad te pluribus uerbis scripsi, quàm soleo, non otij abundantia, sed amoris erga te, quod me quadam epistola subinuitaras, si memoria tenes, ut ad te aliquid eiusmodi scriberem, quo minus te prætermisisse ludos pœniteret. quod si affecutus sum, gaudeo: sin minus, hoc me tamen cōsolabor, quod post hæc ad ludos uenies, nosq; uises, neque in epistolis relinques mets spem aliquam delectationis tuæ. Vale.

M. CÍCERO M. MARIO. S. D.

Andatum tuum curabo diligenter. sed homo
 M acutus ei mandasti potissimum, cui expediret, illud uenire quamplurimo. sed eo uidisti multum, quòd præsinisti, quo ne pluris emerem. quòd si mihi permisisses: qui meus amor in te est, cōfecissem cū cohæredibus. nunc, quando tuum pretiū noui, licitatorē potius apponā, quàm illud minoris ueneat. sed de hoc satis est. tuū negotium agā, sicuti debeo, diligenter.

De Bursa te gaudere certo scio. sed nimis uerecunde mihi gratularis: putas enim, ut scribis, propter hominis sordes minus me magnam illā lætitiā putare. credas mihi uelim, magis me iudicio hoc, quàm morte inimici lætatum. primum enim iudicio malo, quàm gladio: deinde gloria potius amiei, quàm calamitate. in primisq; me delectauit, tantum studium bonorum in me extitisse contra incredibilem contentionem clarissimi, ac potentissimi uiri. postremo, quod uix uerisimile fortasse uideatur, oderam multo peius hunc, quàm illum ipsum Clodium. illum enim oppugnaram: hunc defenderam. et ille, cum omnis respublica in meo capite discrimen esset habitura, magnum quiddam spectauit, nec sua quidem sponte, sed eorum auxilio, qui me stante stare non poterant: hic simiolus animi causa me, in quem inueheretur, delegerat; persuaseratq; non nullis inuidis meis, se in me emissarium semper fore. quamobrem ualde iubeo gaudere te. magna res gesta est. nunquam ulli fortiores ciues fuerunt, quàm qui ausi sunt eum contra tantas opes eius, à quo ipsi lecti iudices erant,

condemnare . quod fecissent nunquam , nisi ijs dolori
meus fuisset dolor . Nos hic multitudine , & celebri-
tate iudiciorum , & nouis legibus ita distinemur , ut
quotidie uota faciamus , ne intercaletur , ut quamprimum
te uidere possimus . Vale .

M. CICERO M. MARIO S. D.

Esæpe mihi cogitanti de communibus misere-
P rijs , in quibus tot annos uersamur , et , ut ui-
deo , uersabimur , solet in mentem uenire il-
lius temporis , quo proxime fuimus una . quinetiam ip-
sum diem memoria teneo . nam ad III. Idus Maias ,
Lentulo , & Marcello consulibus , cum in Pompeianum
uesteri uenissem , tu mihi sollicito animo præsto fui-
sti . sollicitum autem te habebat cogitatio tum officij ,
tum etiam periculi mei . si manerem in Italia , uereba-
re , ne officio deessem . si proficiscerer ad bellum : peri-
culum te meum commouebat . quo tempore uidisti pro-
fecto me quoque ita conturbatum , ut non explicarem ,
quid esset optimum factu : pudori tamen malui , fa-
maeq; cedere , quàm salutis meæ rationem ducere . cuius
me mei facti poenituit , non tam propter pericu-
lum meum , quàm propter uitia multa , quæ ibi of-
fendi , quò ueneram : primum neque magnas copias ,
neque bellicosas : deinde , extra ducem , paucosq; præte-
rea , (de principibus loquor) reliqui primum in ipso be-
lorapaces , deinde in oratione ita crudeles , ut ipsam
uictoriam horrerem : maximum autem æs alienum
amplissimorum uirorum . quid quæris ? nihil boni præ-

ter causam . quæ cum uidissem , desperans uictoriam ,
 primum cœpi suadere pacem , cuius fueram semper au-
 ctor : deinde , cum ab ea sententia Pompeius ualde ab-
 horreret , suadere institui , ut bellum duceret . hoc inter-
 dum probabat , & in ea sententia uidebatur fore , &
 fuisset fortasse , nisi quadam ex pugna cœpisset suis mi-
 litibus confidere . ex eo tempore uirille summus , nullus
 imperator fuit . signa tirone , et collectitio exercitu cum
 legionibus robustissimis contulit . uictus , turpissime ,
 amissis etiam castris , solus fugit . hunc ego belli mihi
 finem feci : nec putavi , cum integri pares non fuissen-
 mus , fractos , superiores fore . discessi ab eo bello , in quo
 aut in acie cadendum fuit , aut in aliquas insidias incl-
 dendum , aut deueniendum in uictoris manus , aut
 ad Iubam confugiendum , aut capiendus tanquam exi-
 lio locus , aut consciscenda mors uoluntaria . certe ni-
 hil fuit præterea , si te uictori nolles , aut non auderes
 committere . ex omnibus autem ijs , quæ dixi , incom-
 modis , nihil tolerabilius exilio , præsertim innocenti ,
 ubi nulla adiuncta est turpitudine : addo etiam , cum ea
 urbe careas , in qua nihil sit , quod uidere possis sine do-
 lore . ego cum meis , (si quidquā nunc cuiuspiam est)
 etiam in meis esse malui . quæ acciderunt , omnia dixi
 futura . ueni domum , non quod optima uiuendi
 conditio esset , sed tamen , si esset aliqua forma teip-
 s. tanquam in patria ut essem ; si nulla , tanquam in exi-
 lio . mortem mihi cur consciscerem , causa nulla uisa ; cur
 optarem , multæ . uetus est enim , VBI non sis , qui fue-
 ris , non esse , cur uelis uiuere . sed tamen , VACARE
 culpa , magnum est solatium ; præsertim cum ha-

l. scv. in
 mis. quod
 Jo. Bap. Tibing
 Castilionis ex-
 pons, in miseris
 ap.

beam duas res, quibus me sustentem, optimarum
 artium scientiam, & maximarum rerum gloriam :
 quarum altera mihi uiuo nunquam eripietur, altera
 u ne mortuo quidem. hæc ad te scripsi uerbosus : & tibi
 molestus fui, quod te cum mei, tū reip. cognoui a-
 mantissimum. notum tibi omne consilium meum esse
 uolui, ut primum scires, me nunquam uoluisse, plus
 quenquam posse, quàm uniuersam remp. postea au-
 tem quàm alicuius culpa tantum ualeret unus, ut ob-
 sisti non posset, me uoluisse pacem : amisso exercitu,
 & eo duce, in quo spes fuerat uno, me uoluisse etiam
 reliquis omnibus ; postquam non potuerim, mihi ipsi fi-
 nem fecisse belli : nunc autem, si hæc ciuitas est, ciuem
 esse me : si non, exulem esse non incommodiore loco,
 quàm si me Rhodum, aut Mytilenas contulissem. hæc
 tecum coram malueram : sed quia longius fiebat, uoluī
 per literas eadem : ut haberes, quid diceres, si quando
 in uituperatores meos incidisses : sunt enim, qui, cum
 meus interitus nihil fuerit reip. profuturus, criminis
 loco putent esse, quod uiuam. quibus ego certo scio
 non uideri satis multos perisse : qui si me audissent,
 quamuis iniqua pace, honeste tamen uiuerent : armis
 enim inferiores, non causa, fuissent. habes epistolam
 uerbosioreni fortasse, quàm uelles. quod tibi ita uideri
 putabo, nisi mihi longiorem remiseris. Ego, si quæ
 uolo expediero, breui tempore te, ut spero, uidebo. Vale.

M. CICERO M. MARIO. S. D.

D VIII. cal. in Cumanum ueni cum Li-
 A bone tuo, uel nostro potius: in Pompeianum
 statim cogito: sed faciam te ante certiozem. te
 cum semper ualere cupio, tum certe, dum hic sumus:
 uides enim, quanto post una futuri simus. quare si
 quod constitutum cum podagra habes, fac in alium
 diem differas. cura igitur, ut ualeas: & me hoc bis
 duo, aut triduo expecta. Vale.

M. CICERO C. CAESARI IMP. S.

Ide quàm mihi persuaserim, te me esse alte-
 V rum, nò modo in ijs rebus, quæ ad me ipsum,
 sed etiam in ijs, quæ ad meos pertinent. C.
 Trebatium cogitaram, quocunque extrem, mecum du-
 cere, ut cum meis omnibus studijs, et beneficijs quamor-
 natissimum domũ reducerem. sed posteaquam & Pom-
 peij commoratio diuturnior erat, quàm putaram; &
 mea quædã tibi non ignota dubitatio aut impedire pro-
 fectionem meam uidebatur, aut certe tardare: uide,
 quid mihi sumpserim: cœpi uelle ea Trebatium expe-
 ctare à te, quæ sperasset à me: neque mehercule minus
 ei prolixè de tua uoluntate promisi, quàm eram solitus
 de mea polliceri. casus uero mirificus quidã interuenit,
 quasi uel testis opinionis meæ, uel sponsor humanitatis
 tuæ. nã cum de hoc ipso Trebatio cum Balbo nostro lo-
 querer accuratius domi meæ, literæ mihi dantur à te,
 quibus in extremis scriptum erat: M. Furnium, quem
 mihi commendas, uel regem Gallie faciam, uel Lepidũ

legatum : si uistu , ad me alium mitte , quem ornem .
 susulimus manus & ego & Balbus : tanta fuit oppor-
 tunitas , ut illud nescio quid non fortuitum , sed diui-
 num uideretur . mitto igitur ad te Trebatium , atque ita
 mitto , ut initio mea sponte , post autem inuitatu tuo
 mittendum duxerim . hunc mi Caesar sic uelim omni tua
 comitate complectare , ut omnia , quæ , per me possis ad-
 duci , ut in meos conferre uelis , in unum hunc conferas .
 de quo tibi homine hoc spondeo , non illo uetere uerbo
 meo , quod , cum ad te de Milone scripsissem , iure lusi-
 fsi , sed more Romano , quo modo homines non inepti lo-
 quuntur , probiorem hominem , meliorem uirum , pu-
 dentiore esse neminem . accedit etiam , quod familiam
ducit , in iure civili singularis memoria , summa scien-
 tia . huic ego neque tribunatum , neque præfecturam ,
 neque ullius beneficii certum nomen peto : beneuolen-
 tiam tuam , & liberalitatem peto : neque impedio , quo-
 minus , si tibi ita placuerit , etiam hisce eum ornēs glo-
 riolæ insignibus . totum denique hominem tibi trado de
 manu , ut aiunt , in manum tuam istam & uictori-
 æ & fide præstantē . sumus enim putidiusculi , quàm
 per te uix licet : uerum , ut uideo , licebit . Cura ut ua-
 leas : & me , ut amas , ama .

M. CICERO TREBATIO. S. D.

1 Non omnibus meis epistolis , quas ad Caesarem ,
 aut ad Balbum mitto , legitima quædam est
 accessio commédationis tuæ , nec ea uulgaris ,
 sed cum aliquo insigni indicio meæ erga te beneuolen-
 tiæ . tu modo ineptias istas , & desideria urbis , & ur-

de fribus 116.

banitatis deponere : & quo consilio profectus es , id assidue & uirtute consequere . hoc tibi tam ignoscemus nos amici , quàm ignouerunt Medea , quæ Corinthi arcem altam habebant , matronæ opulentæ optimates : quibus illa manibus gypsatis persuasit , ne sibi illæ uitio uerterent , quod abesset à patria : Nam M. V. L. T. I. suam rem bene gessere , et publicam patria procul : Multi , qui domi ætatem agerent , propterea sunt improbi . quo in numero tu certe fuisses , nisi te extrusissemus . sed plura scribemus alias . Tu , qui cæteris cauere didicisti , in Britânia ne ab essedarijs decipiaris , caue . & quando Medeam agere cœpi , illud semper memento : Q. V. I. ipse sibi sapiens prodesse nequit , nequidquam sapit . Cura , ut ualeas .

M. CICERO TREBATIO] S. D.

Go te commendare non desisto : sed quid proficiam , ex te scire cupio . spem maximam habeo in Balbo : ad quem de te diligentissime , et sepiissime scribo . illud soleo mirari , non me toties accipere tuas literas , quoties à Q. fratre mihi afferuntur . In Britânia nihil esse audio neque auri , neque argenti . id si ita est , essedum aliquod suadeo rapias , & ad nos quamprimum recurras . sin autem sine Britânia tamen assequi id , quod uolumus , possumus : perfice , ut sis in familiaribus Cæsaris : multum enim te in eo frater adiuuabit meus , multum Balbus , sed , mihi crede , tuus pudor , & labor plurimum . imperatorem liberalissimum habes , ætatem opportunissimam , commendatio-

nem certe singularem : ut tibi unum timendum sit , ne ipse tibi defuisse uideare . Vale .

CICERO TREBATIO S. D.

Crispsit ad me Cæsar perhumaniter ; nondum
S te sibi satis esse familiarē propter occupationes suas , sed certe fore . cui quidem ego rescripsi , quā mihigratum esset futurum , si quamplurimum in te studij , officij , liberalitatis suæ contutisset . sed ex tuis literis cognoui præproperam quandam festinationem tuam : & simul sum admiratus , cur tribunatus commoda , dempto præsertim labore militiæ , contempseris . querar cum Vacerra , & Manilio : nam Cornelio nihil audeo dicere : cuius tu periculo stultus es , quando te ab eo sapere didicisse profiteris . quin tu urges istam occasionem , & facultatem , qua melior nunquam reperietur . Quod scribis de illo Præciano iureconsulto , ego te ei non desino commendare . scribit etiam ipse mihi , te sibi gratias agere debere . de eo quid sit , cura ut scia . Ego uestras Britānicas literas expecto . Vale .

CICERO TREBATIO. S. D.

Andin ignoro , quid agas : nihil enim scribis :
I neque ego ad te his duobus mensibus scripseram . quia cum Q. fratre meo non eras ; quod mitterem , aut cui darem , nesciebam . cupio scire quid agas , & ubi sis hiematurus : equidem uelim cum Cæsare : sed ad eū propter eius occupationes nihil sum ausus scribere : ad Balbum tamen scripsi . tu tibi deesse non li . serius potius ad nos , dum plenior . quod huc prope-

res, nihil est, praesertim Vacerra mortuo. sed tibi consilium nō deest. quid constitueris, cupio scire. Cn. Octavius, an Cn. Cornelius *quidem*, tuus familiaris, summo genere natus, terrae filius, is me, quia scit tuum familiarem esse, crebro ad coenam inuitat. adhuc non potuit perducere: sed mihi tamen gratum est. Vale.

quidam

CICERO TREBATIO. S. D.

Egi tuas literas: ex quibus intellexi, te Caesari nostro valde iureconsultum uideri. est quod gaudeas, te in ista loca uenisse, ubi aliquid sapere uiderere. quod si in Britanniam quoque profectus esses, profecto nemo in illa tanta insula peritior te fuisset. ueruntamen (rideamus licet: sum enim à te inuitatus) subinuido tibi, ultro te etiam accersitum ab eo, ad quem ceteri, non propter eius superbiam, sed propter occupationem, aspirare non possunt, sed tu in ista epistola nihil mihi scripsisti de tuis rebus: quae mehercule mihi non minori curae sunt, quam meae. ualde meo tuo, ne frigeas in hibernis. quamobrem camino luculento utendum censeo. idem et Mutio, et Manilio placebat, praesertim qui sagis non abundares. quanquam uos nunc istic satis calere audio. quo quidē nuncio ualde mehercule de te timueram. sed tu in re militari multo es cautior, quam in aduocationibus, qui neque in Oceano natare uolueris studiosissimus homo natandi, neque spectare essedarios, quem antea ne andabatam quidem defraudare poteramus. sed iam satis uicari sumus. Ego de te ad Caesarem quam diligenter scripserim,

io



tute scis; quàm saepe, ego. sed mehercule iam intermi-
seram; ne uiderer liberalissimi hominis, mei; aman-
tissimi uoluntati erga me diffidere. sed tamē his literis,
quas proxime dedi, putauī esse hominem commonen-
dum. id feci. quid profecerim, facias me uelim certio-
rem, & simul de toto statu tuo, consilijsq; omnibus:
scire enim cupio, quid agas, quid expectes, quàm lon-
gum istum tuum discessum à nobis futurum putes. sic
enim tibi persuadeas uelim, unum mihi esse solatium,
quare facilius possim pati te esse sine nobis, si tibi esse id
emolumento sciam. sin autem id non est, nihil duobus
nobis est stultius; me, qui te non Romam attraham; te,
qui non huc aduoles. una mehercule nostra uel seuera,
uel iocosa congressio pluris erit, quàm non modo ho-
stes, sed etiam fratres nostri ēdū. quare omnibus de
rebus, fac, ut quamprimum sciam: Aut consolando,
aut consilio, aut re iuueno. Vale.

CICERO TREBATIO S. D.

Isi ante Roma profectus esses, nunc eam cer-
te relinques: quis enim tot interregnis iure-
consultum desiderat? ego omnibus, unde pe-
titur, hoc consilij dederim, ut à singulis interregibus bi-
nas aduocationes postulēt. satis ne tibi uideor abs te ius
ciuile didicisse? sed heustu, quid agis? ecquid fit? uideo
enim te iam iocari per literas. hac signa meliora sunt,
quàm in meo Tusculano. sed quid sit, scire cupio. con-
suli qui sem te à Cæsare scribis: sed ego tibi ab illo con-
suli mallem. quod si aut fit, aut futurum putas, per-

fer istam militiam, & permane: ego enim desiderium
tui spe tuorum commodorum consolabor. sin ista sunt
inaniora, recipe te ad nos. nam aut erit hic aliquid ali
quando: aut, si minus, una mehercule collocutio nostra
pluris erit, quam omnes Samarobrinae. denique si te
cito retuleris, sermo nullus erit: sin frustra diutius ab
fueris, non modo Laberiū, sed etiam sodalem nostrum
Valerium pertimesco: mira enim persona induci potest
Britannici iureconsulti. hæc ego non rideo, quamvis tu
rideas: sed de re seuerissima tecum, ut soleo, iocor. re
moto ioco, tibi hoc amicissimo animo præcipio, ut, si
istic mea cōmendatione tuam dignitatem obtinebis, per
feras nostri desiderium; honestatem, & facultates tuas
augeas: sin autem ista frigebunt, recipias te ad nos.
omnia tamen, quæ uis, & tua uirtute profecto, &
nostro summo erga te studio consequere. Vale.

M. CICERO TREBATIO S. D.

Irabar, quid esset, quod tu mihi literas mita
M tere intermisisses. indicauit mihi Pansa meus
Epicureum te esse factum. o castra præclara:
quid tu fecisses, si te Tarentū, & non Samarobrinam
missem? iam tum mihi non placebas, cum idem in
tuebare, quod & Titius, familiaris meus. sed quonam
modo ius ciuile defendes, cum omnia tua causa facias;
non ciuitum? ubi porro illa erit formula fiducia, V T
inter bonos bene agere oportet? quis enim est bonus, qui
facit nihil, nisi sua causa? quod ius statues communi di
uidundo, cum commune nihil possit esse apud eos, qui

indolens tuebare

+ p.

omnia uoluptate sua metiuntur? quomodo autem tibi placebit Iouem lapidem iurare, cum scias Iouem iratum esse nemini posse? quid fiet porro populo vlturae non, si tu statueris πολεμίσθαι non oportere? quare si plane a nobis deficiis, moleste fero: sin Pansa assentari commodum est, ignosco, modo scribes aliquando ad nos quid agas, & a nobis quid agi, quid fieri, aut curari uelis. Vale.

M. CICERO TREBATIO. S. D.

Deo ne me iniustum esse existimasti, ut tibi
 A irascerer, quod parum mihi constans, & nimium cupidus decedendi uiderere, ob eamque causam me arbitrare literas ad te iandiu non misisse? mihi perturbatio animi tui, quam primis literis perspiciebam, molestiam attulit: neque alia fuit ulla causa intermissionis literarum, nisi quod, ubi esses, plane nesciebam. hic tu me etiam insimulas, nec satisfactionem meam accipis. audi mi Testa: utrum superbiorem te pecunia facit, an quod te imperator consulit? moriar, ni, quae tua gloria est, puto te malle a Caesare consuli, quam inaurari. si uero utrunque est: quis te feret praeter me, qui omnia ferre possum? sed ut ad rem redeam, te istic inuitum non esse, uehementer gaudeo: & ut illud erat molestum, sic hoc est iucundum. tantum metuo ne artificium tuum tibi parum prosit: nam, ut audio, istic Non ex iure manu consertum, sed magis ferro Rem repetunt: & tu soles ad uim faciendam adhiberi? neque est, quod illam exceptionem in interdicto per timescas, quod tu prior ui hominibus armatis conuen-

ris:

ris: scio enim te non esse procacem in laceſſendo. ſed ut ego quoque te aliquid de noſtris cautionibus admoneā, Treuiros uites cenſeo: audio capitales eſſe: mallem auro, argento, ære eſſent. ſed alias iocabimur. Tu ad me de iſtis rebus omnibus ſcribas uelim quamdiligentiſſime. Ad 111. non. Mart. Vale.

CICERO TREBATIO S. D.

Hryſippus Veſtius, Cyri architeſti libertus,
 C fecit, ut te non immemorẽ putarem mei: ſalutem enim mihi uerbis tuis nunciauit. ualde iam lautus es, qui grauerẽ literas ad me dare, homini præſertim prope domeſtico. quod ſi ſcribere oblitus es, minus multi iam te aduocato cauſa cadent. ſin noſtri oblitus es, dabo operã, ut iſthuc ueniã ante, quàm plane ex animo tuo effluam. ſin æſtiuorum timor te debilitat, aliquid excogita, ut feciſti de Britãnia. illud quidem perlibenter audiui ex eodem Chryſippo, te eſſe Caſari familiarem. ſed mehercule mallem, id quod erat æquius, de tuis rebus ex tuis literis quãſepiſſime cognoscere. quod certe ita fieret, ſi tu, maluiſſes beneuolentiã, quàm litiũ, iura perdiſcere. ſed hæc iocati ſumus et tuo more, et non nihil etiam noſtro. Te ualde amamus, noſq; à te amari tum uolumus, tum etiam conſidimus. Vale.

CICERO TREBATIO S. D.

Vãm ſint moroſi, qui amant, uel ex hoc intel
 Q ligi poteſt. moleſte ferebam antea, te inuitum iſthic eſſe: pūgit me ruruſus, quod ſcribis te eſſe iſthic libenter. neque enim, mea commendatione te non

delectari, facile patiebar: & nunc angor, quidquam tibi sine me esse iucundum: sed tamen hoc malo nos ferre desiderium, quàm te non ea, quæ spero, consequi. Quod uero in C. Matij, suauissimi, doctissimiq; hominis, familiaritatem uenisti, non dici potest, quàm ualde gaudeam: qui, fac, ut te quammaxime diligat. mihi crede, nihil ex ista provincia potes, quod iucundius sit, deportare. Cura ut ualeas.

CICERO TREBATIO S. D.

IN Equo Troiano scis esse in extremo, S E R O I, S A P I V N T. tu tamen mi uetule non sero. primū illas rabulosas sat fatuas dedisti. deinde, quod in Britānia nō nimis *ὠλὸς ἔσται* te præbuisi, plane non reprehēdo. nunc uero in hibernis iniectus mihi uideris. itaque te commouere non curas. V S Q V E Q V A Q V E sapere oportet. id erit telum acerrimum. Ego se foris coenitarem, Cn. Octauio, familiari tuo, non defuissem: cui tamen dixi, cum me aliquoties inuolaret, oro te, quis tu es? sed mehercule, extra iocum, homo bellus est: uellem eum tecum abduxisses. Quid agatis, ecquid in Italiam uenturi sitis hac hieme, fac plane sciam. Balbus mihi confirmauit te diuitem futurum: id utrum Romano more locutus sit, bene nūmatum te futurum, an, quo modo Stoici dicunt, omnes esse diuites, qui cœlo, & terra frui possunt, postea uidero. Qui isthinc ueniunt, superbiam tuam accusant, quod negent te percunctantibus respondere. sed tamen est, quod gaudeas: constat enim inter omnes, neminem te uno Samarobrinae iuris peritiore me esse. Vale.

CICERO TREBATIO S. D.

X tuis literis & Quinto fratri gratias egi, et te aliquādo collaudare possum, quod iam uideris certa aliqua in sententia constituisse. nam primorum mensium literis tuis uehementer commouebar, quod mihi interdum (pace tua dixerim) leuis in urbis, urbanitatisq; desiderio, interdum piger, interdum timidus in labore militari, sæpe autem etiam, quod à te alienissimum est, subimpudens uidebare: tanquā enim syngrapham ad imperatorem, non epistolam, attulisses, sic pecunia ablata domum redire properabas: nec tibi in mentem ueniebat, eos ipsos, qui cum syngraphis uenissent Alexandriam, nullum adhuc nummum auferre potuisse. ego si mei commodi rationem ducerem, te mecum esse maxime uellem: non enim mediocri afficiebar uel uoluptate ex consuetudine nostra, uel utilitate ex consilio, atque opera tua: sed cum te ex adolescentia tua in amicitiam, & fidem meam contulisses; semper te non modo tuendum mihi, sed etiam augendum, atque ornandum putauī. itaque quoad opinatus sum me in prouinciam exiturum; quæ ad te ultro attulerim, meminisse te credo: posteaquam mea mutata ratio est; cum uiderem me à Cesare honorificentissime tractari, & unice diligi, hominisq; liberalitatem incredibilem, & singularem fidem nossem; sic ei te commendauī, & tradidi, ut grauisime, diligentissimeq; potui. quod ille ita & accepit, & mihi sæpe literis significauit, & tibi uerbis, & re ostendit, mea commendatione sese ualde esse commotum. hunc tu uirum nactus, si me aut

sapere aliquid, aut uelle tua causa putas, ne dimiseris:
 Et si qua te forte res aliquando offenderit, cum ille aut
 occupatione, aut difficultate tardior tibi erit uisus, per-
 fertor, Et ultima expectato: quæ ego tibi Et iucunda
 Et honesta præstabo: pluribus te hortari non debeo: tan-
 tum moneo; neque amicitie confirmandæ clarissimi, ac
 liberalissimi uiri, neque uberius provincie, neque æta-
 tis magis idoneum tempus, hoc si amiseris, te esse ullum
 unquam reperiturum: hoc, quemadmodum uos scriben-
 re soletis in uestris libris, idem Q. Cornelio uideba-
 tur. In Britanniam te non esse profectum, uehemen-
 ter gaudeo, quod Et tu labore caruisti, Et ego te de re-
 bus illis non audiam: ubi sis hibernaturus, Et qua spe,
 aut conditione, præscribas ad me, uelim. Vale.

CICERO TREBATIO S. D.

Accepi à te aliquot epistolas uno tempore, quas
 tu diuersis temporibus dederas: in quibus me
 cetera delectarunt: significabant enim te istam
 militiam iam firmo animo ferre, Et esse fortem uirum,
 Et constantem: quæ ego paulisper in te ita desideravi,
 non imbecillitate animi tui, sed magis ut desiderio no-
 stri te æstare putarem. quare perge, ut coepisti: fortis
 animo istam tolera militiam: multa, mihi crede, asse-
 quere: ego enim renouabo commendationem, sed tem-
 pore. sic habeto, non tibi maiori esse curæ, ut iste tuus
 à me discessus fructuosissimus tibi sit, quàm mihi. ita-
 que, quando uestre cautiones infirmæ sunt, Græculam
 tibi misi cautionem chirographi mei. Tu me, uelim,

de ratione Gallici belli certiore facias: ego enim ignavissimo cuique maximam fidem habeo. sed ut ad epistolas tuas redeam, cetera belle: illud miror: quis solet eodem exemplo plures dare, qui sua manu scribit? nam quod in palimpsesto, laudo equidem parsimoniam: sed miror, quid in illa chartula fuerit, quod delere malueris, quam hæc scribere: nisi forte tuas formulas: non enim puto te meas epistolas delere, ut reponas tuas. an hoc significas, nihil fieri, frigere te, ne chartam quidem tibi suppeditare? iam ista tua culpa est, qui verecundiam tecum extuleris, & non hic nobiscum reliqueris. egote Balbo, cum ad vos profisciscetur, more Romano commendabo. tu, si intervallū longius erit mearum literarum, ne sis admiratus: eram enim abfuturus mense Apr. has literas scripsi in Pontino, cum ad villam M. Aemilij Philemonis diuertissem: ex qua iam audieram fremitum clientium meorum, quos quidem tu mihi conciliasti: nam Vlubris honoris mei causa vim maximam ranunculorum se commosse constabat. Cura ut valeas. VI. idus Apr. de Pontino.

CICERO TREBATIO S. D.

Epistolam tuam, quam accepi ab L. Aruntio, a L.
 E considi innocentem: nihil enim habebat; quod non vel in concione recte legi posset. sed & Aruntius ita te mandasse dicebat, & tu adscripseras. uerum illud esto. nihil te ad me postea scripsisse demiror, præsertim tam novis rebus. Vale.

CICERO TREBATIO S. D.

Ide quanti apud me sis . etsi iure id quidem :
 V non enim amore te uinco . ueruntamen quod
 presenti tibi prope subnegarem , non tribue-
 rem certe , id absenti debere non potui . itaque ut primū
 Velia nauigare coepi , institui Topica Aristotelica con-
 scribere , ab ipsa urbe cōmonitus amantissima tui . eum
 librum tibi misi Rhegio , scriptum quā planissime res
 illa scribi potuit . sin tibi quædam uidebuntur obscurior
 ra , cogitare debebis , N V L L A M artem literis , sine
 interprete , & sine aliqua exercitatione , percipi posse .
 non longe abieris . num ius ciuile uestrum ex libris co-
 gnosci potest ? qui quanquam plurimi sunt , doctorem
 tamen , lumenq; desiderant . quanquam tu , si attena-
 te leges , si sapius , per te omnia consequere , ut certe in-
 telligas . ut uero etiam ipsi tibi loci proposita quæstione
 occurrant , exercitatione consequere : in qua quidem nos
 te continebimus , si & salui redierimus , & salua ista
 offenderimus . Vale . V. cal. Sext. Rhegio .

CICERO TREBATIO S. D.

Mabilior mihi Velia fuit , quod te ab ea sensi
 A amari . sed quid ego dicā te , quem quis non a-
 mai ? Rufio mediusfidius tuus ita desideraba-
 tur , ut si esset unus è nobis . sed ego te non reprehendo ,
 qui illum ad ædificationem tuā traduxeris : quanquam
 enim Velia non est uilior , quā Luperca , tamen isthuc
 malo , quā hæc omnia . tamen , si me audies , quem soles ,

has paternas possessiones tenebis, (nescio quid enim Velienses uerebantur) neque Helëthem nobilem amnem relinques, nec Papirianam domum deferēs: quanquam illa quidem habet lucum, à quo etiam aduenæ teneri solent: quem tamen si excideris, multum prospexeris. sed in primis opportunū uidetur, his præsertim temporibus, habere perfugium primum eorum urbem, quibus carus sis, deinde etiam tuam domum, tuosq; agros, eaq; remoto, salubri, amœnoq; loco: idq; etiam mea interesse mi Trebati arbitror. sed ualebis, mea; negotia uidebis, meq;, dijs iuuantibus, ante brumam expectabis. Ego à Sex. Fabio, Niconis discipulo, librum abstuli Νικωνος βιβλίου πολυφαγίας. ò medicum suauem, meq; docilem ad hanc disciplinam. sed Bassus noster me de hoc libro celauit: te quidem non uidetur. Ventus increbrescit. Cura ut ualeas. XIII. cal. Sext. Velia.

CICCERO TREBATIO S. D.

Illy causam te docui. is postea fuit apud me. cū ei dicerem, tibi uideri, sponsonem illā nos sine periculo facere posse, SI bonorū Turpilia possessionem Q. Capio prætor ex edicto suo mihi dedit: negare aiebat Seruium tabulas testamēti esse eas, quas instituiisset is, qui factionem testamenti non habuerit: hoc idem Offiliū dicere: tecum se locutum negabat: meq; rogauit, ut se, causamq; suam tibi cōmendarem. nec uir melior mi Testa, nec mihi amicior P. Silio quisquam est, te tamen excepto. gratissimum igitur mihi feceris, si ad eum ultro ueneris, eiq; pollicitus eris: sed, si me amas, quā primū. hoc te uehemēter etiā atque etiā rogo. Vale.

CICERO TREBATIO S. D.

I lluseras heri inter scyphos, quod dixeram controuersiam esse, posset ne heres, quod furtum antea factum esset, recte furti agere. itaque etsi domum bene potus, seroq; redieram: tamen id caput, ubi hæc controuersia est, notaui, & descriptum tibi misi: ut scires, id, quod tu neminem sensisse dicebas, Sex. Aelium, M. Manilium, M. Brutum sensisse. ego tamen Scauola, & Testæ assentior. Vale.

M. CICERO M. FABIO GALLO S. D.

Tantum quod

Tantum quod ^T Antum ex Arpinati ueneram, cum mihi à te literæ redditæ sunt: ab eodemq; accepi Auianni literas: in quibus hoc erat liberalissimum, nomina se facturum, cum uenisset, quæ ego uellem die fac quaeso, qui ego sum, esse te. est ne aut tui pudoris, aut nostri, primū rogare de die, deinde plus annua postulare? sed essent mi Galle omnia facilia, si et ea mercatus esses, quæ ego desiderabam, & ad eam summam, quam uoluerā. ac tamen isthæc ipsa, quæ te emisse scribis, nō solum rata mihi erūt, sed etiā grata: plane enim intelligo, te non modo studio, sed etiam amore usum, quæ te delectarint, hominem, ut ego semper iudicaui, in omni iudicio elegantissimum, quæq; me digna putaris, coemisse. sed uelim, maneat Damasippus in sententia: prorsus enim ex istis emptionibus nullam desidero. tu autem ignarus instituti mei, quanti ego genus omne si gnorum omnium non aestimo, tanti ista quatuor, aut quinque sumpsi. sed Bacchas istas cum Musis Metelli

comparas : quid simile ? primum ipsas ego Musas nunquam tanti putassem : atque id fecissem Musis omnibus approbantibus . sed tamen erat aptum bibliotheca , studiisq; nostris congruens . Bacchis uero ubi est apud me locus ? at pulchellæ sunt : noui optime , et sæpe uidi . nominatim tibi signa mihi nota mandassem , si probassem : ea enim signa ego emere soleo , quæ ad similitudinem gymnasiorum exornent mihi in palestra locum . Martis uero signum quod mihi pacis auctori ? gaudeo nullum Saturni signum fuisse : hæc enim duo signa putarem mihi æs alienum attulisse . Mercurij malletm alioquod fuisset : felicius , puto , cum Auiano transigere possemus . quod tibi destinaras Trapezophoron : si te delectat , habebis . sin autem sententiam mutasti , ego habebo scilicet . ista quidem summa nã ego multo libentius emerim diuersorium Tarracinae , ne semper hospitii molestus sim . omnino liberti mei uideo esse culpam , cui plane res certas mandaram : itemq; Iunij , quem puto tibi notum esse , Auiani familiarem . exhedria quædã mihi noua sunt instituta in particula Tusculani . ea uolebam tabellis ornare : etenim si quid generis istiusmodi me delectat , pictura delectat . sed tamẽ si ista mihi sunt habenda , certiozem uelim me facias , ubi sint , quando accersantur , quo genere uectura : si enim Damasippus in sententia non manebit , aliquem pseudodamasippum uel cum iactura reperiemus . Quod ad me de domo scribis iterum , tam id ego proficiscens mandaram meae Tulliae : ea enim ipsa hora acceperam tuas literas . egeram etiam cum tuo Nicia , quod is ueritur , ut scis , familiariter Cassio . ut redij autem , prius , quam tuas leo

gi has proximas literas, quasi de mea Tullia, quid egisset. per Liciniam se egisse dicebat: sed opinor Cassius uti non ita multum sorore: eam porro negare se aude-
re, cum uir abesset, (est enim profectus in Hispaniam Decius) illo & absente, & insciente migrare. est mihi gratissimum, tanti à te aestimatum consuetudinem ui-
tæ, uictusq; nostri, primum ut eam domum sumeres, ut non modo prope me, sed plane mecum habitare pos-
ses: deinde ut migrare tantopere festines. sed ne uiuā, si tibi concedo, ut eius rei tu cupidior sis, quam ego sum. itaque omnia experiar: uideo enim, quid mea intersit, quid utriusque nostrum. si quid egero, faciam ut scias. tu & ad omnia rescribes; &, quando te ex-
pectem, facies me, si tibi uidebitur, certiozem. Vale.

M. CICERO M. FABIO GALLO S. D.

Moris quidem tui, quoquò me uerto, uesti-
A gia, uel proxime de Tigellio: sensi enim ex li-
teris tuis ualde te laborasse. amo igitur uolū-
tatē. sed pauca de re. Capius, opinor, olim, NON om-
nibus dormio: sic ego non omnibus mi Galle seruo. etsi
quæ est hæc seruitus? olim, cum regnare existimaba-
mur, non tam ab ullis, quam hoc tēpore obseruor à fa-
miliarissimis Cæsaris omnibus, præter istum. id ego in
lucris pono, non ferre hominē pestilentiozem patria sua:
eumq; addictū iam tum puto esse Calui Licinij Hippo-
nacteo præconio. at uide, quid succenseat. Phameæ cau-
sam suscepērā, ipsius quidem causa: erat enim mihi sane
familiaris. is ad me uenit, dixitq; iudicem sibi operam
dare constituisse eo ipso die, quo de P. Sextio in cōsiliū

iri necesse erat. respondi, nullo modo me facere posse, cum uellem: aliū diem si sumpsisset, me ei non defuturum. ille autem, qui sciret se nepotem bellū tibicinem habere, & sat bonum unctorem, discessit à me, ut mihi uidebatur, iratior. habes Sardos uenales, alium alio nequiorē. cognosti meam causam, & istius Salaconis iniquitatem. Catonē tuum mihi mitte: cupio enim legere. me adhuc non legisse, turpe utrique nostrum est. Vale.

CICERO M. FABIO GALLO S. D.

Quòd epistolā conscissam doles, noli laborare: salua est domi: petes, cū libebit. Quòd autem me mones, ualde gratum est: idq; ut semper facias, rogo: uideris enim mihi uereri, ne, si istum habuerimus, rideamus γέλῳτα σαρδῶνιον. sed heus tu, manū de tabula: magister adest citius, quàm putamus. uereor, ne in Catonem, Cato in nos. Mi Galle caue putes quidquam melius, quàm epistolæ tuæ partem ab eo loco, Cætera labuntur. secreto hoc audi: tecū habeto: ne Apellæ quidē liberto tuo dixeris. præter duo nos, loquitur isto modo nemo: bene, malēque, uidero: sed quidquid est, nostrū est. urge igitur, nec transuersum unguē, quod aiūt, à stylo: is enim est dicendi opifex. atque ego quidē aliquantū iam etiā noctis assumo. Vale.

Stylus dicendi opifex.

CICERO GALLO S. D.

Vm decimum iam diem grauitè ex intestino laborarem; neque ijs, qui mea opera uti uolebant, probarem me non ualere, quia febrim non haberem; fugi in Tusculanum; cum qui-

dem biduum ita ieiunus fuisset, ut ne aquam quidem gustarem . itaque confectus languore, & fame, magis tuum officium desideravi, quam abs te requiri putavi meum . ego autem cum omnes morbos reformido, tum quo Epicurum tuum Stoici male accipiunt, quia dicat δυσουρίαι, καὶ δυσεντερίαι πᾶσι sibi molesta esse . quorum alterum morbum edacitatis esse putant, alterum etiam turpioris intemperantiae . sane δυσεντερίαν pertimueram . sed uisa est mihi uel loci mutatio, uel animi etiam relaxatio, uel ipsa fortasse iam senescentis morbi remissio profuisse . attamen ne mirere, unde hoc acciderit, quomodouē commiserim : lex sumptuaria, quæ uidetur λιτότητά attulisse, ea mihi fraudi fuit : nam dum uolunt isti lauti terra nata, quæ lege excepta sunt, in honorem adducere ; fungos, heluellas, herbas omnes ita condiunt, ut nihil possit esse suauius . in eas cum incidissem in coena augurali apud Lentulum, tanta me δαίρῃσιν arripuit, ut hodie primum uideatur coepisse consistere . ita ego, qui me ostreis, & murentis facile abstinebam, à beta etiam, & malua deceptus sum . posthac igitur erimus cautiore . tu tamen cum audisses ab Anitio, (uidit enim me nauseantem) non modo mittendi causam iustam habuisti, sed etiam uisendi . ego hic cogito commorari, quoad me reficiam : nam & uires, et corpus amisi . sed si morbum depulero, facile, ut spero, illa reuocabo . Vale .

M. CICERO GALLO S. D.

Irro, cur me accuses, cum tibi id facere non liceat : quod si liceret, tamen non debebas. EGO enim te in consulatu observaram. et ais fore, ut te Casar restituat. multa tu quidem dicis, sed tibi nemo credit. Tribunatum plebis dicis te mea causa petisse. utinam semper esses tribunus: intercessorem non quæreret. negas me audere, quod sentiam, dicere: quasi tibi, cum parum pudenter me rogares, parum fortiter responderim. hæc tibi scripsi, ut isto ipso in genere, in quo aliquid posse vis, te nihil esse cognosceres. quod si humaniter mecum questus esses, libenter tibi me, & facile purgassem: non enim mihi ingrata sunt, quæ fecisti; sed quæ scripsisti, molesta. me autem, propter quem cæteri liberi sunt, tibi liberum non visum, demiror. nam si falsa fuerunt, quæ tu ad me, ut ais, detulisti: quid ego tibi debeo? sin uera: tu es optimus testis, quid mihi populus R. debeat. Vale.

M. CICERO CVRIO S. D.

Imini, cum mihi desipere uidebare, quod istic potius uiueres, quam nobiscum: erat enim multo domicilium huius urbis, cum quidem hæc urbs, aptius humanitati, & suauitati tuæ, quam tota Peloponnesus, nedum Patræ. nunc contra & uidisse mihi multum uideris, cum prope desperatis his rebus te in Græciam contulisti; & hoc tempore non solum sapiens, qui hinc absis, sed etiam beatus. quanquam quis, qui aliquid sapiat, nunc beatus esse potest? sed

quod tu, cui licebat, pedibus es consecutus, ut ibi esses, ubi nec Pelopidarum: nosti cætera: nos idem propemodum consequimur alia ratione. cum enim salutationi nos dedimus amicorum, quæ fit hoc etiam frequentius, quàm solebat, quòd quasi auem albam uidentur bene sentientem ciuem uidere: abdo me in bibliothecam: itaque opera efficio tanta, quanta fortasse tu senties. intellexi enim ex tuo sermone quodam, cum mœstitiam meam, & desperationem accusares, domi tuæ dicere te, ex meis libris animum meum desiderare. sed michercule et tum remp. lugebam, quæ non solum suis erga me, sed etiam meis erga se beneficijs erat mihi carior: et hoc tempore, quanquam me non ratio solum consolatur, quæ plurimum debet ualere, sed etiam dies, quæ stultis quoque mederi solet, tamen doleo ita cõmunem rem esse dilapsam, ut ne spes quidem, melius aliquando fore, relinquatur. nec uero nunc quidem culpa in eo est, in cuius potestate omnia sunt: (nisi forte id ipsum esse non debuit) sed alia casu, alia etiam nostra culpa sic acciderunt, ut de præteritis non sit querendum. reliquam spem nullam uideo. quare ad prima redeo. sapienter hæc reliquisti, si consilio; feliciter, si casu. Vale.

M. CVRIVS M. CICERONI

SVO S. D.

I uales, bene est: sum enim χρῖστος πλὴν tuus,
 S. κτήσας δὲ Attici nostri. ergo fructus est tuus,
 mancipium illius. quod quidem si inter senes
 coemptionales uenale proscripserit, egerit non multum.

at illa nostra predicatio quanti est? nos, quod simus, quod habeamus, quod homines existimemur, id omne abs te habere. quare Cicero mi perseuera constanter nos conseruare; & Sulpicij successorì nos de meliore nota commenda, quo facilius tuis praeceptis obtemperareq; ad urbem lubentes uidere, & nostra defigere, deportareq; tuto possimus. sed amice magne noli hanc epistolam Attico ostendere. sine eum errare, & putare me uirum bonum esse, nec solere duos parietes de eadem fidelia dealbare. ergo patrone mi bene uale, Tironemq; meum saluta nostris uerbis. D. A. D. 1111. cal. Nou.

CICERO CVRIO S. D.

Go uero iam te nec hortor, nec rogo, ut domum redeas: quin hinc ipse euolare cupio, & aliquò peruenire, ubi nec Pelopidarum nomen, nec facta audiam. incredibile est, quam turpiter mihi facere uidear, qui his rebus intersim. na tu uideris multo ante prouidisse, quid impenderet, tum, cum hinc profugisti. quanquam enim hac etiam audis tu acerba sunt: tamen audire tolerabilius est, quam uidere. in campo certe non fuisti, cum hora secunda, comitijs quaestorij institutis, sella Q. Maximi, quae illi consulem esse dicebant, posita esset. quo mortuo nunciato, sella sublata est. ille autem, qui comitijs tributis esset auspiciatus, centuriata habuit, consulem hora septima renunciauit, qui usque ad cal. Ian. esset, quae erant festurae mane posttridie. ita Caninio consule scito neminem

prandisse. nihil tamen eò consule mali factum est: fuit enim mirifica uigilantia, qui suo toto consulatu somnū non uiderit. hæc tibi ridicula uidentur: non enim ades: quæ si uideres, lacrymas non teneres. quid, si cætera scribam? sunt enim innumerabilia generis eiusdē: quæ quidem ego non ferrem, nisi me in philosophiæ portum contulissem, & nisi haberem socium studiorum meorum, Atticum nostrum. cuius quando proprium te esse scribis mancipio & nexu, meum autē usu & fructu: contentus isto sum: ID ENIM cuiusque est proprium, quo quisque fruitur, atque utitur. sed hæc alias pluribus. Acilius, qui in Græciam cum legionibus missus est, maximo meo beneficio est: bis enim est à me iudicio capitis rebus saluis defensus: & est homo nō ingratus, meq; uehementer obseruat. ad eum de te diligentissime scripsi: eamq; epistolam cum hac coniunxi: quam ille cum acceperit, ecquid tibi pollicitus sit, uelim ad me scribas. Vale.

CICERO CVRIO S. D.

Acile perspexi ex tuis literis, quod semper
F studui, & me à te plurimi fieri, & te intel
ligere quā mihi carus esses. quod quando
uterque nostrum consecutus est: reliquum est, ut of
ficiis certemus inter nos: quibus æquo animo uel uincā
te, uel uincat abs te. Acilio non fuisse necesse meas
dari literas, facile patior. Sulpicij tibi operam intelli
go ex tuis literis non multū opus fuisse, propter res tuas
itā contractas, ut, quemadmodum scribis, nec caput,

nec

nec pedes, equidem uellem uti pedes haberent, ut aliam quando redires: uides enim exaruisse iam ueterem urbanitatem, ut Pomponius noster suo iure possit dicere, Nisi nos pauci retineamus gloriam antiquam Atticam. ergo is tibi, nos ei succedimus. ueni igitur, quæso, ne tantum semen urbanitatis una cum rep. intereat. Vale.

M. CICERO VOLUMNIO S. D.

Quod sine prænominē familiariter, ut debebas, ad me epistolam misisti: primum addubitaui, num à Volumnio senatore esset, quocum mihi est magnus usus: deinde δι' ἑταίρια literarum fecit, ut intelligerem tuas esse. quibus in literis omnia mihi periucunda fuerunt, præter illud, quod parum diligenter possessio salinarum mearum à te procuratore defenditur. ais enim, ut ego discesserim, omnia omnium dicta, in his etiam Sestiana, in me conferri. quid? tu id pateris? non ne defendis? non resistis? equidem sperabam, ita notata me reliquisse genera dictorum meorum, ut cognosci sua sponte possent. sed quando tanta fæx est in urbe, ut nihil sit tam ἀκυρόν, quod non alicui uenustum esse uideatur: pugna; si me amas, nisi acuta ἀμυβολία, nisi elegans ἑσθρβολή, nisi παρὰ γόργυρα bellum, nisi ridiculum πρὸς πρὸς δεικνύον, nisi cætera, quæ sunt à me in secundo libro de oratore per Antonij personam disputata deridiculis, ὅτι τεχνά; et arguta apparebunt, ut sacramento contendas, mea non esse. Nam de iudicijs quod quereris, multo laboro minus. trahantur per me pedibus omnes rei. sit uel

Selius tam eloquens, ut possit probare se liberum: non laboro. urbanitatis possessionem, amabo, quibus suis interdictionibus defendamus: in qua te unum metuo, contemno ceteros: derideri te putas? nunc demum intelligo te sapere. sed mehercule, extra iocum, ualde mihi tuæ literæ faciet, elegantesq; uisæ sunt. illa, quamuis ridicula essent, sicut erant, mihi tamen risum non mouerunt: cupio enim nostrum illum amicum in tribunatu quamplurimum habere grauitatis, idq; cum ipsius causa, (est enim mihi, ut scis, in amoribus) tum mehercule etiam reip. quam quidem, quamuis in me ingrata sit, tamen amare non desinam. Tu mihi Volumni quando instituisti, & mihi uides esse gratum, scribe ad me quam sæpiissime de rebus urbanis, de rep. incundus est mihi sermo literarum tuarum. præterea Dolabella, quem ego perspicio, & iudico cupidissimum esse, atque amantissimum mei, cohortare, & confirmare; & redde plane meum. non me hercule quo quidquam desit, sed quia ualde cupio, non uideor nimium laborare. Vale.

M. CICERO VOLUMNIO S. D.

Quod declamationibus nostris cares, damni nihil facis. Quod Hirio inuideres, nisi eum amares: non erat causa inuidendi: nisi forte ipsius eloquentiæ magis, quam quod me audiret, inuideres: nos enim plane mihi suauissime Volumni aut nihil sumus, aut nobis quidem ipsis displicemus, gregalius iui, quibus te plaudente uigebamus, amissis: ut

etiam si aliquando aliquid dignum nostro nomine emis-
simus, ingemiscamus, quòd hæc pennigero, non ar-
migero in corpore tela exerceantur, ut ait Philoteſtes
apud Accium, abiecta gloria. sed tamen omnia mihi
erunt, si tu ueneris, hilariora: quanquam uenies, ut
ipse intelligis, in maximarum quasi còcursum occupa-
tionũ: quas si, ut uolumus, exceperimus, ego uero mul-
tam salutem & foro dicam, & curiæ, uiuamq; tecum
multum, et cum communibus nostris amatoribus: nam
& Cassius tuus, & Dolabella noster, uel potius uter-
que noster, studijs ijsdem tenentur, & meis æquissimis
utuntur auribus. opus est huc limatulo, & politulo
tuo iudicio, & illis interioribus literis meis, quibus sæ-
pe uerecundioſiorem me in loquendo facis: mihi enim ius-
dicatum est, si modo hoc Cæsar aut patietur, aut uo-
let, deponere illam iam personam, in qua me sæpe illi
ipsi probaui, ac me totum in literas abdere, tecumq; et
cum cæteris earum studiosis honestissimo otio perfrui.

Tu, uellem, ne ueritus esses, ne perinuitus legerem
tuas literas, si mihi, quemadmodum scribis, longiores
forte misisses. ac uelim, posthac sic statuas, tuas mihi li-
teras longissimas quasque gratissimas fore. Vale.

*Quid hæc pennigero, non armigero in corpore
Exerceantur tela, abiecta gloria.*

M. COELIVS M. CICERONI S. D.

Q. Vod tibi decedenti pollicitus sum, me omnes res urbanas diligentissime tibi perscripturum: data opera paravi, qui sic omnia persequeretur, ut uerear, ne tibi arguta nimiū hęc sedulitas uideatur; tametsi tu, scio, quā sis curiosus, et quā omnibus peregrinantibus gratum sit, minimarū quoque rerum, quę domi gerantur, fieri certiores. tamen in hoc te deprecor, ne meum hoc officium arrogantie cōdemnes, quōd hunc laborem alteri delegavi: non quin mihi suauissimum sit & occupato, & ad literas scribendas, ut tu nosti, pigerrimo, tuę memorię dare operam: sed ipsum uolumen, quod tibi misi, facile, ut ego arbitror, me excusat. nescio, cuius otij esset, non modo perscribere hęc, sed omnino animaduertere: omnia enim sunt ibi S. C. edicta, fabulę, rumores. quod exemplum si forte minus te delectarit: ne molestiam tibi cum impensa mea exhibeam, fac me certiores. si quid in rep. maius aelum erit, quod isti operarij minus commode persequi possint: & quemadmodum actum sit, & quę existimatio consecuta, quęq; de eo spes est, diligenter tibi perscribemus. ut nunc est, nulla magnopere expectatio est. nam & illi rumores de comitijs transpadanorum Cumarum tenus caluerunt. Romam cum uenissem, ne te

nuissimam quidem auditionem de ea re accepi. præterea Marcellus quidem adhuc nihil retulit de successione provinciarum Galliarum. in cal. Iun. ut mihi ipse dixit, eam distulit relationem. sanequam eos sermones representat, qui de eo tum fuerant, cum Romæ nos essemus.

Tu, si Pompeium, ut volebas, offendisti: qui tibi iussus sit, & quam orationem habuerit tecum, quamq; ostenderit voluntatem, (solet enim aliud sentire; & loqui, neque tamen tantum valere ingenio, ut non appareat, quid cupiat) fac mihi perscribas. Quod ad Cæsarem attinet, crebri, & non belli de eorumores, sed susurrantes dumtaxat ueniunt alius, equitem perdidisse; quod opinor certe factum: alius, septimam legionem uapulasse, ipsum apud Bellouacis circumnsideri, interclusum ab reliquo exercitu. neque adhuc certi quidquid est, neque hæc incertæ, tamen uulgo iactantur, sed inter paucos, quos tu nosti plane; secreto narrantur. at Domitius, cum manus ad os apposuit? Te ad 1 X. cal. Iun. subrostrari, quod illorum capiti sit, dissiparant perisse: ita ut in urbe, ac foro toto maximus rumor fuerit, te à Q. Pompeio in itinere occisum. ego, qui scirem Q. Pompeium Baülis embæneticæ facere, et usque eò, ut ego misererer eius esuriei, non sum commotus, & hoc mendacio, si qua pericula tibi impenderent, ut defungeremur, optavi. Plancus quidem tuus Ravenæ est: & magno congiario donatus à Cæsare, nec beatus, nec bene instructus est. Tui politici libri omnibus uigent. Vale.

Erte, inquam, absolutus est. me presente pronunciatum est, et quidem omnibus ordinibus, sed et singulis in uno quoque ordine sententijs, uide modo, inquis. non mehercules: nihil enim unquam tam præter opinionem, tam quod uideretur omnibus indignum, accidit. quin ego, cum pro amicitia ualidissime fauerem ei, et me iam ad dolendum præparassem: postquam factum est, obstupui, et mihi uisus sum captus esse. quid alios putas? clamoribus maximis iudices corripuerunt; et ostenderunt plane esse, quod ferri non posset. itaque relictus lege Licinia; maiore esse periculo uidetur. accessit huc, quod postridie eius absolutionis in theatrum Curionis Hortensius introiit: puto, uobis suum gaudium gauderemus. hic tibi strepitus, frenitatus, clamor tonitruum, et rudentum sibilus. hoc magis animaduersum est, quod intactus à sibilo peruenerat Hortensius ad senectutem: sed tum ita bene, ut in totam uitam cuius satis esset; et poeniteret eum iam uicisse. De rep. quod tibi scribam; nihil habeo. Marcelli impetus resederunt, non inertia, sed, ut mihi uidebatur, consilio. De comitijs consularibus incertissima est existimatio. Ego incidi in competitorem nobilem; et nobilem agentem. nam M. Octavius Cn. F. et C. Hirrus mecum petit. hoc ideo scripsi, quod scio te acriter, propter Hirrum, nuncium nostrorum comitiorum expectaturum. tu tamen simul ac me designatum audieris, ut tibi cura sit, quod ad pantheras attinet, rogo. Syngrapham Sitianam tibi commendo. Commentarium rerum urbana-

rum primum dedi L. Castrinio Peto, secundum ei, qui
has literas tibi reddet. Vale.

M. COELIVS M. CICERONI S. D.

Si ne? uici, & tibi saepe, quod negaras disce-
dens curaturum, literas mitto? est; si quidem
perferuntur, quas do. atque hoc eo diligen-
tius factito, quod, cum otiosus sum, plane, ubi delectem
otiolum meum, non habeo. tu cum Romæ eras, hoc mihi
certum, ac iucundissimum uacanti negotium erat, te-
cum id otij tempus consumere: idq; non mediocriter de-
sidero: ut non modo mihi solus esse, sed Romæ, te pro-
fecto, solitudo uideatur facta: & qui, quæ me ad dili-
gentia est, multos saepe dies ad te, cum hic eras, non ac-
cedebam, nunc, quotidie non esse te, ad quem cursitem,
discrucior: maxime uero, ut te dies noctesq; quæram,
competitor Hirrus curat: quo modo illum putas augu-
ratus tuum competitorem dolere? & dissimulare, me cer-
tiores, quam se, candidatum? de quo ut, quem optes,
quamprimum nuncium accipias, tua mediis fidius ma-
gis, quam mea, causa cupio. nã me, si fio, forsitan cum
locupletiore referam: sed hoc usque eo suauis est: quod
si acciderit, tota uita risus nobis deesse non poterit. sed
tanti? sed est mehercule: nec multum M. Octauius eo-
rum odia, qui Hirrum premunt, quæ permulta sunt,
subleuat. Quod ad Philotimi liberti officium, & bo-
na Milonis attinet: dedimus operam, ut & Philotimus
quam honestissime Miloni absenti, eiusq; necessarijs sa-
tis faceret; et secundum eius fidem, & sedulitatem assti-

matio tua conseruaretur. illud nunc à te peto, si eris, ut spero, otiosus, aliquod ad nos, ut intelligamus nos tibi curæ esse, σὺν τέγμα conseribas. qui tibi isthuc, inquis, in mentem uenit, homini non inepto? aliquod ex tam multis tuis monumentis extare, quod nostræ amicitiae memoriam posteris quoque prædat, uelim. cuiusmodi, puto quæris. tu aptius, qui omnem nostri disciplinam, quod maxime conueniat, excogitabis, genere tamen, quod & ad nos pertineat, & διδοῦναι αὐτῷ quandam, ut uersetur inter manus, habeat. Vale.

M. COELIVS M. CICERONI S. D.

Nuideo tibi: tam multa quotidie, quæ mirere, isthoc perferuntur: primum illud, absolutum Messalam, deinde eundem condemnatum: C. Marcellum consulē factum: M. Claudium à repulsa postulatū à Gallis duobus: P. Dolabellam quindecimuirum factum. hoc tibi non inuideo, caruisse te pulcherrimo spectaculo, & Lentuli Cruris repulsi uultum non uidisse. at quæ spe, quàm certa opinione descenderat? quàm ipso diffidente Dolabella? & hercules nisi nostri equites acutius uidissent, pene concedente aduersario superasset. illud te non arbitror miratum, Seruium tribunum pl. des. condemnatum: cuius locum C. Curio petijt. sanequam multis incutit, qui eum, facilitatemq; eius non norunt, magnum metum. sed, ut spero, & uolo, & ut se fert ipse, bonos & senatum malet. totus, ut nunc est, hic scaturit. huius autem uoluntatis initium, & causa est, quod eum non mediocriter Cæsar, qui solet infirmorum hominum

amicitias sibi qualibet impensa adiungere, ualde contempsit. qua in re mihi uidetur illud perquam uenuste accidisse, quod à reliquis quoque usque eò est animaduersum; ut Curio, qui nihil consilio facit, ratione, & insidijs usus uideretur in euitandis eorum consilijs, qui se intenderant aduersarios in eius tribunatum: Lelios, & Antonios, & id genus ualentes dico. Has ego tibi literas eo maiore misi interuallo, quòd comitiorum dilationes occupationem me habebant, & expectare in dies exitum cogeant, ut confectis omnibus te facerem certatiorem. ad cal. Sext. usque expectaui. pratorijs moræ quædam inciderunt. mea porro quem euentum sint habitura, nescio: opinionem quidē, quod ad Hirrum attinget, incredibilem ædiliū pl. comitijs nata sunt: nam M. Coelium Vicinianum mentio illa fatua, quam deriseramus olim, & promulgatio de dictatore subito deiecit, & deiectum magno clamore insecuta est. inde Hirrum cuncti iam, non faciendum, flagitare. spero te celeriter & de nobis, quod sperasti, & de illo, quod nix sperare ausus es, auditurū. De rep. iam noui quidquam expectare desieramus: sed cum senatus habitus esset ad Apollinis ad XI. cal. Sext. & referretur de stipendio Cn. Pompeij; mentio facta est de legione ea, quā expensam tulit C. Casari Pompeius, quo numero esset, quo appeteretur, cū ex Gallia coactus esset dicere Pompeius se legionem abducturum, sed non statim sub mentionem, & conuiciū obrectatorum. inde interrogatus de successione C. Caesaris. de qua, hoc est de prouincijs, placitum est, ut, cum primum ad urbem reuerteretur Cn. Pompeius, coram eo de successione prouin-

ciarum ageretur : nam Ariminum ad exercitum Pompeius erat iturus ; & statim iſt. putoidibus Sext. de ea re factum iri . profecto aut tranſigetur aliquid , aut turpiter intercedetur . nam in diſputando coniecit illam uocem Cn. Pompeius ; omnes oportere ſenatu dicto audientes eſſe . ego tamen ſic nihil expecto , quo modo Paullum conſulē des . primum ſententiam dicentem . ſapius te admono de ſyngrapha ſitiana : cupio enim te intelligere , eam rem ad me ualde pertinere . item de pantheris , ut Cybirtas accerſas , curesq̃ ; mihi ut uehantur . Præterea nunciatum nobis , & pro certo iam habetur , regem Alexandrinum mortuum . quid mihi ſuadeas , quo modo regnum illud ſeſe habeat , quis procuret , diligenter mihi perſcribas . cal. Sext. Vale .

M. COELIVS M. CICERONI S. D.

Qua tu cura ſis , quod ad pacē provincie tuæ , finitimarumq̃ ; regionum attinet , neſcio . ego quidem uehementer animi pendeo . nam ſi hoc moderari poſſemus , ut pro uiribus copiarū tuarum belli quoque exiſteret magnitudo ; & , quantum glorie , triumphoq̃ ; opus eſſet , aſſequeremur ; periculoſamq̃ ; , & grauē illam dimicationem euitaremus : nihil tam eſſet optandū . nunc ſi Parthus mouet aliquid , ſcio non mediocrem fore contentionem . tuus porro exercitus uix unum ſaltum tueri poteſt . hanc autem nemo ducti rationem : ſed omnia deſiderantur ab eo , (tanquam nihil denegatum ſit ei , quo minus quamparatiſſimus eſſet) qui publico negotio prepoſitus eſt . accedit

huc, quod successionem futuram, propter Galliarum cō-
trouersiam, non uideo: tametsi hac de re puto te consili-
tutum, quid factururus esses, habere: tamen, quo matu-
rius constitueres, cum hunc euentum providebam, ui-
sum est ut te facerem certiore. nosti enim hac tralatia-
tia: de Gallijs constituetur: erit, qui intercedat: deina-
de alius existet, qui, nisi libere liceat de omnibus prouin-
cijs decernere senatus, reliquas impediatur: sic multum,
ac diu ludetur, atque ita diu, ut plus biennium in his-
tricijs moretur. Si quid noui de rep. quod tibi scri-
berem, haberem, usus essem mea consuetudine, ut dili-
genter, & quid actum esset, & quid ex eo futurum
sperarem, perscriberem. sane tanquam in quodam sili-
ce iam omnia adhaeserunt. Marcellus idem illud de pro-
uincijs urget: sed neque adhuc frequentem senatum ef-
ficere potuit. quod si, hoc anno praeterito, Curius tribu-
nus, & eadem actio de prouincijs introibit, quam facili-
le tunc sit omnia impedire, & quam hoc Caesari, et ijs,
qui suam causam, non reip. curent, superet, non te
fallit. Vale.

M. COELIVS M. CICERONI S. D.

Non dubito, quin perlatum ad te sit, Appium
à Dolabella reum factum: sane quam nō ea;
qua existimauerā, inuidia: neque enim stul-
te Appius; qui, simul atque Dolabella accessit ad tribu-
nal, introierat in urbem, triumphiq; postulationē abie-
cerat: quo facto retudit sermones; paratiorq; uisus est,
quam sperauerat accusator. is nunc in te maximā spem
habet. scio tibi eum non esse odio: quā uelis eum obli-

gare, in tua manu est: cum quo simulates si tibi non fuissent; liberius tibi de tota re esset. nunc si ad illam summam seueritatem legitimus ius exegeris: cauendum tibi erit, ne parum simpliciter & candidè posuisse se inimicitias uidearis. in hanc partem porro tutum tibi erit, si quid uolueris, gratificari: nemo enim necessitudine, & amicitia te deterritum ab officio dicet. illud mihi occurrit, quod inter postulationem, & nominis delationem uxor à Dolabella discessit. quid mihi discedens mandaris, memini. quid ego tibi scripserim, te non arbitror oblitum. non est iam tempus plura narrandi. unum illud monere te possum: si res tibi non displicebit, tamen hoc tempore nihil de tua uoluntate ostendas; & expectes, quemadmodum exeat ex hac causa; ne quia inuidiosum tibi sit, si emanarit. porro significatio ulla si intercesserit, clarius, quam deceat, aut expediat, fiat. neque ille tacere eam rem poterit, quæ suæ spei tam opportuna acciderit, quæq; in negotio conficiendo tanto illustrior erit: cum præsertim is sit, qui, si perniciosum sciret esse loqui de hac re, uix tamen se contineret. Pompeius dicitur ualde pro Appio laborare, ut etiam putet alterutrum de filiis ad te missurum. hic nos omnes absoluimus. & hercule confecta, omnia foeda, & inhostia sunt. Consules autem habemus summa diligetia. adhuc S. C. nisi de feriis Latinis, nullum facere potuerunt. Curioni nostro tribunatus congelciat. sed dici non potest, quo modo hic omnia iaceant: nisi ego cum tabernariis, & aquariis pugnarem, ueternus ciuitatem occupasset. si Parthi uos nihil calfaciunt, nos hic frigore frigesimus. tamen, quoquo modo hic omnia ta-

ceant, potuit sine Parthis. Bibulus in Amano nescio quid cohorticularum amisit. hoc sic nunciatum est. Quod tibi supra scripsi, Curionem frigere: iam calet; nam feruentissime concerpitur: bellissime enim, quia de intercalando non obtinuerat, transfugit ad populum, et pro Cesare loqui coepit, legemque uiariam non dissimilem agrariae Rulli, et alimentariam, quas iubet aediles metiri, iactauit. hoc non dum fecerat, cum priorem epistolae partem scripsi. Amabo te, si quid, quod opus fuerit, Appio facies, ponito me in gratiam. De Do- labella integrum tibi reserues, suadeo. Et huic rei, de qua loquor, et dignitati tuae, aequitatisque opinioni hoc ita facere expedit. Turpe tibi erit pantheras Gracas me non habere. Vale.

M. COELIVS M. CICERONI S. D.

Vam cito tu istinc decedere cupias, nescio: Q. ego quidem eo magis, quo adhuc felicius rem gessisti, dum isthic eris, de belli Parthici periculo cruciabor, ne hunc risum meum metus aliqui perturbent. Breuiiores has literas properanti publicanorum tabellario subito dedi. tuo liberto pluribus uerbis scriptas pridie dederam. Res autem nouae nulla sane acciderunt, nisi haec uis tibi scribi, quae certe uis. Cornificius adolescens Orestillae filiam sibi despondit. Paulla Valeria soror Triarii diuortium sine causa, quo die uir e prouincia uenturus erat, fecit. nuptura est D. Bruto. nondum retulerat. multa in hoc genere incredibilia te absente acciderunt. Ser. Ocella nemini persuasisset se

mœchum esse, nisi triduo bis deprehensus esset: quæris, ubi? ubi hercule ego minime uellem. relinquo tibi, quod ab alijs quæras: neque enim displicet mihi, imperatorem singulos percontari, cum qua sit aliquis deprehensus. Vale.

M. COELIVS M. CICERONI S. D.

Tsi de rep. quæ tibi scribam, habeo: tamen
 E nihil, quo magis gauisurum te putem, habeo, quàm hoc. scito C. Sempronium Rufum, rufum, mel, ac delicias tuas, calumniam maximo plausu tulisse. quæris, qua in causa? M. Tuccium, accusatorem suum, post ludos Romanos reum lege Plotia de uifecit, hoc consilio, quòd uidebat, si extraordinarius nemo reus accessisset, sibi hoc anno causam esse dicendam. dubium porro illi non erat, quid futurum esset. nemini hoc deferre munusculum maluit, quàm suo accusatori. itaque sine ullo subscriptore descendit, & Tuccium reum fecit. at ego, simul atque audiui, inuocatus ad subsellia rei accurro: surgo, neque uerbum de re facio: totum Sempronium usque eò perago, ut Vestorium quoque interponam, & illam fabulam narrem, quemadmodum tibi pro beneficio dederit, si quid in iniurijs suis esset, quo Vestorius teneretur. Hæc quoque magna nunc cōtentio forum tenet. M. Seruilius, postquam, ut cœperat, omnibus in rebus turbarat, nec, quod non uenderet, quidquid reliquerat; maxima nobis traditus erat inuidia: neque Laterensis prætor, postulante Pausania, nobis patronis, quò ea pecunia peruenisset, recipere uoluit. quòd Pilius, necessarius Attici nostri, de repetundis

eum postulauit: magna illico fama surrexit; et de damnatione feruenter loqui est coeptum. quo uento proijcitur Appius minor, ut implicet, pecuniam ex bonis patris peruenisse ad Seruilium, prauaricationisq; causa diceret depositum HS LXXXI. admiraris amenitiam, quid, si actiones stultissimas, quid, si nefarias patris confessiones audisses? mittit in consilium eosdem illos, qui lites aestimarant, iudices. cum a quo numero sententiæ fuissent, Laterensis leges ignorans pronunciauit, quod singuli ordines indicassent: & ad extremum, ut solet, ait, Referam. postquam discessit, & pro absoluto Seruilius haberi coeptus; legisq; unum & centesimum caput legit, in quo ita erat, QVOD eorum iudicium maior pars iudicarit, id ius ratum esto: in tabulas absolutum non retulit, ordinum iudicia perscripsit. postulante rursus Appio, cum L. Lollio transegit, & se relaturum dixit. sic nunc neque absolutus, neque damnatus Seruilius de repetundis faucius Pilio tradetur: nam de diuinatione Appius, cum calumniam iurasset, contendere ausus non est, Pilioq; cessit, & ipse de pecunij repetundis à Seruilijs est postulatus, & præterea de ui reus à quodam suo emissario est factus. recte hoc par habet.

Quod ad remp. pertinet, omnino multis diebus expectatione Galliarum actum nihil est. aliquando tamen, sæpe re dilata, & grauiter acta, & plane perspecta. Cn. Pompeij uoluntate in eam partem, ut eum decedere post cal. Mart. placeret, S. C. quod tibi misi, factum est, auctoritatesq; perscriptæ.

S. C. auctoritates. Pridie cal. Oct. in æde Apollin

nis. scribendo affuerunt, L. Domitius Cn. F. Aenobarbus, Q. Cæcilius Q. F. Metellus Pius Scipio, L. Villius L. F. Pomp. Annalis, C. Septimius T. F. Quirina, C. Lucceius C. F. Pup. Hirrus, C. Scribonius C. F. Pop. Curio, L. Atteius L. F. An. Capito, M. Oppius M. F. Terentina. Quod M. Marcellus consul, V. F. de prouincijs cōsularibus: D. E. R. I. C. uti L. Paullus, C. Marcellus consules, cum magistratum inissent, ad ex cal. Mart. quæ in suo magistratu futurae essent, de consularibus prouincijs ad senatū referrent, ne'ue quid prius ex cal. Mart. ne'ue quid coniunctim de ea re referretur à consulibus: utiq; eius rei causa per dies comitiales senatum haberent, S. Q. C. facerent; & cum de ea re ad senatum referretur à consulibus, qui eorum in CCC iudicijs essent, sex adducere liceret: si quid de ea re ad populū, plebem'ue lato opus esset, ut Ser. Sulpicius, M. Marcellus consules prætores tribuni pl. quibus eorum uideretur, ad populum, plebem'ue ferrent: quod ij non tulissent, uti quicumque deinceps essent, ad populum, plebem'ue ferrent.

S. C. A. Pridie cal. Oct. in æde Apollinis. scribendo affuerunt, L. Domitius Cn. F. Aenobarbus, Q. Cæcilius Q. F. Metellus Pius Scipio, L. Villius L. F. Pomp. Annalis, C. Septimius T. F. Quirina, C. Scribonius C. F. Pop. Curio, L. Atteius L. F. An. Capito, M. Oppius M. F. Terentina. Quod M. Marcellus consul V. F. de prouincijs: D. E. R. I. C. senatum existimare, neminem eorum, qui potestatem habent intercedendi, impediendi, morā asserre oportere, quo minus de rep. quamprimum ad senatum referri, S. Q. C. fieri

fieri possit : qui impediērit , eū senatum existimare contra remp. fecisse : si quis huic S. C. intercesserit ; senatui placere auctoritatem perscribi , & de ea re ad senatum , populumq; referri : huic S. C. intercessit C. Coelius , L. Vicinius , R. Cornelius , C. Vibius Pansa . Item senatui placere , de militibus , qui in exercitu C. Caesaris sunt , qui eorum stipendia emerita , causas , quibus de causis missi fieri debeant , habeāt , ad hunc ordinē referri , ut eorū ratio habeatur , causaq; cognoscantur . si quis huic S. C. intercesserit , senatui placere , auctoritatem perscribi , & de ea re ad senatum , populumq; referri , S. C. intercessit C. Coelius , C. Pansa tribb. pl. Itemq; senatui placere , in Ciliciam prouinciā , inq; VIII. reliquas prouincias , quas pratorij pro pratore obtinerent , eos , qui pratores fuerunt , neque in prouincia cum imperio fuerunt , quos eorum ex S. C. cum imperio in prouincias pro pratore mitti oporteret , eos sortito in prouincias mitti placere : Si ex eo numero , quos S. C. in prouincias ire oporteret , ad numerum non essent , qui in eas prouincias proficiscerentur ; tum , uti quodque collegium primum pratorum fuisset , neque in prouincias profecti essent , ita sorte in prouincias proficiscerentur : Si ad numerum ij non essent , tunc deinceps proximi cuiusque collegij , qui pratores fuissent , neque in prouincias profecti essent , in sortem conijcerentur , quoad is numerus effectus esset , quem ad numerum in prouincias mitti oporteret : si quis huic S. C. intercessisset , auctoritas perscriberetur . huic S. C. intercessit C. Coelius , C. Pansa tribb. pl.

illa praeterea Cn. Pompeij sunt animaduersa , quae ma-

xime confidentiam attulerunt hominibus, ut diceret, se ante cal. Mart. non posse sine iniuria de prouincijs Caesaris statuere: post cal. Mart. se non dubitaturum. cum interrogaretur, si qui tum intercederent: dixit hoc nihil interesse, utrum Caesar senatui dicto audiens futurus non esset, an pararet, qui senatum decernere non pateretur. Quid si, inquit alius, & consul esse, et exercitum habere uolet? at ille, quam clementer: Quid, si filius meus fuisset mihi impingere uolet? his uocibus, ut existimarent homines Pompeio cum Casare esse negotium, effecit. itaque iam, ut uideo, alterutram ad conditionem descendere uult Caesar, ut aut maneat, neque hoc anno sui ratio habeatur; aut, si designari poterit, decedat. Curio se contra eum totum parat. quid assequi possit, nescio. illud uideo, bene sentientem, etsi nihil effecerit, cadere non posse. me tractat liberaliter; & mihi suo munere negotium imposuit: nam si mihi non dedisset eas, quæ ad ludos ei aduectæ erant Africanæ; potuit supersederi. nunc quando dare necesse est; uelim tibi curæ sit, quod à te semper petij, ut aliquid isthinc bestiarum habeamus: sitianamq; syngrapham tibi commendo. libertum Philonem isthuc misi, et Dionem Græcum: quibus mandata, & literas ad te dedi. eos tibi, & rem, de qua misi, uelim curæ habeas: nam quam uehementer ad me pertineat, in ijs, quas tibi illi reddent, literis descripsi. Vale.

M. COELIVS M. CICERONI S. D.

Ic tu, inquis, Hirrum tractasti? immo, si
 S scias quàm facile, quàm ne contentionis qui-
 dem minimæ fuerit: pudeat te, ausum illum
 unquam esse incedere, tanquam tuum competitorem.
 post repulsam uero risus facit: ciuem bonum ludit, &
 contra Cæsarem sententias dicit: expectationem corri-
 pit: Curionem prorsus non mediocriter obiurgatus. hac
 repulsa se mutauit. præterea qui nunquam in foro ap-
 paruerit, non multum in iudicijs uersatus sit, agit cau-
 sam liberaliter, sed raro post meridiem. De prouin-
 cijs quod tibi scripseram idibus Sext. actum iri, inter-
 pellat iudicium Marcelli consul des. in cal. reiecta cau-
 sa est, ne frequentiam quidem efficere potuerant. has li-
 teras ad IIII. Non Sept. dedi, cum ad eam diem ne
 profligatum quidem quicquam esset. ut uideo, causa
 hæc integra in proximum annum transferetur: &
 quantum diuino, relinquendus tibi erit, qui prouin-
 ciam obtineat: nam non expeditur successio; quando
 Gallie, quæ habent intercessorem, in eandem conditio-
 nem, quàm cæteræ provinciæ, uocantur. hoc mihi non
 est dubium: quo tibi magis scripsi, ut ad hunc euentum
 te parares. Fere literis omnibus tibi de pantheris scri-
 psi. turpe tibi erit, Patischum Curioni decem misisse,
 te non multis partibus plures. quas ipsas Curio mihi,
 & alias Africanas decem donauit, ne putes illum tan-
 tum prædia rustica dare scire. tu, si modo memoria te-
 nueris, & Cybiratas accersieris, itemq; in Pamphyliam
 literas miseris; (nam ibi plures capi aiunt) quod uo-

les, efficies. hoc uehementius laboro nunc, quod seorsum à collega puto mihi omnia paranda. Amabo te, impetra tibi: hoc cura: soles libenter, ut ego, maiorem partem nihil curare. in hoc negotio nulla tua, nisi loquendi, cura est, hoc est imperandi, & mandandi. nam simul atque erunt captae; qui alant eas, & deportent, habes eos, quos ad Sitianam syngrapham misi. puto etiam, si ullam spem mihi literis ostenderis, me isto missurum alios. M. Fetidium, equitem Romanum, amici mei filium, bonum, & strenuum adolescentem, qui ad suum negotium isthuc uenit, tibi commendo: et te rogo, ut cum in tuorum numero habeas. agros, quos fructuarios habent ciuitates, uult tuo beneficio, quod tibi facile, & honestum factu est, immunes esse. gratos, & bonos uiros tibi obligaris. Nolo te putare Faunonium à columnarijs præteritum esse. optimus quisque cum non fecit. Pompeius tuus aperte Casarem uetat prouinciam tenere cum exercitu, & consulem esse: tamen hanc sententiam dixit; nullum hoc tempore S. C. faciendum: Scipio hanc, ut cal. Mart. de prouincijs Gallijs, neu quid coniunctim, referretur. contristauit hæc sententia Balbum Cornelium: & scio eum conquestum esse cum Scipione. Calidius in defensione sua fuit disertissimus, in accusatione satis frigidus.

Vale.

M. COELIVS M. CICERONI S. D.

Anequam literis C. Cassij, & Deiotari sumus commoti. nam Cassius, cels Euphratem copias Parthorum esse, scripsit: Deiotarus, profectus per Comagenem in provinciam nostram. ego quidem præcipuum metum, quod ad te attinebat, habui, qui scirem, quàm paratus ab exercitu esses, ne quod hic tumultus dignitati tuæ periculum afferret. nam de uita, si paratior ab exercitu esses, timuisssem. nunc hæc exiguitas copiarum, recessum, non dimicationem mihi tuam præsagebat. hoc quo modo acciperent homines, quàm probabilis necessitas futura esset; uereor etiam nunc; neque prius desinam formidare, quam tentigisse te Italiam audiero. sed de Parthorum transitu nunciij uarios sermones excitarunt: alius enim Pompeium mittendum, alius ab urbe non remouendū, alius Cæsarem cum suo exercitu, alius consules, nemo tamen ex S. C. priuatos. consules autem, quia uerentur ne illud S. C. fiat, ut paludati exeant, aut contumeliose præter eos ad alium res transferatur; omnino senatum haberi nolunt; usque eò, ut parum diligentes in rep. uideantur. sed honeste, siue negligentia, siue inertia est, siue ille, quem proposui, metus latet sub hac temperantia existimatione, nolle provinciam. à te literæ non uenerunt: & nisi Deiotari subsecutæ essent; in eam opinionem Cassius uenerat; quæ diripuisset ipse, ut uiderentur ab hoste uastata; finxisse bellum, & Arabas in provinciam immisisse, eosq; Parthos esse, senatui renunciasse. quare tibi suadeo; quicunque est isthæ status re-

rum, diligenter, & caute perscribas; ne aut uelificatus alicui dicaris, aut aliquid, quod referret scire, retinuisse. Nunc exitus est anni: nam ego has literas ad XIII. cal. Dec. scripsi. plane nihil uideo ante cal. Ian. agi posse. nosti Marcellum, quàm tardus, & parum efficax sit; itemq; Seruium, quàm cunctator. cuiusmodi putas hoc esse? aut qui id, quod nolint, conficere posse, qui, quæ cupiunt, tamen ita frigide agunt, ut nolle existimentur? nouis magistratibus autem, si Parthicum bellum erit, hæc causa primos menses occupabit. sin autem aut non erit isthic bellum; aut tantum erit, ut uos, aut successores paruis additis copijs sustinere possint: Curionem uideo se dupliciter iactaturum; primum, ut aliquid Cæsari adimat; inde, ut aliquid Pompeio tribuat, quoduis, quamlibet tenue munusculum. Paullus porro non humane de prouincia loquitur. huius cupiditati occursurus est Furnius noster: plures suspicari non possum. hæc noui. alia, quæ possunt accidere, non cerno. multa tempus afferre, & præparata multa scio: sed intra fines hoc, quæcunque acciderint, uertentur. illud addo, actiones C. Curionis de agro Campano. de quo negant Cæsarem laborare; sed Pompeium ualde uelle, ne uacuus aduenienti Cæsari pateat. Quod ad tuum decessum attinet, illud tibi non possum polliceri, me curaturum, ut tibi succedatur: illud certe præstabo, ne quid amplius prorogetur. tui consilij est, si tempus, si senatus coget, si honeste à nobis recusari non poterit; uelis ne perseuerare. mei officij est, meminisse, qua obtestatione decedens mihi, ne paterer fieri, mandaris. Vale.

M. COELIVS M. CICERONI S. D.

On diu, sed acriter nos tuæ supplicationes tor-
 serunt: incideramus enim in difficilem no-
 dum: nam Curio tui cupidissimus, cui omni-
 bus rationibus comitiales eripiebantur, negabat se ullo
 modo pati posse, decerni supplicationes; ne, si quid su-
 rorè Pauli adeptus esset boni, sua culpa uideretur ami-
 sisse, & præuicator causæ publicæ existimaretur.
 itaque ad pactionem descendimus: & confirmarunt
 consules, se his supplicationibus in hunc annū non usu-
 ros. plane, quòd utrisque consulibus gratias agas, est;
 Paulo magis certe: nam Marcellus sic respondit ei, spem
 in istis supplicationibus non habere: Paullus, se omni-
 no in hunc annum non edicturum. renunciatum no-
 bis erat, Hirrum diutius dicturum: prendimus eum:
 non modo non fecit, sed, cum de hostibus ageretur, &
 posset rem impedire, si, ut numeraretur: postularet,
 tacuit: tantum Catoni assensus est, qui de te iam locu-
 tus honorifice, non decreuerat supplicationes. tertius ad
 hos Fauonius accessit. quare pro cuiusque natura, &
 instituto gratiæ sunt agenda: his, quòd tantum uo-
 luntatem ostenderunt pro sententia; cum impedire pos-
 sent, non pugnarunt: Curioni uero, quòd de suarum
 actionum cursu tua causa deflexit. nam Furnius, &
 Lentulus, ut debuerunt, quasi eorum res esset, una
 nobiscum circumierunt, & laborarunt. Balbi quoque
 Cornelij operam, & sedulitatem laudare possum: nam
 cum Curione uehementer locutus est: & eum, si aliter
 fecisset, iniuriam a sari facturum dixit: tum eius fia-

dem in suspicionem adduxit. decreuerant, qui inique transigi uolebant, Domitij, Scipiones. quibus hac re ad intercessionem euocandam interpellantibus, uenustissime Curio respondit, se eolibentius, non intercedere; quòd quosdam, qui decernerent, uideret, confici nolle.

Quod ad remp. attinet, in unam causam omnis contentio coniecta est, de prouincijs inquam adhuc. incubuisse cum senatu Põpius uidetur; ut Cæsar ante Id. Nou. decedat. Curio omnia potius subire constituit, quàm id pati cæteras suas abiicit actiones. nostri porro, quos tu bene nosti, ad extremũ certamen rem deducere non audent. Scena rei totius hac. Pompeius, tanquam Cæsarem non impugnet, sed, quod illi æquum putet, constituat, ait Curionem quærere discordias. ualde autem non uult, & plane timet, Cæsarem consulem designari prius, quàm exercitum, & prouinciam tradiderit. accipitur satis male à Curione: & totus eius secundus consulatus exagitur. hoc tibi dico: si omnibus rebus prement Curionem, Cæsar defendetur: intercessorem si, quod uidentur, reformidabunt, Cæsar, quoad uolet, manebit. quam quisque sententiam dixerit, in commentario est rerum urbanarum: è quo tu, quæ digna sunt, selige: multa transi, in primis ludorum explosiones: & funerum, & cæterarum ineptiarum. plura habet inutilia. denique malo in hanc partem errare, ut, quæ non desideras, audias, quàm quidquam, quod opus est, prætermittatur. Tibi cura fuisse de Sitariano negotio, gaudeo. sed quando suspicaris, minus certa fide eos tibi uisos; tanquam procurator, sic agas, rogo. Vale.

M. COELIVS M. CICERONI S. D.

Vdet me tibi confiteri, & queri de Appij ho-
 minis ingratisimi iniurijs; qui me odisse, quia
 magna mihi debebat beneficia, coepit: & cū
 homo auarus, ut ea solueret, sibi imperare non posset;
 occultum bellum mihi indixit, ita occultum tamen, ut
 multi mihi renunciarent, & ipse facile animaduertes-
 rem, male eum de me cogitare. posteaquam uero com-
 peri, eum collegium tentasse; deinde aperte cum quibus-
 dam locutum, cum L. Domitio, ut nunc est, mihi inia-
 micissimo homine deliberare, uelle, hoc munusculū de-
 ferre Cn. Pompeio; ipsum ut reprehenderē, & ab eo de-
 precarer iniuriam, quem uitam mihi debere putarem,
 impetrare à me non potui. quid ergo est? tum quidem
 cum aliquot amicis, qui testes erant meorum in illum
 meritorum, locutus sum. posteaquam illum, ne cui sa-
 tis faceret quidem, me dignum habere sensi: malui col-
 legæ eius, homini alienissimo mihi, & propter amicitia
 tuam, nō aequissimo, me obligare, quàm illius simiæ uul-
 tum subire. id postquam rescijt, excāduit; & me cau-
 sam inimicitarum querere clamitauit; quasi, quòd mi-
 hi in pecunia minus satisfacisset, per hāc speciem simul-
 tatis cū consecraret. postea non destitit accersere palam
 seruicum accusatorem, inire cum Domitio consilia. qui-
 bus cum parum procederet, ut ulla lege mihi poneret
 accusatorem: compellari ea lege me uoluerunt, qua di-
 cere non poterant. insolentissimi homines summis Cir-
 censibus ludis meis postulandum me lege Scantinia cu-
 rant. nix hoc erat Pola elocutus, cū ego Appium cēsorē

eadem lege postulavi . quod melius caderet , nihil uidi :
 nam sic est à populo , et non infimo quoque approbatū ,
 ut maiorem Appio dolorem fama , quàm postulatio , at-
 tulerit . præterea coepi sacellum , in domo quod est , ab
 eo petere . Conturbat me mora serui huius , qui tibi liti-
 ras attulit : nam acceptis prioribus literis , amplius quàm
 draginta mansit . Quid tibi scribam , nescio . scis
 Domitio diem timori esse . expecto te ualde , et quàm-
 primum uidere cupio . A te peto , ut meas iniurias
 perinde doleas , ut me existimas et dolere , et tuas ula-
 cisci solere . Vale .

M. COELIVS M. CICERONI S. D.

Ratulor tibi affinitate uiri medijsfidijs optis-
 mi : nam hoc ego de illo existimo . cætera por-
 ro , quibus adhuc ille sibi parum utilis fuit ;
 et ætate iam sunt decursa ; et consuetudine , atque au-
 thoritate tua : pudore Tullie , si qua restabunt , confido
 celeriter sublatum iri : non est enim pugnax in uitijs ,
 neque hebes ad id , quod melius sit , intelligendum . de-
 inde , quod maximum est , ego illum ualde amo .
 Vides Cicero Curionem nostrum lautum intercessionis
 de prouincijs exitum habuisse . nam cum de intercessio-
 ne referretur , quæ relatio fiebat ex S. C. primâq ; M.
 Marcelli sententia pronunciata esset , qui agendum cum
 tribunis pl. censebat : frequens senatus in alia omnia iit .
 stomacho est scilicet Pompeius Magnus nunc ita languen-
 ti , ut uix id , quod sibi placeat , reperiat . transferant
 illuc , ut ratio esset eius habenda , qui neque exercitum ,

neque provincias tradere uellet . quemadmodum hoc Pompeius laturus sit , cum cognoscat , quidnam reip. futurum sit , si aut non possit , aut non curet , uos senes diuites uideritis . Q. Hortensius , cum has literas scripsi , animam agebat . Vale .

M. COELIVS M. CICERONI S. D.

Anti nō fuit Arsacem capere , Seleuciam expugnare , ut earū rerum , quæ hic gesta sunt , spectaculo careres . nunquam tibi oculi doluissent , si in repulsa , Domitij uultum uidisses . magna illa comitia fuerunt : & plane studia ex partium sensu apparuerunt . perpauci necessitudinem secuti , officium præstiterunt . itaque mihi est Domitius inimicissimus , ut ne familiarem quidem suum , quem nosti , tam oderit , quàm me ; atque eo magis , quod per iniuriam sibi putat ereptum , cuius ego auctor fuerim . nunc furit , tam gauisos homines suum dolorem , unumq; me studiosiorem Antonij . nam Cn. Saturninum adolescentem ipse Cn. Domitius reum fecit , sanequam à superiore uita inuidiosum . quod iudicium nunc in expectatione est , etiam in bona spe , post Sex. Peducci absolutionem . De summa rep. sæpe tibi scripsi , me etiamnum pacem non uidere : & quo propius ea contentio , quam fieri necesse est , accedit ; eo clarius id periculum apparet . propositum hoc est , de quo , qui rerum potiuntur , sunt diamicaturi : quod Cn. Pompeius constituit non pati , C. Casarem consulem aliter fieri , nisi exercitum , & provincias tradiderit : Casari autem persuasum est , se salu-

um esse non posse, si ab exercitu recesserit. fert illam
 tamen conditionem, ut ambo exercitus tradant: sic illi
 amores, & inuidiosa coniunctio non ad occultam rece-
 dit obtrectationē, sed ad bellum erumpit: neque, mea-
 rum rerum quid consilij capiam, reperio: neque dubi-
 to, quin te quoque hæc deliberatio sit perturbatura. nā
 mihi cum hominibus his & gratia est, & necessitudo:
 tamen tantum causam illam, non homines odi. illud te
 non arbitror fugere, QVIN homines in dissensione
 domestica debeant, quādiu ciuilitate sine armis certetur,
 honestiorem sequi partem; ubi ad bellum & castra uen-
 tum sit, firmiorem; & id melius statuere, quod tutius
 sit. in hac discordia uideo Cn. Pōpeium senatum, quiq;
 res iudicant, secum habiturum: ad Casarem omnes,
 qui cum timore, aut mala spe uiuant, accessuros: exer-
 citum conferendum non esse. omnino sat spatij sit ad
 considerandas utriusque copias, & ad eligendam par-
 tem. Prope oblitus sum, quod maxime fuit scribendū.
 Scis Appium censorem hic ostenta facere? de signis, et
 tabulis, de agri modo, de ære alieno acerrime agere?
 persuasum est ei, censuram lomentum, aut nitrum es-
 se. errare mihi uidetur: nam sordes eluere uult: ue-
 nas sibi omnes, & uiscera aperit. curre per deos, atque
 homines; & quamprimum hæc risum ueni: legis Scan-
 tinie iudicium apud Drusum fieri: Appium de tabu-
 lis, & signis agere. crede mihi, est properandum.
 Curio noster sapienter id, quod remisit de stipendio Pō-
 peij, fecisse existimatur. ad summam quæris, quid pu-
 tem futurum? si alteruter eorum ad Parthicum bellum
 non eat, uideo magnas impendere discordias: quas fer-

rum, & vis iudicabit. uterque & animo, & copiis est paratus. si sine summo periculo fieri posset, magnum, & iucundum tibi fortuna spectaculum parabat. Vale.

M. COELIUS M. CICERONI S. D.

Quando tu hominem ineptiorem, quàm tuus
 E Cn. Pompeium, uidisti, qui tantas turbas, qui
 tam nugax esset, commoritur? ecquem autem
 Casare nostro acriorem in rebus gerendis, eodem in uictoria temperatiorem aut legisti, aut audisti? quid est? nunc tibi nostri milites, qui durissimis, & frigidissimis locis teterrima hieme bellum ambulando confecerunt, malis orbiculatis esse pasti uidentur. quid? iam, inquis, gloriose. imo, si scias quàm sollicitus sum; tum hanc meam gloriam, quæ ad me nihil pertinet, derideas, quæ tibi exponere nisi coram non possum: id quæ celeriter fore spero: nam me, cum expulisset ex Italia Pompeiû, constituit ad urbem uocare: id quod iam existimo confectum: nisi maluit Pompeium Brundisi circumspicere. peream, si minima causa est properandi isto mihi, quod te uidere, & omnia intima conferre discupio. habeo autem quàm multa? hui uereor, quod solet fieri, ne, cum te uidero, omnia obliuiscar. sed tamen quodnam ob scelus iter mihi necessarium retro ad Alpes uersus incidit? adeo, quod Intemelij in armis sunt, neque de magna causa. Bellienus, uerna Demetrii, qui ibi cû presidio erat, Domitium quendam, nobilem illic Casaris hospitem, à contraria factione nûmis acceptis com-

prehendit, & strangulauit: ciuitas ad arma igitur. eodem nunc cum quatuor cohortibus mihi per niues eundum est. Usquequaque, inquis, se Domitij male habent. Vellem quidem Venere prognatus tantum animi habuisset in uestro Domitio, quantum pſecade natus in hoc habuit. Ciceroni F. S. D. Vale.

M. COELIVS M. CICERONI S. D.

Animatus sum tuis literis: quibus te nihil nisi triste cogitare ostendisti: neque, id quid esset, perscripsisti: neque non tamen, quale esset quod cogitares, aperuisti. has illico ad te literas scripsi. Per fortunas tuas Cicero, per liberos te oro, & obsecro, ne quid grauius de salute, & incolumitate tua consulas: nam deos, hominesque, amicitiamque nostram testificor, me neque temere tibi prædixisse, neque temere monuisse; sed postquam Cæsarem conuenerim, sententiamque eius, qualis futura esset parua uictoria, cognouerim, te certiore fecisse. si existimas eandem rationem fore Cæsari in dimittendis aduersarijs, & conditionibus ferendis, erras. nihil nisi atrox, & seuum cogitat, atque etiam loquitur. iratus senatui exiit. his intercessionibus plane incitatus est. non mehercule erit deprecationi locus. quare si tibi tu, si filius unicus, si domus, si spes tuæ reliquæ tibi caræ sunt; si aliquid apud te nos, si uir optimus gener tuus ualet: eorum fortunas non debes uelle conturbare; ut eam causam, in cuius uictoria salus nostra est, odisse, aut relinquere cogamur; aut impiam cupiditatem contra salutem

tuam habeamus. denique illud cogita; quod offensus fuerit in ista cunctatione te prius subisse. nunc te contra uictorem facere, quem dubijs rebus ledere noluisti; & ad eos fugatos accedere, quos resistentes sequi nolueris; summæ stultitiæ est: uide, ne, dum pudet te parum optimitatem esse, parum diligenter, quid optimum sit, eligas. quod si totum tibi persuadere non possum: saltem, dum, quid de Hispanijs agamus, scitur, expecta: quas tibi nuncio aduentu Cæsaris fore nostras. quam isti spem habeant amissis Hispanijs, nescio. quod porro tuum consilium sit ad desperatos accedere, non medijsfidius reperio. hoc, quod tu non dicendo mihi significasti, Cæsar audierat: ac simul atque, aue; mihi dixit, statim, quid de te audisset, exposuit. negavi me scire: sed tamen ab eo petij, ut ad te literas mitteret, quibus maxime ad remanendum commoueri posses. me secum in Hispaniam ducit: nam nisi ita faceret; ego prius, quam ad urbem accederem, ubicunque esses, ad te percurrissem, & hoc à te præsens contendissem, atque omni ui te retinuisssem. etiam atque etiam mi Cicerone cogita, ne te, tuosq; omnes funditus euertas, ne te sciens, prudensq; eò demittas, unde exitum uides nullum esse. quod si te aut uoces optimatum commouent; aut nonnullorum hominum insolentiam, & iactationem ferre non potes: eligas, censeo, aliquod oppidum uacuum à bello, dum hæc decernuntur, quæ iam erūt confecta. id si feceris; & ego te sapienter fecisse iudicabo; et Cæsarem non offendes. Vale.

M. COELIVS M. CICERONI S. D.

Rgo me potius in Hispania fuisse tum, quàm
 E Formijs, cum tu profectus es ad Pompeium &
 quòd utinam aut non in ista parte Appius
 Claudius, aut non in hac C. Curio: cuius amicitia me
 paulatim in hanc perditam causam imposuit: nam mihi
 hi sentio bonam mentem iracundia, et amore ablata.
 tum tu porro, cum ad te, proficiscens noctu Ariminum,
 nenissem; dum mihi pacis mandata das ad Cæsarem,
 & mirificum ciuem agis, amici officium neglexisti,
 neque mihi consulisti. neque hæc dico, quòd diffi-
 dam huic causæ: sed, crede mihi, perire satius est,
 quàm hos uidere. quòd si timor uestre crudelitatis non
 esset; eiecti iam pridem hinc essemus: nam hic nunc
 præter fœneratores paucos nec homo, nec ordo quis-
 quam est, nisi Pompeianus. equidem iam effeci, ut ma-
 xime plebs, & qui antea noster fuit, populus uester
 esset. cur hoc, inquis? immo reliqua expecta; uos in-
 uitos uincere coegero. irritaui in me Catonem. uos dor-
 mitis; nec hæc adhuc mihi uidemini intelligere, quæ
 nos pateamus, & quæ simus imbecilli. atque hoc nul-
 lius præmissæ faciam, sed quòd apud me plurimum
 solet ualere doloris, atque indignitatis causa. quid istic
 facitis? prælium expectatis, quod firmissimum est? ue-
 stras copias non noui: nostri ualde depugnare, & fa-
 cile algere, et esurire consuerunt. Vale.

M. T. C.

M. CICERONIS EPISTOLARVM,
AD VARRONEM, ET ALIOS,
LIBER IX.

M. CICERO M. TERENTIO
VARRONI S. D.

X. ijs literis, quas Atticus à te missas
mihi legit, quid ageres, & ubi esses,
cognoui: quando autem te uisuri es-
semus, nihil sane ex eisdem literis pos-
tui suspicari. in spem tamen uenio,
appropinquare tuum aduentum: quò mihi utinam so-
lacio sit. etsi tot tantisq; rebus urgemur, ut nullam
alleuationem quisquam non stultissimus sperare debe-
at. sed tamen aut tu potes me, aut ego te fortasse ali-
qua re iuuare. scito enim me, posteaquam in urbem
uenerim, redisse cum ueteribus amicis, id est, cum li-
bris nostris, in gratiam. etsi non ideo eorum usum di-
miseram, quòd ijs succenserem, sed quòd eorum me sup-
pudebat: uidebar enim mihi, cum me in res turbulen-
tissimas infidelissimis socijs demissem, præceptis illo-
rum non satis paruissse. ignoscunt mihi, & reuocant
in consuetudinem pristinam; teq; quòd in ea perman-
seris, sapientio rem, quàm me, dicunt fuisse. quamob-
rem quando placatis his utor, uideor sperare debere; si
te uiderim, & ea, quæ premant, & ea, quæ impen-
deant, me facile transiturum. quamobrem siue in Tu-
sculano, siue in Cumano ad te placebit, siue, quod mi-
nime uelim, Romæ: dummodo simul simus, perficiam.

profecto, ut id utrique nostrum commodissimum esse
uideatur. Vale. CA

CICERO VARRONI S. D.

Aninius idem tuus, & idem noster, tum ad
C me peruenisset, & se postridie mane
ad te iturum esse dixisset: dixi ei me datu-
rum aliquid mane, & ut peteret, rogavi. conscripsi
epistolam noctu: nec ille ad me rediit. oblitum credidi.
attamen eam ipsam epistolam misissem per meos, nisi
audissem ex eodem, postridie te mane à Tusculano exi-
turum. at tibi repente paucis post diebus, cum minime
expectarem, uenit ad me Caninius mane: proficisci ad
te statim dixit. & si erat è wlos illa epistola, præsertim
tantis postea nouis rebus allatis: tamen perire meam lu-
cubrationem nolui, et eam ipsam Caninio dedi. sed cum
eo, & homine docto, & amantiſſimo tui, locutus ea-
sum, quæ pertulisse illum ad te existimo. tibi autem
idem consilij do, quod mihimet ipsi: ut uitemus oculos
hominum, si linguas minus facile possumus: qui enim
uictoria se efferunt, quasi uictos nos intuentur: qui
autem uictos esse nostros moleste ferunt, nos dolent uia-
uere. quæres fortasse, cur, cum hæc in urbe sint, non
absim, quemadmodum tu. tu enim ipse, qui & me, et
alios prudentia uincis, omnia credo uidisti: nihil omni-
no te fefellit. quis est tam Lynceus, qui in tantis tenebris
nihil offendat? nusquam incurrat? ac mihi quidem
iam pridem uenit in mentem, bellum esse aliquo exire,
ut ea, quæ agebantur hic, quæq; dicebantur, nec ui-
derem, nec audirem. sed calumniabar ipse: putabam,

qui obuiam mihi uenisset, ut cuique commodum esset, suspicaturum, aut dicturum etiam, si non suspicaretur: Hic aut metuit, & ea re fugit: aut aliquid cogitat, et habet nauem paratam. denique leuissime qui suspicaretur, & qui fortasse me nouisset optime, putaret me iccirco discedere, quod quosdam homines oculi mei ferre non possent. hæc ego suspicans, adhuc Roma maneo: & tamen ἀελανθῶτος consuetudo diuturna calum iam obduxit stomacho meo. habes rationem mei consilij. tibi igitur hæc. Censeo latendum tantisper ibidem, dum deferuescat hæc gratulatio, & simul dum audiamus, quemadmodum negotium confectum sit: confectum enim esse existimo. magni autem intererit, qui fuerit uictoris animus, qui exitus rerum. quamquam, quod me coniectura ducat, habeo: sed expecto tamen. te uero nolo, nisi ipse rumor iam raucus erit factus, ad Baias uenire: erit enim nobis honestius etiam, cum hinc discefferimus, uideri uenisse in illa loca ploratum potius, quam natatum. sed hæc tu melius: modo stet nobis illud, una uiuere in studijs nostris, à quibus antea delectationem modo petebamus, nunc uero etiam salutem: non deesse, si quis adhibere uolet non modo ut architectos, uerum etiam ut fabros ad ædificandam remp. potius libenter accurrere: sin nemo utetur opera, tamen & scribere, & legere πολιτείας; & si minus in curia, atque in foro, at in literis, & libris, ut doctissimi ueteres fecerunt, nauare reip. & de moribus, ac legibus quærere. mihi hæc uidentur. tu quid sis acturus, & quid tibi placeat, pergratum erit, si ad me scripseris. Vale.

CICERO VARRONI S. D.

Tsi, quid scriberem, non habebam: tamen
 E Caninio ad te cuncti non potui nihil dare.
 quid ergo potissimum scribam? quod uelle te
 puto, cito me ad te esse uenturum. etsi uide quaeso, sa-
 tis ne rectum sit, nos hoc tanto incendio ciuitatis in istis
 locis esse. dabimus sermonem ijs, qui nesciunt, nobis,
 quocunque in loco simus, eundem cultum, eundem
 uictum esse. quid refert? tamen in sermonem incide-
 mus. ualde id, credo, laborandum est, ne, cum omnes
 in omni genere & scelerum et flagitiorum uoluentur,
 nostra nobiscum, aut inter nos cessatio uituperetur. ego
 uero neglecta barbarorum inscitia te persequar. quam-
 uis enim haec sint misera, quae sunt miserrima: tamen
 artes nostra, nescio quo modo, nunc uberioribus fructus
 ferre uidentur, quam olim ferebant: siue quia nulla
 nunc in re alia acquiescimus: siue quod grauitas mor-
 bi facit, ut medicina egeamus, eaq; nunc appareat, cu-
 ius nim non sentiebamus, cum ualebamus. sed quid
 ego haec ad te, cuius domi nascuntur? *ἢ ἄν' εἰς Ἀθή-
 νας*? nihil scilicet, nisi ut rescriberes aliquid, me ex-
 pectares. sic igitur facies. Vale.

CICERO VARRONI S. D.

Eπὶ δὴ αὐτῆς me scito κατὰ Διόδωρον κεί-
 νειν, quapropter si uenturus es, scito, necesse
 esse te uenire. sin autem non es, τῆς ἀδελφεί-
 των est te uenire. nunc uide, utra te κείσις magis de-
 lectet, *Χρυσίππειά* ne, an haec, quam noster Diodorus

non concoquebat. sed de his etiam rebus, otiosi cum erimus, loquemur. hoc etiam est $\eta\gamma\sigma\tau\alpha\ \chi\rho\iota\sigma\tau\omega\varsigma\ \delta\iota\omega\alpha\ \tau\omicron\upsilon$. De Costio mihi gratum est: nam id etiam Attico mandaram. Tu si minus ad nos, nos accurremus ad te. si hortum in bibliotheca habes, nihil deerit. Vale.

CICERO VARRONI S. D.

Ihi uero ad nonas bene maturum uidetur fore. **M** re, neque solum propter remp. sed etiam propter anni tempus. quare diem istum probor: itaque eundem ipse sequar. consilij nostri, ne si eos quidem, qui id secuti non sunt, non pœniteret, nobis pœnitendum putarem: secuti enim sumus non spem, sed officium: reliquimus autem non officium, sed desperationem: ita uerecundiores fuimus, quàm qui se domo non commouerunt; saniores, quàm qui amissis opibus domum non reuerterunt. sed nihil minus fero, quàm seueritatem otiosorum: & quoquo modo res se habet, magis illos uereor, qui in bello occiderunt, quàm hos curo, quibus non satisfacimus, quia uiuimus. Mihi si spatium fuerit in Tusculanum ante nonas ueniendi, istic te uidebo: sin minus, persequar in Cumanum, et ante te certiore faciam, ut lauatio parata sit. Vale.

CICERO VARRONI S. D.

Aninius noster me tuis uerbis admonuit, ut **C** scriberem ad te, si quid esset, quod putarem te scire oportere. est igitur aduentus in expectatione: neque tu id ignoras. sed tamen cum ille scripsisset, ut opinor, se in Alsienſe uenturum, scripserunt

ad eum fui, ne id faceret: multos ei molestos fore, ipsumque multis: Ostiae uideri commodius eum exire posse. id, ego non intelligebam, quid interesset. sed tamen Hirtius mihi dixit, et se ad eum, et Balbum, et Oppium scripsisse, ut ita faceret, homines, ut cognoui, amantes tui. hoc ego iccirco nosse te uolui, ut scires, hospitium tibi ubi parares, uel potius utrobique: quid enim ille factururus, incertum est: et simul ostentavi tibi, me istis esse familiarem, et consilijs eorum interesse. quod ego cur nolim, nihil uideo: NON enim est idem, ferre, si quid ferendum est; et probare, si quid probandum non est. etsi, quid non probem quidem, nescio, praeter initia rerum: nam haec in uoluntate fuerunt: uidi enim (nam tu aberas) nostros amicos cupere bellum, hunc autem non tam cupere, quam non timere. ergo haec consilij fuerunt, reliqua necessaria. uincere autem aut hos, aut illos, necesse est. scio te semper mecum in luctu fuisse, cum uideremus, quam illud ingens malum alterutrius exercitus ex ducum interitu: tum uero, extremum malorum omnium esse ciuiliis belli uictoriam: quam quidem ego etiam illorum timebam, ad quos ueneramus: crudeliter enim otiosis minabantur: eratque ijs et tua inuisa uoluntas, et mea oratio. nunc uero si essent nostri potiti, ualde intemperantes fuissent: erant enim nobis perirati, quasi quidquam de nostra salute decreuissimus, quod non idem illis censuissimus: aut quasi utilius reip. fuerit, eos etiam ad bestiarum auxilium confugere, quam uel mori, uel cum spe si non optima, at aliqua tamen uiuere: at in perturbata rep. uiuimus. quis negat? sed haec uiderint ij, qui nul-

alterius

utrius. A. L.

la sibi subsidia ad omnes uitæ status parauerunt. Atque enim ut uenirem, superior longius, quàm uolui, fluxit oratio. cum enim te semper magnum hominem duxi; tum, quòd his tempestatibus es prope solus in portu, fructusq; doctrinæ percipis eos, qui maximi sunt, ut ea consideres, eaq; tractes, quorum & usus, & delectatio est omnibus istorum & actis, & uoluptatibus anteponenda. equidem hos tuos Tusculanenses dies instar esse uitæ puto: libenterq; omnibus omnes opes concesserim, ut mihi liceat, ui nulla interpellante, isto modo uiuere. quod nos quoque imitamur, ut possumus, & in nostris studiis libentissime conquiescimus. QVIS enim hoc non dederit nobis, ut, cum opera nostra patria siue non possit uti, siue nolit, ad eam uitam reuertamur, quam multi docti homines, fortasse non recte, sed tamen multi, etiam reip. præponendam putauerunt? quæ igitur studia magnorum hominum sententia uacationem habent etiam publici muneris, ijs, concedente rep. cur non abutamur? sed plus facio, quàm Caninius mandauit: is enim, si quid ego scirem, rogaret, quod tu nescires: ego tibi ea narro, quæ tu melius scis, quàm ipse, qui narro. faciam ergo illud, quod rogatus sum, ut eorum, quæ temporis huius sint, quæ tua interesse audiero, ne quid ignores. Vale.

CICERO VARRONI S. D.

Oenabam apud Seium, cum utrique nostrum
 C redditæ sunt à te literæ. Mihi uero iam maturū uidetur. nam quòd antea te calumniatus sum, indicabo malitiam meam. uolebam prope alia

R liij

mibi hic

cibi esse, si quid bonæ salutis σὺ π' οὐδ' ὀφείλεις.
 nunc, quando confecta sunt omnia, dubitandum non
 est, quin equis viris: nam ut audiui de Lucio Cesare
 filio, mecum ipse; Quid hic mihi faciet patri? itaque
 non desino apud istos, qui nunc dominantur, cœnare.
 quid faciam? tempori seruiendum est. sed ridicula mis-
 sa, præsertim cum sit nihil, quod rideamus. Africa ter-
 ribili tremuit horrida tumultu. itaque nullum est
 ἀποσυμψύχον; quod non verear. sed quod quaris,
 quando, quâ, quò: nihil adhuc scimus: isthuc ipsam de
 Baijs: nonnulli dubitant, an per Sardiniam ueniat: il-
 lud enim adhuc prædium suum non inspexit, nec ullum
 habet deterius, sed tamen non contemnit. ego omnino
 magis arbitror per Siciliam; vel iam sciemus: aduen-
 tat enim Dolabella: eum puto magistrum fore: πολλὰ
 μαθητὰ κρείττονος διδασκάλων. sed tamen si sciam,
 quid tu constitueris, meum consilium accommodabo po-
 tissimum ad tuum: quare expecto tuas literas. Vale.

CICERO VARRONI S. D.

Tsi munus flagitare, quamuis quis ostenderit,
 E ne populus quidē solet, nisi concitatus: tamen
 ego expectatione promissi tui moueor, ut ad-
 moneam te, non ut flagitem. misi autem ad te quatuor
 admonitores non nimis uerecundos: nosti enim profecto
 os eius adolescentioris Academiæ. ex ea igitur media
 excitatos misi: qui, metuo, ne te forte flagitent: ego au-
 tem mandavi, ut rogarent. expectabam omnino iā diu,
 meq; sustinebā, ne ad te prius ipse quid scriberem, quam

huius

aliquid accepissem, ut possem te remunerari quamvis
 millimo munere. sed cum tu tardius faceres, id est, ut
 ego interpreter, diligentius: teneri non potui, quin
 coniunctionem studiorum, amorisq; nostri quo possem
 literarum genere declararem. feci igitur sermonem in-
 ter nos habitum in Cumano, cum esset una Pomponius.
 tibi dedi partes Antiochianas, quas à te probari intellexisse mihi uidebar; mihi sumpsi Philonis. puto fore,
 ut, cū legeris, mirere id nos locutos esse inter nos, quod
 nunquam locuti sumus: sed nosti morem dialogorum.
 posthac autem mi Varro quamplurima, si uidebitur,
 & de nobis, et inter nos: sero fortasse: sed superiorum
 temporum fortuna reip. causam sustineat. hæc ipsi
 præstare debemus. atque utinam quietis temporibus,
 atque aliquo si non bono, at saltem certo statu ciuitatis
 hæc inter nos studia exercere possemus. quāquam tum
 quidem uel alie quæpiam rationes honestas nobis et cu-
 ras, & actiones darent. nunc autem quid est, sine his
 cur uiuere uelimus? mihi uero cum his ipsis uix: his an-
 tem detractis, ne uix quidē. sed hæc coram, & sepius.
 Migrationem, & emptionem feliciter euenire uo-
 lo, tuumq; in ea re consilium probo. Cura ut ualeas.

DOLABELLA CICERONI S. D.

I uales, gaudeo. & ipse ualeo, & Tullia
 nostra recte ualet. Terentia minus belle ha-
 buit: sed certum scio, iam conualuisse eam.
 præterea rectissime sunt apud te omnia. Etsi nullo
 tempore in suspicionem tibi debui uenire, partium cau-

sa potius, quàm tua tibi suadere, ut te aut tum Cæsa-
 re, nobiscumq; coniungeres, aut certe in otium refer-
 res: præcipue nunc iam inclinata uictoria; ne possum
 quidem in ullam aliam incidere opinionem, nisi in eam,
 in qua scilicet tua de re tibi suadere uidear, quod pte
 tacere non possum. tu autem mi Cicero sic hæc accipies,
 ut, siue probabuntur tibi, siue non probabuntur, ab
 optimo certe animo, ac deditissimo tibi & cogitata, &
 scripta esse iudices. animaduertis, Cn. Pópeium nec no-
 minis sui, nec rerum gestarum gloria, nec etiam regū,
 aut nationum clientelis, quas ostentare crebro solebat,
 esse tutum: et hoc etiam, quod infimo cuique contigit,
 illi non posse contingere, ut honeste effugere possit, pul-
 so Italia, amissis Hispaniis, capto exercitu ueterano,
 circumuallato nunc denique: quod, nescio, an ulli un-
 quam nostro acciderit imperatori. quamobrē, quid aut
 ille sperare possit, aut, tu, animum aduerte pro tua pru-
 dentia: sic enim facillime quod tibi utilissimum erit con-
 silij capies. illud autem à te peto, ut, si iam ille euita-
 uerit hoc periculum, & se abdiderit in classē, tu tuis
 rebus consulas, & aliquando tibi potius, quàm cuius,
 sis amicus. satisfactum est iam à te uel officio, uel fa-
 miliaritati: satisfactum etiam partibus, & ei reip.
 quam tu probabas. reliquum est, ubi nunc est resp. ibi
 simus potius, quàm, dum illam ueterem sequimur, si-
 mus in nulla. quare uelim mi iucundissime Cicero, si
 forte Pompeius pulsus his quoque locis, rursus alias re-
 giones petere cogatur, ut tu te uel Athenas, uel in quā-
 uis quietam recipias ciuitatem. quod si eris facturus,
 uelim mihi scribas: ut ego, si ullo modo potero, ad te

aduolem. quacunque de tua dignitate ab imperatore erunt impetranda; qua est humanitate Caesar, facillimum erit ab eo tibi ipsi impetrare: & meas tamen preces apud eum non minimum auctoritatis habituras puto. erit tuæ quoque fidei, & humanitatis, curare, ut is tabellarius, quem ad te misi, reuerti possit ad me, et à te mihi literas referat. Vale.

CICERO P. DOLABELLAE S. D.

On sum ausus Saluio nostro nihil ad te literarum dare: nec mehercule habebam, quid scriberem, nisi te à me mirabiliter amari: de quo, etiam nihil scribente me, te nō dubitare, certo scio. omnino mihi magis literæ sunt expectandæ à te, quàm à me tibi. nihil enim Romæ geritur, quod te putē scire curare: nisi forte scire uis, me inter Niciam nostrum, & Vidium iudicem esse. profert alter (ut opinor) duobus uersiculis expensum Nicie: alter Aristarchus hos ὀβελίζει. ego, tanquam criticus antiquus, iudicaturus sum, utrum sint τῶ ποιητῶ, an παρεμβεβλημένοι. puto te nunc dicere: oblitus ne es igitur fungorum illorum, quos apud Niciam? & ingentiū culinarum cum Sophia Septimie? quid ergo? tu adeo mihi excussam seueritatem ueterē putas, ut ne in foro quidem reliquie pristinæ frontis appareant? sed tamen suauissimum συμβώτην nostrum præstabo integellum: nec commit tam, ut, si ego eum condemnaro, tu restituas; ne habeat Plancus Bursa, apud quem literas discat. sed quid ago? cum mihi sit incertum, tranquillo ne sis animo,

an, ut, in bello, in aliqua maiuscula cura, negotiōne
uertere; labor longius. cū igitur mihi erit exploratum,
te libenter esse risurum, scribam ad te pluribus. te tamē
men hoc scire uolo, uehementē populum sollicitum fuisse
de P. Syllā morte ante, quā certum scierit. nunc
querere desierunt, quo modo perierit. satis putant se
scire, quod sciunt. ego ceteroquī animo æquo fero:
unum uercor, ne hasta Cæsaris refrixerit. Vale.

CICERO DOLABELLAE SVO S. D.

El meo ipsius interitu, mallem, literas meas
desiderares, quā eo casu, quo sum grauissi-
me afflictus: quem ferre certe moderatius, se
te haberem: nam & oratio tua prudens, & amor erga
me singularis multum leuaret. sed quoniam breui tem-
pore, ut opinio nostra est, te sum uisurus: ita me affe-
ctum offendes, ut multum à te possim iuari: nō quo
ita sim fractus, ut aut hominē me esse oblitus sim, aut
fortune succumbendum putem: sed tamen hilaritas il-
la nostra & suauitas, quæ te præter ceteros delectabat,
erepta mihi omnis est: firmitatem tamen, & constan-
tiam, si modo fuit aliquando in nobis, eandem cogno-
sces, quā reliquisti. Quod scribis, praelia te mea cau-
sa sustinere: non tam id laboro, ut, si qui mihi obtre-
tent, à te refutetur: quā intelligi cupio, quod certe
intelligitur, me à te amari. quod ut facias, te etiam
atque etiam rogo: ignoscasq; breuitati mearum litera-
rum: nam & celeriter una futuros nos arbitror; et nō
dum satis confirmatus sum ad scribendum. Vale.

CICERO DOLABELLAE S. D.

Ratulor Baijs nostris, si quidem, ut scribis,
 G. salubres repete facta sunt: nisi forte te amat,
 et tibi assentantur, et tandiu, dum tu ades,
 sunt oblita sui. quod quidem si ita est; minime miror,
 caelum etiam, et terras uim suam, si tibi ita conuen-
 niat, dimittere. Oratiunculam pro Deiotaro, quam
 requirebas, habebam mecum, quod non putaram. ita-
 que eam tibi misi. uelim, sic legas, ut causam tenuem,
 et inopem, nec scriptione magnopere dignam. sed ego
 hospiti ueteri, et amico munusculum mittere uolui le-
 uidentem crasso filo, cuiusmodi ipsius solent esse mune-
 ra. Tu uelim animo sapienti, fortique sis, ut tua mo-
 deratio, et grauitas aliorum infamet iniuriam. Vale.

CICERO DOLABELLAE S. D.

Suberinus Calenus et meus est familiaris, et
 C. Leptæ, nostri familiarissimi, pernecessarius. is
 cum uitandi belli causa profectus esset in Hi-
 spaniam cum M. Varrone ante bellum, ut in ea prouin-
 cia esset, in qua nemo nostrum, post Afranium supera-
 tum, bellum ullum fore putarat: incidit in ea ipsa mala,
 quæ summo studio uitauerat: oppressus est enim bello
 repentino. quod bellum comotum a Scapula, ita postea
 confirmatum est à Pompeio, ut nulla ratione se ab illa
 miseria eripere posset. eadem causa fere est M. Planij
 heredis, qui est item Calenus, Leptæ nostri familiarissi-
 mus. hosce igitur ambos sic tibi commendo, ut maiore

cura, studio, solitudine animi commendare non pos-
 sim. uolo ipsorum causa: meq; in eo uehementer &
 amicitia mouet, & humanitas. Lepta uero cum ita la-
 bore, ut eius fortunæ uideantur in discrimen uenire:
 non possum ego non aut proxime, atque ille, aut etiam
 aque laborare. quapropter etsi sæpe expertus sum,
 quantum me amares: tamen sic, uelim, tibi persuadeas,
 id me in hac re maxime iudicaturum. peto igitur à te,
 uel, si pateris, oro, ut homines miseros, & fortuna,
 quam uitare nemo potest, magis, quàm culpa, calamita-
 tosos, conserues incolumes: uelisq; per te, me hoc mune-
 ris cum ipsis amicis hominibus, tum municipio Caleno,
 quicum mihi magna necessitudo est, tum Leptæ, quem
 omnibus antepono, dare. quod dicturus sum, puto
 equidem non ualde ad rem pertinere, sed tamen nihil
 obest dicere. res familiaris alteri eorū ualde exigua est,
 alteri uix equestris. quapropter quando his Cæsar uitā
 sua liberalitate concessit, nec est, quod ijs præterea ma-
 gnopere possit adimi: redditū, si me tantum amas, quan-
 tū certe amas, hominibus confice, in quo nihil est, præ-
 ter uiam longā: quam iccirco non fugiunt, ut et uiuāt
 cum suis, et moriantur domi. quod ut enitare, conten-
 dasq; uel potius ut perficias, (posse enim te, mihi per-
 suasi) uehementer te etiam atque etiam rogo. Vale.

CICERO DOLABELLÆ CONS. S. D.

Etsi contentus eram mi Dolabella tua gloria,
 E satisq; ex ea magnam letitiā, uoluptatemq;
 capiebam: tamen non possum non confiteri,
 cumulari me maximo gaudio, quod uulgo hominum

opinio socium me ascribat tuis laudibus. neminem conueni, (conuenio autem quotidie plurimos: sunt enim permulti optimi uiri, qui uoletudinis causa in hac loca conueniant, præterea ex municipijs frequentes necessarii mei) quin omnes, cum te summis laudibus ad cœlum extulerunt; mihi continuo maximas gratias agât: negant enim, se dubitare, quin tu meis præceptis, & consilijs obtemperans, præstantissimum te ciuem, & singularem consulem præbeas. quibus ego quanquam uerissime possum respondere, te, quæ facias, tuo iudicio, & tua sponte facere, nec cuiusquam egere consilio: tamen neque plane assentior, ne imminuam laudem tuam, si omnis à meis consilijs profecta uideatur: neque ualde nego: sum enim audior etiam, quàm satis, est gloriæ. est tamen non alienum à dignitate tua, quod ipsi Agamemnoni, regum regi, fuit honestum, habere aliquem in consilijs capiundis Nestorem. mihi uero gloriosum, te iuuenem consulem florere laudibus, quasi alumnum disciplinæ meæ. L. quidem Cæsar, cum ad eum ægrotum Neapolim uenisset, quanquam erat oppressus totius corporis doloribus, tamen antè, quàm me plane salutauit, ò mi Cicero, inquit, gratulor tibi, cum tantum uales apud Dolabellam, quantum si ego apud sororis filium ualerem, iam saluè esse possemus. Dolabellæ uero tuò & gratulor, & gratias ago. quem quidem post te consulem solum possumus uere consulem dicere. deinde multa de facto, ac de re gesta: tum nihil magnificentius, nihil præclarius actum unquam, nihil reip. salutaris. atque hæc una uox omnium est. à te autem peto, ut me hanc quasi falsam hæreditatem

alienæ gloriæ sinas cernere ; meq; aliqua ex parte in societatem tuarum laudum uenire patiare . quanquam mi Dolabella (hæc enim iocatus sum) libentius omnes meas , si modo sunt aliquæ meæ laudes , ad te transfunderim , quàm aliquam partem exhausserim ex tuis : nam cum te semper tantum dilexerim , quantum tu intelligere potuisti : tum his tuis factis sic incensus sum , ut nihil unquam in amore fuerit ardentius . NIHIL est enim , mihi crede , uirtute formosius , nihil pulchrius , nihil amabilius . semper amaui , ut scis , M . Brutum propter eius summum ingenium , suauissimos mores , singularem probitatem , atque constantiã : tamen idib. Mart. tantum accessit ad amorem , ut mirarer locum fuisse augendi in eo , quod mihi iam pridem cumulatam esse uidebatur . quis erat , qui putaret ad eum amorẽ , quem erga te habebam , posse aliquid accedere ? tantum accessit , ut mihi nunc denique amare uidear , antea dilexisse . quare quid est , quod ego te hortor , ut dignitati , & gloriæ seruias ? proponam tibi claros uiros , quod facere solent , qui hortantur ? neminem habeo clariorẽ , quàm te ipsum . te imitere , oportet . tecum ipse certes . nec licet quidem tibi , iam tantis rebus gestis , nõ tui similem esse . quod cum ita sit , hortatio non est necessaria ; gratulatione magis utendum est : contigit enim tibi , quod haud scio an nemini , ut summa seueritas animaduersionis non modo non inuidiosa , sed etiam popularis esset , & cum bonis omnibus , tum infimo cuique gratissima . hoc si tibi fortuna quadam contigisset , gratularer felicitati tuæ : sed contigit magnitudine tum animi , tum etiam ingenij , atque consilij : legi enim con-

dionem

cionem tuam : nihil illa sapientius : ita pedetentim, & gradatim tum accessus à te ad causam facti, tum recessus, ut res ipsa maturitatem tibi animaduertendi omnium concessu daret. liberaasti igitur & urbem periculo, & ciuitatem metu : neque solum ad tempus maximam utilitatem attulisti, sed etiam ad exemplum. quo facto intelligere debes, in te repositam esse remp. tibiq; non modo tuendos, sed etiam ornandos esse illos uiros, à quibus initium libertatis profectum est. sed his de rebus coram plura propediem, ut spero. Tu quando remp. nosq; conseruas, fac ut diligentissime te ipsum mi Dolabella custodias. Vale.

CICERO PAPIRIO PAETO. S. D.

Vabus tuis epistolis respondebo : uni, quam triduo ante acceperam à Zetho : alteri, quam attulerat Phileros tabellarius. ex prioribus tuis literis intellexi, pergratam tibi esse curam meam ualeitudinis tuæ : quam tibi perspectam esse gaudeo : sed, mihi crede, non perinde, ut est reapse, ex literis perspicere potuisti : nam cum à satis multis (non enim possum aliter dicere) & coli me uideam, & diligi ; nemo est illorum omnium mihi te iucundior. nam quòd me amas, quòd id & iam pridem, et constanter facis ; est id quidem magnum, atque haud scio, an maximū, sed tibi commune cum multis : quòd tu ipse tam amandus es, tamq; dulcis, tamq; in omni genere iucundus ; id est proprie tuum. accedunt non Attici, sed saliores, quàm illi Atticorū, Romani ueteres, atque urbani sales.

ego autem (existimes, licet, quod lubet) mirifice capior
 facietis, maxime nostratibus, praesertim cum eas uide-
 am primum oblitus Latio tum, cum in urbem nostram
 est infusa peregrinitas; nunc uero etiam brachatis, &
 transalpinis nationibus; ut nullum ueteris leporis ue-
 stigium appareat. itaque te cum uideo, omnes mihi Gra-
 nios, omnes Lucilios, uere ut dicam, Crassos quoque, et
 Lelios uidere uideor. moriar, si praeter te quenquam
 reliquum habeo, in quo possim imaginem antiquae, &
 uernaculae festiuitatis agnoscere. ad hos lepores cum a-
 mor erga me tantus accedat, miraris me tanta pertur-
 batione uoletudinis tuae tam grauiter exanimatum
 fuisse? Quod autem altera epistola purgas, te non
 dissuasorem mihi emptionis Neapolitanae fuisse, sed au-
 ctorem commorationis urbanae: neque ego aliter accepi:
 intellexi tamen idem, quod his intelligo literis, non exi-
 stimasse te mihi licere, id quod ego arbitrabar, res has
 non omnino quidem, sed magnam partem relinquere.
 Catulum mihi narras, & illa tempora: quid simile?
 ne mihi quidem ipsi tunc placebat diutius abesse ab
 reip. custodia: sedebamus enim in puppi, clauumque
 tenebamus: nunc autem uix est in sentina locus. an-
 minus multa S. C. futura putas, si ego sim Neapo-
 li? Romae cum sum, & urgeo forum: S. C. scribun-
 tur apud amatorem tuum, familiarem meum. &
 quidem, cum in mentem uenit, ponor ad scribendum:
 & ante audio S. C. in Armeniam, & Syriam esse
 perlatum, quod in meam sententiam factum esse di-
 catur, quam omnino mentionem ullam de ea re esse fa-
 ctam. atque hoc, nolim, me locari putes: nam mihi sci-

to iam à regibus ultimis allatas esse literas, quibus mihi gratias agant, quòd se mea sententia reges appellauerim: quos ego non modo reges appellatos, sed omnino natos nesciebam. quid ergo est? tamen quandiu hic erit noster hic præfectus moribus, parebo auctoritati tuæ: cum uero aberit, ad fungos me tuos conferam. domum si habebo: in denos dies, singulos sumptuariæ legis conferam. sin minus inuenero, quod placeat: decreui habitare apud te: scio enim me nihil gratius tibi facere posse. Domum Sullanam desperabam iam, ut tibi proxime scripsi; sed tamen non abiecti. tu uelim, ut scribis, cum fabris eam perspicias: si enim nihil est in parietibus, aut in tecto uitij, cætera mihi probabuntur. . . . Vale.

M. CICERO PAPIRIO PAETO. S. D.

Electauerunt me literæ tuæ: in quibus pri-
 mum amaui amorem tuum, qui te ad scri-
 bendum incitauit, uerentem, ne Silius suo
 nuncio aliquid mihi sollicitudinis attulisset. de quo et
 tu mihi antea scripseras, bis quidem eodem exemplo,
 facile ut intelligerem, te esse commotum: et ego tibi ac-
 curate rescripseram, ut quoquo modo in tali re, atque
 tempore aut liberarem te ista cura, aut certe leuarem.
 sed quando proximis quoque literis ostendis, quantæ cu-
 ræ tibi sit ea res, sic mi pate habeto, quidquid arte fie-
 ri potuerit (non enim iam satis est consilio pugnare:
 artificium quoddam excogitandum est) sed tamen
 quidquid elaborari, aut effici potuerit ad istorum bene-
 uolentiam conciliandam, et colligendam, summo stu-

dio me consecutum esse; nec frustra, ut arbitror: sic enim color, sic obseruor ab omnibus ijs, qui à Cæsare diliguntur, ut ab eis me amari putem: nam (etsi NON facile dijudicatur amor uerus, & fictus, nisi aliquod incidat eiusmodi tempus, ut, quasi aurum igne, sic beneuolentia fidelis periculo aliquo perspicui possit) cætera sunt signa communia: sed ego uno utor argumento, quamobrem me ex animo, uereq; arbiter diligam, quod & nostra fortuna ea est, & illorum, ut simulandi causa non sit. de illo autem, quem penes est omnis potestas, nihil uideo, quod timeam, nisi quod omnia sunt incerta, cum à iure discessum est: nec præstari quidquam potest, quale futurum sit, quod positum est in alterius uoluntate, ne dicam libidine. sed tamen eius ipsius nulla re à me offensus est animus: est enim adhibita in ea re ipsa summa à nobis moderatio. ut enim olim arbitrabar esse meum, libere loqui, cuius opera esset in ciuitate libertas; sic ea nunc amissa, nihil loqui, quod offendant aut illius, aut eorum, qui ab illo diliguntur, uoluntatem. effugere autem si uelim nonnullorum acute, aut facete dictorum offensionem, fama ingenij mihi est abiicienda. quod si possem, non recusarem. sed tamen ipse Cæsar habet peracrem iudiciam: & ut Seruius frater tuus, quem literatissimum fuisse iudico, facile diceret, hic uersus Plauti non est, hic est; quod tritas haberet aures notandis generibus poetarum, & consuetudine legendi: sic audio Cæsarem, cum uolumina iam confecerit ἀφ' ὅρων, si quid afferatur ad eum pro meo, quod meum non sit, reiicere solere. quod eo nunc magis facit, quia uiuunt

mecum fere quotidie illius familiares . incidunt autem
 in sermone uario multa , quæ fortasse illis , cum dixi ,
 nec illiterata , nec insulsa esse uideantur . hæc ad illum
 cum reliquis ætatis perferuntur : ita enim ipse manda-
 uit . sic fit , ut , si quid præterea de me audiat , non au-
 diendum putet . quamobrem Oenomaotuo nihil uitor :
 etsi posuisti ioco uersus Accianos . sed quæ est inuidia ?
 aut quid nunc mihi inuideri potest ? uerum fac esse
 omnia . sic uideo philosophis placuisse , ijs , qui mihi soli
 uidentur uim uirtutis tenere : N I H I L esse sapientis
 præstare , nisi culpam : qua uideo mihi dupliciter ca-
 rere : & quod ea senserim , quæ recliissima fuerunt :
 & quod , cum uiderem præsidij non satis esse ad ea ob-
 tinenda , uiribus certandum cum ualentioribus non pu-
 tarim . ergo in officio boni ciuis certe non sum reprehen-
 dendus . reliquum est , ne quid stulte , ne quid temere di-
 cam , faciam' ue contra potentes . id quoque puto esse sa-
 pientis . cætera uero , quid quisque me dixisse dicat , aut
 quo modo ille accipiat , aut qua fide mecum uiuant ij ,
 qui me assidue colunt , & observant , præstare non pos-
 sum . ita fit , ut et superiorum consiliorum conscientia ,
 & præsentis temporis moderatione me consoler ; & illo-
 rum Accij similitudinem non modo iam ad inuidiam ,
 sed ad fortunam transferam : quam existimo leuem ,
 & imbecillam ab animo firmo , & graui , tanquam flu-
 etum a saxo , frangi oportere . etenim cum plena sint
 monimenta Græcorum , quemadmodum sapientissimi
 uiri regna tulerint uel Athenis , uel Syracusis , cum ser-
 uientibus suis ciuitatibus fuerint ipsi quodammodo lia-
 beri : ego me non putem tueri meum statum sic posse ,

ut neque offendam animum cuiusquam, nec frangam dignitatem meam? Nunc uenio ad iocationes tuas; quando tu secundum Oenomaum Accij, non, ut olim solebat, Attellanum, sed, ut nunc fit, Mimium introduxisti. quem tu mihi Popilium, quem denarium narras? quam tyrotarichi patinam? facilitate mea ista ferebantur antea: nunc mutata res est. Hirtium ego, & Dolabellam dicendi discipulos habeo, cœnandi magistros: puto enim te audisse, (si forte ad uos omnia perferuntur) illos apud me declamitare, me apud illos cœnare. tu autem quod mihi bonam copiam eiures, nihil est. tum enim cum rem augebas, quæstiunculis te faciebam attentiores: nunc cum tam æquo animo bona perdas, non eo sis consilio, ut, cum me hospitio recipias, æstimationem te aliquam putes accipere. etiam hæc leuior est plaga ab amico, quàm à debitore. nec tamen eas cœnas quæro, ut magnæ reliquæ fiant. quod erit, magnificum sit, & lautum. memini, te mihi Phameæ cœnam narrare: temperius fiat: cætera eodem modo. quod si perseueras me ad matris tuæ cœnam uocare, feram id quoque: uolo enim uidere animum, qui mihi audeat ista, quæ scribis, apponere, aut etiam polypum Miniani Iouis similem. crede mihi, non audebis. ante meum aduentum fama ad te de mea noua lauticia ueniet: eam extimesces. neque est, quod in promulsæ spei ponas aliquid: quam totam sustuli: solebam enim antea delectari oleis, & lucanicis tuis. sed quid hæc loquimur? liceat modo isto uenire. tu uero (uolo enim abstergere animum tuum) ad tyrotarichum antiquum redi. ego tibi unum, sumptum afferam, quod, balneum.

quæstiunculis
Mur.

calfacias, oportebit : cætera more nostro . superiora illa
 lusimus . De uilla Seliciana & curasti diligenter , &
 scripsisti facetissime . itaque puto me prætermisurum :
 salis enim satis est, Sannionum parum . Vale .

M. CICERO PAPIRIO PAETO S. D.

On tu homo ridiculus es, qui, cum Balbus no
 N ster apud te fuerit , ex me quæras , quid de
 istis municipijs , & agris futurum putem ?
 quasi aut ego quidquam sciam , quod iste nesciat : aut,
 si quid aliquando scio , non ex isto soleam scire . immo
 uero , si me amas, tu fac, ut sciam , quid de nobis futu-
 rum sit : habuisti enim in tua potestate , ex quo uel ex
 sobrio, uel certe ex ebrio scire posses . sed ego ista mi Pa-
 te non quæro : primum quia de lucro prope iam qua-
 driennium uiuimus ; si aut hoc lucrum est , aut hæc
 uita , superstitem reip. uiuere : deinde quod scire quo-
 que mihi uideor, quid futurum sit : fiet enim, quodcun-
 que uolent, qui ualebunt : ualebunt autem semper ar-
 ma. nobis igitur satis esse debet , quidquid conceditur .
 hoc si quis pati non potuit, mori debuit . Veientem qui-
 dem agrum , & Capennatem metiuntur . hic non lon-
 ge abest à Tusculano . nihil tamen timeo : fruor , dum
 licet : opto, ut semper liceat . si id minus contigerit : ta-
 men, quando ego, uir fortis, idemq; philosophus, uiuere
 pulcherrimum duxi, non possum eum non diligere , cu-
 ius beneficio id consecutus sum . qui si cupiat esse temp.
 qualem fortasse & ille uult, et omnes optare debemus :
 quid faciat, tamen non habet ; ita se cum multis collin-

gaut. sed longius progredior: scribo enim ad te. hoc tamen scito, non modo me, qui consilijs non intersum, sed ne ipsum quidem principem scire, quid futurum sit: nos enim illi seruiamus, ipse temporibus. ita nec ille, quid tempora postulatura sint; nec nos, quid ille cogitet, scire possumus. hæc tibi antea non rescripsi, non quo cessator esse solem, præsertim in literis: sed cum explorati nihil haberem, nec tibi sollicitudinem ex dubitatione mea, nec spem ex affirmatione afferre uolui. illud tamen ascribam, quod est uerissimum, me his temporibus adhuc de isto periculo nihil audisse. tu tamen pro tua sapientia debes optare optima, cogitare difficillima, ferre, quæcunque erunt. Vale.

CICERO S. D. PAPIRIO PAETO.

u. a. l.

U. M. essem otiosus in Tusculano, propterea quod discipulos obuiam miseram, ut idem me quam maxime conciliarent familiari suo: accepi tuas literas plenissimas suauitatis: ex quibus intellexi, probari tibi meum consilium, quod, ut Dionysius tyrannus, cum Syracusis expulsus esset, Corinthi dicitur ludum aperuisse, sic ego, sublati iudicijs, amisso regno forensi, ludum quasi habere cœperim. quid quæris? me quoque delectat consilium: multa enim consequor. primum, id quod maxime nunc opus est, munio me ad hæc tempora. id cuiusmodi sit, nescio: tantum uideo, nullius adhuc consilia me huic anteponere: nisi forte mori melius fuit: in lectulo, fateor; sed non accidit: in acie non fui. ceteri quidem, Pompeius, Lentulus tuus,

Scipio, Afranius fœde perierunt. at Cato præclare. iam isthuc quidem, cum uolemus, licebit: demus modo operam, ne tam necesse nobis sit, quàm illi fuit: id quod agimus. ergo hoc primum. sequitur illud: ipse melior fio, primum ualitudine, quam, intermissis exercitationibus, amiseram: deinde ipsa illa, si qua fuit in me, facultas orationis, nisi me ad has exercitationes retulissem, exaruisset. Extremum illud est, quod tu, nescio, an primū putes: plures iam pauones confeci, quàm tu pullos columbinos. tu istic te Atteriano iure delectato, ego me hic Hirtiano. ueni igitur, si uir es, & discere iam *περλεγομένα*, quæ quæris: etsi sus Mineruam. sed quando, ut uideo, æstimationes tuas uendere non potes, neque ollam denariorum implere: Romam tibi remigrandum est. satius est hic cruditate, quàm isthic fame. uideo te bona perdidisse: spero idem istuc familiaris tuos. actum igitur de te est, nisi provides. potes mulo isto, quem tibi reliquum dicis esse, quando cantherium comedisti, Romam peruehi. sella tibi erit in ludo, tanquam hypodidascalo, proxima: eam pulvinus sequetur. Vale.

M. CICERO PAPIRIO
PAETO S. D.

Amen à malitia non discedis: tenuiculo apparatu significas Balbum fuisse contentum. hoc uideris dicere, cum reges tam sint continentes, multo magis consulares esse oportere. nescis, me ab illo omnia expiscatum: recta enim à porta domū meam

uenisse . neque hoc admiror , quòd non ad tuam potius , sed illud , quòd nec ad suam . ego autem tribus primis uerbis , Quid noster Pætus ? at ille adiurans , nusquam se unquam libentius . hoc si uerbis assecutus es , aures ad te afferam non minus elegantes : sin autem obsonio , peto à te , ne pluris esse Balbos , quàm disertos putes . me quotidie aliud ex alio impedit . sed si me expediero , ut in ista loca uenire possim : non committam , ut te searo à me certiozem factum putes . Vale .

M. CICERO S. D. PAPIRIO PÆTO.

Uplaciter delectatus sum tuis literis : & quòd
D ipserisi : & quòd te intellexi iam posse ride-
re . me autem à te , ut scurram uelitem , ma-
lis oneratum esse , non moleste tuli . illud doleo , in ista
loca uenire me , ut constitueram , non potuisse : habuiss=
ses enim non hospitem , sed contubernalem : at quem uir-
rum ? non eum , quem tu es solitus promulsice confice-
re . integram famem ad ouum afferro : itaq; ad assum
uitulinū opera perducitur . illa mea , quæ solebas antea
laudare , o hominem facilem , o hospitem non grauem ,
abierunt : nam omnem nostram de rep. curam , cogita-
tionem de dicenda in senatu sententia , cōmentationem
causarum abieciimus : in Epicuri nos , aduersarij nostri , ca-
stra coniecimus , nec tamen ad hanc insolentiam , sed
ad illam tuam lauticiam , ueterem dico , cum in sum-
ptum habebas : etsi nunquam plura prædia habuisti .
proinde te para : cum homine edaci tibi res est , & qui
iam aliquid intelligat . o μωδὲς autem homines scis ,

quàm insolentes sint. dediscenda tibi sunt sportellæ, & artolagani tui. nos iam ex areis tantum habemus, ut Verrium tuum, & Camillum, quæ munditia homines? quæ elegantia? uocare sæpius audeamus. sed uide audaciam: etiam Hirtio cœnam dedi, sine pauone tamen. in ea cœna cocus meus præter ius feruens nihil potuit imitari. hæc igitur est nunc uita nostra. mane salutamus domi & bonos uiros multos, sed tristes, & hos lætos uictores, qui me quidem perofficiose, & peramanter obseruât. ubi salutatatio defluxit, literis me inuoluo, aut scribo, aut lego. ueniunt etiam, qui me audiant, quasi doctum hominem, quia paulo sum, quàm ipsi, doctior. inde corpori omne tempus datur, patriam eluxiam & grauius, & diutius, quàm ullâ mater unicum filium. sed cura, si me amas, ut ualeas; ne ego te iacente bona tua comedim: statui enim tibi ne agroto quidem parcere. Vale.

M. CICERO PAPIRIO PAETO S. D.

In tandem? insanire tibi uideris, quòd imitere

A uerborum meorû, ut scribis, fulmina? tum insanires, si consequi non posses: cum uero etiâ uincas, me prius irrideas, quàm te, oportet. quare nihil tibi opus est illud à Trabea, sed potius ἀπὸ τῶν ὀνυμῶν meum. ueruntamen quid tibi ego uideor in epistolis? nō ne plebeio sermone agere tecū? nec enim semper eodem modo. quid enim simile habet epistola aut iudicio, aut concioni? quin ipsa iudicia non solemus omnia tractare uno modo. priuatas causas, & eas tenues, agimus

subtilius : capitis , aut famæ , scilicet ornatius . epistolas
 uero quotidianis uerbis texere solemus . Sed tamen mi-
 pate qui tibi uenit in mentem , negare , Papirium quen-
 quam unquam nisi plebeium fuisse ? fuerunt enim pa-
 tricij minorum gentium : quorum princeps L. Papirius
 Mugillanus : qui consul cū L. Sempronio Atratinio fuit ,
 cum antea censor cum eodem fuisset , annis post R. C.
 CCCXII. sed tum Papisij dicebamini . post hunc ,
 XIII fuerunt sella curuli ante L. Papiriū Crassum ,
 qui primus Papisius est uocari desitus . is dictator cum
 L. Papirio Cursore , magistro equitum , factus est , annis
 post R. C. CCCCXV. & quadriennio post consul cū
 C. Duillio . hunc secutus est Cursor , homo ualde hono-
 ratus : deinde L. Masso ædilicius : inde multi Massones :
 quorum quidem tu omnium patriciorum imagines ha-
 beas , uolo . deinde Carbones , & Turdi insequuntur . hi
 plebeij fuerunt : quos contempnas , censeo : nam præter
 hunc Cn. Carbonem . quem Damasippus occidit , cuius è
 rep. Carbonum nemo fuit . cognouimus Cn. Carbonem ,
 & eius fratrem scurram : quid his improbius ? de hoc
 amico meo , Rubriæ filio , nihil dico . tres illi fratres fuere ,
 P. C. M. Carbones . Publius Flacco accusante condem-
 natus : fugit Marcus ex Sicilia . Caius , accusante Lu-
 cio Crasso , cantharidas sumpsisse dicitur . is tribunus
 pl. seditiosus , & P. Africano uim attulisse existimatus
 est . hoc uero , qui Lilybæi à Pompeio nostro interfe-
 ctus est , improbius nemo , meo iudicio , fuit . iam , pa-
 ter eius accusatus à M. Antonio , sutorio atramēto aba-
 solutus putatur . quare ad patricos , censeo , reuertare :
 plebeij quàm fuerint importuni , uides . Vale .

M. CICERO PAPIRIO PAETO S. D.

Mo uerecundiam, ^{tu} uel potius libertatem lo-
 A quendi. atque hoc Zenoni placuit, hominē
 mehercule acuto: etsi Academiæ nostræ cum
 eo magna rixa est. sed, ut dico, placet Stoicis suo quā-
 querem nomine appellare. sic enim differunt, nihil es-
 se obscœnum, nihil turpe dictu: nam si quod sit in ob-
 scœnitate flagitium, id aut in re esse, aut in uerbo; ni-
 hil esse tertium. in re non est. itaque non modo in cœ-
 mœdijs res ipsa narratur, ut ille in Demiurgo Modo,
 (forte nosti canticum: meministi Roscium) ita me de-
 stituit nudum: totus est sermo uerbis tectus, re impu-
 dentior: sed etiam in tragœdijs. quid est enim illud?
 Quæ mulier una? quid, inquam, est? Usurpata duplex
 cubile? quid illud? Pherai hic cubile inire est ausus, quid
 est? Virginem me quondam inuitam per uim uiolat.
 Iupiter bone, uiolat? atqui idem significat, sed alterū
 nemo tulisset. uides igitur, cum eadem res sit, quia
 uerba non sint, nihil uideri turpe. ergo in re non est;
 multo minus in uerbis. si enim quod uerbo significatur,
 id turpe non est: uerbum, quod significat, turpe esse
 non potest. anum appellas alieno nomine: cur non suo
 potius? si turpe est, ne alieno quidem: si non est, suo
 potius. caudam antiqui penem uocabant, ex quo est
 propter similitudinē peniculus: at hodie penis est in ob-
 scœnis. at uero Piso ille Frugi in annalibus suis quæri-
 tur, adolescentes peni deditos esse. quod tu in epistola
 appellas suo nomine, ille tectius penem. sed quia mula
 sis, factum est tam obscœnum, quàm id uerbum, quo

alutur

-mud rindoo / do
200

iam

tu usus es. quid, quod vulgo dicitur, cum nos te uolu-
mus conuenire, num obscœnum est? memini in senatu
disertum consularem ita eloqui, hanc culpam maiorem,
an illam dicam? potuit obscœnius? non, inquis: non
enim ita sensit, non ergo in uerbo est. docui autem in
re non esse. nusquam igitur est. liberis dare operam,
quàm honeste dicitur: etiam patres rogant filios: eius
operæ nomen non audent dicere. Socratem fidibus do-
cuit nobilissimus fidicen. is Connus uocitatus est. num
id obscœnum putas? cum loquimur terni, nihil flagitiū
dicimus, at cum bini, obscœnum est: Græcis quidem,
inquires. nihil est ergo in uerbo: quando & ego Græce
scio: & tamen tibi dico bini, idq; tu facis, quasi ego
Græce, non Latine dixerim. ruta, & menta, recte
utrumque. uolo mentam pusillam ita appellare, ut ru-
tulam: non licet. bella teſtoriola dicis: dic ergo etiam
pauimenta isto modo: non potes. uides igitur nihil esse,
nisi ineptias; turpitudinem nec in uerbo esse, nec in re;
itaque nusquam esse. ergo in uerbis honestis obscœna
ponimus. quid enim, non honestum uerbum est diuisio?
at inest obscœnū, cui respondet intercapedo. num hæc
ergo obscœna sunt? nos autem ridicule, si dicimus, ille
patrem strangulauit, honorem non præfamur: sin de
Aurelia aliquid, aut Lollia, honos præfandus est. &
quidem iam noſ etiam obscœna uerba pro obscœnis sunt.
batuit, inquit, impudenter: deſit, multo impuden-
tius. atqui neutrum est obscœnum. STULTORVM
plena sunt omnia. testes uerbum honestissimum in iu-
dicio, alio loco non nimis. at honesti Colei Lanuui-
ni, Cliternini non honesti. quid? ipsa res modo honesta,

teſtula

obſcœnis homi-
ba

modo turpis . suppedit , flagitium est . iam erit nudus in balneo : non reprehendes . Habes scholam Stoicam . ὁ Γρηγόριος δὲ Ἰνδὸν ἔσθι quam multa ex uno uerbo tuo ? te aduersus me omnia audere , gratum est . ego seruo , & seruabo (sic enim assueui) Platonis uerecundiam . itaque tectis uerbis ea ad te scripsi , quæ apertissimis agunt Stoici . sed illi etiam crepitus aiunt æque liberos , ac ructus esse oportere . honorem igitur calendis Martijs . Tu me diliges , & ualebis .

M. CICERO PAPIRIO PAETO S. D.

Eri ueni in Cumanū : cras ad te fortasse . sed
 H cum certum sciam , faciam te paulo ante certiore . etsi M. Ceparius , cum mihi in silua Gallinaria obuiam uenisset , quassissemq; , quid ageres , dixit te in lecto esse , quod ex pedibus laborares . tuli scilicet moleste , ut debui : sed tamen constitui ad te uenire , ut & uiderem te , & uiserem , & cœnarem etiam : non enim arbitror cocum etiam te arthriticū habere . expecta igitur hospitem cum minime edacem , tum inimicum cœnis sumptuosus . Vale .

M. CICERO PAPIRIO PAETO S. D.

Vfum istum , amicum tuum , de quo iterum
 R iam ad me scribis , adiuuarem , quantum possem , etiam si ab eo læsus essem , cum te tantopere uiderem eius causa laborare . cum uero et ex tuis literis , & illius ad me missis intelligam , & iudicem , magna cura ei salutem meam fuisse : non possum ei nō amicus esse , neque solum tua cōmendatione , quæ apud

me, ut debet, ualet plurimum, sed etiam uoluntate, ac iudicio meo. uolo enim te scire mi Pæte, initiū mihi suspicionis, et cautionis, et diligentiae fuisse literas tuas. quibus literis congruentes fuerunt aliae postea multorū. nam & Aquini, & Fabrateriae consilia sunt inita de me, quæ te uideo inaudisse. & quasi diuinarēt, quā huius molestus essem futurus, nihil aliud egerunt, nisi me ut opprimerēt. quod ego non suspicans, incautior fuissē, nisi à te admonitus essem. quamobrem iste tuus amicus apud me commendatione non eget. utinam ea fortuna reip. sit, ut ille me quamgratissimum possit cognoscere. sed hæc hætenus. Te ad cœnasitare desisse, moleste fero: magna enim te delectatione, & uoluptate priuasti: deinde etiam uereor, (licet enim uerum dicere) ne nescio quid illud, quod solebas, dediscas, & obliuiscare cœnulas facere. nam si tum, cum habebas, quos imitare, non multum proficiebas: quid nunc te faturum putem? spurina quidem, cum eiremonstrassem, & uitam tuam superiorem exposuissem: magnum periculum summæ reip. demonstrabat, nisi ad superiorem consuetudinem tum, cū fauonius flaret, reuertisses: hoc tēpore ferri posse, si forte tu frigus ferre nō posses. sed mehercule mi Pæte, extra iocum, moneo te, quod pertinere ad beate uiuendum arbitror, ut cum uiris bonis, iucundis, amātibus tui uiuas. nihil est aptius uitæ, nihil ad beate uiuendum accommodatius. nec id ad uoluptatem refero, sed ad communitatem uitæ, atque uictus, remissionemq; animorum, quæ maxime sermone efficitur familiari, qui est in conuiujs dulcissimus: ut sapientius nostri, quā Græci: illi οὐρανία;

aut

αὐτὸς σὺν δειπνῶν, id est computationes, aut concoenatio-
 nes: nos conuiuia; quòd tum maxime simul uiuitur.
 Vides, ut te philosophando reuocare coner ad coenas?
 Cura ut ualeas. id foris coenitendo facillime consequere.
 sed caue, si me amas, existimes me, quòd iocosius
 scribam, abiēcisse curam reip. sic tibi mi Pate persua-
 de, me dies, & noctes nihil aliud agere, nihil curare,
 nisi ut mei ciues salui, liberiq; sint. nullum locum prae-
 termitto monendi, agendi, providendi. hoc denique ani-
 mo sum, ut, si in hac cura, atque administratione uita
 mihi ponenda sit, praeclare actum mecum putem.
 Etiam atque etiam uale.

M. CICERO, IMP. PAPIRIO PAETO S.

Vmmum me ducem literæ tuæ reddidere. pla-
 ne nesciebam te tam peritum esse rei milita-
 ris. Pyrrhi te libros, et Cineæ uideo lectitasse.
 itaque obtemperare cogito præceptis tuis, hoc amplius,
 nauicularum habere aliquid in ora maritima. contra
 equitem Parthum negant ullam armaturam melio-
 rem inueniri posse. sed quid ludimus? nescis, quo cum
 imperatore tibi negotium sit. Καὶ ποὺ πολεμεῖον, quam
 contriueram legendo, totam in hoc imperio explicauī.
 sed iocabimur alias coram, & ut spero, breui. nunc
 ades ad imperandum, uel ad parendum potius: sic
 enim antiqui loquebantur. Cum M. Fabio, quod scire
 te arbitror, summus mihi est usus: ualdeq; eum dili-
 go cum propter summam probitatem eius, ac singula-
 rem modestiam, tum quòd in ijs controuersijs, quas ha-

beo cum tuis combibonibus Epicureis, optima opera eius
 uti soleo. is cum ad me Laodiceam uenisset; mecumq;
 eum ego esse uellem: repente percussus est atrocissimis
 literis; in quibus scriptum erat, fundum Herculanensem
 a Q. Fabio fratre proscriptum esse, qui fundus
 cum eo communis esset. id M. Fabius pergrauiter tua-
 lit; existimauitq; fratrem suum, hominem non sapien-
 tem, impulsu inimicorum suorum eò progressum esse.
 nunc, si me amas, mi Pate negotium totum suscipe,
 molestia Fabium libera. auctoritate tua nobis opus est,
 & consilio, & etiam gratia. noli pati, litigare fratres,
 & iudicijs turpibus conflictari. Matonem, & Pollionem
 inimicos habet Fabius. quid multa? non meher-
 cule tam perscribere possum, quam mihi gratum feceris,
 si otiosum Fabium reddideris. id ille in te positum
 esse putat, mihiq; persuadet. Vale.

M. CICERO PAPIRIO PAETO S. D.

Ccubueram hora nona, cum ad te harum
 A exemplum in codicillis exarauit. dices, ubi?
 apud Volumnium Eutrapelum: & quidem
 supra me Atticus, infra Verrius, familiares tui. mira-
 ris tam exhilaratam esse seueritatem nostram? quid er-
 go faciam? te consulo, qui philosophum audis. angar?
 excruciem'ne me? quid assequar? deinde quem ad fia-
 nem? uiuas, inquis, in literis. an quidquam me aliud
 agere censes? haud possem uiuere, nisi in literis uiue-
 rem. sed est earum etiam non satietas, sed quidam mor-
 dus. à quibus cum discessi, etsi minimum mihi est in cor

na, quod tu unum ζήτημα Dionī philosopho pōsuisti :
tamen quid potius faciam , prius quā me dormitum
conferam , non reperio . audi reliqua . infra Eutrapelum
Cyleris accubuit . in eo igitur , inquis , conulvio Cicero
ille , Quem aspētabant , cuius ob os Graij ora obuer
tebant sua ? non mehercule suspicatus sum illam as
fore : sed tamen ne Aristippus quidem ille Socraticus
erubuit , cum esset obiectum , habere eum Laida : habeo ,
inquit , Laida : non habeor à Laide . grāce hoc melius .
tu , si uoles , interpretabere . me uero nihil istorum ne
iuuenem quidem mouit unquam , nedum senem . con
uiuiō deleētor . ibi loquor aliquid , quod in solum , ut di
citur : & gemitum in risus maximos transfero . an tu
id melius , qui etiam philosophum irriseris ? cum ille , si
quis quid quæreretur , dixisset , coenam te quærere à ma
ne dixeris . ille Baro te putabat quasiturum , unum cœ
lum esset , an innumerabilia . quid ad te ? at hercule
cœna nunquid ad te ? ibi præsertim ? sic igitur uiui
tur : quotidie aliquid legitur , aut scribitur : deinde ,
ne amicis nihil tribuamus , epulamur unā non modo
non contra legem , si ulla nunc lex est , sed etiam intra
legem , & quidem aliquanto . quare nihil est , quod ad
uentum nostrum extimescas . non multi cibi hospitem
accipies , sed multi ioci . Vale .

*Seus puer,
dic sodes: Qui
hæri Chrysi
dem habuit?*

M. T. CICERONIS EPISTOLARVM,
AD PLANCVM, ET ALIOS,
LIBER X.

M. CICERO L. PLANCO,
IMP. CONS. DES. S. D.

Handwritten notes on the left margin:
Cicero ad Plancum
de re publica
liber X. cap. 1.
de re publica
liber X. cap. 1.
de re publica
liber X. cap. 1.

T abfui proficiscens in Græciam: &
posteaquam de medio cursu reip. sum
uoce reuocatus, nunquam per M. An
tonium quietus fui. cuius tanta est
non insolentia, (nam id quidem uul
gare uitium est) sed immanitas, non modo ut uocem,
sed ne uultum quidem liberum possit ferre cuiusquam.
itaque mihi maxima cura est, non de mea quidem ui
ta, cui satisfeci uel ætate, uel factis, uel (si quid etiam
hoc ad rem pertinet) gloria: sed me patria sollicitat, in
primisq; mi Plance expectatio consulatus tui: quæ ita
longa est, ut optandum sit, ut possimus ad id tempus
reip. spiritum ducere. quæ potest enim spes esse in ea rep.
in qua hominis impotentissimi, atque intemperatissi
mi armis oppressa sunt omnia? & in qua nec senatus,
nec populus uim habet ullam? nec leges ullæ sunt, nec
iudicia, nec omnino simulacrum aliquod, aut uestigium
ciuitatis? sed quando acta omnia mitti ad te arbitra
bar; nihil erat, quod singulis de rebus scriberem.
illud autem erat amoris mei; quem à tua pueritia su
sceptum non seruauì solum, sed etiam auxi; monere
te, atque hortari, ut in temp. omni cogitatione, curaq;
incumberes. quæ si ad tuum tempus perducitur, faci=

lis gubernatio est: ut perducatur autem, magnæ tum diligentiae est, tum etiam fortunæ. sed & te aliquanto ante, ut spero, habebimus: et præterquam quòd reip. consulere debemus, tamen tuæ dignitati ita fauemus, ut omne nostrum consilium, studium, officium, operam, laborem, diligentiam ad amplitudinem tuam conferamus. ita facillime et reip. quæ mihi carissima est, et amicitiae nostræ, quam sanctissime nobis colendam puto, me intelligo satisfacturum. Furnium nostrum tanti à te fieri, quantum ipsius humanitas, & dignitas postulat, nec miror & gaudeo: teq; hoc existimare uolo, quidquid in eum iudicij, officijq; contuleris, id ita me accipere, ut in me ipsum te putem contulisse. Vale.

M. CICERO L. PLANCO, IMP.

CONS. DES. S. D.

Eum studium honori tuo pro necessitudine nostra non defuisset, si aut tuto in senatum, aut honeste uenire potuissem. sed nec sine periculo quisquam libere de rep. sentiens uersari potest in summa impunitate gladiatorum: nec nostræ dignitatis uidetur esse, ibi sententiam de rep. dicere, ubi me & melius, & propius audiant armati, quàm senatores. quapropter in priuatis rebus nullum neque officium, neque studium meum desiderabis: ne in publicis quidem, si quid erit, in quo me interesse necesse sit, unquam deero, ne cum periculo quidem meo, dignitati tuæ. in ijs autem rebus, quæ nihilo minus, ut ego absum, confici possunt, peto à te, ut me rationem habere uelis & salutis, & dignitatis meæ. Vale.

T iiij

M. CICERO L. PLANCO, IMP.

CONS. DES. S. D.

Vm ipsum Furnium per se uidi libentissime,
 C. tum hoc libentius, quod illum audiens, te ui-
 debar audire: nam & in re militari uirtu-
 tem, & in administranda provincia iustitiam, & in
 omni genere prudentiam mihi tuam exposuit, et præ-
 terea mihi non ignotam in consuetudine, & familiaria-
 tate suauitatem tuam: adiunxit præterea summam
 erga se liberalitatem. quæ omnia mihi incunda, hoc ex-
 tremum etiam gratum fuit. ego Plance necessitudinem
 constitutam habui cum domo uestra ante aliquanto,
 quam tu natus es; amorem autem erga te ab ineun-
 te pueritia tua, confirmata iam ætate familiaritatem,
 cum studio meo, tum iudicio tuo constitutam. his de
 causis mirabiliter faueo dignitati tuæ: quam mihi te-
 cum statuo esse communem. omnia summa consecutus
 es uirtute duce, comite fortuna: eaq; es adeptus adole-
 scens, multis inuidentibus, quos ingenio, industriaq;
 fregisti. nunc me amantissimum tui, nemini conceden-
 tem, qui tibi uetustate necessitudinis potior possit esse, si
 audies: omnem tibi reliquæ uitæ dignitatem ex optimo
 reip. statu acquires. scis profecto; (nihil enim te fugere
 potuit) fuisse quoddam tempus, cum homines existima-
 rent, te nimis seruire temporibus. quod ego quoque exi-
 stimarem, si te ea, quæ patiebare, probasse etiam arbi-
 trarer. sed cum intelligerem, quid sentires: prudenter
 te arbitrabar uidere, quid posses. nunc alia ratio est
 omnium rerum. tuum iudicium est, idq; liberum, con-

ful es designatus, optima etate, summa eloquentia, maxima orbitate reip. uirorum talium: incumbere per deos immortales in eam curam, & cogitationem, quæ tibi summam dignitatem, & gloriam afferat. unus autem est, hoc præsertim tempore, per tot annos rep. deuexata, reip. bene gerenda cursus ad gloriam. hæc, amore magis impulsus, scribenda ad te putauì, quam quòd arbitrarer, te monitis, & præceptis meis egere: sciebam enim, ex iisdem te hæc haurire fontibus, ex quibus ipse hauseram. quare modum faciam. hoc tantum significandum putauì, ut potius amorem tibi ostenderem meum, quam ostentarem prudentiam. interea, quæ ad dignitatem tuam pertinere arbitrabor, studiosè, diligenterq; curabo. Vale.

PLANCVS CICERONI S. D.

Ratissimæ mihi tuæ literæ fuerunt, quas ex
 G. Furnij sermone te scripsisse animaduerti. ego autem præteriti temporis excusationem afferro, quòd te profectum audieram, nec multo ante rediisse sciui, quàm ex epistola tua cognoui: nullum enim in te officium, ne minimum quidem, sine maxima culpa uideor posse præterire. in quo tuendo habeo causas plurimas, uel paternæ necessitudinis, uel meæ à pueritia obseruantie, uel tui erga me mutui amoris. quare mi Cicero, quod mea, tuaq; patitur ætas, persuade tibi, te unum esse, in quo ego colendo patriam mihi constiterim sanctitatem. omnia igitur tua cõsilia mihi non magis prudentia plena, quæ summa est, uidentur, quam fidelitatis, quam ego ex mea conscientia metior.

quare si aut aliter sentirem, certe admonitio tua me reprimere; aut, si dubitarem, hortatio impellere posset, ut id sequeretur, quod tu optimum putares. nunc uero quid est, quod me in aliam partem trahere possit? quæcunque in me bona sunt, aut fortunæ beneficio tributa, aut meo labore parta, etsi à te propter amorem carius sunt aestimata, tamen uel inimicissimi iudicio tanta sunt, ut præter bonam famam nihil desiderare uideantur: quare hoc unum tibi persuade, quantum uiribus eniti, consilio providere, auctoritate mouere potuero, hoc omne reip. semper futurum. non est ignotus mihi sensus tuus: neque, si facultas, optabilis mihi quidem, tui præsentis esset, unquam à tuis consilijs discreparem: nec nunc committam, ut ullum meum factum reprehendere iure possis. Sum in expectatione omnium rerum, quid in Gallia citeriore, quid in urbe Ianuario mense geratur, ut sciam. interim maximam hic sollicitudinem, curamq; sustineo; ne inter aliena uitia hæ gentes nostra mala suam putent occasionem. quod si perinde, ut ipse mereor, mihi successerit: certe & tibi; cui maxime cupio, & omnibus uiris bonis satisfaciam. Fac ualeas, meq; mutuo diligas.

CICERO PLANCO, IMP. CONS.

DES. S. P. D.

Inas à te accepi literas eodem exemplo: quod ipsum argumento mihi fuit diligentia tua: intellexi enim te laborare, ut ad me tuæ expectatissimæ literæ perferrentur, ex quibus cepi fructum duplicem, mihiq; in comparatione difficilem ad iudican-

dum, amorem ne erga me tuum, an animum in rep.
 pluris estimandum putarem. est omnino patriæ caritas
 meo quidem iudicio maxima: sed amor, voluntatisq;
 coniunctio plus certe habet suauitatis. itaque comme-
 moratio tua paternæ necessitudinis, beneuolentiæq; eius,
 quam erga me a pueritia contulisses, ceterarumq; re-
 rum, quæ ad eam sententiam pertinebant, incredibile
 mihi lætitiâ attulerat. rursus declaratio animi tui,
 quem haberes de rep.: quemq; habiturus esses, mihi
 erat incundissima: eoq; maior erat hæc lætitiâ, quòd ad
 illa superiora accedebat. itaque te non hortor solum mi
 Plance, ~~sed plane etiam oro~~, quòd feci ijs literis, quibus
 tu humanissime respondisti; ut tota mente, omniq; ani-
 mi impetu in rep. incumbas. nihil est, quod tibi ma-
 iori fructui, gloriaq; esse possit: NEC quidquam ex
 omnibus rebus humanis est præclarius, aut præstâtius,
 quàm de rep. bene mereri. adhuc enim patitur tua sum-
 ma humanitas, & sapientia, me, quod sentiam, li-
 bere dicere. fortuna suffragante uideris res maximas
 consecutus. quod quanquam sine uirtute non potuisses:
 tamen ex maxima parte ea, quæ es adeptus, fortunæ,
 temporibusq; tribuuntur. his temporibus difficillimis,
 reip. quidquid subueneris, id erit totum, & proprium
 tuum. incredibile est omnium ciulum, latronibus exce-
 ptis, odium in Antonium. magna spes in te, & in tuo
 exercitu, magna expectatio. cuius per deos gratiæ,
 gloriæq; caue tempus amittas. sic moneo, ut filium: sic
 faueo, ut mihi: sic hortor, ut & pro patria, & ami-
 cissimum. Vale.

+ P.
 sed plane
 etiam oro,
 A P.
 nam in supio-
 re epistola
 tantum sorta-
 batur.

totum prop-
 rium, & tuum
 aut, pro-
 prie tuum.

CICERO PLANCO, IMP.

CONS. DES. S. D.

Va locutus est Furnius noster de animo tuo in
 Q remp. ea gratissima fuerunt senatui, popu-
 loq; R. probatissima. quæ autē recitatae sunt
 literæ in senatu, nequaquam consentire cum Furnij
 oratione uisæ sunt. pacis enim auctor eras, cum colle-
 ga tuus, uir clarissimus, à fœdissimis latronibus obside-
 retur. qui aut positis armis pacem petere debent: aut,
 si pugnantes eam postulant, uictoria pax, non pactio-
 ne, parienda est. sed de pace literæ uel Lepidi, uel tuæ
 quam in partē acceptæ sint, ex uiro optimo, fratre tuo,
 Et C. Furnio poteris cognoscere. me autem impulit tui
 caritas, ut quanquam nec tibi ipsi consilium deesset, et
 fratris, Furnijq; beneuolentia, fidelisq; prudentia tibi
 præsto esset futura, uellem tamen, meæ quoque aucto-
 ritatis, pro plurimis nostris necessitudinibus, præceptum
 ad te aliquod peruenire. crede igitur mihi Plance, om-
 nes, quos adhuc gradus dignitatis consecutus sis, (es au-
 tem adeptus amplissimos) eos honorum uocabula habi-
 tuos, non dignitatis insignia, nisi te cum libertate po-
 puli R. Et cum senatus auctoritate coniunxeris. seiun-
 ge te quæso aliquando ab ijs, cum quibus te non tuum
 iudicium, sed temporum uincula coniunxerunt. com-
 plures in perturbatione reip. cōsules dicti: quorum ne-
 mo consularis habitus, nisi qui animo extitit in rep.
 consulari. talem igitur te esse oportet, qui primum te
 ab impiorum ciuium, tui dissimillimorū, societate seiun-
 gas: deinde te senatui, bonisq; omnibus auctore, prin-

cipem, ducem præbeas: postremo, ut pacem esse iudices non in armis positis, sed in abiecto armorum, et seruitutis metu. hæc si & ages, & senties: tum eris non modo consul, & consularis, sed magnus etiam consul, & consularis. sin aliter: tum in istis amplissimis nominibus honorum non modo dignitas nulla erit, sed erit summa deformitas. hæc, impulsus beneuolentia, scripsi paulo seuerius. quæ tu in experiendo ea ratione, quæ te digna est, uera esse cognosces. XIII cal. Apr.

PLANCVS, IMP. CONS. DES.
CICERONI S. D.

Lura tibi de meis consilijs scriberem, rationēq;
P omnium rerum redderem uerbosius, quo magis iudicares omnia me reip. præstitisse, quæ & tua exhortatione excepti, & mea affirmatione tibi recepi: (non minus enim a te probari, quàm diligi, semper uolui: nec te magis in culpa defensorem mihi parauimus, quàm prædicatorem meritorum meorum esse uolui) sed breuiorem me duæ res faciunt: una, quod publicis literis omnia sum persecutus: altera, quod M. Variis dium, equitem Romanum, familiarem meum: ad te ipsum transire iussi, ex quo omnia cognoscere posses. non medijsfidijs mediocri dolore afficiebar, cum alij occupare possessionē laudis uiderentur: sed usque mihi temperaui, dum perducerem eò rem, ut dignum aliis quid & consulatu meo, & uestra expectatione efficerem. quod spero, si me fortuna non fefellerit, me consecuturum: ut maximo præsidio reip. nos fuisse & nunc

sentiant homines, & in posterum memoria teneant.
 A te peto, ut dignitati meae suffrageris; & quarum
 rerum spe ad laudem me uocasti, harum fructu in reli-
 quum facias alacriorē. non minus posse te, quā uelle,
 exploratum mihi est. Fac ualeas, meq; mutuo diligas.

L. PLANCVS, IMP. CONS. DES. S. D.
 CONS. . PRAETT. TRIBB. PL.
 S. P. PL. Q. R.

I cui forte uideor diutius & hominum expe-
 ctationem, & spem reip. de mea uoluntate
 tenuisse suspensam, huic prius excusandum
 me esse arbitror, quā de insequenti officio quidquam
 ulli pollicendum: non enim praeferitam culpam uideri
 uolo redemisse, sed optimae mentis cogitata lapridem,
 maturo tempore enunciare. Non me praeteribat, in tan-
 ta solitudine hominum, & tam perturbato statu ciui-
 tatis fructuosissimam esse professionem bonae uolunta-
 tis: magnosq; honores ex ea re complures consecutos ui-
 debam. sed cum in eum casum me fortuna demisisset, ut
 aut celeriter pollicendo magna in spe ad proficiendum
 impedimenta opponerem; aut, si in eo mihi temperauis-
 sem, maiores occasiones ad opitulandum haberem: ex-
 peditius iter communis salutis, quā meae laudis, esse
 uolui. nam quis in ea fortuna, quae mea est, & ab ea
 uita, quam in me cognitam hominibus arbitror, &
 cum ea spe, quam in manibus habeo, aut sordidum
 quidquam pati, aut perniciosum concupiscere potest?
 sed aliquantum nobis temporis, & magni laboris, &
 multa impensae opus fuit, ut, quae reip. bonisq; omni-

bus polliceremur, exitu præstaremus; neque ad auxi-
 lium patriæ nudi cum bona uoluntate, sed cum facul-
 tatibus accederemus. confirmandus erat exercitus no-
 bis, magnis sæpe præmijs sollicitatus; ut ab rep. potius
 moderata, quàm ab uno infinita speraret. confirman-
 da cōplures ciuitates, quæ superiore anno largitionibus,
 concessionibusq; præmiorum erant obligatæ; ut & illa
 uana putarent, & eadem à melioribus auctioribus pe-
 tenda existimarent. alliciendæ etiā uoluntates reliquo-
 rum, qui finitimis prouincijs, exercitibusq; præfuerūt,
 ut potius cum pluribus societatem defendendæ libertatis
 iniremus, quàm cum paucioribus funestam orbis terra-
 rum uictoriam pararemus. muniendi uero nosmet ipsi
 fuimus, aucto exercitu, auxilijsq; multiplicatis; ut
 cum præferremus sensus aperte, tum, etiā inuitis qui-
 busdam, sciri quid de fensuri essemus, non esset pericu-
 losum. itaque nunquā diffitebor, multa me, ut ad ef-
 fectum horum consiliorum peruenirem, & simulasse
 inuitum, & dissimulasse cum dolore: quod præmatu-
 ra denuntiatio boni ciuis imparati quàm periculosa es-
 set, ex casu collegæ uidebam. quo nomine etiam C. Fur-
 nio legato, uiro forti, atque strenuo, plura etiam uer-
 bo, quàm scriptura, mandata dedimus; ut & rectius
 ad uos perferrentur, & nos essemus tutiores: quibusq;
 rebus & communem salutem muniri, & nos armari
 conueniret, præcepimus. ex quo intelligi potest, curam
 reip. summæ defendendæ iam pridem apud nos excuba-
 re. nunc, cum deum benignitate ab omni re simus pa-
 ratiore, non solum bene sperare de nobis homines, sed
 explorate indicare uolumus. legiones habeo quinque sub

signis, & sua fide, uirtuteq; reip. coniunctissimas, et nostra liberalitate nobis obsequentes: prouinciam omnium ciuitatum consensu paratissimam, et summa contentione ad officia certantem: equitatus, auxiliorumq; tantas copias, quantas hæ gentes ad defendendâ suam salutem, libertatemq; conficere possunt. ipse ita sum animo paratus, uel prouinciâ tueri, uel ire quò resp. uocet, uel tradere exercitum, auxilia, prouinciâq; ut uel omnem impetum belli in me conuertere nō recusem, si modo meo casu aut confirmare patriæ salutem, aut periculum morari possim. hæc si, iam expeditis omnibus rebus, tranquilloq; statu ciuitatis, polliceor, in damno meæ laudis, reip. commodo letabor. sin ad societatem integerrimorum, & maximorū periculorum accedam: consilia mea æquis iudicibus ab obreftatione inuidorum defendenda commendo. mihi quidem ipsi fructus meritorum meorum in reip. incolumitate satis magnus est paratus. eos uero, qui meam auctoritatem, & multo magis uestram fidem secuti, nec ulla spe decipi, nec ullo metu terreri potuerunt, ut commensatos uobis habeatis, petendum uidetur. Valete.

PLANCUS, IMP. CONS. DES.

CICERONI S. P. D.

Nihil me tibi temere scripsisse, aut te cæteris de
me frustra recepisse, lator. certè hoc maius habes testimonium amoris mei, quo maturius tibi, quàm cæteris, consilia mea uolui esse nota. in dies uero meritorum meorum fieri accessiones, peruidere te

spero, cogniturum magis recipio. quod ad me attinet mi Cicero (ita ab imminetibus malis resp. me adiuuante liberetur) sic honores, præmiaq; uestra suspicio, conferenda certe cum immortalitate, ut sine his nihil de meo studio, perseverantiaq; sim remissurus: nisi in multitudine optimorum ciuium impetus animi mei fuerit singularis, & opera præcipua: nihil ad meam dignitatem accedere uolo suffragatione uestra. concupisco autem nihil mihi, contraq; ipse pugno. sed & temporis, & rei te moderatorem facile patior esse. NIHIL aut sero, aut exigue à patria ciui tributum potest uideri. Exercitum ad Vical. Maias Rhodanum traieci. magnis itineribus Viennam equites mille uia breuiore præmisi. ipse, si à Lepido non impediatur, celeritate satisfaciam. sin autem in itinere meo se opposuerit, ad tempus consilium capiam. copias adduco & genere, & numero, & fidelitate firmissimas. Te, ut diligas me, si mutuo te facturum id scis, rogo. Vale.

CICERO PLANCO, IMP.

CONS. DES. S. D.

Tsi satis ex Furnio nostro cognoueram, quæ
 E tua uoluntas, quod consilium de rep. esset:
 tamen lectis tuis literis, liquidius de toto sensu tuo iudicauī. quamobrem quanquam in uno prælio omnis fortuna reip. disceptat. quod quidem, cum hæc legeres, iam decretum arbitrabar fore: tamen ipsa fama, quæ de tua uoluntate percrebuit, magnam es laudem consecutus. itaque si consulem Romæ habuisse=

mus, declaratum esset à senatu cum tuis magnis honoribus, quàm gratus esset conatus, & apparatus tuus. cuius rei non modo non praterijt tempus, sed ne maturum quidem etiamnum meo quidem iudicio fuit. IS ENIM denique honos mihi uideri solet, qui non propter spem futuri beneficii, sed propter magna merita claris uiris defertur, & datur. quare, sit modo aliqua resp. in qua honos elucere possit: omnibus, mihi crede, amplissimis honoribus abundabis. IS AVTEM, qui uere appellari potest honos, non inuitamentum ad tempus, sed perpetuæ uirtutis est præmium. quamobrem mi Plance incumbe toto pectore ad laudem: subueni patriæ: opitulare collegæ: omnium gentium consensum, & incredibilem conspirationem adiuua. me tuorum consiliorum adiutorem, dignitatis fautorem, omnibus in rebus tibi amicissimum, fidelissimùmq; cognoscas: ad eas enim causas, quibus inter nos amore sumus, officijs, uetustate coniuncti, patriæ caritas accessit, eaq; effecit ut tuam uitam anteferrem meæ. IIII. cal. Apr.

PLANCUS CICERONI

S. P. D.

Immortales ago tibi gratias, agamq; dum uiuam: nam relaturum me, affirmare non possum: tantis enim tuis officijs non uideor mihi respondere posse: nisi forte, ut tu grauissime, discretissimeq; scripsisti, ita sensurus es, ut me referre gratiã putes, cum memoria tenebo. Si de filij tui dignitate esset

set actum, amabilius certe nihil facere potuisses. Primæ tuæ sententiæ infinitis cum muneribus, posteriores ad tempus arbitriumq; amicorum meorum composita, oratio assidua & perpetua de me, iurgia cum obrectatoribus propter me, notissima mihi sunt. quare non mediocris adhibenda mihi est cura, ut reip. me ciuem dignum tuis laudibus præstem, in amicitia tua memorem, atque gratum. quod reliquum est, tuum munus tuere: et me, si, quem esse uoluisti, cum exitu, rebusq; cognoscis, defende, ac suscipe. Cum Rhodanum copias traiecissem, fratremq; cū tribus millibus equitum præmissem, ipse iter ad Mutinam dirigerem: in itinere de prælio factō, Brutoq; & Mutina obsidione liberatis audiui. animaduerti nullum alium receptum Antonium, reliquiasq;, quæ cum eo essent, habere, nisi in his partibus: duasq; ei spes esse propositas; unam Lepidi, ipsius alteram exercitus: quod quadam pars exercitus non minus furiosa est, quàm qui cum Antonio fuerunt. equitatum reuocaui: ipse in Allobrogibus constiti, ut perinde ad omnia paratus essem, ac res me moneret. si nudus huc se Antonius conferet, facile mihi uideor per me sustinere posse, remq; publicam ex uestra sententiâ administrare, quamuis ab exercitu Lepidi recipiatur. si uero copiarum aliquid secum adducet, & si decima legio ueterana, quæ nostra opera reuocata cum reliquis est, ad eundem furorem redierit: tamen, ne quid detrimenti fiat, dabitur opera à me: idq; me præstaturum spero, dum isthinc copiae reijciantur, coniunctaq; nobiscum facilius perditos opprimant. hoc tibi spondeo mi Cicero, neque animum, neque dili-

gentiam mihi defuturam . cupio mehercule nullam reser-
 duam solitudinem esse : sed si fuerit , nec animo , nec
 benevolentia , nec patientia cuiusquam pro uobis cen-
 dam . do quidem ego operam , ut etiam Lepidum ad hu-
 ius rei societatem incitem : omniaq; ei obsequia polliceor ,
 si modo remp. respicere uolet . utor in hac re adiutori-
 bus , interpretibusq; fratre meo , & Laterense , & Fur-
 nio nostro . non me impediunt priuatae offensiones , quo-
 minus pro reip. salute etiam cum inimicissimo consen-
 tiam . quod si nihil profecero , nihilo minus maxima
 sum animo , & maiore fortasse cum mea gloria uobis
 satisfaciam . Fac ualeas , meq; mutuo diligas .

CICERO PLANCO, IMP. CONS. DES. S.

Tsi reip. causa maxime gaudere debeo , tan-
 E tum ei te praesidij , tantum opis attulisse extre-
 mis pene temporibus : tamen , ita te uictorem
 complectar rep. recuperata , ut magnam partem mihi
 laetitiae tua dignitas affert : quam & esse iam , & fus-
 turam amplissimam intelligo . caue enim putes , ullas li-
 teras unquam gratiores , quam tuas , in senatu esse re-
 citatas . idq; contigit tum meritorum tuorum in remp.
 eximia quadam magnitudine , tum uerborum , senten-
 tiarumq; grauitate . quod mihi quidem minime nouum ,
 qui & te nossem , & tuarum literarum ad me missarum
 promissa meminissem , & haberem à Furnio no-
 stro tua penitus consilia cognita : sed senatui maiora
 uisa sunt , quam erant expectata : non quod unquam
 de tua uoluntate dubitasset : sed nec quantum facere

posses, nec quò progredi uelles, exploratum satis habebat. itaque cum ad VII. id. Apr. mane mihi tuas literas M. Varisidius reddidisset, easq; legissem, incredibili gaudio sum elatus. cumq; magna multitudo optimorum uirorum, & ciuium me de domo deduceret, feci continuo omnes participes meae uoluptatis. interim ad me uenit Munatius noster, ut consueuerat: et ego ei literas tuas ostendi: nihil dum enim sciebat: nam ad me primum Varisidius: idq; sibi à te mandatum esse dicebat. paulo post idem mihi Munatius eas literas legendas dedit, quas ipsi miseras, & eas, quas publice placuit nobis, ut statim ad Cornutum, prætorem urb. literas deferremus, qui, quòd consules aberant, consulare munus sustinebat more maiorum. senatus est continuo conuocatus, frequensq; conuenit, propter famam, atque expectationem tuarum literarum. recitatis literis, oblata religio Cornuto est, pullariorum admonitu, non satis diligenter eum auspicijs operam dedisse. idq; à nostro collegio comprobatum est. itaque res dilata est in posterum. eo autem die magna mihi fuit pro tua dignitate contentio cum Seruilio. qui cum gratia effecisset, ut sua⁹ sententia prima pronunciaretur: frequens eum senatus reliquit, & in alia omnia discessit: meaq; sententiae, quae secunda pronunciata erat, cum frequens assentiretur senatus, rogatu Seruili P. Titius intercessit. res in posterum dilata. uenit paratus Seruilius, ionui ipsi iniquus, cuius in templo res agebatur. hunc quemadmodum fregerim, quantaq; contentione Titium intercessorem abiecerim, ex aliorum te literis malo cognoscere: unum hoc ex meis: senatus grauior, con-

stantior, amicior tuis laudibus esse non potuit, quàm
 tum fuit. nec uero tibi senatus amicior, quàm cuncta
 ciuitas: mirabiliter enim populus R. uniuersus, & om
 nium generum, ordinumq; consensus ad liberandam
 remp. conspirauit. perge igitur, ut agis, nomenq; tuum
 commenda immortalitati; atque hæc omnia, quæ hæ
 bent speciem gloriæ, collecta inanissimis splendoris insi
 gnibus, contemne; breuia, fugacia, caduca existima.
 uerum DECVS in uirtute positum est; quæ maxi
 me illustratur magnis in remp. meritis. eam faculta
 tem habes maximam. quam quando complexus es, &
 tenes; perface, ut ne minus resp. tibi, quàm tu reip. de
 beas. me tuæ dignitatis non modofautorem, sed etiam
 amplificatorem cognosces. id tum reip. quæ mihi est
 mea uita carior, tum nostræ necessitudini debere me iu
 dico. Atque in his curis, quas contuli ad dignitatem
 tuam, cepi magnam uoluptatem, quòd bene cognitam
 mihi T. Munatiij prudentiam, & fidem, magis etiam
 perspexi in eius incredibili erga te beneuolentia, & di
 ligentia. III. id. Apr. Vale.

CICERO PLANCO, IMP.

CONS. DES. S. P. D.

T primum potestas data est augendæ digni
 V tatis tuæ, nihil prætermisi in te ornando, quod
 positum esset aut in præmio uirtutis, aut in
 honore uerborum. id ex ipso S. C. poteris cognoscere:
 ita enim est perscriptum, ut à me de scripto dicta sena
 tentia est: quam senatus frequens secutus est summo

studio, magnoq; consensu. ego quanquam ex tuis literis, quas mihi misisti, perspexeram, te magis iudicio bonorum, quam insignibus gloria, delectari: tamen considerandum nobis existimaui, etiam si tu nihil postulas, quantum tibi à rep. deberetur. tu contexes extrema cum primis: qui enim M. Antonium oppresserit, is bellum confecerit. itaque Homerus non Aiace, nec Achillem, sed Ulysssem appellauit *Πολίπορος*. Vale.

CICERO PLANCO, IMP.

CONS. DES. S. D.

Gratam famam biduo ante uictoria, de subsidio tuo, de studio, de celeritate, de copijs. atque qui, etiam hostibus fuis, spes omnis in te est: fugisse enim ex praelio Mutinensi dicuntur notissimi latronum duces. EST autem non minus gratum extrema delere, quam prima depellere. equidem expectabam tuas literas, idq; cum multis; sperabamq; etiam Lepidum temporibus admonitum tecum, et reip. satis esse facturum. in illam igitur curam incumbere mi Plance, ne qua scintilla teterrimi belli relinquatur. quod si erit factum: et rep. diuino beneficio affeceris, et ipse aeternam gloriam consequere. III. id. Maij. Vale.

PLANCVS IMP. CICERONI S. D.

Is literis scriptis, quæ postea accidissent, scire te, ad rep. putauì pertinere. Sedulitas mea, ut spero, et mihi, et reip. tulit fructum: nanque assiduus internuncijs cum Lepido egi, ut, omis-

sa omni contentione, reconciliatâq; uoluntate nostra, communi consilio reip. succurreret: se, liberos, urbem pluris, quàm unum perditum abiectumq; latronem, putaret: obsequioq; meo, si ita faceret, ad omnes res abuteretur. profeci itaque per Laterensem internuntium: fidem mihi dedit, se Antonium, si prohibere sua prouincia non potuisset, bello persecuturum: me, ut uenirem, copiasq; coniungerem, rogauit, eoq; magis, quòd & Antonius ab equitatu firmus esse dicebatur, & Lepidus ne mediocrem quidem equitatum habebat: nam etiam ex paucitate eius, non multis ante diebus, decem, qui optimi fuerant, ad me transierunt. quibus rebus ego cognitis, cunctatus non sum; in cursu bonorum consiliorum Lepidum adiutuandum putavi. aduentus meus quid profecturus esset, uidi: uel quòd equitatu meo persequi, atque opprimere equitatum eius possem: uel quòd exercitus Lepidi eam partem, quæ corrupta est, & ab rep. alienata, & corrigere, & coercere præsentia mei exercitus possem. itaque in Isara, flumine maximo, quod in finibus est Allobrogum, ponte uno die facto, exercitum ad IIII. id. Martij traduxi. cum uero mihi nuntiatum esset, L. Antonium præmissum cum equitibus, & cohortibus ad Forum Iulij uenisse: fratrem cum equitum quatuor millibus, ut occurreret ei, misi ad prid. id. Maij: ipse maximis itineribus cum quatuor legionibus expeditis, & reliquo equitatu subsequar. si nos mediocris modo fortuna reip. adiuuerit: & audaciæ perditorum, & nostræ sollicitudinis hic finem reperiemus. quòd si latro, præcognito nostro aduentu, rursus in Italiam se reci-

pere coeperit : Bruti erit officium, occurrere ei : cui scio nec consilium, nec animum defuturum . ego tamen, si id acciderit, fratrem cum equitatu mittam, qui sequatur, Italiamq; à vastatione defendat . Fac ualeas, meq; mutuo diligas .

CICERO PLANCO S. D.

Nihil post hominum memoriam gloriosius, nī
 Nihil gratius, ne tempore quidem ipso oppor-
 tunius accidere uidi, quàm tuas Plance litem-
 ras : redditæ sunt enim frequenti senatu Cornuto, cum
 is frigidas sane, & inconstantes recitasset lūteras Le-
 pidi . sub eas statim recitatæ sunt tuæ, non sine ma-
 gnis quidem clamoribus : cum rebus enim ipsis essent,
 & studijs, beneficijs in remp. gratissimæ ; tum erant
 grauissimis uerbis, & sententijs . flagitare senatus in-
 stitit Cornutum, ut referret statim de tuis literis . ille se
 considerare ait uelle . cum ei magnum conuulcium fie-
 ret cuncto à senatu, quinque tribuni pl. retulerunt .
 Seruilius rogatus rem distulit . ego eam sententiam di-
 xi, cui sunt assensi ad unum . ea quæ fuerit, ex S. C.
 cognosces : Tu, quanquam consilio non eges, uel abun-
 das potius, tamen hoc animo esse debes, ut nihil huc rei-
 cias, ne uē in rebus tam subitis, tamq; angustis à se-
 natu consilium petendum putes . ipse tibi sis sena-
 tus . quocunque te ratio reip. ducet, sequare . cur-
 res, ut ante factum aliquod à te egregium audia-
 mus, quàm futurum putarimus . illud tibi promit-
 to, quidquid erit à te factum, id senatum non modo

EPIST. LIB. IX. CIA
ut fideliter, sed etiam ut sapienter factum compro-
baturum. Vale.

PLANCVS IMP. CICERONI. S. D.

Ntonius id. Maij ad Forum Iulij cum primis
A copijs uenit. Ventidius bidui spatio abest ab
eo. Lepidus ad forum Voconij castra habet.
qui locus à Foro Iulij quatuor et uiginti millia passuum
abest: ibiq; me expectare constituit, quemadmodum
ipse mihi scripsit. quod si omnia mihi integra & ipse, et
fortuna seruauerit: recipio uobis, celeriter me negotium
ex sententia confecturum. Fratrem meum, assiduis la-
boribus, concursationibusq; confectum, grauiter se ha-
buisse, antea tibi scripsi. sed tamen cum primum posse
ingredi coepit; non magis sibi, quam reip. conualuisse
se existimans, ad omnia pericula princeps esse non recu-
sabat. sed ego eum non solum hortatus sum, uerum et-
iam coegi isto proficisci: quod illa ualetudine magis con-
ficere se, quam me tueri posset in castris: et quod acra-
bissimo interitu consulum temp. nudatam, tali ciue præ-
tore in urbanis officijs indigere existimabam. quod si
quis uestrum non probabit, mihi prudentiam in consilio
defuisse sciat, non illi erga patriam fidelitatem. Lepi-
dus tandem, quod ego desiderabam, fecit, ut Appellam
ad me mitteret, quo obside fide illius, et societatis in rep.
administranda uterer. studium in ea re suum mihi L.
Gellius; de tribus fratribus, Segaulano probauit: quo
ego interprete nouissime ad Lepidum sum usus. amicū
eum rep. cognoscere uideor: libenterq; ei sum testis

monio, et omnibus ero, qui bene merentur. Fac ualeas, meque mutuo diligas, dignitateque meam, si mereor, tuearis, sicut adhuc singulari cum beneuolentia fecisti.

PLANCVS CICERONI S.

Quid in animo habuerim, cum Leuius, Neruaque discesserunt a me, et ex literis, quas eis dedi, et ex ipsis cognoscere potuisti, qui omnibus rebus, consiliisque meis interfuerunt. accidit mihi, quod homini pudenti, et cupido satisfaciendi reip. bonisque omnibus accidere solet; ut consilium sequeretur periculosum magis, dum me probarem, quam tutum, quod habere posset obreftationem. itaque post discessum legatorum cum binis continuis literis et Lepidus me, ut uenirem, rogaret; et Laterensis multo etiam magis, prope implorans, obtestaretur, nullam rem aliam extimescens, quam eandem, quae mihi quoque facit timorem, uarietatem, atque infidelitatem exercitus eius: non dubitandum putauit, quin succurrerem, meque communi periculo offerrem: sciebam enim: et cautius illud erat consilium, expectare me ad Isaram, dum Brutus traiceret exercitum, et cum collega consentiente, sicut milites faciunt, hostibus obuiam ire. tamen, si quid Lepidus bene sentiens detrimenti cepisset, hoc omne assignatum iri aut pertinaciae meae, aut timori uidebam, si aut hominem offensum mihi, coniunctum cum reip. non subleuassem; aut ipse a certamine belli tam necessarij me remouissem. itaque potius periclitari uolui, si possem mea praesentia et Lepidum tueri, et exercitum

facere meliorem, quàm nimis cautus uideri. sollicitiorē certe hominem non suis contractis neminem puto fuisse. nam quæ res nullam habebat dubitationem; si exercitus Lepidi absit, ea nunc magnam affert solitudinē, magnumq; habet casum. mihi enim si contigisset, ut prior occurrerem Antonio; non mehercule horam constitisset: tantum ego & mihi confido, & sic perculsas illius copias, Ventidijq; Mulionis castra despicio. sed nō possum non exhorrescere, si quid intra cutem subest uulneris: quod prius nocere potest, quàm sciri, curariq; possit. sed certe, nisi uno loco metaremur, magnum periculū ipse Lepidus, magnum ea pars exercitus adiret, quæ bene de rep. sentit. magnam etiam perditionem accessorem sibi fecissent, si quas copias à Lepido abstraxissent. quæ si aduentus meus reprefferit, agam gratias fortunæ, constantiaq; meæ, quæ me ad hanc experientiam excitauit. itaque ad XII. cal. Iun. ab Isara castra moui: pontem tamen, quem in Isara fecerā, castellis duobus ad capita positis reliqui; præsidiaq; ibi firma posui; ut uenienti Bruto, exercituiq; eius sine mora transitus esset paratus. ipse, ut spero, diebus octo, quibus has literas dabam, cum Lepidi copiis me coniungam. Vale.

CICERO PLANCO IMP. S. D.

Vanquam gratiarum actionem à te non desiderabam, cum te re ipsa, atque animo scire esse gratissimum: tamen (fatendū est enim) fuit ea mihi periucunda. sicut enim uidi, quasi ea quæ oculis cernuntur, me à te amari. dices, Quid antea ē

Semper quidem, sed nunquam illustrius. Literæ tuæ mirabiliter gratae sunt senatui cū rebus ipsis, quæ erant grauissimæ, & maximæ, fortissimi animi, summiq; consilij; tum etiam grauitate sententiarum, atque uerborum. sed mi Plance incumbe, ut belli extrema perficias. in hoc erit summa & gratia, & gloria. cupio omnia reip. causa: sed mehercule in ea conseruanda iā defatigatus, non multo plus faueo patriæ, quàm tuæ gloriæ: cuius maximam facultatem tibi dii immortales, ut spero, dedere: quam complectere, obsecro. qui enim Antonium oppresserit, is hoc teterrimum bellum, periculosissimumq; confecerit. Vale.

CICERO PLANCO S. D.

Ta erant omnia, quæ isthinc afferebantur,
 I incerta, ut, quid ad te scriberem, non occurreret. modo enim, quæ uellemus, de Lepido; modo contra nunciabantur. de te tamē constans fama, nec decipi posse, nec uinci. quorū alterius fortuna partem habet quandam: alterum proprium est prudentiæ tuæ. sed accepi literas à collega tuo, datas idibus Maij: in quibus erat, te ad se scripsisse, à Lepido non recipi Antonium. quod erit certius, si tu ad nos idem scripseris. sed minus audes fortasse propter inanem lætitiā litterarum superiorum. uerum ut errare mi Plance potuisti: (quis enim id effugerit?) sic, decipi te non potuisse, quis non uidet? nunc uero etiam erroris causa sublata est: culpa enim illa, BIS ad eundem, uulgari rephensa prouerbio est. sin, ut scripsisti ad collegam, ita se res habet: omni cura liberati sumus, nec

tamen erimus prius, quàm, ita esse, tu nos feceris certiores. mea quidem, ut ad te sæpius scripsi, hæc sententia est: qui reliquias huius belli oppresserit, eum totius belli confectorem fore: quem te et opto esse, et confido futurum. studia mea erga te, quibus certe nulla esse maiora potuerunt, tibi tam grata esse, quàm ego putavi fore, minime miror, vehementerq; lætor. quæ quidem tu, si recte isthic erit, maiora, et graviora cognosces. IIII. cal. Iun.

PLANCVS CICERONI S.

Vderet me inconstantia mearum literarum, si
P non hæc ex aliena leuitate penderent. omnia
 feci, quare, Lepido coniuncto ad remp. defendendam, minore sollicitudine uestra perditis resisterem. omnia ei et petenti recepi, et ultro pollicitus sum: scripsiq; tibi biduo ante, confidere me bono Lepido esse usurum, communiq; consilio bellum administraturum. credidi chirographis eius, affirmationi præsentis Latensis, qui tum apud me erat, reconciliaremq; me Lepido, fidemq; haberem, orabat. non licuit diutius bene de eo sperare. illud certe caui, et cauebo, ne mea credulitate reip. summa fallatur. cum Isaram flumē, uno die ponte confecto, exercitum traduxissem, pro magnitudine rei celeritatem adhibēs, quod petierat per literas ipse, ut maturarem uenire: præsto mihi fuit stator eius cum literis, quibus, ne uenirem, denunciabat: se posse cōficere per se negotium: interea ad Isaram expectarem. indicaba temerarium meum consilium tibi: nihilo minus ire decreueram, existimans eum sociū glo-

riæ vitare. putabam posse me nec de laude ieiuni homi-
 nis delibare quidquam, & subesse tamen propinquis
 locis, ut, si durius aliquid esset, succurrere celeriter pos-
 sem. ego non malus homo hoc suspicabar. at Laterensis,
 uir sanctissimus, suo chirographo mittit mihi literas,
 meisq; , desperans de se, de exercitu, de Lepidi fide,
 querensq; se destitutum: in quibus aperte denunciat,
 uideam ne fallar: suam fidem solutam esse: reip. ne
 desim. exemplar eius chirographi Titio dedi. ipsa chi-
 rographa omnia, & quibus credidi, & ea, quibus fide-
 dem non habendam putavi, Lauro Cispio dabo perferen-
 da, qui omnibus his interfuit rebus. accessit eo, ut mi-
 lites eius, cum Lepidus concionaretur, improbi per se,
 corrupti etiam per eos, qui præsunt, Canidios, Rufre-
 nosq; , & ceteros, quos, cum opus erit, scietis, concla-
 marint uiriboni, pacem se uelle, neque esse cum ullis
 pugnatu-
 ros, duobus iam consulibus singularibus occi-
 sis, tot ciuibus pro patria amissis, hostibus denique om-
 nibus iudicatis, bonisq; publicatis. neque hoc aut uin-
 dicarat Lepidus, aut sanarat. huc me uenire, & duo-
 bus exercitibus coniunctis obicere exercitum fidelissi-
 mum, maxima auxilia, principes Galliae, prouinciā
 cunctā, summā dementiae, & temeritatis esse uidi;
 mihiq; , si ita oppressus essem, remq; pub. mecum per-
 didissem, mortuo non modo honorem, sed misericordiā
 quoque defuturam. itaque rediturus sum: nec tanta
 munera perditis hominibus dari posse sinam. exercitum
 locis ut habeam opportunis, prouinciā tuear, etiam
 si ille exercitus desciuerit, omnia ut integra seruem,
 dabo operam, quoad exercitus huc summittatis, pariq;

EPIST. LIB. X.

felicitate temp. hic vindicetis. nec depugnare, si occasio tulerit; nec obsideri, si necesse fuerit; nec mori, si casus inciderit, pro vobis paratior fuerit quisquam. quare hortor te mi Cicero, exercitum huc traiciendum quamprimum cures, & matures prius, quàm hostes magis corroborentur, & nostri perturbentur. in quo si celeritas erit adhibita, resp. in possessione uictoriæ, delictis sceleratis, permanebit. Fac ualeas, meq; diligas. Fratrem meum tibi, fortissimum ciuem, & ad omnia paratissimum, excusam literis? qui ex labore in febriculam incidit assiduam, & satis molestam. cum primum poterit isthuc recurrere, non dubitabit, ne quo loco reip. desit. Meam dignitatem commendatam habeas, rogo. concupiscere me nihil oportet. habeo te & amantiissimū mei, & , quod optavi, summæ auctoritatis. tu uideris, quantum, & quando tuum munus apud me uelis esse. tantum te rogo, in Hirtij locum me subdas & ad tuum amorem, & ad meam obseruantiam.

CICERO PLANCO S.

I N te, & in collega omnis spes est, dijs approbantibus. concordia uestra, quæ senatui declarata literis uestris est, mirifice & senatus, & cuncta ciuitas delectata est. Quod ad me scripseras de re agraria: si consultus senatus esset, ut quisque de te honorificentissimam sententiam dixisset, eam secutus essem: qui certe ego fuisset: sed propter tarditatem sententiarum, moramq; rerum cum ea, quæ consulebantur, ad exitum non peruenirent, commo-

diffimum mihi, Plancoq; fratri uisum est, uti eo, quod ne nostro arbitratu componeretur, quis fuerit impedimento, arbitror te ex Planci literis cognouisse. sed siue in S. C. siue in cæteris rebus desideras aliquid, sic tibi persuade, tantam esse apud omnes bonos tui caritatem, ut nullum genus amplissimæ dignitatis excogitari possit, quod tibi non paratum sit. Literas tuas uehementer expecto, et quidem tales, quales maxime opto. Vale.

PLANCVS CICERONI S.

UNquam mehercule mi Cicero me poenitebit,
 N maxima pericula pro patria subire, dum, si
 quid acciderit mihi, à reprehensione temeritatis absim. confiterer imprudentia me lapsum, si unquam Lepido ex animo credidissem: CREDVLITAS enim error est magis, quam culpa; & quidem in optimi cuiusque mentem facillime irrepit. sed ego non hoc uitio pene sum deceptus: Lepidum enim pulchre norā. quid ergo est? pudor me, qui in bello maxime est periculosus, hunc casum coegit subire, nam nisi uno loco essemus, uerebar, ne cui obrectatorum uiderer & nimium pertinaciter Lepido offensus, & mea patientia etiam alere bellum. itaque copias prope in aspectum Lepidi, Antoniūq; adduxi; quadragintaq; millium passuum spatio relicto, confedi, eo consilio, ut uel celeriter accedere, uel salutariter recipere me possem. adiunxi hæc in loco eligendo, flumen oppositum, ut haberem, in quo mora transitus esset: Vocontij sub manu ut essent, per quorum loca mihi fideliter pateret iter. Lepidus, despe-

felicitate remp. hic uindicetis. nec depugnare, si occasio tulerit; nec obsideri, si necesse fuerit; nec mori, si casus inciderit, pro uobis paratior fuerit quisquam. quare hortor te mi Cicero, exercitum huc trañciendum quamprimum cures, & matures prius, quàm hostes magis corroborentur, & nostri perturbentur. in quo si celeritas erit adhibita, resp. in possessione uictoriae, deletis sceleratis, permanebit. Fac ualeas, meq; diligas. Fratrem meum tibi, fortissimum ciuem, & ad omnia paratissimum, excusam literis? qui ex labore in febriculam incidit assiduam, & satis molestatam. cum primum poterit isthuc recurrere, non dubitabit, ne quo loco reip. desit. Meam dignitatem commendatam habeas, rogo. concupiscere me nihil oportet. habeo te & amantissimũ mei, & quod optauì, summæ auctoritatis. tu uideris, quantum, & quando tuum munus apud me uelis esse. tantum te rogo, in Hirtij locum me subdas & ad tuum amorem, & ad meam obseruantiam.

CICERO PLANCO S.

N te, & in collega omnis spes est, dijs approbantibus. concordia uestra, quæ senatui declarata literis uestris est, mirifice & senatus, & cuncta ciuitas delectata est. Quod ad me scripseras de re agraria: si consultus senatus esset, ut quisque de te honorificentissimam sententiam dixisset, eam secutus essem: qui certe ego fuissẽ: sed propter tarditatem sententiarum, moramq; rerum cum ea, quæ consulebantur, ad exitum non peruenirent, commo-

diffimum mihi, Plancoq; fratri uisum est, uti eo, quod
ne nostro arbitratu componeretur, quis fuerit impedi-
mento, arbitror te ex Planci literis cognouisse. sed siue
in S. C. siue in cæteris rebus desideras aliquid, sic tibi
persuade, tantam esse apud omnes bonos tui caritatem,
ut nullum genus amplissimæ dignitatis excogitari pos-
sit, quod tibi non paratum sit. Literas tuas uehemen-
ter expecto, et quidem tales, quales maxime opto. Vale.

PLANCVS CICERONI S.

Unquam mehercule mi Cicero me poenitebit,
N maxima pericula pro patria subire, dum, si
quid acciderit mihi, à reprehensione temeriz-
tatis absim. confiterer imprudentia me lapsum, si un-
quã Lepido ex animo credidissem: CREDULITAS
enim error est magis, quàm culpa; & quidem in opti-
mi cuiusque mentem facillime irrepit. sed ego non hoc
uitio pene sum deceptus: Lepidum enim pulchre norã.
quid ergo est? pudor me, qui in bello maxime est perila-
culosus, hunc casum coegit subire, nam nisi uno loco es-
semus, uerebar, ne cui obtreñtatorum uiderer & nimium
pertinaciter Lepido offensus, & mea patientia etiam
alere bellum. itaque copias prope in aspectum Lepidi,
Antonijq; adduxi; quadragintaq; millium passuum
spatio relicto, confedi, eo consilio, ut uel celeriter accede-
re, uel salutariter recipere me possem. adiunxi hæc in
loco eligendo, flumen oppositum, ut haberem, in quo
mora transitus esset: Vocontij sub manu ut essent, per
quorum loca mihi fideliter pateret iter. Lepidus, despe-

rato aduentu meo, quem non mediocriter captabat, se cum Antonio coniunxit ad IIII. cal. Iun. eodemq; die ad me castra mouerunt. uiginti millia passuum cum abessent, res mihi nunciata est. dedi operam deum benignitate, ut & celeriter me reciperem, & hic discessus nihil fugæ simile haberet, non miles ullus, non eques, non quidquam impedimentorum amitteretur, aut ab illis furentibus latronibus interciperetur. itaque pridie non. Iun. omnes copias Isaram traieci, ponteq; quos feceram, interrupi; ut & spatium ad se colligendum homines haberent, & ego me interea cum collega coniungerem; quem triduo, cum has dabam literas, expectabam. Laterensis nostri & fidem, & animum singulararem in remp. semper fatebor. sed certe nimia eius indulgentia in Lepidum, ad hæc pericula perspicunda fecit eum minus sagacem. qui quidem, cum in fraudem se deductum uideret, manus, quas iustius in Lepidi perniciem armasset, sibi afferre conatus est. in quo casu tamen interpellatus, adhuc uiuit, & dicitur uieturus. sed tamen de hoc mihi parum certum est. ego magno cum dolore parricidarum elapsus sum ijs: ueniebant enim eodem furore in me, quo in patriam, in a citati. iracundias autem harum rerum recentes habebant, quod Lepidum castigare non destiteram, ut extingueret bellum: quod colloquia facta improbabam: quod legatos, fide Lepidi missos ad me, in conspectum uenire uetueram: quod C. Catinium Vestinum trib. mil. missum ab Antonio ad eum cum literis, exceperam. in quo hanc capio uoluptatem, quod certe, quo magis me petuerunt, tanto maiorem ijs frustratio dolorē attulit.

Tu mi Cicero, quod adhuc fecisti, idem presta, ut uigilanter, neruoseq; nos, qui sumus in acie, subornes. ueniat Caesar cum copijs, quas habet firmissimas: aut, si ipsum aliqua res impedit, exercitus eius mittatur: cuius ipsius magnum periculum agitur. quidquid alia quando futurum fuit in castris perditorum contra patriam, hoc omne iam conuenit. pro urbis uero salute cur non omnibus facultatibus, quas habemus, utamur? quod si uos isthic non defueritis, profecto, quod ad me attinet, omnibus rebus abunde reip. satisfaciam. Te quidem mi Cicero in dies mehercule habeo cariorum: solitudinesq; meas quotidie magis tua merita exacuunt, ne quid aut ex amore, aut ex iudicio tuo perdam. opto, ut mihi liceat iam presenti pietate meorum officiorum tua beneficia tibi facere iucundiora. Vale. VIII. idus Iun. Cinarone, ex finibus Allobrogum.

PLANCVS, IMP. CONS. DES.

CICERONI S. D.

Acerè non possum, quin in singulas res, meam
 F - ritamq; tua tibi gratias agam: sed mehercule
 facio cum pudore: neque enim tanta necessitudo, quantam tu mihi tecum esse uoluisti, desiderare uidetur gratiarum actionem: neque ego lubenter pro maximis tuis beneficijs tam uili munere defungor orationis; & malo praesens obseruantia, indulgentia, assiduitate memorem me tibi probare. quod si mihi uita contigerit, omnes gratas amicitias, atque etiam pias propinquitates in tua obseruantia, indulgentia, assiduitate uincam: amor enim tuus, ac iudicium de me uirum

mihi plus dignitatis in perpetuum, an uoluptatis quoti-
 tidie sit allaturus, non facile dixerim. De militum com-
 modis fuit tibi curæ: quos ego non potentia meâ causa
 (nihil enim me non salutariter cogitare scio) ornari uo-
 lui à senatu; sed primum, quòd ita meritos iudicabam;
 deinde, quòd ad omnes casus, coniunctiores rei p. esse uo-
 lebam; nouissime, ut ab omni omnium sollicitatione
 auersos eos, tales uobis præstare possem, quales adhuc
 fuerunt. Nos adhuc hic omnia integra sustinuimus.
 quod consilium nostrum; etsi, quanta sit auditas ho-
 minum, non sine causa, talis uictoriæ, scio; tamen uo-
 bis probari spero. non enim, si quid in his exercitibus sit
 offensum, magna subsidia resp. habet expedita, quibus
 subito impetui, ac latrocinio parricidarum resistat. co-
 pias uero nostras notas tibi esse arbitror. in castris meis
 legiones sunt ueteranæ tres, tironum uel luculentissi-
 ma ex omnibus una. in castris Bruti una ueterana
 legio, altera bima, octo tironum. ita uniuersus exerci-
 tus numero amplissimus est, firmitate exiguus. quan-
 tum autem in acie tironi sit committendum, nimium
 sæpe expertum habemus. ad hoc robur nostrorum exer-
 cituum siue Africanus exercitus, qui est ueteranus,
 siue Cæsaris accessisset, æquo animo summam temp. in
 discrimen deduceremus. aliquanto autem propius esse,
 quod ad Cæsarem attinet, uidebamus. nihil destiti
 eum literis hortari: neque ille intermisit affirmare, se
 sine mora uenire: cum interim auersum illum ab hac
 cogitatione, ad alia consilia uideo se contulisse. ego ta-
 men ad eum Furnium nostrum cum mandatis, literisq;
 misi, si quid forte proficere posset. scis tu mi Cicero,

quod ad Cæsaris amorem attinet, societatem mihi esse tecum: uel quòd in familiaritate Cæsaris, uiuo illo, iam tueri eum, et diligere mihi fuit necesse: uel quòd ipse, quoad ego nosse potui, moderatissimi, atque humanissimi fuit sensus: uel quòd ex tam insigni amicitia et mea, atque Cæsaris, hunc filij loco et illius, et uestro iudicio substitutum, non perinde habere mihi turpe uidetur. sed quicquid tibi scribo, dolenter mehercule magis, quàm inimice, facio. quòd uiuit Antonius hodie, quòd Lepidus undè est, quòd exercitus habent non contemnendos, quòd sperant, quòd audent; id omne Cæsari acceptum referre possunt. neque ego superiora repetam. sed ex eo tempore, quo ipse mihi professus est se uenire, si uenire uoluisset: aut oppressum iam bellum esset, aut in aduersissimam illis Hispaniam cum detrimento eorum maximo detrusum. quæ mens eum, aut quorum consilia à tanta gloria, sibi uero etiam necessaria, ac salutari auocarint, & ad cogitationem consulatus bimestris summo cum terrore hominum, et insulsa cum efflagitatione transtulerint, exputare non possum. multum in hac re mihi uidentur necessarij eius & reip. & ipsius causa proficere posse: plurimum, ut puto, tu quoque: cuius ille tanta merita habet, quanta nemo præter me: nunquam enim obliuiscar, maxima, ac plurima me tibi debere. de his rebus, ut exigeret cum eo, Furnio mandauì. quòd si, quantam debeo, habuero apud eum auctoritatem, plurimum ipsum iuvero. nos interea duriori conditione bellum sustinemus; quòd neque expeditissimam dimicationem putamus; neque tamen refugiendo commissuri sumus, ut maius detrimen-

tum Resp. accipere possit. quòd si aut Caesar se respexerit; aut Africanæ legiones celeriter uenerint; securos uos ab hac parte reddemus. Tu, ut instituisi, me diligas, rogo, proprièq; tuum esse, tibi persuadeas.
V. cal. Sext. ex castris.

M. CICERO C. FVRNIO S. P. D.

I interest, id quod homines arbitrantur, reip.
S te, ut instituisi, atque fecisti, nauare operam, rebusq; maximis, quæ ad extinguendas reliquias belli pertinent, interesse: nihil uideris melius, neque laudabilius, neque honestius facere posse: istamq; operam tuam, nauitatem, animum in remp. celeritati præturæ anteponendam censeo. nolo enim te ignorare, quantam laudem consecutus sis: mihi crede, proximam Planco, idq; ipsius Planci testimonio, præterea fama, scientiaq; omnium. quamobrem si quid operis tibi etiam nunc restat, id maximopere censeo persequendum: quid enim honestius? aut quid honesto anteponendum? sin autem satisfactum reip. putas: celeriter ad comitia, quando mature futura sunt, ueniendum censeo; dummodo ne quid hæc ambitiosa festinatio imminuat eius gloriæ, quam consecuti sumus. multi clarissimi uiri, cum reip. darent operam, annum petitionis suæ non obierunt. quod eo facilius nobis est, quòd non est annus hic tibi destinatus: ut, si ædilis fuisses, post biennium tuus annus esset. nunc nihil prætermittere uidebere usitati, & quasi legitimi temporis ad petendum. uideo autem, Planco consule, etsi etiam sine eo rationes expeditas haberes,

tamen splendidiorem petitionem tuam fore, si modo ista ex sententia confecta essent. omnino plura me scribere, cum tuum tantum consilium, iudiciūq; sit, non ita necesse arbitrabar: sed tamen sententiam meam tibi ignotam esse nolebam. cuius est hæc summa, ut omnia te metiri dignitate malim, quàm ambitione, maioremq; fructum ponere in perpetuitate laudis, quàm in celeritate præturæ. hæc eadem locutus sum domi meæ, adhibito Quinto, fratre meo, & Cæcina, & Calpurnio, studiosissimis tui, cum Dardanus, libertus tuus, interesset. omnibus probari uidebatur oratio mea: sed tu optime iudicabis. Vale.

M. CICERO C. FURNIO S. P. D.

Estis tuis literis, quibus declarabas aut omittendos Narbonenses, aut cum periculo dimittendum; illud magis timui, quod uitatum non moleste fero. Quod de Planci, & Bruti concordia scribis, in eo uel maximam spem pono uictoriæ. De Gallorum studio, nos aliquando cognoscemus, ut scribis, cuius id opera maxime excitatum sit: sed iam, mihi crede, cognouimus. itaque incundissimis tuis literis stomachatus sum in extremo. scribis enim, si in Sextilem comitia, cito te: si iam confecta, citius, ne diutius cum periculo fatuus sis. o mi Fūrni, quàm tu causam tuam non nosti, quā alienas tam facile discas. tu nunc candidatū te putas, et id cogitas, ut aut ad comitia curaras; aut, si iam confecta, domi tuæ sis, scilicet ne cum maximo periculo, ut scribis, stultissimus sis. nō arbitror

tum Resp. accipere possit. quod si aut Caesar se respexerit; aut Africanæ legiones celeriter uenerint; securos uos ab hac parte reddemus. Tu, ut instituisti, me diligas, rogo, proprièq; tuum esse, tibi persuadeas.
V. cal. Sext. ex castris.

M. CICERO C. FVRNIO S. P. D.

I interest, id quod homines arbitrantur, reip.
S te, ut instituisti, atque fecisti, nauare operam, rebusq; maximis, quæ ad extinguendas reliquias belli pertinent, interesse: nihil uideris melius, neque laudabilius, neque honestius facere posse: istamq; operam tuam, nauitatem, animum in remp. celeritati præturæ anteponendam censeo. nolo enim te ignorare, quantam laudem consecutus sis: mihi crede, proximam Planco, idq; ipsius Planci testimonio, præterea fama, scientiaq; omnium. quamobrem si quid operis tibi etiam nunc restat, id maximopere censeo persequendum: quid enim honestius? aut quid honesto anteponendum? sin autem satisfactum reip. putas: celeriter ad comitia, quando mature futura sunt, ueniendum censeo; dummodo ne quid hæc ambitiosa festinatio imminuat eius gloriæ, quam consecuti sumus. multi clarissimi uiri, cum reip. darent operam, annum petitionis suæ non obierunt. quod eo facilius nobis est, quod non est annus hic tibi destinatus: ut, si ædilis fuisses, post biennium tuus annus esset. nunc nihil prætermittere uidebere usitati, & quasi legitimi temporis ad petendum. uideo autem, Planco consule, etsi etiam sine eo rationes expeditas haberes,

tamen splendidiorē petitionem tuam fore, si modo ista ex sententia confecta essent. omnino plura me scribere, cum tuum tantum consilium, iudiciūq; sit, non ita necesse arbitrabar: sed tamen sententiam meam tibi ignotam esse nolebam. cuius est hæc summa, ut omnia te metiri dignitate malim, quàm ambitione, maioremq; fructum ponere in perpetuitate laudis, quàm in celeritate præturæ. hæc eadem locutus sum domi meæ, adhibito Quinto, fratre meo, & Cæcina, & Caluissio, studiosissimis tui, cum Dardanus, libertus tuus, interesset. omnibus probari uidebatur oratio mea: sed tu optime iudicabis. Vale.

M. CICERO C. FURNIO S. P. D.

ECTIS tuis literis, quibus declarabas aut omit-
tendos Narbonenses, aut cum periculo dimi-
candum; illud magis timui, quod uitatum
non moleste fero. Quod de Planci, & Bruticoncordia
scribis, in eo uel maximam spem pono uictoriæ. De
Gallorum studio, nos aliquando cognoscemus, ut scri-
bis, cuius id opera maxime excitatum sit: sed iam, mi-
hi crede, cognouimus. itaque incundissimis tuis literis
stomachatus sum in extremo. scribis enim, si in Sexti-
lem comitia, cito te: si iam confecta, citius, ne diutius
cum periculo fatuus sis. o mi Furni, quàm tu causam
tuam non nosti, qui alienas tam facile discas. tu nunc
candidatū te putas, et id cogitas, ut aut ad comitia cura-
ras; aut, si iam confecta, domi tuæ sis, scilicet ne cum
maximo periculo, ut scribis, stultissimus sis. nō arbitror

te ita sentire : omnes enim tuos ad laudem impetus non
ui. quod si, ut scribis, ita sentis : non magis te, quam
de te iudicium reprehendo meum. te adipiscendi magis
stratus leuissimi, & diuulgatissimi, si ita adipiscere, ut
plerique, præpropere festinatio abducat à tantis laudi-
bus, quibus te omnes in cœlum iure, et uere ferunt? sci-
licet id agitur, utrum hac petitione, an proxima prætor
fias, non ut ita de rep. mereare, omni honore ut dignif-
simus iudicare. utrum nescis, quam alte ascenderis; an
pro nihilo id putas? si nescis, tibi ignosco : nos in cul-
pa sumus. sin intelligis : ulla tibi est prætura uel offi-
cio, quod pauci, uel gloria, quam omnes sequuntur,
dulcior? hac de re et ego, et Caluissius, homo magni iu-
dicii, tuq; amantissimus, te accusamus quotidie : comi-
tia tamen, quando ex his pendes, quantum facere possu-
mus, quod multis de causis reip. arbitramur conducere,
in Ianuariū mensem protrudimus. Vince igitur, et uale.

M. CICERO M. LEPIDO S. P. D.

Quod mihi pro mea summa erga te beneuolen-
tia magnæ curæ est, ut quam amplissima di-
gnitate sis; moleste tuli; te senatui gratias
non egisse, cum esses ab eo ordine ornatus summis hono-
ribus. Pacis inter ciues conciliandæ te cupidum esse,
lætor. pacem eam si à seruitute seiungis, consules &
reip. & dignitati tuæ. sin ista pax perditum hominem
in possessionem impotentissimi dominatus restitutura
est: hoc animo scito, esse omnes sanos, ut mortem serui-
tuti anteponant. itaque sapientius, meo quidem iudi-
pi x

clo, facies, si te in istam pacificationem non interpones, quæ neque senatui, neque populo, neque cuiquam bono probatur. sed hæc audies ex alijs, aut certior fies literis. tu pro tua prudentia, quid optimum factu sit, uidebis.

M. CICERO C. TREBONIO S. D.

Vam uellem, ad illas pulcherrimas epulas me
 Q idibus Mart. inuitasses: reliquiarum nihil
 haberemus. at nunc cum his tantum negotij
 est, ut uestrum illud diuinum in rep. beneficium non
 nullam habeat querelam. quod uero à te, uiro optimo,
 seductus est, tuoq; beneficio adhuc uiuit hæc pestis: in-
 terdum, quod mihi uix fas est, tibi subtrascor: mihi
 enim negotij plus reliquisti uni, quam præter me omni-
 bus. ut enim primum post Antoni fœdissimum disces-
 sum senatus haberi libere potuit; ad illum animum
 meum reuerti pristinum, quem tu cum ciue acerrimo,
 patre tuo, in ore, & amore semper habuisti. nam cum
 senatum ad XIII. cal. Ian. tribuni pl. uocauissent;
 deq; alia re referrent; totam rep. sum complexus,
 egique acerrime; senatumq; iam languentem, & de-
 fessum, ad pristinam uirtutem, consuetudinemq; re-
 uocaui; magis animi, quam ingenij uiribus. hic dies,
 mea; contentio, atque actio spem primum populo R.
 attulit libertatis recuperandæ. nec uero ipse postea tem-
 pus ullum intermisi de rep. non cogitandi solum, sed
 etiam agendi. quod nisi res urbanas, actaq; omnia ad
 te perferri arbitrarer, ipse perscriberem. quanquam es-
 ram maximis occupationibus impeditus. sed illa cogno-
 sces ex alijs; à me pauca, & ea summam. Habemus

fortem senatum, consulares partim timidos, partim male sentientes. magnum damnum factum est in serui-
 L. Caesar optime sentit: sed, quod auunculus est, non acerrimas dicit sententias. consules egregij: præclarus D. Brutus: egregius puer Caesar: de quo spero equidem reliqua: hoc uero certum habeto, nisi ille ueteranos ce-
 leriter conscripsisset, legionesq; duæ de exercitu Antonij ad eius se auctoritatem contulissent, atque is oppositus esset terror Antonio, nihil Antonium sceleris, nihil crudelitatis præteriturum fuisse. hæc tibi, etsi audita esse arbitrabar, uolui tamen notiora esse. plura scribam, si plus otij habuero. Vale.

M. CICERO AMPIO S. D.

E meo studio erga salutem, et incolumitatem
 D tuam credo te cognoscere ex literis tuorum quibus me cumulatissime satisfecisse certo scio. nec ijs concedo, quanquam sunt singulari in te beneuolentia, ut te saluum malint, quam ego. illi mihi, necesse est, concedant, ut tibi plus, quam ipsi, hoc tempore prodesse possim. quod quidem nec destiti facere, nec desistam, et iam in maxima re feci, et fundamenta ieci salutis tuæ. tu fac bono animo, magnoq; sis, meq; tibi nullare defuturum esse confidas. Pridie non. Quint. Vale.

GALBA CICERONI S. D.

Ecimo septimo cal. Maij, quod die Pansa in ca-
 D stris Hirtij erat futurus, cum quo ego eram, (nam ei obuiam processeram millia passuum centum, quo maturius ueniret) Antonius legiones eduxit

duas, secundam, & quintamtrigesimam, & cohortes prætorias duas, unam suam, alteram Silani, & euocatorum partem. ita obuiam uenit nobis, quod nos quatuor legiones tironum habere solum arbitrabatur. sed noctu, quo tutius uenire in castra possemus, legionem Martiam, cui ego præesse solebam, & duas cohortes prætorias miserat Hirtilius nobis. cum equites Antonij apparuissent, contineri neque legio Martia, neque cohortes prætoriae potuerunt: quas sequi cœpimus coacti, quando eas retinere non poteramus. Antonius ad Forum Gallorum suas copias continebat: neque sciri uolebat, se legiones habere: tantum equitatum, & leuem armaturam ostendebat. posteaquam uidit se inuito legionem ire Pansa, sequi se, duas legiones iussit tironum. posteaquam angustias paludis, & siluarum transiimus, acies est instructa a nobis duodecim cohortium. nondum uenerant legiones duæ, cum repente Antonius in aciem suas copias de uico produxit, & sine mora concurrat. primo ita pugnatum est, ut acius non posset ex utraque parte pugnari. sed dexterius cornu, in quo ego eram cum Martiæ legionis cohortibus octo, impetu primo fugauerat legionem trigesimam quintam Antonij, ut amplius passus quingētos ultra aciem, quo loco steterat, processerit. itaque, cum equites nostrum cornu circūire uellent, recipere me cœpi, & leuem armaturam opponere Maurorum equitibus, ne auersos nostros aggrederentur. interim uideo, me esse inter Antonianos, Antoniumq; post me esse aliquanto. repente equum immisi ad eam legionem tironum, quæ ueniebat ex castris, scuto reiecto. Antoniani me insequi:

nostri pila cōijcere uelle. ita, nescio quo fato, sum seruatus, quòd cito sum à nostris cognitus. in ipsa Aemilia, ubi cohors Cæsaris prætoria erat, diu pugnatum est. cornu sinisterius, quod erat infirmius, ubi Martiæ legionis duæ cohortes erant, & cohors prætoria, pedem referre cœperunt, quòd ab equitatu circuibantur, quo uel plurimum ualeat Antonius. cum omnes se recepissent nostri ordines, recipere me nouissimus cœpi ad castra. Antonius, tanquam uictor, castra putauit se posse capere. quòd cum uenit, complures ibi amisit, nec egit quidquam. audita re, Hirtius cum cohortibus uiginti ueteranis redeunti Antonio in sua castra occurrit, copiasq; omnes eius deleuit, fugauitq; eodem loco, ubi erat pugnatum, ad Forum Gallorum. Antonius cum equitibus hora noctis quarta se in castra sua ad Mutinam recepit. Hirtius in ea castra redijt, unde Pansa exierat, ubi duas legiones reliquerat, quæ ab Antonio erant oppugnata. sic partem maiorem suarum copiarum Antonius amisit ueteranarum: nec id tamen sine aliqua iactura cohortium prætiorum nostrarum, & legionis Martiæ fieri potuit. Aquilæ duæ, signa sexaginta sunt relata Antonij. res bene gesta est. Ad XII cal. Maij, ex castris. Vale.

C. ASINIVS POLLIO
M. CICERONI S. P. D.

Inime mirum debet tibi uideri, nihil me scripsisse de rep. posteaquam itum est ad arma: nam saltus Castulonensis, qui semper tenuit nostros tabellarios, etsi nunc frequentioribus latrocinij

infestior factus est, tamen nequaquam tanta in mora
 est, quanta qui locis omnibus dispositi ab utraque par-
 te scrutantur tabellarios, & retinent. itaque nisi na-
 ue perlatae literae essent, omnino nescirem, quid isthic
 fieret. nunc uero nactus occasionem, posteaquam na-
 uigari coeptum est, cupidissime, & quam creberrime
 potero, scribam ad te. Ne mouear eius sermonibus,
 quem, tametsi nemo est qui uidere uelit, tamen nequa-
 quam perinde, ac dignus est, oderunt homines, pericu-
 lum non est: adeo est enim inuisus mihi, ut nihil non
 accerbum putem, quod commune cum illo sit: natura
 autem mea, & studia trahunt me ad pacis, & libera-
 tatis cupiditatem. itaque illud initium ciuili belli saepe
 defleui. cum uero non liceret mihi nullius partis esse,
 quia utrobique magnos inimicos habebam: ea castra
 fugi, in quibus plane tutum me ab insidijs inimici scie-
 bam non futurum, compulsus eò, quò minime uolea-
 bam; ne in extremis essem, plane pericula non dubi-
 tanter adiij. Caesarem uero, quòd me in tanta fortuna,
 modo cognitum, uetustissimorum familiarium loco ha-
 buit, dilexi: summa cum pietate, & fide. quae mea
 sententia gerere mihi licuit, ita feci, ut optimus quis-
 que maxime probarit. quod iussus sum eo tempore, id
 ita feci, ut appareret, inuito imperatum esse. cuius fa-
 cti iniustissima inuidia erudire me potuit, quam iucun-
 da libertas, et quam misera sub dominatione uita esset.
 ita, si id agitur, ut rursus in potestate omnia unius
 sint: quicumque is est, ei me profiteor inimicum: nec
 periculum est ullum, quod pro libertate aut refugiam,
 aut deprecer. sed consules neque S. C. neque literis suis

praeceperant mihi, quid facerem: unas enim post id.
 Mart. demum à Panfa literas accepi, in quibushorta-
 tur me, ut senatui scribam, me, & exercitum in po-
 testate eius futurum. quod, cum Lepidus concionare-
 tur, atque omnibus scriberet, se consentire cum Anto-
 nio, maxime contrarium fuit: nam quibus commeati-
 bus, inuito illo, per illius prouinciam legiones ducerem?
 aut, si cætera transissem, num etiam Alpes poteram
 transuolare, quæ præsidio illius tenerentur? adde huc,
 quòd perferri literæ nulla conditione potuerunt: sexcen-
 tis enim locis excutiuntur, deinde etiam retinentur à
 Lepido tabellarij. illud me Cordubæ pro concione dixisse,
 se, nemo uocabit in dubium, prouinciam me nulli, nisi
 qui à senatu missus uenisset, traditurum. nam de le-
 gione trigesima tradenda quantas habuerim contentio-
 nes, quid ego scribam? quæ tradita, quanto pro rep.
 infirmior futurus fuerim, quis ignorat? hac enim le-
 gione noli acrius, aut pugnacius quidquam putare esse
 se. quare me eum existima esse, qui primum pacis cu-
 pidissimus sim, (omnes enim ciues plane studeo esse sal-
 uos) deinde qui & me, & rep. uindicare in liberta-
 tem paratus sim. Quòd familiarem meum in tuo-
 rum numero habes, opinione tua mihi gratius est. in-
 uideo illi tamen, quod ambulat, & iocatur tecum.
 quæres, quanti aestimem. si unquam licuerit uiuere in
 otio, experieris: nullum enim uestigium abs te disces-
 surus sum. illud uehementer admiror, non scrip-
 sisse te mihi, manendo in prouinciâ ne, an ducendo exer-
 citum in Italiam, reip. magis satisfacere possim. ego
 quidem, etsi mihi tutius, ac minus laboriosum est ma-

nere; tamen quia uideo tali tempore multo magis legionibus opus esse, quàm provincijs, quæ præsertim recuperari nullo negotio possunt, constitui, ut nunc est, cum exercitu proficisci. deinde ex literis, quas Pansa misi, cognosces omnia: nam earum tibi exemplar misi. XVII. cal. Apr. Cordubæ.

C. ASINIVS POLLIO
M. CICERONI S.

Albus quaestor, magna numerata pecunia,
B magno pondere auri, maiore argenti coactio de publicis exactionibus, ne stipendio quidem militibus reddito, duxit se à Gadibus; & triduum tempestate retentus ad Calpen, cal. Iunij traiecit sese in regnum Bogudis, plane bene peculiatus. his rumoribus utrum Gades referatur, an Romam, (ad singulos enim nuncios turpissime consilia mutat) nondum scio. sed præter furti, & rapinas, & uirgis caesos socios, hæc quoque fecit, ut ipse gloriari solet, eadem, quæ C. Cæsar: ludis, quos Gadibus fecit, Herennium Gallum, histrionem, summo ludorum die annulo aureo donatum, in quatuordecim sessum deduxit: tot enim fecerat ordines equestris loci: quatuoruiratum sibi prorogauit: comitia biennij biduo habuit, hoc est renunciauit, quos ei uisum est: exules reduxit, non horum temporum, sed illorum, quibus à seditiosis senatus trucidatus, aut expulsus est Sex. Varo pro consule. illa uero iam ne Cæsaris quidem exemplo, quod ludis pretextam de suo itinere ad L. Lentulum pro consule sollicitandum posuit:

Et quidem, cum ageretur, fleuit, memoria rerum ge-
 starum commotus. gladiatoribus autem Fadium quen-
 dam, militem Pompeianum, quia, cum depressus in lu-
 dum bis gratis depugnasset, auctore sese nolebat, et
 ad populum confugerat; primum Gallos equites immi-
 sit in populum, (coniecti enim sunt lapides in eum; cum
 arripere Fadius) deinde abstractum defodit in ludo,
 et uiuum combussit; cum quidem pransus, nudis pe-
 dibus, tunica soluta, manibus ad tergum reiectis in-
 ambulet, et illi misero quiritanti, Cuius Romanus
 sum, responderet, Abi nunc, populi fidem implora-
 bestijs uero ciues Romanos, etiam in his circulatorem
 quendam auetionum, notissimum hominem Hispali,
 quia deformis erat, obiecit. cum huiusmodi portetores
 mihi fuit. sed de illo plura coram. Nunc, quod prae-
 stat, quid me uelitis facere, constituite. tres legiones fir-
 mas habeo: quarum unam uigesimam octauam cum
 ad se initio belli accessisset Antonius hac pollicitatione,
 quo die in castra uenisset, denarios quingenos singulis
 militibus daturum, in uictoria uero eadem praemia,
 quae suis legionibus: (quorum quis ullum finem, aut
 modum futurum putauit?) incitatissimam retinui;
 agre mehercule; nec retinuissem, si uno loco habuis-
 sem; utpote cum singulae quaedam cohortes seditionem
 fecerint. reliquas quoque legiones non destitit literis,
 atque infinitis pollicitationibus incitare. nec uero mi-
 nus Lepidus urfit me et suis, et Antonij literis, ut
 legionem trigessimam mitterem sibi. itaque quem exer-
 citum neque uendere ullis praemijs uolui, nec eorum pe-
 riculorum metu, quae uictoribus illis portendebantur,

diminuere, debetis existimare retentum, & conseruatum reip. esse; atque ita credere, quodcunque imperassetis, facturum fuisse, si, quod iussistis, feci: nam & prouinciam in otio, & exercitum in mea potestate tenui: finibus meae prouinciæ nusquam excessi: militem non modo legionarium, sed ne auxiliarium quidem ullum quoquam misi; et si quos equites decedentes naetus sum, supplicio affecti. quarum rerum fructum satis magnum rep. salua tulisse me putabo. sed resp. si me satis nouisset, & maior pars senatus; maiores ex me fructus tulisset. Epistolam, quam Balbo, cum etiamnum in prouincia esset, scripsi, legendam tibi misi. etiam pretextam, si uoles legere, Gallum Cornelium, familiarem meum poscito. V l. id. iun. Cordubæ. Vale.

C. ASINIVS POLLIO

M. CICERONI S. P. D.

Vo tardius certior fierem de prælijs apud Mutinam factis, Lepidus effecit, qui meos tabellarios nouem dies retinuit: tametsi, tantam calamitatem reip. quam tardissime audire, optandum est, sed illis, qui prodesse nihil possunt, neque mederi. atque utinam eodem S. C. quo Plancum, & Lepidum in Italiam accersistis, me quoque iussissetis uenire. profecto non accepisset resp. hoc uulnus. quo si qui latantur in præsentia, quia uidentur & duces, & ueterani Cæsaris partium interiisse: tamen postmodum necesse est doleant, cum uastitatem Italiæ respexerint: nam et robur, & soboles militum interijt, si quidem,

quæ nunciantur, ulla ex parte uera sunt. neque ego
 non uidebam, quanto usui reip. essem futurus, si ad
 Lepidum uenissem: omnem enim cunctationem eius di-
 scussissem, præsertim adiutore Planco. sed scribenti ad
 me eiusmodi literas, quas leges, & concionibus uideli-
 cet, quas Narbone habuisse dicitur, similes, palparer,
 necesse erat, si uellem commearum, per prouinciam eius
 iter faciens, habere. præterea uerebar, ne, si ante,
 quàm ego incepta perficerem, prælium confectum esset,
 pium meum consilium raperent in contrariam partem
 obtreclatores mei, propter amicitiam, quæ mihi cum
 Antonio, non maior tamen, quàm Plânco, fuit. ita=
 quæ à Gadibus mense Aprili binos tabellarios in duas na-
 ues imposui, & tibi, & consulibus, & Octaulano
 scripsi, ut me faceretis certiores, quonam modo pluri-
 mum possem prodesse reip. sed ut rationem in eo, quò die
 prælium Pansa commisit, eodem à Gadibus naues pro-
 fectæ sunt: nulla enim post hiemem fuit ante eam diem
 nauigatio. & hercule longe remotus ab omni suspicio=
 ne futuri civilis tumultus, penitus in Lusitania legio=
 nes in hibernis collocaram. ita porro festinauit uterque
 conflagere, tanquam nihil peius timerent, quàm ne si=
 ne maximo reip. detrimento bellum componeretur. sed
 si properandum fuit, nihil non summi ducis cōsilio ges-
 sisse Hirtium uideo. nam hæc mihi scribuntur ex Gala-
 lia Lepidi, & nunciantur. Pansa exercitum concisum
 esse: Pansam ex uulneribus mortuum: eodem prælio
 Martiam legionem interiisse, & L. Fabatum, & C.
 Peduceum, & D. Carsulenum: Hirtiano autem præ-
 lio & quartam legionem, & omnes peræque Antonij
 casus:

casas: item Hirtiū quartam, cum castra quodque Anto-
 niū cepisset, à quinta legione concisam esse: ibi Hirtiū
 quoque perisse, & Pontium Aquilam: dici etiam,
 Octavianum cecidisse: quæ si, quod dii prohibeant,
 uera sunt, non mediocriter doleo. Antonium turpiter
 Mutinæ obsessionem reliquisse, sed habere equitatum,
 ac legiones sub signis armatas tres, & P. Vagieni unā,
 inermes bene multos: Ventidium quoque se cum legio-
 ne septima, octaua, nona coniunxisse: si nihil in Lepi-
 do spei sit, descensurum ad extrema, & non modo na-
 tiones, sed etiam seruitia concitaturum: Parmam dire-
 ptam: L. Antonium Alpes occupasse. quæ si uera sunt;
 nemini nostrum cessandum est; neque expectandum,
 quid decernat senatus: res enim cogit, huic tanto incen-
 dio succurrere omnes, qui aut imperium, aut nomen
 denique populi R. saluum esse uolunt: Brutum enim
 decem & septem cohortes, & duas non frequentes ti-
 ronum legiones, quas conscripserat Antonius, habere
 audio. neque tamen dubito, quin omnes, qui supersint
 de Hirtiū exercitu, confluant ad eum. nam in delectu
 non multum spei puto esse; præsertim cum nihil sit peri-
 culosius, quàm spatium confirmandi sese Antonio dari.
 anni autem tempus libertatem maiorem mihi dat, pro-
 pterea quia frumenta aut in agris, aut in uillis sunt:
 itaque proximis literis consilium meū expeditur: nam
 neque deesse, neque superesse reip. uolo. maxime ta-
 men doleo, adeo & longo, & infesto itinere ad me ue-
 niri, ut die quadragesimo post, aut ultra etiam, quàm
 facta sunt, omnia nuncientur. Vale.

M. LEPIDVS, IMP. ITERVM, PONT.
MAX. S. P. PL. Q. R.

I uos, liberiq; uestri. ualetis, bene est: ego
S quoque ualeo. Deos, hominesq; testor P. C.
qua mente, & quoq; animo semper in remp.
fuerim, & quàm nihil antiquius communi salute, ac
libertate iudicarem. quod uobis breui probassem, nisi
mihi fortuna proprium consilium extorsisset: nam exer
citus cunctus consuetudinem suam in ciuibus consere
uandis, communiq; pace, seditione facta, retinuit; meq;
tantæ multitudinis ciuium Romanorum salutis, atque
incolumitatis causam suscipere, ut uere dicam, coegit.
in qua re ego uos P. C. oro, atque obsecro, ut priuatis of
fensionibus omissis, summæ reip. consulatis; ne ue mise
ricordiam nostram, exercitusq; nostri in ciuili dissensio
ne sceleris loco ponatis. quòd si salutis omnium, ac di
gnitatis rationem habueritis; melius & uobis, &
reip. consuletis. Data IIII. cal. Iun. à Ponte Ar
genteo. Valete.

M. LEPIDVS, IMP. ITERVM, PONT.
MAX. M. CICERONI S. P. D.

I uales, bene est: ego quoque ualeo. Cum au
S disse, Antonium cum suis copijs, præmisso
L. Antonio cum parte equitatus, in prouin
ciam meam uenire; cum exercitu meo à cõfluente Rho
dano castra moui, ac contra eos uenire institui. itaque
continuis itineribus ad Forum Vocontium ueni, & ul
tra castra ad flumen Argenteum contra Antonios feci.

P. Ventidius suas legiones treis coniunxit cum eo, & ultra me castra posuit. habebat antea legionem secundam, & ex reliquis legionibus magnam multitudinē, sed inermium. equitatum habet magnum: nam omnis ex praelio integer discessit, ita ut sint amplius equitum XXX. itaque ad me complures milites, & equites ab eo transierunt: & in dies singulos eius copiae minuuntur, Silanus, & Culeo ab eo discesserunt. nos, etsi grauius ab his laesi eramus, quod contra nostram uoluntatem ad Antonium ierant: tamen, nostrae humanitatis, & necessitudinis causa, eorum salutis rationem habuimus. nec tamen eorum opera utimur; neque in castris habemus; neque ulli negotio praefecimus. quod ad bellum hoc attinet, nec senatui, nec reip. deerimus. quae postea egerimus, faciam te certiore. Et si omni tempore summa studia, officiaq; mutuo inter nos ceratim constiterunt pro nostra inter nos familiaritate, & proinde diligenter ab utroque conseruata sunt: tamen non dubito, in tanto, & tam repentino motu reip. quin nonnulla de me falsis rumoribus à meis obrectatoribus me indigna ad te delata sint, quae tuum animum magnopere mouerent pro tuo amore in temp. ea te moderate accepisse, neque temere credendum iudicasse, à meis procuratoribus certior sum factus: quae mihi, ut debent, gratissima sunt. memini autem & illa superiora, quae abs tua uoluntate profecta sunt ad meam dignitatem augendam, & ornandam: quae perpetuo animo meo fixa manebunt. abs te mi Cicero magnopere peto, si meam uitam, studium diligentissime superioribus temporibus in rep. administranda, quae

gnam ueteranorum multitudinem Romam conuenisse
iam, & ad cal. Iun. futuram multo maiorem. de te si
dubitemus, aut uereamur; simus nostri dissimiles. sed
certe cum ipsi in tua potestate fuerimus; tuoque adducti
consilio dimiserimus ex municipijs nostros necessarios;
neque solum edicto, sed etiam literis id fecerimus: digni
sumus, quos habeas tui consilij participes, in ea praefer-
tim re, quae ad nos pertinet. quare petimus à te, facias
nos certiores tuae uoluntatis in nos: putes ne nos tutos fo-
re in tanta frequentia ueteranorum, quos etiam de re-
ponenda ara cogitare audimus: quod uelle te, probare
uix quisquam posse uidetur, qui nos saluos, & hone-
stos uelit. nos ab initio spectasse otium, nec quidquam
aliud à libertate communi quassisse, exitus declarat. fal-
sate nemo nos potest, nisi tu: quod certe abest à uirtute
tua, & fide. sed alius nemo facultatem habet deci-
piendi nos: tibi enim uni credidimus, & credituri su-
mus. maximo de nobis timore afficiuntur amici nostri.
quibus etsi tua fides explorata est; tamen illud in men-
tem uenit, multitudinem ueteranorum facilius impelli
ab alio quolibet, quam à te retineri posse: rescribas
nobis ad omnia, rogamus. nam illud ualde leue est, ac
nugatorium, ea re denunciatum esse ueteranis, quod
de commodis eorum mense Iunio laturus esses: quem
enim impedimento futurum putas, cum de nobis
certum sit, nos quieturos? non debemus cuiquam ui-
deri nimium uitae cupidi, cum accidere nobis nihil
possit sine pernicie, & confusione omnium rerum.

Vale.

BRVTVS, ET CASSIVS PRAE TT.
ANTONIO CONS. S. D.

Litteras tuas legimus, simillimas edicti tui, contumeliosas, minaces, minime dignas, quae à te nobis mitterentur. nos Antoni te nulla laesa fuimus iniuria, neque miraturum credidimus, si praetores, & ea dignitate homines, aliquid edicto postulassent à consule. quod si indignaris, ausos esse id facere; concede nobis, ut doleamus, ne hoc quidem abs te Bruto, & Cassio tribui. nam de delectibus habitis, & pecunijs imperatis, exercitijs sollicitatis, & nuncijs trans mare missis quod te questum esse negas: nos tibi quidem credimus, optimo animo te fecisse: sed tamen neque agnoscimus quidquam eorum; & te miramur, cum hac reticueris, non potuisse continere iracundiam tuam, quin nobis de morte Caesaris obiceres. illud uero quemadmodum ferendum sit, tute cogita; non licere praetoribus concordiae, ac libertatis causa, per edictum de suo iure decedere, quin consul arma minetur. quorum fiducia, nihil est, quod nos terreas: neque enim decet, aut conuenit nobis, periculo ulli submittere animum nostrum: neque est Antonio postulandum, ut ijs imperet, quorum opera liber est. nos si alia hortarentur, ut bellum civile suscitare uellemus; litterae tuae nihil proficerent: NVLLA enim minantis auctoritas apud liberos est. sed pulchre intelligis, non posse nos quoquam impelli: & fortassis ea re minaciter agis, ut iudicium nostrum metus uideatur. nos in hac sententia sumus, ut te cupiamus etiam in libera rep. magnum, atque

te ita sentire : omnes enim tuos ad laudem impetus non
 ni. quòd si, ut scribis, ita sentis : non magis te, quàm
 de te iudicium reprehendo meum . te adipiscendi magis
 stratus leuissimi, & diuulgatissimi, si ita adipiscare, ut
 plerique, præpropere festinatio abducat à tantis laudi-
 bus, quibus te omnes in cœlum iure, et uere ferunt ? sci-
 licet id agitur, utrum hac petitione, an proxima prætor
 fias, non ut ita de rep. mereare, omni honore ut dignis-
 simus iudicare. utrum nescis, quàm alte ascenderis ; an
 pro nihilo id putas ? si nescis, tibi ignosco : nos in cul-
 pa sumus. sin intelligis : ulla tibi est prætura uel offi-
 cio, quod pauci, uel gloria, quam omnes sequuntur,
 dulcior ? hac de re et ego, et Caluissius, homo magni iu-
 dicij, tuiq; amantissimus, te accusamus quotidie : comi-
 tia tamen, quando ex his pendes, quantum facere possu-
 mus, quòd multis de causis reip. arbitramur conducere,
 in Ianuariũ mensẽ protrudimus. Vince igitur, et uale.

M. CICERO M. LEPIDO S. P. D.

Q Uòd mihi pro mea summa erga te beneuolen-
 tia magnæ curæ est, ut quam amplissima di-
 gnitate sis ; moleste tuli ; te senatui gratias
 non egisse, cum esses ab eo ordine ornatus summis hono-
 ribus. Pacis inter ciues conciliande te cupidum esse,
 lætor. pacem eam si à seruitute seiungis, consules &
 reip. & dignitati tuæ. sin ista pax perditum hominem
 in possessionem impotentissimi dominatus restitutura
 est : hoc animo scito esse omnes sanos, ut mortem serui-
 tuti anteponent. itaque sapientius, meo quidem iudi-

clo, facies, si te in istam pacificationem non interpones, quæ neque senatui, neque populo, neque cuiquam bono probatur. sed hæc audies ex alijs, aut certior fies literis, tu pro tua prudentia, quid optimum factu sit, uidebis.

M. CICERO C. TREBONIO S. D.

Q Vam uellem, ad illas pulcherrimas epulas me
idibus Mart. inuitasses: reliquiarum nihil
haberemus. at nunc cum his tantum negotij
est, ut uestrum illud diuinum in remp. beneficium non
nullam habeat querelam. quod uero à te, uiro optimo,
seductus est, tuq; beneficio adhuc uiuit hæc pestis: in-
terdum, quod mihi uix fas est, tibi subirascor: mihi
enim negotij plus reliquisti uni, quam præter me omni-
bus. ut enim primum post Antonij foedissimum disces-
sum senatus haberi libere potuit; ad illum animum
meum reuerſi pristinum, quem tu cum ciue acerrimo,
patre tuo, in ore, & amore semper habuisti. nam cum
senatum ad XIII. cal. Ian. tribuni pl. uocauissent;
deq; alia re referrent; totam remp. sum complexus,
egi; acerrime; senatumq; iam languentem, & de-
fessum, ad pristinam uirtutem, consuetudinemq; re-
uocaui, magis animi, quam ingenij uiribus. hic dies,
meaq; contentio, atque ætlo spem primum populo R.
attulit libertatis recuperandæ. nec uero ipse postea tem-
pus ullum intermisi de rep. non cogitandi solum, sed
etiam agendi. quod nisi res urbanas, actaq; omnia ad
te perferri arbitrarer, ipse perscriberem. quanquam e-
ram maximis occupationibus impeditus. sed illa cognos-
ces ex alijs; à me pauca, & ea summatim. Habemus

fortem senatum, consulares partim timidos, partim male sentientes. magnum damnum factum est in serui-
 L. Cæsar optime sentit: sed, quod auunculus est, non-
 acerrimas dicit sententias. consules egregij: præclarus.
 D. Brutus: egregius puer Cæsar: de quo spero equidem
 reliqua: hoc uero certum habeto, nisi ille ueteranos ce-
 leriter conscripisset, legionesq; duæ de exercitu Anton-
 nij ad eius se auctoritatem contulissent, atque is oppo-
 situs esset terror Antonio, nihil Antonium sceleris, nihil
 crudelitatis præteriturum fuisse. hæc tibi, etsi audita
 esse arbitrabar, uolui tamen notiora esse. plura scri-
 bam, si plus otij habuero. Vale.

M. CICERO AMPIO S. D.

E meo studio erga salutem, et incolumitatem
 D tuam credo te cognoscere ex literis tuorum:
 quibus me cumulatissime satisfecisse certo
 scio. nec ijs concedo, quanquam sunt singulari in te be-
 neuolentia, ut te saluum malint, quam ego. illi mihi,
 necesse est, concedant, ut tibi plus, quam ipsi, hoc tem-
 pore prodesse possim. quod quidem nec destiti facere, nec
 desistam, et iam in maxima refeci, et fundamenta ieci sa-
 lutis tuæ. tu fac bono animo, magnoq; sis, meq; tibi nul-
 lare defuturum esse confidas. Pridie non. Quint. Vale.

GALBA CICERONI S. D.

Ecimo septimo cal. Maij, quo die Pansa in ca-
 D stris Hirtij erat futurus, cum quo ego eram,
 (nam ei obuiam processeram millia passuum
 centum, quo maturius ueniret) Antonius legiones eduxit

duas, secundam, & quintamtrigesimam, & cohortes pratorias duas; unam suam, alteram Silani, & euocatorum partem. ita obuiam uenit nobis, quod nos quatuor legiones tironum habere solum arbitrabatur. sed noctu, quo tutius uenire in castra possemus, legionem Martiam, cui ego praesse solebam, & duas cohortes pratorias miserat Hirtius nobis. cum equites Antonij apparuissent, contineri neque legio Martia, neque cohortes pratoria potuerunt: quas sequi coepimus coacti, quando eas retinere non poteramus. Antonius ad Forum Gallorum suas copias continebat: neque sciri uolebat, se legiones habere: tantum equitatum, & leuem armaturam ostendebat. posteaquam uidit se inuito legionem ire Pansa, sequi se, duas legiones iussit tironum. posteaquam angustias paludis, & siluarum transiimus, acies est instructa a nobis duodecim cohortium. nondum uenerant legiones duae, cum repente Antonius in aciem suas copias de uico produxit, & sine mora concurrat. primo ita pugnatum est, ut acius non posset ex utraque parte pugnari. sed dexterius cornu, in quo ego eram cum Martia legionis cohortibus octo, impetu primo fugauerat legionem trigesimam quintam Antonij, ut amplius passus quingentos ultra aciem, qua loco steterat, processerit. itaque, cum equites nostrum cornu circuire uellent, recipere me coepi, & leuem armaturam opponere Maurorum equitibus, ne auersos nostros aggredierentur. interim uideo, me esse inter Antonianos, Antoniumq; post me esse aliquanto. repente equum immisi ad eam legionem tironum, quae ueniebat ex castris, scuto reiecto. Antoniani me insequi:

nostri pila cōiungere uelle. ita, nescio quo fato, sum seruatus, quòd cito sum à nostris cognitus. in ipsa Aemilia, ubi cohors Caesaris pratoria erat, diu pugnatum est. cornu sinisterius, quod erat infirmius, ubi Martia legionis duæ cohortes erant, & cohors pratoria, pedem referre cœperunt, quòd ab equitatu circuibantur, quo uel plurimum ualet Antonius. cum omnes se recepissent nostri ordines, recipere me nouissimus cœpi ad castra. Antonius, tanquam uictor, castra putauit se posse capere. quò cum uenit, complures ibi amisit, nec egit quidquam. audita re, Hirtius cum cohortibus uiginti ueteranis redeunti Antonio in sua castra occurrit, copiasq; omnes eius deleuit, fugauitq; eodem loco, ubi erat pugnatum, ad Forum Gallorum. Antonius cum equitibus hora noctis quarta se in castra sua ad Mutinam recepit. Hirtius in ea castra rediit, unde Pansa exierat, ubi duas legiones reliquerat, quæ ab Antonio erant oppugnatae. sic partem maiorem suarum copiarum Antonius amisit ueteranarum: nec id tamen sine aliqua iactura cohortium prætoriarumstrarum, & legionis Martiæ fieri potuit. Aquilæ duæ, signa sexaginta sunt relata Antonij. res bene gesta est. Ad XII cal. Maij, ex castris. Vale.

C. ASINIVS POLLIO
M. CICERONI S. P. D.

Inime mirum debet tibi uideri, nihil me scripsisse de rep. posteaquam itum est ad arma: nam saltus Castulonensis, qui semper tenuit nostros tabellarios, etsi nunc frequentioribus latrocinij

infestior factus est, tamen nequaquam tanta in mora
 est, quanta qui locis omnibus dispositi ab utraque par-
 te scrutantur tabellarios, & retinent. itaque nisi na-
 ue perlatae literae essent, omnino nescirem, quid isthic
 fieret. nunc uero nactus occasionem, posteaquam na-
 uigari coeptum est, cupidissime, & quam creberrime
 potero, scribam ad te. Ne mouear eius sermonibus,
 quem, tametsi nemo est qui uidere uelit, tamen nequa-
 quam perinde, ac dignus est, oderunt homines, pericu-
 lum non est: adeo est enim inuisus mihi, ut nihil non
 accerbum putem, quod commune cum illo sit: natura
 autem mea, & studia trahunt me ad pacis, & libera-
 tatis cupiditatem. itaque illud initium ciuilis belli saepe
 defleui. cum uero non liceret mihi nullius partis esse,
 quia utrobique magnos inimicos habebam: ea castra
 fugi, in quibus plane tutum me ab insidijs inimici scie-
 bam non futurum, compulsus eò, quò minime uolea-
 bam; ne in extremis essem, plane pericula non dubi-
 tanter adi. Caesarem uero, quòd me in tanta fortuna,
 modo cognitum, uetustissimorum familiarium loco ha-
 buit, dilexi: summa cum pietate, & fide. quae mea
 sententia gerere mihi licuit, ita feci, ut optimus quis-
 que maxime probarit. quod iussus sum eo tempore, id
 ita feci, ut appareret, inuito imperatum esse. cuius fa-
 cti iniustissima inuidia erudire me potuit, quam iucun-
 da libertas, et quam misera sub dominatione uita esset.
 ita, si id agitur, ut rursus in potestate omnia unius
 sint: quicumque is est, ei me profiteor inimicum: nec
 periculum est ullum, quod pro libertate aut refugiam,
 aut deprecer. sed consules neque S. C. neque literis suis

præceperant mihi, quid facerem: unas enim post id.
 Mart. demum à Pansa literas accepi, in quibus horta-
 tur me, ut senatui scribam, me, & exercitum in po-
 testate eius futurum. quod, cum Lepidus concionare-
 tur, atque omnibus scriberet, se consentire cum Anto-
 nio, maxime contrarium fuit: nam quibus commeati-
 bus, inuito illo, per illius prouinciam legiones ducerem?
 aut, si cætera transissem, num etiam Alpes poteram
 transuolare, quæ præsidio illius tenerentur? adde huc,
 quod perferri literæ nulla conditione potuerunt: sexcen-
 tis enim locis excutiuntur, deinde etiam retinentur à
 Lepido tabellarij. illud me Cordubæ pro concione dixisse,
 se, nemo uocabit in dubium, prouinciam me nulli, nisi
 qui à senatu missus uenisset, traditurum. nam de le-
 gione trigesima tradenda quantas habuerim contentio-
 nes, quid ego scribam? quæ tradita, quanto pro rep.
 infirmior futurus fuerim, quis ignorat? hac enim le-
 gione noli acrius, aut pugnacius quidquam putare esse
 se. quare me eum existima esse, qui primum pacis cu-
 pidissimus sim, (omnes enim ciues plane studeo esse sal-
 uos) deinde qui & me, & rep. uindicare in liberta-
 tem paratus sim. Quod familiarem meum in tuo-
 rum numero habes, opinione tua mihi gratius est. in-
 uideo illi tamen, quod ambulat, & iocatur tecum:
 quæres, quanti aestimem. si unquam licuerit uiuere in
 otio, experieris: nullum enim uestigium abs te disces-
 surus sum. illud uehementer admirror, non scrip-
 sisse te mihi, manendo in prouinciâ ne, an ducendo exer-
 citum in Italiam, reip. magis satisfacere possim. ego
 quidem, etsi mihi tutius, ac minus laboriosum est ma-

nere; tamen quia uideo tali tempore multo magis legionibus opus esse, quàm prouincijs, quæ præsertim recuperari nullo negotio possunt, constitui, ut nunc est, cum exercitu proficisci. deinde ex literis, quas Pansa misi, cognosces omnia: nam earum tibi exemplar misi. XVII cal. Apr. Cordubæ.

C. ASINIVS POLLIO
M. CICERONI S.

Albus quaestor, magna numerata pecunia,
B magno pondere auri, maiore argenti coactio de publicis exactionibus, ne stipendio quidem militibus reddito, duxit se à Gadibus; et triduum tempestate retentus ad Calpen, cal. Iunij traiecit sese in regnum Bogudis, plane bene peculiatu. his rumoribus utrum Gades referatur, an Romam, (ad singulos enim nuncios turpissime consilia mutat) nondum scio. sed præter furti, et rapinas, et uirgis casos socios, hæc quoque fecit, ut ipse gloriari solet, eadem, quæ C. Caesar: ludis, quos Gadibus fecit, Herennium Gallum, histrionem, summo ludorum die annulo aureo donatum, in quatuordecim sessum deduxit: tot enim fecerat ordines equestris loci: quatuoruiratum sibi prorogauit: comitia biennij biduo habuit, hoc est renunciavit, quos ei uisum est: exules reduxit, non horum temporum, sed illorum, quibus à seditiosis senatus trucidatus, aut expulsus est Sex. Varo pro consule. illa uero iam ne Cæsaris quidem exemplo; quod ludis prætextam de suo itinere ad L. Lentulum pro consule sollicitandum posuit:

Et quidem, cum ageretur, fleuit, memoria rerum ge-
 starum commotus. gladiatoribus autem Fadium quen-
 dam, militem Pompeianum, quia, cum depressus in lu-
 dum bis gratis depugnasset, auctore sese nolebat, et
 ad populum confugerat; primum Gallos equites immi-
 sit in populum, (coniecti enim sunt lapides in eum; cum
 arriperetur Fadius) deinde abstractum defodit in ludo,
 et uiuum combussit; cum quidem pransus, nudis pe-
 dibus, tunica soluta, manibus ad tergum reiectis in-
 ambulet, et illi misero quiritanti, Ciuis Romanus
 sum, responderet, Abi nunc, populi fidem implora.
 bestiis uero ciues Romanos, etiam in his circulatorem
 quendam auctionum, notissimum hominem Hispali,
 quia deformis erat, obiecit. cum huiusmodi portetores
 mihi fuit. sed de illo plura coram. Nunc, quod prae-
 stat, quid me uelitis facere, constituite. tres legiones fir-
 mas habeo: quarum unam uigesimam octauam cum
 ad se initio belli accessisset Antonius hac pollicitatione,
 quo die in castra uenisset, denarios quingenos singulis
 militibus daturum, in uictoria uero eadem praemia,
 quae suis legionibus: (quorum quis ullum finem, aut
 modum futurum putauit?) incitatissimam retinui;
 aegre mehercule; nec retinuissem, si uno loco habuis-
 sem; utpote cum singula quaedam cohortes seditionem
 fecerint. reliquas quoque legiones non destitit literis,
 atque infinitis pollicitationibus incitare. nec uero mi-
 nus Lepidus uisit me et suis, et Antonij literis, ut
 legionem trigesimam mitterem sibi. itaque quem exero-
 citum neque uendere ullis praemijs uolui, nec eorum pe-
 riculorum metu, quae uictoribus illis portendebantur,

diminuere, debetis existimare retentum, & conseruatum reip. esse; atque ita credere, quodcunque imperassetis, facturum fuisse, si, quod iussistis, feci: nam & prouinciam in otio, & exercitum in mea potestate tenui: sinibus meae prouinciæ nusquam excessi: militem non modo legionarium, sed ne auxiliarium quidem ullum quoquam misi; et si quos equites decedentes naetus sum, supplicio affeci. quarum rerum fructum satis magnum rep. salua tulisse me putabo. sed resp. si me satis nouisset, & maior pars senatus; maiores ex me fructus tulisset. Epistolam, quam Balbo, cum etiamnum in prouincia esset, scripsi, legendam tibi misi. etiam prætexam, si uoles legere, Gallum Cornelium, familiarem meum poscito. V l. id. Iun. Cordubæ. Vale.

C. ASINIVS POLLIO

M. CICERONI S. P. D.

Vo tardius certior fierem de prælijs apud Mutinam factis, Lepidus effecit, qui meos tabellarios nouem dies retinuit: tametsi, tantam calamitatem reip. quam tardissime audire, optandum est, sed illis, qui prodesse nihil possunt, neque mederi. atque utinam eodem S. C. quo Plancum, & Lepidum in Italiam accersistis, me quoque iussissetis uenire. profecto non accepisset resp. hoc uulnus. quo si qui latantur in præsentia, quia uidentur & duces, & ueterani Caesaris partium interiisse: tamen postmodum necesse est doleant, cum uastitatem Italiae respexerint: nam et robur, & soboles militum interijt, si quidem,

quæ nunciantur, ulla ex parte uera sunt. neque ego
 non uidebam, quanto usui reip. essem futurus, si ad
 Lepidum uenissem: omnem enim cunctationem eius dis-
 scussissem, præsertim adiutore Planco. sed scribenti ad
 me eiusmodi literas, quas leges, & concionibus uideli-
 cet, quas Narbone habuisse dicitur, similes, palparer,
 necesse erat, si uellem commeatum, per prouinciam eius
 iter faciens, habere. præterea uerebar, ne, si ante,
 quàm ego incepta perficerem, prælium confectum esset,
 pium meum consilium raperent in contrariam partem
 obtrellatores mei, propter amicitiam, quæ mihi cum
 Antonio, non maior tamen, quàm Planco, fuit. ita-
 que à Gadibus mense Aprili binos tabellarios in duas na-
 ues imposui, & tibi, & consulibus, & Octauiano
 scripsi, ut me faceretis certiore, quonam modo pluri-
 mum possem prodesse reip. sed ut rationem in eo, quò die
 prælium Pansa commisit, eodem à Gadibus naues pro-
 fectæ sunt: nulla enim post hiemem fuit ante eam diem
 nauigatio. & hercule longe remotus ab omni suspicio-
 ne futuri civilis tumultus, penitus in Lusitania legio-
 nes in hibernis collocaram. ita porro festinauit uterque
 configere, tanquam nihil peius timerent, quàm ne si-
 ne maximo reip. detrimento bellum componeretur. sed
 si properandum fuit, nihil non summi ducis cōsilio ges-
 sisse Hirtium uideo. nam hæc mihi scribuntur ex Gal-
 lia Lepidi, & nunciantur. Pansa exercitum concisum
 esse: Pansam ex uulneribus mortuum: eodem prælio
 Martiam legionem interiisse, & L. Fabatum, & C.
 Peduceum, & D. Carsulenum: Hirtiano autem præ-
 lio & quartam legionem, & omnes peræque Antonij
 casas:

casas: item Hirtiꝝ quartam, cum castra quoque Antonio cepisset, à quinta legione concisam esse: ibi Hirtiũ quoque periisse, & Pontium Aquilam: dici etiam, Octavianum cecidisse: quæ si; quod dii prohibeant, uera sunt, non mediocriter doleo. Antonium turpiter Mutinæ obseſſionem reliquiſſe, sed habere equitatum, ac legiones sub signis armatas tres, & P. Vagieni unã; inermes bene multos: Ventidium quoque se cum legione septima, octaua, nona coniunxiſſe: si nihil in Lepido ſpei ſit, deſcenſurum ad extrema, & non modo nationes, sed etiam ſeruitia concitaturum: Parmam directam: L. Antonium Alpes occupasse. quæ si uera sunt; nemini noſtrum ceſſandum eſt; neque expectandum, quid decernat ſenatus: res enim cogit, huic tanto incendio ſuccurrere omnes, qui aut imperium, aut nomen denique populi R. ſaluũ eſſe uolunt: Brutum enim decem & ſeptem cohortes, & duas non frequentes tironum legiones, quas conſcripſerat Antonius, habere audio. neque tamen dubito; quin omnes, qui ſuperſint de Hirtiꝝ exercitu, confluant ad eum. nam in delectu non multum ſpei puto eſſe; præſertim cum nihil ſit periculofius, quàm ſpatium confirmandi ſeſe Antonio dari. anni autem tempus libertatem maiorem mihi dat, propterea quia frumenta aut in agris, aut in uillis ſunt: itaque proximis literis conſilium meũ expeditur: nam neque deeſſe, neque ſuper-eſſe reip. uolo. maxime tamen doleo, adeo & longo, & infeſto itinere ad me ueniri, ut die quadrageſimo poſt, aut ultra etiam, quàm facta ſunt, omnia nuncientur. Vale.

331 E P I S T E L I B : A X . 4 . 1 1
M. LEPIDVS, IMP. ITERVM, PONT.
MAX. S. P. PL. Q. R.

I uos, liberiq; uestri ualetis, bene est : ego
quoque ualeo . Deos, hominesq; testor P. C.
qua mente, & quo animo semper in remp.
fuerim, & quàm nihil antiquius communi salute, ac
libertate iudicarem . quod uobis breui probassem, nisi
mihi fortuna proprium consilium extorsisset : nam exer
citus cunctus consuetudinem suam in ciuibus conser
uandis, communiq; pace, seditione facta, retinuit ; meq;
tantæ multitudinis ciuium Romanorum salutis, atque
incolumitatis causam suscipere, ut uere dicam, coegit.
in qua re ego uos P. C. oro, atque obsecro, ut priuatis of
fensionibus omissis, summæ reip. consulatis ; ne ue mise
ricordiam nostram, exercitusq; nostri in ciuili dissensio
ne sceleris loco ponatis . quod si salutis omnium, ac di
gnitatis rationem habueritis ; melius & uobis, &
reip. consulatis . Data IIII. cal. Iun. à Ponte Ar
genteo . Valete .

M. LEPIDVS, IMP. ITERVM, PONT.
MAX. M. CICERONIS S. P. D.

I uales, bene est : ego quoque ualeo . Cum au
dissem, Antonium cum suis copijs, præmisso
L. Antonio cum parte equitatus, in prouin
ciam meam uenire ; cum exercitu meo à cõfluente Rho
dano castra moui, ac contra eos uenire institui . itaque
continuis itineribus ad Forum Vocontium ueni, & ul
tra castra ad flumen Argenteum contra Antonios feci.

P. Ventidius suas legiones treis coniunxit cum eo, & ultra me castra posuit. habebat antea legionem secundam, & ex reliquis legionibus magnam multitudinē, sed inermium. equitatum habet magnum: nam omnis ex praelio integer discessit, ita ut sint amplius equitum XXX. itaque ad me complures milites, & equites ab eo transierunt: & in dies singulos eius copiae minuuntur, Silanus, & Culeo ab eo discesserunt. nos, etsi grauius ab his laesi eramus, quod contra nostram uoluntatem ad Antonium ierant: tamen, nostrae humanitatis, & necessitudinis causa, eorum salutis rationem habuimus. nec tamen eorum opera utimur; neque in castris habemus; neque ulli negotio praefecimus. quod ad bellum hoc attinet, nec senatui, nec reip. deerimus. quae postea egerimus, faciam te certiore. Etsi omni tempore summa studia, officiaq; mutuo inter nos certatim constiterunt pro nostra inter nos familiaritate, & proinde diligenter ab utroque conseruata sunt: tamen non dubito, in tanto, & tam repentino motu reip. quin nonnulla de me falsis rumoribus à meis obrectatoribus me indigna ad te delata sint, quae tuum animum magnopere mouerent pro tuo amore in remp. eae te moderate accepisse, neque temere credendum iudicasse, à meis procuratoribus certior sum factus: quae mihi, ut debent, gratissima sunt. memini autem & illa superiora, quae abs tua uoluntate profecta sunt ad meam dignitatem augendam, & ornandam: quae perpetuo animo meo fixa manebunt. abs te mi Cicero magnopere peto, si meam uitam, studium diligentissime superioribus temporibus in rep. administranda, quae

Lepido digna sunt, perspecta habes, ut patria, aut eo
ampliora reliquo tempore expectes, & proinde tua diu
etoritate me tuendum existimes, quo tibi plura tuo me-
rito debeo. Vale. XII. cal. Iun. ex castris, ex Pon-
te Argenteo.

M. TVLLII CICERONIS EPISTOLA-
RVM, AD BRVTVM, ET ALIOS,

LIBER XI.

D. BRVTVS M. BRVTO,
ET C. CASSIO S. D.

Vo in statu simus, cognoscite. Heri ue-
speri apud me Hirtius fuit: qua men-
te esset Antonius, demonstrauit, pessima
scilicet, & infidelissima: nam se
neque mihi prouinciam dare posse aie-
bat, neque arbitrari, tuto in urbe esse quēquam nostrū:
adeo esse militum concitatos animos, & plebis: quod
utrumque esse falsum, puto uos animaduertere; atque
illud esse uerum, quod Hirtius demonstrabat, timere
eum, ne, si mediocre auxilium dignitatis nostrae ha-
buissemus, nullae partes ijs in rep. relinqueretur. cum
in his angustijs uersarer, placitum est mihi, ut postula-
rem legationem liberam mihi, reliquisq; nostris, ut ali-
qua causa proficiscendi honesta quaereretur. hoc se impe-
traturum pollicitus est: nec tamen impetraturum confi-
do: tanta est hominum insolentia, & nostri insectatio.
ac si dederint, quod petimus; tamen paulo post futu-

rum puto, ut hostes iudicemur, aut aqua, et igni nobis interdicator. Quid ergo est, inquis, tui consilij? Dádus est locus fortunæ. cedendū ex Italia, migrandum Rhodum, aut aliquò terrarum arbitror. si melior casus fuerit, reuertemur Romā; si mediocris, in exilio uiuemus; si pessimus, ad nouissima auxilia descendemus. succurret fortasse hoc loco alicui uestrum, eui nouissimū tempus expectemus potius, quam nunc aliquid moliamur. quia, ubi consistamus, non habemus, præter Sex. Pompeium, et Bassum Cæciliū: qui mihi uidentur hoc nuncio de Cæsare allato firmiores futuri. satis in tempore ad eos accedemus, ubi, quid ualeant, scierimus. pro Cassio, & te, si quid uelitis me recipere, recipiam: postulat enim hoc Hirtius, ut faciam. rogo uos, quamprimum mihi rescribatis: nam non dubito, quin de his rebus ante horam quartam Hirtius me certiorē sit facturus. quem in locum conuenire possimus, quò me uelitis uenire, rescribite. Post nouissimum Hirtiū sermonem, placitū est mihi postulare, ut liceret nobis esse Romæ publico præsidio: quod illos nobis concessuros non puto: magna enim inuidiam ijs faceremus. nihil tamen non postulandum putavi, quod æquum esse statuerē. Valete.

bo p M. BRVTVS, ET C. CASSIVS

no p : 25 PRAET. M. ANTONIO

a a 5b mms CONS. S. P. D.

et tua fide, & beneuolentia in nos nisi per-

D suatum esset nobis, non conscripsissemus hæc tibi: quæ profecto, quando istum animum habes, in optimam partem accipies. Scribitur nobis, ma-

gnam ueteranorum multitudinem Romam conuenisse iam, & ad cal. Iun. futuram multo maiorem. de te si dubitemus, aut uereamur; simus nostri dissimiles. sed certe cum ipsi in tua potestate fuerimus; tuoque adducti consilio dimiserimus ex municipijs nostros necessarios; neque solum edicto, sed etiam literis id fecerimus: digni sumus, quos habeas tui consilij participes, in ea praeferendum re, quae ad nos pertinet. quare petimus à te, facias nos certiores tuae uoluntatis in nos: putes ne nos tutos fore in tanta frequentia ueteranorum, quos etiam de reponenda ara cogitare audimus: quod uelle te, probare uix quisquam posse uidetur, qui nos saluos; & honestos uelit. nos ab initio spectasse otium, nec quidquam aliud à libertate communi quasisse, exitus declarat. salutare nemo nos potest, nisi tu: quod certe abest à uirtute tua, & fide. sed alius nemo facultatem habet decipiendi nos: tibi enim uni credidimus, & credituri sumus. maximo de nobis timore afficiuntur amici nostri. quibus etsi tua fides explorata est; tamen illud in mentem uenit, multitudinem ueteranorum facilius impelli ab alio quolibet, quam à te retineri posse: rescribas nobis ad omnia, rogamus: nam illud ualde leue est, ac nugatorium, ea te denunciatum esse ueteranis, quod de commodis eorum mense Iunio laturus esses: quem enim impedimento futurum putas, cum de nobis certum sit, nos quieturos? non debemus cuiquam uideri nimium uitae cupidi, cum accidere nobis nihil possit sine pernicie, & confusione omnium rerum.

Vale.

BRVTVS, ET CASSIVS PRAE TT.
ANTONIO CONS. S. D.

Litteras tuas legimus, simillimas edicti tui, contumeliosas, minaces, minime dignas, quae à te nobis mitterentur. nos Antoni te nulla laesum fuimus iniuria, neque miraturum credidimus, si praetores, & ea dignitate homines, aliquid edicto postulassemus à consule. quod si indignaris, ausos esse id facere; concede nobis, ut doleamus, ne hoc quidem abs te Bruto, & Cassio tribui. nam de delectibus habitis, & pecunijs imperatis, exercitibus sollicitatis, & nuncijs trans mare missis quod te questum esse negas: nos tibi quidem credimus, optimo animo te fecisse: sed tamen neque agnoscimus quidquam eorum; & te miramur, cum haec reticueris, non potuisse continere iracundiam tuam, quin nobis de morte Caesaris obijceres. illud uero quemadmodum ferendum sit, tute cogita; non licere praetoribus concordiae, ac libertatis causa, per edictum de suo iure decedere, quin consul arma minetur. quorum fiducia, nihil est, quod nos terreas: neque enim decet, aut conuenit nobis, periculo ulli submittere animum nostrum: neque est Antonio postulandum, ut ijs imperet, quorum opera liber est. nos si alia hortarentur, ut bellum civile suscitare uellemus; litterae tuae nihil proficerent: NULLA enim minantis auctoritas apud liberos est. sed pulchre intelligis, non posse nos quoquam impelli. & fortassis ea re minaciter agis, ut iudicium nostrum metus uideatur. nos in hac sententia sumus, ut te cupiamus etiam in libera rep. magnum, atque

honestum esse: uocemus te ad nullas inimicitias, sed ta-
men pluris nostram libertatem, quam tuam amicitiam
estimemus. tu etiam atque etiam uide, quid suscipias,
quid sustinere possis: neque, quandiu uixerit Caesar,
sed quam non diu regnarit, fac cogites. Deos quæsu-
mus, consilia tua reip. salutaria sint, ac tibi: si mi-
nus, ut salua, atque honesta rep. tibi quamminimū
noceant, optamus. Pridie non. Sex.

D. BRVTVS IMP. M. CICERONI S.

I de tua in me uoluntate dubitarem, multis
a te uerbis peterem, ut dignitate meam tue-
rere: sed profecto est ita, ut mihi persuasi,
me tibi esse curæ. Progressus sum ad in alpinos cum
exercitu, non tam nomen captans imperatorium, quam
cupiens militibus satisfacere, firmosq; eos ad tuendas
nostras res efficere: quod mihi uideor consecutus: nam
& liberalitatem nostram, & animum sunt experti.
cum omnium bellicosissimis bellum gessi. multa castella
repti, multa uastauit. non sine causa ad senatum literas
misi. adiuuā nos tua sententia: quod cum facies, ex
magna parte communi commodo in seruiēris. Vale.

M. CICERO D. BRVTO IMP. S.

Vpus, familiaris noster, cū a te uenisset, ūcq;
Romæ quosdā dies commoraretur; ego eram
in ijs locis, in quibus maxime me tuto esse ar-
bitrabar. eo factum est, ut ad te Lupus sine meis literis

rediret, cum tamen curasset tuas ad me perferendas.
 Romam autem ueni ad V. id. Dec. nec habui quidquam
 antiquius, quam ut Pansam statim conuenirem: ex
 quo ea de te cognoui, quæ maxime optabam. quare
 hortatione tu quidem non eges, si ne illa quidem in re,
 quæ à te gesta est post hominum memoriam maxima,
 hortatorem desiderasti: illud tamen breuiter significan-
 dum uidetur, populum R. omnia à te expectare, atque
 in te aliquando recuperandæ libertatis omnem spem po-
 nere. tu, si dies, noctesq; memineris (quod te facere
 certo scio) quantam rem gesseris; non obliuiscere profe-
 cto, quantæ tibi etiam nunc gerendæ sint: si enim iste
 prouinciam nactus erit, cui quidem ego semper amicus
 fui ante, quam illum intellexi non modo aperte, sed
 etiam libenter cum rep. bellum gerere; spem reliquam
 nullam uideo salutis. quamobrem te obsecro iisdem pre-
 cibus, quibus senatus populusq; R. ut in perpetuum
 temp. dominatu regio liberetur: ut principijs consentiant
 exitus. tuum est hoc munus, tuæ partes. à te hoc ciui-
 tas, uel omnes potius gentes non expectant solum, sed
 etiam postulant. quanquam, cum hortatione non egeas,
 ut supra scripsi, non utar ea pluribus uerbis: faciam
 illud, quod meum est, ut tibi omnia mea officia, stu-
 dia, curas, cogitationes pollicear, quæ ad tuam laudē,
 et gloriam pertinebunt. quamobrem uelim, tibi ita per-
 suadeas, me tum reip. causa, quæ mihi uita mea ca-
 rior est; tum quod tibi ipsi faueam, tuamq; dignitatem
 amplificari uelim, tuis optimis consilijs, amplitudini,
 gloriæ nullo loco defuturum. Vale.

M. CICERO D. BRUTO IMP. S. R.

Vpus noster, cum Romam sexto die Mutina
 uenisset, postridie me mane conuenit, tuaq;
 mihi mandata diligentissime exposuit, & li-
 teras reddidit. Quod mihi tuam dignitatem com-
 mendas: eodem tempore existimo, te mihi meam digni-
 tatem commendare: quam mehercule non habeo tua-
 cariorum. quare mihi gratissimum facies, si explora-
 tum habebis, tuis laudibus nullo loco nec consilium, nec
 studium meum defuturum. Cum tribuni pl. edi-
 xissent, senatus adesset ad XIII cal. Ian. haberentq;
 in animo de praesidio consulum deess. referre: quana-
 quam statueram, in senatum ante Cal. Ian. non ueni-
 re; tamen cum eo die ipso edictum tuum propositum
 esset, nefas esse duxi, aut ita haberi senatum, ut de tuis
 diuinis in remp. meritis sileretur, (quod factum esset;
 nisi ego uenissem) aut, etiam si quid honorifice de te di-
 ceretur, me non adesse. itaque in senatum ueni mane:
 quod cum esset animaduersum, frequentissimi senato-
 res conuenerunt. quae de te in senatu egerim, quae in
 concione maxima dixerim, aliorum te literis malo co-
 gnoscere. illud tibi persuadeas uelim, me omnia, quae
 ad tuam dignitatem augendam pertinebunt, quae est
 per se amplissima, summo semper studio suscepturum,
 & defensurum. quod quanquam intelligo me cum
 multis esse facturum, tamen appetam huius rei prin-
 cipatum. Vale.

M. CICERO D. BRVTO IMP. S.

Vm adhibuisset domi meae Lupus me, & Li-
 bonem, et Seruium, consobrinum tuum; quae
 mea fuerit sententia, cognosse te ex Cn. Se-
 io arbitror, qui nostro sermoni interfuit. reliqua, quae
 quam statim Seium Graecius est subsequutus, tamen ex
 Graecio poteris cognoscere. caput autem est hoc, quod
 te diligentissime percipere, & meminisse uelim, ut ne
 in libertate, & salute populi R. conseruanda aucto-
 ritatem senatus expectes nondum liberi; ne & tuum
 factum condemnes, (nullo enim publico consilio rep.
 liberaſti: quo est etiam res illa maior, & clarior) &
 adolescentem, uel puerum potius Caesarem iudices tes-
 mere fecisse, qui tantam causam publicam privato con-
 silio suscepit; denique homines rusticos, sed fortissi-
 mos uiros, ciuesq; optimos, dementes fuisse iudices, pri-
 mum milites ueteranos, commilitones tuos; deinde le-
 gionem Martiam, legionem quartam, quae suum con-
 sulem hostem iudicauerunt, seq; ad salutem reip. defen-
 dendam contulerunt: uoluntas senatus pro auctoritate
 haberi debet, cum auctoritas impeditur metu. postre-
 mo suscepta tibi causa iam bis est, ut non sit inte-
 grum; primum idibus Mart. deinde proxime, exerci-
 tu nouo, & copiis comparatis. quamobrem ad omnia
 ita paratus, atque animatus esse debes, non ut nihil fa-
 cias, nisi iussus; sed ut ea geras, quae ab omnibus sum-
 ma cum admiratione laudentur. Vale.

M. CICERO D. BRUTO IMP. S.

O tempore Polla tua misit, ut ad te, si quid
 E uellem, darem literarum, cum, quid scribe-
 rem, nō habebam: omnia enim erant suspen-
 sa propter expectationem legatorum. qui quid egis-
 sent, nihil dum nunciabatur. hæc tamen scribenda exi-
 stimaui: primum, senatum populumq; R. de te labo-
 rare non solum salutis suæ causa, sed etiam dignitatis
 tuæ: admirabilis est enim quædam tui nominis caritas,
 amorq; in te singularis omnium civium: ita enim spes-
 rant, atque confidunt, ut antea rege, sic hoc tempore
 regno te temp. liberaturum. Romæ delectus habetur,
 totaq; Italia: si hic delectus appellandus est, cum uliro
 se offerunt omnes; tantus ardor animos hominum occu-
 pavit desiderio libertatis, odioq; diutina servitutis. De
 reliquis rebus à te iam expectare literas debemus, quid
 ipse agas, quid noster Hirtius, quid Cæsar meus: quos
 spero brevi tempore societate uictoria tecum copulatos
 fore. Reliquum est, ut de me id scribam, quod te ex
 tuorum literis et spero, et malo cognoscere; me neque
 deesse ulla in re, neque unquam defuturum dignitati
 tuæ. Fac valeas.

D. BRUTVS M. CICERONI S. D.

Ansa amisso, quantum detrimenti resp. acce-
 perit, non te præterit, nunc auctoritate, et
 prudentia tua prospicias oportet, ne inimici
 nostri, consulibus sublati, sperent se conualescere posse.
 ego, ne consistere possit in Italia Antonius, dabo operā.

confestim. utrumque me præstaturum spero, ne aut Ventidius elabatur, aut Antonius in Italia moretur. in primis rogo te, ad hominem uentosissimum, Lepidum mitas, ne bellum nobis redintegrare possit, Antonio sibi coniuncto. nam de Pollione Asinio, puto te perspicere, quid sit factururus. multæ, & bonæ, & firmæ sunt legiones Lepidi, & Asinij. neque hæc circò tibi scribo, quòd te non eadem animaduertere sciam, sed quòd mihi persuasissimum est, Lepidum recte facturum nunquam, si forte uobis id de hoc dubium est. Plancum quoque confirmetis, oro: quem spero pulso Antonio reip. non defuturum. si se Alpeis Antonius traiecerit, constitui præsidium in Alpibus collocare, & te de omni re facere certiore. IIII. cal. Maij, ex castris, Rhegij.

D. BRVTVS M. CICERONI S. D.

On mihi temp. plus debere arbitror, quàm
 N. metibi. gratiore me esse in te posse, quàm
 isti peruersi sint in me, exploratum habes: si
 tamen hæc temporis uideantur dici causa, malle me
 tuum iudicium, quàm ex altera parte omnium istorum;
 tu enim à certo sensu, & uero iudicas de nobis: quod
 isti ne faciant, summa maleuolentia, & liuore impe-
 diuntur. interpellent me, quo minus honoratus sim;
 dum ne interpellent, quo minus resp. à me commodè
 administrari possit. quæ quanto sit in periculo, quàm
 potero breuissime exponam. Primum omnium, quan-
 tam perturbationem rerum urbanarum afferat obi-
 tus consulum, quantamq; cupiditatem hominibus inij-
 ciat uacuitas, non te fugit. satis me multa scripisse,

quæ literis commendari possint, arbitror: scio enim, cum
 scribam. reuertor nunc ad Antonium. qui ex fuga cum
 paruulâ manum peditum haberet inermium; erga
 stula soluendo, omneq; genus hominum arripiendo, sa-
 tis magnum numerû uidetur effecisse. huc accessit ma-
 nus Ventidij: quæ trans Appenninum itinere factô disa-
 ficillimo, ad Vada peruenit, atque se ibi cum Antonio
 coniunxit. est numerus ueteranorum, & armatorum
 satis frequens cum Ventidio. consilia Antonij hæc sint,
 necesse est; aut ad Lepidum ut se conferat, si recipitur:
 aut Appennino, Alpibusq; se teneat; & decursionibus
 per equites, quos habet multos, uastet. ea loca, in quæ
 incurrerit: aut rursus se in Etruriam referat, quod ea
 pars Italiae sine exercitu est. quod si me Cæsar audisset,
 atque Appenninum transisset: in tantas angustias An-
 tonium compulissem, ut inopia potius, quam ferro, cõ-
 ficeretur. sed neque Cæsari imperari potest: nec Cæsar
 exercitui suo. quod utrunque pessimum est. cum hæc
 talia sint: quo minus, quod ad me pertinebit, homines
 interpellent, ut supra scripsi, non impedio: hæc quæ
 admodum explicari possint, aut, à te cum explicabun-
 tur, ne impediuntur, timeo. alere iam milites non pos-
 sum. cum ad remp. liberandam accessi, HS mihi fuit
 pecunie CCCC amplius. tantum abest, ut mea rei
 familiaris liberum sit quidquam, ut meos iam omnes
 amicos ære alieno obstrinxerim. septenum numerum le-
 gionum alo; qua difficultate, tu arbitrare. non, si Var-
 ronis thesauros haberem, sustinere sumptum possem.
 cum primum de Antonio exploratum habuero, faciam
 te certiozem. Tu me amabis, ita, si hoc idem me in te fa-

AD BRVTVM, ET ALIOS. 173
cere senseris. III non. Maij, ex castris, Dertone. Vale.

D. BRVTVS, IMP. CONS. DES.
M. CICERONI S. D.

Odem exemplo literæ à te mihi redditæ sunt,
E quo pueri mei attulerunt. Tantum me tibi
debere existimo, quantum persolvere difficile
est. Scripsi tibi, quæ hic gererentur. in itinere est An-
tonius: ad Lepidum profisciscitur: ne de Planco quidem
spem adhuc abiecit, ut ex libellis eius animaduerti, qui
in me inciderunt. in quibus, quos ad Asinium, quos
ad Lepidum, quos ad Plancum mitteret, scribebat. ego
tamen non habui ambiguum, & statim ad Plancum
misi: & biduo ab Allobrogibus, & totius Gallie lega-
tos expecto, quos confirmatos domum remittam. Tu,
quæ isthic opus erunt administrari, prospicies, ut ex
tua uoluntate, reiꝑ; pub. commodo fiant. maleuolen-
tiæ hominum in me, si poteris, occurras: si non pote-
ris, hoc te consolabere, quod me de statu meo nullis cō-
tumelijs deterrere possunt. Pridie non. Maij, ex ca-
stris, finibus Statiellensium.

M. CICERO D. BRVTO, IMP.
CONS. DES. S. D.

Res uno die à te accepi epistolas: unam breuē
T quam Flacco Volumnio dederas; duas plenio-
res, quarum alteram tabellarius T. Vibij ata-
tulit, alterā ad me misit Lupus. ex tuis literis, et ex Græ-
ceij oratione non modo non restinētū bellum, sed etiam
inflammatum uidetur. non dubito autem pro tua sin-

gulari prudentia, quin perspicias, si aliquid firmitatis
 nactus sit Antonius, omnia illa tua praeclara in remp.
 merita ad nihilum esse uentura: ita enim Romam erat
 nunciatum, ita persuasum omnibus, cum paucis iner-
 mibus, perterritis metu, fracto animo fugisse Antoniū.
 qui si ita se habet, ut, quemadmodum audiebā de Græ-
 ceio, configi cum eo sine periculo non possit: non ille mi-
 hi fugisse à Mutina uidetur, sed locum belli gerendi mu-
 tasse. itaque homines alij fracti sunt, nonnulli etiam
 queruntur, quòd persecuti non sitis. opprimi potuisse,
 si celeritas adhibita esset, existimant. omnino EST
 hoc populi, maximeq; nostri, in eo potissimum abuti li-
 bertate, per quem eam consecutus sit. sed tamen proui-
 dendum est, ne qua iusta querela esse possit. res sic se
 habet. is bellum confecerit, qui Antonium oppresserit.
 hoc quam habeat uim, te existimare malo, quàm me
 apertius scribere. Vale.

D. BRVTVS, IMP. CONS. DES.

M. CICERONI S.

Am non ago tibi gratias: cui enim re uix re-
 I ferre possum, huic uerbis non patitur res sa-
 tis fieri. Attendere te uolo, quæ in mani-
 bus sunt: qua enim prudentia es, nihil te fugiet, si meas
 literas diligenter legeris. sequi confestim Antonium his
 de causis Cicero non potui. eram sine equitibus, sine iu-
 mentis. Hirtium perisse nesciebam. Casari non crede-
 bam prius, quàm conuenissem, & collocutus essem. hic
 dies hoc modo abiit. postridie mane à Pansa sum ac-
 cersitus Bononiam. cum in itinere essem, nunciatum
 mihi

mihi est, cum mortuum esse. recurri ad meas copias : sic enim uere eas appellare possum. sunt extenuatissime, & inopia omnium rerum pessime acceptæ. biduo me Antonius antecessit, itinere multo maiore fugiens, quàm ego sequens : ille enim ijt passim, ego ordinatim. quacunque iuit, ergastula soluit, homines arripuit. constitit nusquã prius, quàm ad Vada uenit : quem locum uolo tibi esse notum. iacet inter Appenninum, & Alpes, impeditissimus ad iter faciendum. cum abessem ab eo millia passuum triginta, & se iam Ventidio coniunxisset ; concio eius ad me est allata ; in qua petere cœpit à militibus, ut se trans Alpes sequerentur : sibi cū M. Lepido conuenire. succlamatum est, & frequenter à militibus Ventidianis, (nam suos ualdequam paucos habet) sibi aut in Italia pereundum esse, aut uincendum. etiam orare cœperunt, ut Pollentiam iter facerent. cū sustinere eos non posset, in posterum diem iter suum contulit. hac re mihi nunciata, statim quinque cohortes Pollentiã præmisi, meumq; iter eò contuli. hora ante præsidium meum Pollentiam uenit, quàm Trebellius cum equitibus. sanequam sum gauisus : in hoc enim uictoriam puto consistere. in spem uenerāt, quòd neque Planci quatuor legiones omnibus suis copijs pares arbitrabantur : neque ex Italia tam celeriter exercitum traïci posse credebant. quos ipsi adhuc satis arroganter Allobrogēs, equitatusq; omnis, qui eò præmissus erat à nobis, sustinebant ; nostroq; aduentu sustineri facilius posse confidimus. tamen si quo etiam casu Isaram se traiecerint ; ne quid detrimenti reip. iniungāt, summa à nobis dabitur opera. uos magnum animum, opti-

namq; spem de summa rep. habere uolumus, cum & nos, & exercitus nostros singulari concordia coniunctos, ad omnia pro uobis uideatis paratos: sed tamen nihil de diligentia remittere debetis, dareq; operam, ut quamparatissimi ab exercitu, reliquisq; rebus pro uestra salute contra sceleratissimam conspirationem hostium confligamus. qui quidem eas copias, quas diu simulatione reip. comparabant, subito ad patriæ periculum conuerterunt.

M. CICERO D. BRUTO IMP. S. D.

Trabiler mi Brute lætor, mea consilia, measq;
 M sententias à te probari de decemuiris, de adorando adolescente. sed quid refert? mihi crede, homini non glorioso, plane iã Brute frigeo: ὀρθρον enim erat meum senatus: id est iam dissolutum. tantã spem attulerat exploratæ uictoriæ tua præclara Mutinæ eruptio, fuga Antonij conciso exercitu, ut omnium animi relaxati sint, meaq; illæ uehementes contetiones tanquam κυμαίνουσαι esse uideantur. sed ut ad rem redeam: legionem Martiam, & quartam negant, qui illas norunt: , ulla conditione ad te posse perducì. Pecuniæ, quàm desideras, ratio potest haberi, eaq; habebitur. De Bruto accersendo, Casareq; ad Italiæ præsidium tenendo, ualde tibi assentior: sed, ut scribis, habes obrectatores: quos equidem facillime sustineo, sed impediunt tamen. ex Africa legiones expectantur: sed bellum isthic renatũ homines mirantur. nihil tam præter spem unquam: nam die tuo natali uictoria nuntiata, in multa secula uidebamus remp. liberatam. noui

timores retexunt superiora . scripsisti autem ad me ijs ,
 quas idib. Maij dedisti , modo te accepisse à Planco lites-
 ras , non recipi à Lepido Antonium . id si ita est , omnia
 faciliora : sin aliter , magnum negotium : cuius exitū
 ne extimescam , tuæ partes sunt . ego plus , quàm feci ,
 facere non possum . te tamen , id quod spero , omnium
 maximum , & clarissimum uidere cupio . Vale.

M. CICERO D. BRVTO IMP. S. D.

Tsi mihi tuæ literæ iucundissimæ sunt : tamē
 E iucundius fuit , quòd in summa occupatione
 tua Plāco collegæ mandasti , ut te mihi per li-
 teras excusaret . quod fecit ille diligenter . mihi autem
 nihil amabilius officio tuo , et diligentia . Cōiunctio tua
 cum collega , concordiaq; uestra , quæ literis cōmunibus
 declarata est , senatui , populoq; R. gratissima accidit .
 quod superest , perge mi Brute , & iam non cū alijs , sed
 tecum ipse certa . plura scribere nō debeo , præsertim ad
 te , quo magistro breuitatis uti cogito . Literas tuas uehe-
 menter expecto , et quidem tales , quales maxime opto .

M. CICERO D. BRVTO IMP. S. D.

Ermagni interest , quo tibi hæc tēpore epistola
 P reddita sit ; utrum cum solitudinis aliquid
 haberes ; an cū ab omni molestia uacuus esses .
 itaque ei præcepi , quem ad te misi , ut tempus obserua-
 ret epistolæ tibi reddendæ . nā quemadmodum coram ,
 qui ad nos intempestiue adeunt , molesti saepe sunt : sic
 epistolæ offendunt , non loco redditæ . si autem , ut spe-
 ro , nihil te perturbat , nihil impedit ; & ille , cui mādan-

ut, satis scite, & commode tempus ad te cepit adeundi :
 confido me, quod uelim, à te facile impetraturum. L.
 Lamia praturam petit. hoc ego utor uno omnium plu-
 rimum. magna uetustas, magna consuetudo interce-
 dit : quodq; plurimum ualet, nihil mihi eius est fami-
 liaritate iucundius. magno præterea beneficio eius, ma-
 gnoq; merito sum obligatus : nam Clodianis tēporibus,
 cum equestriis ordinis princeps esset, proq; mea salute
 acerrime propugnaret, à Gabinio consule relegatus est :
 quod ante id tempus cui Romano Romæ contigit nemi-
 ni. hoc cum populus R. meminerit, me ipsum non me-
 minisse turpissimum est. quapropter persuade tibi mi
 Brute, me petere praturam. quanquam enim Lamia
 summo splendore, summa gratia est, usus magnificen-
 tissimo munere ædificio : tamen, quasi ea ita non essent,
 ego suscepi totum negotium. nunc si me tanti facis,
 quanti certe facis ; quando equitum centurias tenes, in
 quibus regnas, mitte ad Lupum nostrum, ut is nobis
 eas centurias conficiat. non tenebo te pluribus. ponam
 in extremo, quod sentio. nihil est Brute, cum omnia à
 te expectem, quod mihi gratius facere possis. Vale.

M. CICERO D. BRUTO IMP. S. D.

Amla uno omnium familiarissime utor. ma-
 L gna eius in me, non dico officia, sed merita,
 eaq; sunt populo R. notissima. is, magnificen-
 tissimo munere adilitatis perfunctus, petit praturam :
 omnesq; intelligunt, nec dignitatem ei deesse, nec gra-
 tiam. sed is ambitus extare uidetur, ut ego omnia per-
 timeſcam, totamq; petitionem Lamia mihi sustinendam

putem. in eare quantum me possis adiuuare, facile perspicio: nec uero, quantum mea causa uelis, dubito. uelim igitur mi Brute tibi persuadeas, nihil me maiore studio à te petere, nihil te mihi gratius facere posse, quàm si omnibus tuis opibus, omni studio Lamià in petitione iuueris. quod ut facias, uehemèter te rogo. Vale.

M. CICERO D. BRVTO IMP. S. D.

Tsi ex mandatis, quæ Galbæ, Volumnoq;
E ad senatum dedisti, quid timendum, suspi-
candumq; putares, suspicabamur: tamen tibi
midiora madata uidebantur, quàm erat dignum tua,
populiq; R. uictoria. senatus autem mi Brute fortis est;
et habet fortes duces. itaque moleste ferebat, se à te;
quem omnium, quicunque fuissent, fortissimum iudi-
caret, timidum, atque ignaum iudicari. etenim cum,
te incluso, spem maximam omnes habuissent in tua uir-
tute, florente Antonio: quis erat, qui quidquam timea-
ret, profligato illo, te liberato? nec uero Lepidum timea-
bamus: quis enim esset, qui illum tam furiosum arbi-
traretur, ut, qui in maximo bello pacem uelle se dixis-
set, is in optatissima pace bellum reip. indiceret? nec du-
bito, quin tu plus prouideas. sed tamen tam recenti gra-
tulatione, quam tuo nomine ad omnia deorum tem-
pla fecimus, renouatio timoris magnam molestiam affe-
rebat. quare uelim equidem, id quod spero, ut plas-
ne abiectus, et fractus sit Antonius. sin aliquid uir-
rium forte collegerit: sentiet, nec senatui consilium,
nec populo R. uirtutem deesse, nec reip: te uiuo impera-
torem. XI-III cal. Iun. Vale.

D. BRUTVS M. CICERONI S. D.

D senatū quas literas misi, uelim, prius per-
 A legas: & si qua tibi uidebuntur, commu-
 tes. necessario me scripsisse, ipse animaduer-
 tes: nam cum putarem quartam & Martiam legiones
 mecum futuras, ut Druso, Pauloq; placuerat, uobis
 assentientibus; minus de reliquis rebus laborādum exi-
 stimauī: nunc uero cum sim cum tironibus egentissimis;
 ualde & meam, & uestrā uicem timeam, necesse est.

Vecetini me, & M. Brutum praecipue obseruant. his
 nequam patiari iniuriā fieri in senatu uernarum cau-
 sa, à te peto: causam habent optimam, officium in-
 temp. summum, genus hominum aduersariorum sedia-
 tiosum, & inertissimum. XII cal. Iun. Vercellis.

D. BRUTVS IMP. M. CICERONI S. D.

Vod pro me non facio, id pro te facere meus
 Q in te amor, tuāq; officia cogunt, ut timeam.
 saepe enim mihi cū esset dictum, neque à me
 contemptum, nouissime Labeo Segulius, homo sui simi-
 limus, narrauit mihi, apud Caesare se fuisse, multumq;
 sermonem de te habitum esse: ipsum Caesarem nihil sa-
 ne de te questum, nisi dictum, quòd diceret te dixisse
 laudandum adolescentem, ornandum, tollendum; se
 non esse cōmissurum, ut tolli possit. hoc ego Labeonem
 credo illi retulisse, aut finxisse dictum, non ab adolescen-
 te prolatum. ueteranos uero pessime loqui, uolebat La-
 beo me credere, & tibi ab ijs instare periculum, maxi-
 meq; indignari, quòd in decemuiris neque Caesar, neque

ego habiti essemus, atque omnia ad uestrum arbitrium
essent collata. hæc cum audissem, & iam in itinere es-
sem, committendum non putavi, prius ut Alpes trans-
grederer, quam, quid isthic ageretur, scirem. nam de
tuo periculo, crede mihi, iactatione uerborum, & de-
nuntiatione periculi sperare eos, te perterrefaeto, ado-
lescente impulso, posse magna consequi præmia; & to-
tam istam cæntilenam ex hoc pendere, ut quampluria-
rum lucrifaciant. neque tamen non te cautum esse uo-
lo, & insidias uitantem. nihil enim tua mihi uita pos-
test esse incundius, neque carius. illud uide, ne timon-
do, magis timere cogare: & quibus rebus potest occur-
ri ueteranls, occurras: primum quod desiderant de de-
cemuiris, facias: deinde de præmijs, si tibi uidetur,
agros militum eorum, qui cum Antonio ueterani fue-
runt, his dandos censeas ab utrisque nostrum: de num-
mis, lente, ac ratione habita pecunia: senatum de ea
re constituturum. quatuor legionibus ijs, quibus agros
dandos censuistis, uideo facultatem fore ex agris Sylla-
nis, & agro Campano. æqualiter, aut sorte agros le-
gionibus assignari puto oportere. hæc me tibi scribere
non prudentia mea hortatur, sed amor in te, & cupi-
ditas otij, quod sine te consistere non potest. Ego, nisi
ualde necesse fuerit, ex Italia non excedam. legiones ar-
mo, paro: spero me non pessimum exercitum habiturum
ad omnes casus, & impetus hominum. de exercitu,
quem Pansa habuit, legionem mihi Cæsar non remittit.
ad has literas statim mihi rescribe, tuorumq; ali-
quem mitte, si quid reconditum magis erit, meq; scire
opus esse putaris. Vale. N 11 cal. Iun. Eporædia.

Ii isti segulio male faciant, homini nequissi-
 D. mo omnium, qui sunt, qui fuerunt, qui fun-
 turi sunt: quid? tu illum tecum solum, aut
 cum Cesare; qui neminem prætermiserit, quicum lo-
 qui potuerit, cui non eadem ista dixerit? te tamen mi
 Brute sic amo, ut debeo, quod istud, quidquid esset,
 nugarum me scire uoluisti: signum enim magnum
 amoris dedisti. Nam quod idem segulius ait, ueteranos
 queri, quod tu & Caesar in decem uiris non essetis: uti-
 nam ne ego quidem essem: quid enim molestius? sed ta-
 men, cum ego sensissem, de ijs, qui exercitus haberent,
 sententiam ferri oportere: iidem illi, qui solent, recla-
 marunt. itaque excepti etiam estis, me uehementer repu-
 gnante. quocirca segulium negligamus, qui res nouas
 querit: non quo ueterem comederit: nullam enim ha-
 buit: sed hanc ipsam recentem nouam deuorauit.
 Quod autem scribis, te, quod pro te ipso non facias, id
 pro me facere, ut de me timeas aliquid: omni te uir opti-
 me, mihiq; carissime Brute de me metu libero. ego enim,
 quæ prouideri poterunt, non fallar in ijs: quæ cautio-
 nem non habebunt, de ijs non ita ualde laboro: sim-
 etenim impudens, si plus postulem, quam homini a re-
 rum natura tribui potest. Quod mihi præcipis, ut
 caueam, ne timendo magis timere cogar: & sapienter,
 & amicissime præcipis. sed uelim tibi persuadeas, cum
 te constet excellere hoc genere uirtutis, ut nūquam ex-
 timescas, nunquam perturbare; me huic tuæ uirtuti
 proxime accedere: quam obrem neque metum quida-

quā, & cauebo omnia . sed uide , ne tua iam mi Brute culpa futura sit , si ego quidquam timeam : tuis enim opibus , & consularu tuo , etiam si timidi essemus , tamen omnem timorem abijceremus ; praesertim cum persuasum omnibus esset , mibiq; maxime ; nos à te unice diligì . Consilijs tuis , quæ scribis , de quatuor legionibus , deq; agris assignandis ab utrisque uestrum , uehementer assentior . itaque cum quidam de collegis nostris agrariam curationē ligurirent , disturbavi rem , totamq; uobis integram reseruavi . si quid erit occultius , & , ut scribis , reconditum , meorum aliquem mittam ; quo fidelius ad te literæ perferantur . Vale . Pridie non . lun .

M. CICERO D. BRUTO IMP. S. D.

Um App. Claudio C. F. summa mihi necessitudo est , multis eius officijs , & meis mutuis constituta . peto à te maiorem in modum , uel humanitatis tuæ , uel meæ causa , ut eum auctoritate tua , quæ plurimum ualet , conseruatum uelis . uolo te , cum fortissimus uir cognitus sis , etiam clementissimum existimari . magno tibi erit ornamento , nobilissimum adolescentem beneficio tuo esse saluum . cuius quidem causa hoc melior debet esse , quòd pietate adductus , propter patris restitutionē se cum Antonio coniunxit . quare etsi minus ueram causam habebis , tamē uel probabilem aliquam poteris inducere . nutus tuus potest hominem summo loco natū , summo ingenio , summa uirtute , officiosissimum praeterea , et gratissimum , incolū mē in ciuitate retinere : quod ut facias , ita à te peto , ut maiore studio , magis ue ex animo petere nō possim . Vale .

D. BRVTVS M. CICERONI S. D.

Os hic ualemus recte: & quo melius ualeamus, operam dabimus. Lepidus commodē de nobis sentire uidetur. omni timore deposito, debemus libere reip. consulere. quod si omnia essent aliena, tamen tribus tantis exercitibus proprijs reip. ualentibus, magnum animum habere debebas, quem & semper habuisti, & nunc fortuna adiuuante, augere potes. Quæ tibi superioribus literis mea manus scripsi, terrendi tui causa homines loquuntur. si frenū momorderis; peream, si te omnes, quotquot sunt, conantem loqui ferre poterunt. Ego, tibi ut antea scripsi, dum mihi à te literæ ueniant, in Italia morabor. Vale. VIII cal. Iun. Eporedia.

M. CICERO D. BRVTO S. D.

Arro tibi: antea subirascebar breuitati tuarū
N litterarum: nunc mihi loquax esse uideor. te igitur imitabor. quā multa. quā paucis, Te recte ualere, operamq; dare, ut quotidie melius: Lepidum commodē sentire; tribus exercitibus quiduis nos oportere confidere. si timidus essem, tamen ista epistola mihi omnem metum abstersisses. sed, ut mones, frenū momordi: etenim, qui te incluso omnem spem habuerim in te; quid nunc putas? cupio iam uigiliam meam Brute tibi tradere, sed ita, ut ne desim constantiæ meæ. Quod scribis in Italia te moraturum, dum tibi literæ meæ ueniant: si per hostem licet, non erraris: multa enim Romæ, sin aduentu tuo bellum confici potest: ni-

nihil sit antiquius. Pecunia, expeditissima quæ erat, tibi decreta est. habes amantissimum Seruiliū. nos non desumus. Vale. VIII id. Iun.

M. CICERO D. BRVTŌ S. D.

Xpectanti mihi tuas quotidie literas Lupus
E noster subito denunciavit, ut ad te scriberem,
si quid uellem. ego autem etsi, quid scriberē,
non habebam, (acta enim ad te mitti sciebam: inanem
autem sermonem literarum tibi iniucundum esse audie-
bam) breuitatem secutus sum te magistro. scito igitur,
in te, & in collega spem omnem esse. De Bruto autem
nihil adhuc certi: quem ego, quemadmodum præcipis,
priuatis literis ad bellum commune uocare non desino:
qui utinam iam adesset: intestinum urbis malum, quod
est non mediocre, minus timeremus. sed quid ago? non
imitor ἀγκυλισμὸν tuum. altera iam pagella proce-
dit. uince, & uale. XIII Id. Quint.

D. BRVTVS IMP. M. CICERONI S. D.

N maximo meo dolore hoc solatio utor, quod
I intelligunt homines, nō sine causa me timuisse
se ista, quæ acciderunt. deliberent, utrum
traiciant legiones ex Africa, nec ne, & ex Sardinia
Brutum accersant, nec ne: mihi stipendiū dent, an non,
decernant. ad senatū, literas misi. crede mihi, nisi ista
omnia ita fiunt, quæ admodum scribo, magnum nos o-
mnes adituros periculum. rogo te, uidete, quibus homi-
nibus negotium detis, qui ad me legiones adducāt. &
fide opus est, et celeritate. Vale. III no. Iun. ex castris.

M. CICERO C. MATIO S. D.

On dum satis constitui, molestiae ne plus, an
 N uoluptatis attulerit mihi Trebatius noster, ho-
 mo tum plenus officij, tū utriusque nostrum
 amantissimus. nam cum in Tusculanum uesperī uenisse-
 sem; postridie ille ad me, non dum satis firmo corpore
 cum esset, mane uenit. quem cum obiurgarem, quod
 parum ualeitudini parceret: tum ille, nihil sibi fuisse
 longius, quā ut me uideret. nunquidnam, inquam,
 noui? detulit ad me querelam tuā: de qua prius quā
 respondeo, pauca praeponam. Quā tum memoria repe-
 tere prae terita possum, nemo est mihi te amicus anti-
 quior. sed VETUSTAS habet aliquid commune
 cum multis, amor non habet. dilexi te, quō die cognou-
 ui, meq; à te diligi iudicaui. tuus deinde discessus, isq;
 diuturnus, ambitio nostra, & uitae dissimilitudo non
 est passa uoluntates nostras consuetudine conglutinari.
 tuum tamē erga me animum agnouī multis annis ante
 bellum ciuile, cum Caesar esset in Gallia: quod enim ue-
 hementer mihi utile esse putabas, nec inutile ipsi Cae-
 sari, perfecisti, ut ille me diligeret, coleret, haberet in
 suis. multa praetereo, quae temporibus illis inter nos fa-
 miliarissime dicta, scripta, communicata sunt: gra-
 uiora enim sunt consecuta. & initio belli ciuilis cum
 Brundisium uersus ires ad Caesarem, uenisti ad me in
 Formianum. primum hoc ipsum quanti, praesertim
 temporibus illis? deinde oblitum me putas consilij, ser-
 monis, humanitatis tuae? quibus rebus interesse memi-

ni Trebatium. nec uero oblitus sum literarum tuarum, quas ad me misisti, cum Cæsari obuiam uenissem in agro, ut arbitror, Trebulano. secutum illud tempus est, cum me ad Pompeiū proficisci siue pudor meus coe-
git, siue officium, siue fortuna. quod officium tuum, quod studium uel in absentiā me, uel in praesentes meos defuit? quem porro omnes mei & mihi, & sibi te ami-
ciorem iudicauerunt? ueni Brundisium: oblitum ne me putas, qua celeritate, ut primum audieris, ad me Tarento aduolaris? quæ tua fuerit assessio, oratio, con-
firmatio animi mei fracti cōmunium miseriarum me-
tu? tandem aliquando Romæ esse cœpimus: quid defuit nostræ familiaritati? in maximis rebus, quonam modo me gererem aduersus Cæsarem, usus tuo consilio sum. in reliquis officijs cui tu tribuisti, excepto Cæsare, præ-
ter me, ut domum uentitares, horasq; multas sæpe suauissimo sermone consumeres? tum, cum etiam, si meministi, ut hæc *Ἀλασφοῦ μὲν* scriberem, tu me im-
pulist post Cæsaris reditum, quid tibi maiori curæ fuit, quàm ut essem ego illi quam familiarissimus? quod effe-
ceras. quorsum igitur hæc oratio longior, quàm puta-
ram? quia sum admiratus, te, qui hæc nosse deberes, quidquam à me commissum, quod esset alienum nos-
tra amicitia, credidisse. nam præter hæc, quæ com-
memoraui, quæ testata sunt, & illustria, habeo mul-
ta occultiora, quæ uix uerbis exequi possum. omnia me tua delectant, sed maxime maxima cum fides in
amicitia, consilium, grauitas, constantia, tum lepos,
humanitas, literæ. quapropter redeo nunc ad quere-
lam. Ego te suffragium tulisse in illa lege, primum

non credidi : deinde , si credidissem , nunquam id sine aliqua iusta causa existimarem te fecisse . dignitas tua facit , ut animaduertatur , quidquid facias : malevolentia autem hominum , ut nonnulla durius , quàm à te facta sint , proferantur . ea si tu non audis ; quid dicam , nescio ; equidem si quando audio , tam defendo , quàm me scio à te contra iniquos meos solere defendi . defensio autem est duplex . alia sunt , quæ liquido negare soleam , ut de isto ipso suffragio : alia , quæ defendam à te pie fieri , & humane , ut de curatione ludorum . sed te , hominem doctissimum , non fugit , si Cæsar rex fuerit , quod mihi quidem uidetur , in utranque partem de tuo officio disputari posse : uel in eam , quæ ego uti soleo , laudandam esse fidem , et humanitatem tuam , quæ amicum etiam mortuum diligas : uel in eam , quæ nonnulli utuntur , libertatem patriæ uitæ amici anteponendam . ex his sermonibus utinam essent delatæ ad te disputationes meæ . illa uero duo , quæ maxima sunt laudum tuarum , quis aut libentius , quàm ego , commemorat , aut sæpius ; te & non suscipiendi belli civilis grauißimum auctorem fuisse , & moderandæ uictoriæ ? in quo qui mihi non assentiretur , inueni neminem . quare habeo gratiam Trebatio , familiari nostro , qui mihi dedit causam harum literarum . quibus nisi credideris ; me omnis officij , & humanitatis expertem iudicaris . quo nec mihi grauius quidquam potest esse , nec à te alienius . Vale .

C. MATIVS M. CICERONI S. P. D.

Agnam uoluptatem ex tuis literis cepi, quod,
 M quā speraram, atque optaram, habere te de
 me opinionē cognoui. de qua etsi non dubita-
 bam, tamen, quia maximi aestimabā, ut incorrupta ma-
 neret, laborabam. conscius autē mihi eram, nihil à me
 cōmissum esse, quod boni cuiusquam offenderet animū.
 eo minus credebam, plurimis, atque optimis artibus or-
 nato tibi temere quidquā persuaderi potuisse, praesertim
 in quem mea propensa, et perpetua fuisset, atque es-
 set beneuolentia. quod quando, ut uolui, scio esse: rea-
 spōdebo criminibus, quibus tu pro me, ut par erat, tua
 singulari bonitate, et amicitia nostra saepe restitisti. no-
 ta enim mihi sunt, quæ in me post Cæsaris mortem con-
 tulerint. Vitio mihi dant, quod mortē hominis necessa-
 riū grauitero fero, atque eum, quem dilexi, periisse indi-
 gnor: aiunt enim patriā amicitiae præponendam esse:
 perinde ac si iam uicerint, obitum eius reip. fuisse utilē.
 sed non agam astute. fateor me ad istū gradum sapien-
 tiæ non peruenisse: neque enim Cæsarem in dissensione
 ciuili sum secutus; sed amicū, quanquam re offende-
 bar, tamen non deserui: neque bellum unquam ciuile,
 aut etiā causam dissensionis probaui; quā etiam nascentem
 extinguī, summe studui. itaque in uictoria hominis
 necessarij, neque honoris, neque pecuniæ dulcedine sum
 captus. quibus præmijs reliqui, minus apud eū, quàm
 ego, cū possent, immoderate sunt abusi. atque etiā res
 familiaris mea, lege Cæsaris diminuta est: cuius benefi-
 cio plerique, qui Cæsaris morte letantur, remanserūt in:

ciuitate. ciuibus uictis ut parceretur, æque, ac pro mea salute, laboraui. possum igitur, qui omnes uoluerim incolumes, eum, a quo id impetratum est, periisse non indignari? cū præferim iidem homines illi & inuidiæ, & exitio fuerint. plecteris ergo, inquit; quando factum nostrum improbare audes. o superbiam inauditam, alios in facinore gloriari, alijs ne dolere quidē impune licere. at hæc etiam seruis semper libera fuerunt, timerent, gauderent, dolerent suo potius, quàm alterius, arbitrio. quæ nunc isti, ut quidem dicunt, libertatis auctores metu nobis extorquere conantur. sed nihil agunt. nullius unquam periculi terroribus ab officio, aut ab humanitate desciscam: NVNQVAM enim honestam mortē fugiendam, sæpe etiam appetendam putauim. sed quid mihi succensent, si id opto, ut poeniteat eos sui facti? cupio enim Caesaris mortē omnibus esse acerbam. at debeo pro ciuili parte remp. uelle saluam. id quidem me cupere, nisi & ante acta uita, & reliqua mea spes tacente me probat: dicendo uincere nō postulo. quare maiorem in modum te rogo, ut rem potiore oratione ducas: mihiq; si sentis expedire recte fieri, credas nullam communionem cum improbis esse posse. an, quod adolescens præstiti, cum etiam errare cum excusatione possem; id nunc ætate præcipitata commutem, ac me ipse retexam? non faciam, neque, quod displiceat, committam, præterquam quod hominis mihi coniunctissimi, ac uiri amplissimi doleo grauem casum. quod si aliter essem animatus; nunquam, quod facerē, negarem; ne & in peccando improbus, & in dissimulando timidus, ac uanus existimarer. At ludos, quos

Caesaris

Cæsaris uictoriæ Cæsar adolescens fecit, curauit. At id ad priuatum officium, non ad statum reip. pertinebat. quod tamen munus & hominis amicissimi memoriæ, ac honoribus præstare etiam mortui debui: & optimæ spei adolescenti, ac dignissimo Cæsari petenti negare non potui. ueni etiam consulis Antonij sæpe domum salutandi causa: ad quem, qui me parum patriæ amantem esse existimant, rogandi quidem aliquid, aut auferendi causa frequentes uentitasse reperies. sed quæ hæc est arrogantiæ, quod Cæsar nunquam interpellauit, quin, quibus uellem, atque etiam quos ipse non diligebat, tamen ijs uterer; eos, qui mihi amicum eripuerunt, carpendo me, efficere conari, ne, quos uelim, diligam? sed non uereor, ne aut meæ uitæ modestia parum ualitura sit in posterum contra falsos rumores: aut etiam ijs, qui me non amant propter meam in Cæsarem constantiam, non malint mei, quàm sui, similes amicos habere. mihi quidem si optata contingent: quod reliquum est uitæ, in otio Rhodi degam. sin casus aliquis interpellarit: ita ero Romæ, ut recte fieri semper cupiam. Trebatio nostro magnas gratias ago, quod tuum erga me animum simplicem, atque amicum aperuit; & quod eum, quem semper dilexi lubèter, quo magis tunc colere, atque obseruare deberem, fecit. Bene uale, & me dilige.

M. CICERO M. OPPIO S.

Vbitanti mihi, quod scit Atticus noster, de hoc toto consilio profectiōis, quod in utranque partem in mentem multa ueniebāt, magnum pondus accessit ad tollendam dubitationem, in=

dictum, & consilium tuum. nam & scripsisti aperte, quid tibi uideretur: & Atticus ad me sermonem tuum pertulit. semper iudicaui, in te & in capiendo consilio prudentiam summam esse, & in dando fidem: maximeque sum expertus, cum initio civilis belli per literas te consuluissem, quid mihi faciendum esse censes, eundem ne ad Pompeium, an manendum in Italia: suasis-
sti, ut consulcrem dignitati meae. ex quo, quid sentire-
res, intellexi. et sum admiratus fidem tuam, & in con-
silio dando religionem; quod, cum aliud malle amicis-
simum tuum putares, antiquius tibi officium meum,
quam illius uoluntas fuit. equidem & ante hoc tempus
te dilexi: & semper me à te diligere sensi: & cum abes-
sem, atque in magnis periculis essem, & me absentem,
& meos praesentes à te cultos & defensos esse memini:
& post meum reditum, quam familiariter mecum ui-
xeris, quaeque ego de te & senserim, & praedicarim,
omnes, qui solent haec animadvertere, testes habemus.
grauissimum uero iudicium de mea fide, & de constan-
tia fecisti, cum post mortem Caesaris totum te ad amici-
tiam meam contulisti. quod tuum iudicium nisi mea
summa beneuolentia erga te, omnibusque meritis compro-
baro, ipse me hominem non putabo. Tu mi Oppi conser-
uabis amorem tuum, (etsi more magis hoc quidem scri-
bo, quam quo te admonendum putem) mea quoque omnia
tuebere: quae tibi ne ignota essent, Attico mandavi. A
me autem, cum paulum otij nactierimus, uberiores li-
teras expectato. Da operam, ut ualeas. hoc mihi gra-
tius facere nihil potes.

M. TVLLII CICERONIS EPISTOLARVM,
AD CASSIVM, ET ALIOS,
LIBER XII.

M. CICERO C. CASSIO S. P. D.

Inem nullum facio, mihi crede, Cassi
de te, & de Bruto nostro, id est de to-
ta rep. cogitandi, cuius omnis spes in
uobis est, & in D. Bruto: quam qui-
dem iam habeo ipse meliorem, rep. à
Dolabella meo præclarissime gesta: manabat enim il-
lud malum urbanum, & ita corroborabatur quoti-
die, ut ego quidem & urbi, & otio diffiderem urba-
no: sed ita compressum est, ut mihi uideamur omne
iam ad tempus ab illo duntaxat sordidissimo periculo
tuti futuri. reliqua magna sunt, & multa; sed posi-
ta omnia sunt in uobis: quanquam primum quidque
explicemus: nam, ut adhuc quidem actum est, non re-
gno, sed rege liberati uidemur: interfecto enim rege,
regios omnes nutus tuemur: neque uero id solum, sed
etiam, quæ ipse ille, si uiueret, non faceret, ea nos, quasi
cogitata ab illo, probamus: nec eius quidem rei finem
uideo. tabulæ figuntur: immunitates dantur: pecu-
niæ maximæ describuntur: exules reducuntur: S. C.
falsa referuntur: ut tantummodo odium illud homi-
nis impuri, & seruitutis dolor depulsus esse uideatur:
resp. iaceat in ijs perturbationibus, in quas eam ille con-
iecit. hæc omnia uobis sunt expedienda: nec hoc cogi-
tandum, satis iam habere temp. à uobis. habet illa

AA ij

quidem tantum, quantum nunquam mihi in mentem uenit optare: sed contenta non est; & pro magnitudine & animi, & beneficij uestri à uobis magna desiderat. adhuc ulta suas iniurias est per uos interitu tyranni: nihil amplius: ornamenta uero sua quæ recuperauit? an quod ei mortuo paret, quem uiuum ferre non poterat? cuius æra refigere debebamus, eius etiam chi-rographa defendimus? at enim ita decreuimus. fecimus id quidem temporibus cedentes, quæ ualent in rep. plurimum: sed immoderate quidam, & ingrate nostra facilitate abutuntur. uerum hæc propediem, & multa alia coram. Interim uelim, sic tibi persuadeas, mihi cum reip. quam semper habui carissimam, tum amoris nostri causa, maximæ curæ esse tuam dignitatem. Da operam ut ualeas.

M. CICERO C. CASSIO S. P. D.

Ehementer lætor tibi probari sententiam, &
 V orationem meam. quæ si sæpius uti liceret; nihil esset negotij, libertatem, & rep. recuperare. sed homo amens, & perditus, multoq; nequior, quàm ille ipse, quem tu nequissimum occisum esse dixisti, cædis initium quarit: nullamq; aliam ob causam me auctorem fuisse Cæsaris interficiendi criminatur, nisi ut in me ueterani incitentur. quod ego periculum non extimesco, modo facti uestri gloriam cum mea laude communicem. ita nec Pisoni, qui in eum primus inuectus est nullo assentiente; nec mihi, qui idem tricesimo post die feci; nec P. Seruilio, qui me est conse-

cutus, tuto in senatum uenire licet : eadem enim gladiator quarit ; eiusq; initium ad XIII cal. Oct. à me se facturum putauit . at quàm paratus uenerat, cū in uilla Metelli complures dies commentatus esset . quæ autem in lustris , & in uino commentatio potuit esse ? itaque omnibus est uisus, ut ad te antea scripsi, suo more uomere, non dicere . quare quòd scribis te confidere, auctoritate, & eloquentia nostra aliquid profici posse : non nihil, ut in tantis malis, est profectum : intelligit enim populus R. tres esse consulares, qui, quia, quæ de rep. bene senserint, libere locuti sunt, tuto in senatum uenire non possint . nec est præterea, quòd quidam expectes : tuus enim necessarius affinitate noua delectatur : itaque iam non est studiosus ludorum, infinitoq; fratris tui plausu dirumpitur . alter item affinis nouis commentarijs Casaris delinitus est . sed hæc tolerabilia : illud non ferendum, quòd est, qui uestro anno consulem filium suum futurum putet, ob eamq; causam se huic latroni deservire præ se ferat . nam L. Cotta, familiaris meus, fatali quadam desperatione, ut ait, minus in senatum uenit . L. Casar, optimus, & fortissimus ciuis, ualetudine impeditur . Ser. Sulpicius & summa auctoritate, & optime sentiens, non adest . reliquos, exceptis designatis, ignosce n. ihi, si non numero consulares . habes auctores consilij publici . qui numerus etiam bonis rebus exiguus esset : quid censes, perditis ? quare spes est omnis in uobis . qui si iccirco abestis, ut sitis in tuto, ne in uobis quidem : sin aliquid dignum uestra gloria cogitatis : uelim, saluis nobis : sin id minus, res tamen publica per uos breui tempore ius suum

recuperabit. Ego tuis neque desum, neque deero: qui siue ad me referent, siue non; mea tibi tamen benivolentia, fidesq; præstabitur. Vale.

M. CICERO C. CASSIO S. P. D.

Uget tuus amicus furorem in dies. primum
 A in statua, quam posuit in rostris, inscripsit,
 PARENTI OPTIME MERITO:
 ut non modo sicarij, sed iam etiam parricidæ iudicemini: quid dico, iudicemini? iudicemur potius: uestri enim pulcherrimi facti ille furiosus me principem dicit fuisse. utinam quidem fuisset: molestus nobis non esset. sed hoc uestrum fuit: quod quando præterijt; utinam haberem, quid darem uobis consilij. sed ne mihi quidem ipsi, reperio, quid faciundum sit: QUID enim est, quod contra uim sine ui fieri possit? consilium autem omne hoc est illorum, ut mortem Cæsaris persequantur. itaque ante diem VI. non. Oct. productus in concionem à Canutio, turpissime ille quidem discessit, sed tamen ea dixit de conseruatoribus patriæ, quæ dici deberent de proditoribus: de me quidem non dubitanter, quin omnia de meo consilio & uos fecissetis, & Canutius faceret. cætera cuiusmodi sint, ex hoc iudica, quod legato tuo uiaticum eripuerunt. quid eos interpretari putas, cum hoc faciunt? ad hostem scilicet portari. o rem miseram. dominum ferre non potuimus: conseruamus. et tamen me quidem fauente magis, quàm sperante, etiam nunc residet spes in uirtute tua. sed ubi sunt copiæ? de reliquo malo te ipsum loqui tecum, quàm dicta nostra cognoscere. Vale.

M. CICERO C. CASSIO S. P. D.

Ellem, id. Mart. me ad cœnam inuitasses: reli-
 V quiarũ nihil fuisset. nunc me reliquæ uestræ
 exercent, et quidem præter cæteros me. quan-
 quam egregios consules habemus, sed turpissimos consu-
 lares; senatũ fortem, sed infimo quenque honore fortissi-
 mum; populo uero nihil fortius, nihil melius, Italiaq;
 uniuersa. nihil autem fœdius Philippo, et Pisone legatis,
 nihil flagitiosius: qui cum essent missi, ut Antonio ex se-
 natus sententia certas res renunciarent; cum ille earum
 rerum nulli paruisset, ultro ab illo ad nos intolerabilia
 postulata retulerunt. itaque ad nos concurritur: factiq;
 iam in re saluari populares sumus. sed tu quid ageres,
 quid acturus, ubi denique esses, nesciebã. fama nuncia-
 bat te esse in Syria: auctor erat nemo. De Bruto, quo pro-
 pius est, eo firmiora uidentur esse, quæ nunciantur. Dola-
 bella ualde uituperabatur ab hominibus nõ insulis, quòd
 tibi tam cito succederet, cũ tu uixdum triginta dies in Sy-
 ria fuisses. itaque constabat, eum recipi in Syriã non opor-
 tere. Summa laus et tua, et Bruti est, quòd exercitũ præ-
 ter spem existimamini cõparasse. scriberem plura, si rem,
 causamq; nossem. nunc quæ scribo, scribo ex opinione ho-
 minum, atque fama. Tuas literas auide expecto. Vale.

M. CICERO C. CASSIO S. P. D.

Iemem credo adhuc prohibuisse, quo minus de
 H te certum haberemus, quid ageres, maxi-
 meq; ubi esses. loquebantur omnes tamen,
 credo, quòd uolebant, in Syria te esse, habere copias.

id autē eo facilius credebatur, quia simile uero uidebatur. Brutus quidē noster egregiam laudem est consecutus: res enim tantas gēssit, tamq̃; inopinatas, ut ex cū per se grata essent, tum gratiores propter celeritatē. quod si tu ea tenes, quæ putamus: magnis subsidijis sul-
ta resp. est. à prima enim ora Græciæ usque ad Aegy-
ptum optimorū ciuium imperijs muniti erimus, et copijs.
qu岸quam, nisi me fallebat, res sic se habebat, ut totius
belli omne discrimen in D. Bruto positū uideretur: qui
si, ut sperabamus, erupisset Mutina; nihil belli reliquū
fore uidebatur. paruis omnino iam copijs obsidebatur,
quod magno præsidio Bononiā tenebat Antonius. erat
autem Claternæ noster Hirtius, ad Forū Cornelium Cæ-
sar, uterque cum firmo exercitu: magnasq̃; Romæ Pan-
sa copias ex delectu Italiæ compararat. hiems adhuc rē
geri prohibuerat. Hirtius nihil nisi considerate, ut mihi
crebris literis significat, acturus uidebatur. præter Bo-
noniam, regium Lepidi, Parmam, totam Galliam te-
nebamus studiosissimam reip. tuos etiam clientes trās pa-
danos mirifice coniunctos cum causa habebamus. erat
firmissimus senatus, exceptis consularibus: ex quibus
unus L. Cæsar firmus est, et rectus. Ser. Sulpicij mor-
te magnum præsidium amisimus. reliqui partim iner-
tes, partim improbi. nonnulli inuident eorum laudi,
quos in rep. probari uident. populi uero R. totiusq̃; Ita-
liæ mira consensio est. hæc erant fere, quæ tibi nota es-
se uellem. nunc autem opto, ut ab istis orientis parti-
bus uirtutis tuæ lumen eluceat. Vale.

M. CICERO C. CASSIO S. P. D.

Vi status rerum fuerit tum, cum has literas
 Q dedi, scire poteris ex C. Tidio Strabone, viro
 bono, et optime de rep. sentiente: nam quid
 dicam, cupidissimo tui, qui domo, & fortunis relictis,
 ad te potissimum profectus sit? itaque eum tibi ne com-
 mendo quidem. aduentus ipsius ad te satis eum com-
 mendabit. Tu, uelim, sic existimes, tibiq; persuadeas,
 omne perfugium bonorum in te, & Bruto esse positum,
 si, quod nolum, aduersi quid euenerit. res, cum hac scri-
 bebam, erat in extremum deducta discrimen: Brutus
 enim Mutina uix iam sustinebat. qui si conseruatus
 erit; uicimus: sin (quod Diu omen auertant); omnis
 omnium cursus est ad uos. proinde fac tantum ani-
 mum habeas, tantumq; apparatus, quanto opus est
 ad uniuersam remp. recuperandam. Vale.

M. CICERO C. CASSIO S. P. D.

Vanto studio dignitatem tuam et in senatu,
 Q & ad populum defenderim, ex tuis te malo,
 quàm ex me cognoscere. quæ mea sententia
 in senatu facile ualuisse, nisi Pansa uehementer obli-
 tisset. ea sententia dicta, productus sum in concionem
 à tribuno pl. M. Seruilio. dixi de te, quæ potui, tanta con-
 tentione, quantum forum est; tanto clamore, consen-
 suq; populi, ut nihil unquam simile uiderim. id uelim
 mihi ignoscas, quòd inuita socru tua fecerim. mulier tã
 mida uerebatur, ne Pansæ animus offenderetur. in con-

cione quidem Parsa dixit, matrem quoque tuam, & fratrem illam à me sententiam noluisse dici. sed me hæc non mouebant: alia malebam: fauebam & reip. cui semper faui, & dignitati, ac gloriæ tuæ. quod autem & in senatu pluribus uerbis disserui, & dixi in concione, in eo, uelim, fidem meam liberes: promisi enim, & prope confirmaui, te non expectasse, nec expectaturum decreta nostra, sed te ipsum tuo more remp. defensurum. et quanquam nihil dum audieramus, nec ubi esset, nec quas copias haberes: tamen sic statuebā, omnes, quæ in istis partibus essent, opes, copiasq; tuas esse: per teq; Asiam prouinciam confidebam iam reip. recuperatam. tu fac, in augenda gloria te ipsum uincas. Vale.

M. CICERO C. CASSIO S. P. D.

Celus affinis tui Lepidi, summamq; leuitas
 S tem, & inconstantiam, ex actis, quæ ad te
 mitti certo scio, cognosse te arbitror. itaque
 nos confecto bello, ut arbitrabamur, renouatum bellum
 gerimus: spemq; omnem in D. Bruto, & Planco habemus: si uerum quæris, in te, & in meo Bruto non solum ad præsens perfugium, si, quod nolim, aduersi quid acciderit, sed etiam ad confirmationem perpetuæ libertatis. Nos hic de Dolabella audiebamus, quæ uellemus: sed certos auctores non habebamus. te quidem magnum hominem & præsentii iudicio, & reliqui temporis expectatione scito esse. hoc tibi proposito, fac ut ad summa contendas. nihil est tantum, quod non populus R. à te perfici, atque obtineri posse iudicet. Vale.

M. CICERO C. CASSIO S. P. D.

Reuertas tuarum literarum me quoque breuio
 B rem in scribendo facit : & , uere ut dicam ,
 non satis occurrit , quod scribam : nostras ea-
 nim res in actis perferri ad te , certo scio : tuas autem
 ignoramus : tanquam enim clausa sit Asia , sic ni-
 hil perfertur ad nos , præter rumores de oppresso Dolab-
 ella , satis illos quidem constantes , sed adhuc sine aucto-
 re . Nos confectum bellum cum putaremus , repente à
 Lepido tuo in summam sollicitudinem adducti sumus .
 itaque persuade tibi , maximam reip. spem in te , & in
 tuis copijs esse . firmos omnino exercitus habemus : sed
 tamen , ut omnia , ut spero , prospere procedant , mul-
 tum interest te uenire : exigua est enim spes reip. nam
 nullam non libet dicere : sed quæcunque est , ea despon-
 detur anno consulatus tui . Vale .

M. CICERO C. CASSIO S. P. D.

Epidus , tuus affinis , meus familiaris , prid.
 L cal. Quint. sententijs omnibus hostis à sena-
 tu indicatus est , ceteriq; , qui unacum illo à
 rep. defecerunt . quibus tamen ad sanitatem redeundi
 ante cal. Sept. potestas facta est . fortis sine senatus ,
 sed maxime spe subsidij tui . bellum quidem , cum hæc
 scribebam , sane magnum erat scelere , & leuitate
 Lepidi . Nos de Dolabella quotidie , quæ uolumus ,
 audimus , sed adhuc sine capite , sine auctore , rumo-
 re nuncio . quod cum ita esset , tamen literis tuis , qua

non. Maij ex castris datas acceperamus, ita persuasum erat ciuitati, ut illum iam oppressum omnes arbitrentur, te autem in Italiam uenire cum exercitu: ut si hæc ex sententia confecta essent, consilio, atque auctoritate tua; sin quid forte titubatum esset, ut sit in bello, exercitu tuo niteremur. quem quidem ego exercitum quibuscunque potero rebus ornabo. cuius rei tum tempus erit, cum, quid opis reip. laturus exercitus sit, aut quid iam tulerit, notum esse coeperit: nam adhuc tantum conatus audiuntur, optimi illi quidem, & præclarissimi, sed gesta res expectatur: quam quidem aut iam esse aliquam, aut appropinquare confido. tua uirtute, & magnitudine animi nihil est nobilius. itaque optamus, ut quamprimum te in Italia uideamus. remp. nos habere arbitramur, si uos habebimus. præclare uiceramus, nisi spoliatum, inermem, fugientem Lepidus recepiisset Antonium. itaque nunquam tanto odio ciuitati Antonius fuit, quanto est Lepidus: ille enim ex turbulenta rep. hic ex pace, & uictoria bellum excitauit. huic oppositos consules des. habemus: in quibus est magna illa quidem spes, sed anceps cura propter incertos exitus præliorum. persuade tibi igitur, in te, & in Bruto tuo esse omnia, uos expectari, Brutum quidem iam iamq;. quod si, ut spero, uictis hostibus nostris ueneritis: tamen auctoritate uestra resp. exurget, & in aliquo statu tolerabili consistet: sunt enim permulta, quibus erit medendum; etiam si resp. satis esse uidebitur sceleribus hostium liberata. Vale.

C. CASSIVS PRO CONS.

M. CICERONI S. D.

I uales, bene est: ego quidem ualeo. In Syria
 S me profectum esse scito ad L. Murcum, &
 Q. Crispum imp. Viri fortes, optimiq; ciues,
 posteaquam audierunt, quæ Romæ gererentur; exerci-
 tus mihi tradiderunt; ipsiq; mecum una fortissimo ani-
 mo remp. administrant. item legionem, quam Q. Cæ-
 cilius Bassus habuit, ad me uenisse scito. quatuorq; le-
 giones, quas A. Allienus ex Aegypto eduxit, traditas
 ab eo mihi esse scito. Nunc te cohortatione non puto in-
 digere, ut nos absentes, remq; publicam, quantum op-
 pus est, defendas. scire te uolo, firma præsidia uobis,
 senatuiq; non deesse, ut optima spe, & maxima ani-
 mo remp. defendas. reliqua tecū aget L. Carteijs, fami-
 liaris meus. Vale. Data no. Mart. ex castris, Taricheis.

C. CASSIVS PRO CONS.

M. CICERONI S. D.

I uales, bene est: ego quidem ualeo. Legi tuas
 S literas, in quibus mirificum tuum erga me
 amorem recognoui: uidebaris enim non so-
 lum fauere nobis, id quod & nostra, & reip. causa sem-
 per fecisti; sed etiam grauem curam suscepisse, uehe-
 menterq; esse de nobis sollicitus. itaque quod te primum
 existimare putabam, nos oppressa rep. quiescere nō pos-
 se; deinde, cum suspicāre nos moliri, quod te sollicitum
 esse & de salute nostra, & de rerum euentu putabam;
 simul ac legiones accepi, quas A. Allienus eduxerat ex

Aegypto; scripsi ad te, tabellariosq; complures Romam misi. scripsi etiam ad senatum literas, quas reddi uetui prius, quàm tibi recitatæ essent; si forte mei obtemperare mihi uoluerunt. quòd si literæ perlatae non sunt; non dubito, quin Dolabella, qui, nefarie Trebonio occiso, Asiam occupauit, tabellarios meos deprehenderit, literasq; interceperit. exercitus omnes, qui in Syria fuere, teneo. habui paululum moræ, dum promissa militibus persoluo. nunc iam sum expeditus. A te peto, ut dignitatem meam tibi commendatam habeas, si me intelligis nullum neque periculum, neque laborem patriæ denegasse: si contra importunissimos latrones arma cepi te hortante, & auctore: si non solum exercitum ad rep. libertatemq; defendendam comparauì, sed etiam crudelissimis tyrannis eripui. quem si occupasset Dolabella; non solum aduentu, sed etiam opinione, & expectatione exercitus sui Antonium confirmasset. quas ob res milites tuere, si eos mirifice de rep. meritos esse animaduertis: & effice, ne quem poeniteat, rep. quàm spem prædæ, & rapinarum, sequi maluisse. item Murci, & Crispi Imp. dignitatem, quantum est in te, tuere. nam Bassus misere noluit mihi legionem tradere; quòd nisi milites inuito eo legatos ad me misissent; clausam Apameam tenuisset, quoad ui esset expugnata. hæc à te peto non solum reip. quæ tibi semper fuit carissima, sed etiam amicitia nostræ nomine: quam confido apud te plurimum posse. crede mihi, hunc exercitum, quem habeo, senatus, atque optimi cuiusque esse, maximeq; tuum: de cuius uoluntate assidue audiendo, mirifice te diligit, carumq; habet. qui si intellexit

rit commoda sua curæ tibi esse; debere etiam se tibi omnia putabit. Literis scriptis, audiui Dolabellam in Ciliciam uenisse cum suis, copijs. proficiscar in Ciliciam. quid egerim, celeriter ut scias, dabo operam. ac uelim, ut mereamur de rep. sic felices simus. Fac ualeas, meq; ames. nonis Maij, ex castris.

C. CASSIVS S. D. M. CICERONI.

I uales, bene est: ego quidem ualeo. Cum
 S reip. uel salute, uel uictoria gaudemus; tum
 instauratione tuarum laudum. quod maximus consularis maximum consulem te ipse uicisti, & letamur, & mirari satis non possumus. fatale nescio quid tuæ uirtuti datum: id quod iam sæpe experti sumus: est enim tua toga omnium armis felicior: quæ sunt quoque nobis pene uictam rep. ex manibus hostium eripuit, ac reddidit. nunc ergo uiuemus liberi. nunc te omnium maxime ciuis, & mihi carissime, id quod maxime reip. tenebris comperisti, nunc te habebimus testem nostri & in te, & in coniunctissimam tibi rep. amoris: & quæ sæpe pollicitus es te & tacitarum, dum seruiremus, & dicturum de me tum, cum profutura essent; nunc illa non ego quidem dici tantopere desiderabo, quàm sentiri à te ipso: neque enim omnium iudicio malim me à te commendari, quàm ipse tuo iudicio digne, ac mereor, commendatus esse: ut hæc nouissima nostra facta non subita, nec inconuenientia, sed similia illis cogitationibus, quarum tu testis es, fuisse iudices; meq; ad optimam spem patriæ non minimum tibi ipsi producendum putes. sunt

tibi M. Tulli liberi, propinqui; digni quidem te, & merito tibi carissimi. esse etiam debent in rep. proxime hos cari, qui studiorum tuorum sunt æmuli: quorum esse cupio tibi copiam: sed tamen non maxima me turba puto excludi, quo minus tibi uacet me excipere, & ad omnia, quæ uelis, & probes, producere. animus tibi nostrum fortasse probauimus: ingenium certe diutina seruitus, qualescunque est, minus tamen, quàm erat, passa est uideri. Nos ex ora maritima Asiæ prouinciæ, et ex insulis, quas potuimus, naues deduximus. delectum remigum, magna contumacia ciuitatum, tamen satis celeriter habuimus. secuti sumus classem Dolabellæ, cui Lucilius præerat: qui spem sæpe transitionis præbendo, neque unquam non decedendo, nouissime Corycum se contulit, et clauso portu se tenere coepit. nos illa relicta, quod & in castra peruenire satius esse putabamus; & sequebatur classis altera, quam anno priore in Bithynia Tullius Cimber compararat, cui Turulius quæstor præerat: Cyprum petiuimus. ibi, quæ cognouimus, scribere ad uos quam celerime uoluimus. Dolabellam ut Tarsenses, pessimi socij, ita Laodicensi multo amentiores ultro accersierunt. ex quibus utrisque ciuitatibus, Græcorum militum numero, speciem exercitus effecit. castra habet ante oppidum Laodiceam posita; & partem muri demolitus est; et castra oppido coniunxit. Cassius noster cum decem legionibus, & cohortibus uiginti auxiliarijs, & quatuor millibus equitum à militibus passuum uiginti, castra habet posita Παλρῆς; & existimat se sine prælio posse uincere: nam iam ternis tetradrachmis triticum penes

penes Dolabellam est: nisi quid navibus Laodiceiorum supportarit, cito fame pereat, necesse est: ne supportare possit, et Cassij classis bene magna, cui praeest Sestilius Rufus, & tres, quas nos adduximus, ego, Turulius, & Patiscus facile prestabunt. uolo igitur uos bene sperare; & temp. ut uos isthic expediistis, ita pro nostra parte celeriter nobis expediri posse, confidere. Vale. Data idibus Iun. Cypro, Acromani lacride.

LENTVLVS CICERONI SVO S. D.

Um Brutum nostrum conuenissem, eumq; tardius in Asiam uenturum animaduertentem: in Asiam redi, ut reliquias mei laboris colligerem, et pecuniam quamprimum Romam mitterem: interim cognoui in Lycia esse classem Dolabellae, ampliusq; centum naues onerarias, in quas exercitus eius imponi posset; idq; Dolabellam ea mente comparasse, ut, si Syriae spes eum frustrata esset, conscenderet in naues, & Italiam peteret, seq; cum Antoniis, & reliquis latronibus coniungeret. cuius rei tanto in timore fui, ut, omnibus rebus relictis, cum paucioribus & minoribus navibus ad illas ire conatus sim. quae res, si à Rhodijs non essem interpellatus, fortasse tota sublata esset: tamen magna ex parte profligata est: quandoquidem classis dissipata est: aduentus nostri timore milites, ducesq; effugerunt: onerariae omnes ad unam à nobis sunt exceptae. certe, quod maxime timui, uideor esse consecutus, ut non possit classe Dolabella in Italiam peruenire, nec, socijs suis firmatis, durius uobis efficere negotium.

Rhodij nos, & temp. quàm ualde desperauerint, ex literis, quas publice misi, cognosces. et quidem multo parcius scripsi, quàm re uera furere eos inueni. quòd uero aliquid de his scripsi, mirari noli: mira est eorum amentia: nec me meae ullae priuatim iniuriae mouerunt unquam: malus animus eorum in nostram salutem, cupiditas partium aliarum, perseverantia in contemptione optimi cuiusque ferenda mihi non fuit. nec tamen omnes perditos esse puto. sed ijdem illi, qui tum fugientem patrem meum, qui L. Lentulum, qui Pompeium, qui ceteros uiros clarissimos non receperunt; ijdem, tanquam aliquo fato, & nunc aut magistratum gerunt, aut eos, qui sunt in magistratu, in sua habent potestate. itaque eadem superbia in prauitate utitur: quorum improbitatem aliquando retundi, & non pati impunitate augeri, non solum utile est reip. nostrae, sed etiam necessarium. De nostra dignitate, uelim, tibi ut semper cura sit; et quocunque tempore occasionem habueris, & in senatu, & in ceteris rebus laudi nostrae suffragere. quando consulibus decreta est Asia; & permissum est ijs, ut, dum ipsi uenirent, darent negotium, qui Asiam obtineant: rogo te, petas ab ijs, ut hanc dignitatem potissimum nobis tribuant, & mihi dent negotium, ut Asiam obtineam, dum ipsorum alteruter uenit. nam, quòd huc properent in magistratu uenire, aut exercitum mittere, causam non habent: Dolabella enim in Syria est; & ut tu diuina tua mente prospexisti, & praedicasti, dum isti ueniunt, Cassius eum opprimit: exclusus enim ab Antiochia Dolabella, & in oppugnando male acceptus, nulla alia confusus urbe, Laodiceam, quae est

in Syria ad mare, se contulit. ibi spero celeriter cum pec-
 nas daturum. nam neque, quò refugiat, habet: neque
 diutius ibi poterit tantum exercitum Cassij sustinere. spe-
 ro etiam confectum esse iam, & oppressum. quare non
 puto Pansa, & Hirtium in consulatu properaturos in
 provincias exte, sed Romæ acturos consulatum. ita-
 que si ab his petieris, ut interea nobis procurationē Asiae
 dent, spero te posse impetrare. præterea mihi promissa-
 runt Pansa & Hirtius coram, & absenti mihi scripse-
 runt, Verriusq; nostro Pansa affirmavit, se daturum
 operam, ne in suo consulatu mihi succedatur. ego porro
 non mediis fidius cupiditate provinciae produci longius
 spatium mihi uolo: nam mihi fuit ista provincia ple-
 na laboris, periculi, detrimenti. quæ ego ne frustra su-
 bierim; ne uē prius, quàm reliquias meæ diligentiae
 consequar; decedere cogar; ualde laboro. nam si po-
 tuissem, quam exegeram, pecuniam uniuersam mitte-
 re; postularem, ut mihi succederetur. nunc quod Cassi-
 o dedi, quod Trebonij morte amisimus, quod etiam cru-
 delitate Dolabellæ, aut perfidia eorum, qui mihi fidem,
 rei; publ. non præstiterunt; ita consequi, & reficere
 uolo. quod aliter non potest fieri, nisi spatium habuero:
 id ut per te consequar, uelim, ut solet, tibi cura sit.
 ego me de rep. ita puto esse meritum, ut non provinciae
 istius beneficium expectare debeam, sed tantum, quan-
 tum Cassius, & Bruti, non solum illius facti, pericu-
 li; societate, sed etiam huius temporis studio, & uir-
 tute. primus enim ego leges Antonianas fregi: primus
 equitatum Dolabellæ ad rep. trauxi, Cassioq; tra-
 didi: primus delectus habui pro salute omnium contra

coniurationem sceleratissimam: solus Cassio, & reip.
Syriam, exercitusq; qui ibi erant, coniunxi: nam nisi
ego tantam pecuniam, tantaq; praesidia, & tam celeriter
Cassio dedissem; ne ausus quidem esset ire in Syriam, et
nunc non minora pericula reip. à Dolabella instarent,
quàm ab Antonio. atque haec omnia is feci, qui et soda-
lis, et familiarissimus Dolabellae eram, coniunctissimus
sanguine Antoniis: provinciam quoque illorum beneficio ha-
bebam: sed παρὰ τὴν ἐμὴν μάχην, omnibus meis
bellum primus indixi, haec etsi adhuc non magnopere
mihi tulisse fructum animaduerto: tamen non despero,
nec defatigabor permanere non solum in studio liberta-
tis, sed etiam in labore, & periculis: attamen si etiam
aliqua gloria iusta, & merita prouocabimur, senatus,
et optimi cuiusque officijs, maiore cum auctoritate apud
ceteros erimus, et eo plus prodesse reip. poterimus. Filiū
tuum, ad Brutū cum ueni, uidere non potui; ideo quod
iā in hiberna cum equitibus erat profectus. sed mediū
fidius ea esse cum opinione, et tua, et ipsius, et in primis
mea causa gaudeo: fratris enim loco mihi est, qui ex te
natus, teq; dignus est. Vale. Data IIII cal. Iun. Pergae.

P. LENTVLVS P. F. PRO QVAES.
PRO PRAET. S. D. CONSS. PRAETT.
TRIBB. PL. SENATVI, PO-
PYLO, PLEBIQVE R.

I ualetis, liberiq; uestri ualent, bene est: ego
quoque ualeo. Scelere Dolabellae oppressa
Asia in proximam prouinciam Macedonia,
praesidiaq; reip. quae M. Brutus uir clarissimus tenebat,

me contuli; & id egi, ut, per quos celerrime posset, Asia provincia, uectigaliaq; in uestram potestatem redigerentur. quod cum pertinuisset Dolabella; & uastata provincia, correptis uectigalibus, præcipue ciuibus Romanis omnibus crudelissime denudatis, ac diuentis, celerius Asia excessisset; quàm eò præsidium adduci potuisset: diutius morari, aut expectare præsidium, non necesse habui: et quamprimum ad meum officium reuertendum mihi esse existimaui, ut & reliqua uectigalia exigerem, & quam deposui, pecuniam colligerem: quidquid ex ea correptum esset, aut quorum id culpa accidisset, cognoscerem quamprimum, & uos de omni re facerem certiores. interim cum per insulas in Asiam nauiganti mihi nunciatum esset, classem Dolabellæ in Lycia esse, Rhodiosq; naues cõplures instructas, & paratas in aqua habere: cum ijs nauibus, quas aut mecum adduxeram; aut comparauerat Patiscus pro quaestore, homo mihi cū familiaritate, tum etiã sensibus in rep. coniunctissimus, Rhodum reuerti, confusus auctoritate uestra, senatusq; consulto, quo hostem Dolabellam iudicaratis, fœdere quoque, quod cum ijs M. Marcello, Ser. Sulpicio cõsulibus renouatum erat, quo iurauerant Rhodij, eosdem hostes se habituros, quos senatus, populusq; R. quæ res nos uehementer fefellit: tantum enim abfuit, ut illorum præsidio nostram firmaremus classem, ut etiam à Rhodijs urbe, portu, statione, quæ extra urbem est, comœatu, aqua denique prohiberentur nostri milites, nos uix ipsi singulis cum nauigiolis reciperemur. quam indignitatem, diminutionemq; maiestatis nō solum iuris nostri, sed etiam im-

perij, populiq; R. accirco tulimus, quòd interceptis literis cognoramus, Dolabellam, si desperasset de Syria, Aegyptòq;, quod necesse erat fieri, in naues cum omnibus suis latronibus, atque omni pecunia conscendere esse paratum, Italiamq; petere. iccirco etiam naues onerarias, quarum minor nulla erat duum millium amphorarum, contractas in Lycia à classe eius obsideri. huius rei timore P. C. percitus, iniurias perpeti, & cum contumelia etiam nostra omnia prius experiri malui. itaque ad illorum uoluntatem introductus in urbem, & in senatum eorum, quàm diligentissime potui, causam reip. egi: periculumq; omne, quod instaret, si ille latro cum omnibus suis naues conscendisset, exposui. Rhodios autem tanta in prauitate animaduerti; ut omnes firmiores putarent, quàm bonos; ut hanc concordiam, & consirationem omnium ordinum ad defendendam libertatem propense non crederent esse factam; ut patientiam senatus, & optimi cuiusque manere etiam nunc confiderent, nec potuisse audere quenquam, Dolabellam hostem iudicare; ut denique omnia, quæ improbi fingeant, magis uera existimarent, quàm quæ uere facta erant, & à nobis docebantur. quæ mente etiam ante nostrum aduentum, post Trebonij indignissimam cædem, cæteraq; tot, tamq; nefaria facinorosa, binæ profectæ erant ad Dolabellam legationes eorum, & quidem nouo exemplo, contra leges ipsorum, prohibentibus ijs, qui tum magistratus gerebant. hæc siue timore; ut dictitant, de agris, quos in continenti habent, siue furore, siue potentia paucorum, qui & antea pari contumelia uiros clarissimos affecerant,

Et nunc maximos magistratus gerentes, nullo exemplo, neque uestra ex parte, neque nostro praesentium, neque imminenti Italia, urbiq; nostrae periculo, si ille parricida cum suis latronibus, nauibus, ex Asia, Syriaq; expulsus, Italiam petisset, mederi, cum facile possent, noluerunt. nonnullis etiam ipsi magistratus ueniebant in suspicionem, detinuisse nos, et demorati esse, dum Classis Dolabellae certior fieret de aduentu nostro. quam suspicionem consecuta res aliquot auxerunt, maxime quod subito ex Lycia Sex. Martus, et C. Titius, legati Dolabellae, a classe discesserunt, nauiq; longa profugerunt, onerarijs relictis, in quibus colligendis non minimum temporis, laborisq; consumpserunt. itaque cum a Rhodo cum ijs, quas habueramus, nauibus in Lyciam uenissemus, naues onerarias recepitmus, dominisq; restituiimus. idemq;, quod maxime uerebamus, ne posset Dolabella cum suis latronibus in Italiam uenire, timere desimus. classem fugientem persecuti sumus usque ad Sydam, quae extrema regio est prouinciae meae. ibi cognoui partem nauium Dolabellae diffugisse, reliquas Syriam, Cyprumq; petisse. quibus disiectis, cum scirem C. Cassii, singularis ciuis, et duobus, classem maximam fore praesto in Syria: ad meum officium reuerti: daboq; operam, ut meum studium, et diligentiam uobis P. C. et reip. praestem, pecuniamq;, quam maximam potero, et quam celerrime, cogam, omnibusq; cum rationibus ad uos mittam. si percurrero prouinciam, et cognouero, qui nobis, et reip. fidem praestiterunt in conseruanda pecunia a me deposita, quiq; scelere ultro deferentes pecuniam publica

cam hoc munere societatem facinorum cum Dolabella
 inierunt, faciam uos certiores. de quibus, si uobis ui-
 debitur, si, ut meriti sunt, grauitur constitueritis;
 nosq; uestra auctoritate firmaueritis: facilius & reli-
 qua exigere uectigalia; & exacta seruare poterimus.
 interea quo commodius uectigalia tueri, provinciamq;
 ab iniuria defendere possim, praesidium necessarium,
 uoluntariumq; comparauimus. His literis scriptis, mili-
 tes circiter XXX, quos Dolabella ex Asia conscripse-
 rat, e Syria fugientes in Pamphylia uenerunt: hi
 nunciauerunt, Dolabellam Antiochiam, quae in Syria
 est, uenisse, non receptum: conatum esse aliquoties ui-
 introire, repulsum semper esse cum magno suo detri-
 mento: itaque centum circiter amissis, agrisq; complu-
 ribus relictis, noctu Antiochia profugisse Laodiceam
 uersus: ea nocte omnes fere Asiaticos milites ab eo disces-
 sisse: ex his ad octingentos Antiochiam rediisse, & se
 ijs tradidisse, qui a Cassio relictis, urbi illi praeerant: ce-
 teros per Amanum in Ciliciam descendisse: quo ex nu-
 mero se quoque esse dicebant: Cassium autem cum suis
 omnibus copijs nunciatum esse quatruidui iter a Laodia-
 cea abfuisse tum, cum Dolabella eò tenderet. quamob-
 rem opinione celerius confido sceleratissimum latronem
 poenas daturum. 1111 non. Iun. Perga.

C. TREBONIUS M. CICERONI S.

I uales, bene est: ego quidem ualeo. Athenas ueni ad X. I. cal. iun. atque ibi, quod maxime optabam, uidi filium tuum, deditum optimis studiis, summaq; modestiæ fama. quæ ex re quantam uoluptatem ceperim, scire potes etiam me tacente: non enim nescis, quantitate faciam; & quàm pro nostro ueterrimo, uerissimoq; amore omnibus tuis etiam minimis commodis, non modo tanto bono gaudeam. noli putare mi Cicero, me hoc auribus tuis dare. nihil adolescente tuo, atque adeo nostro (nihil enim mihi à te potest esse seiunctum) aut amabilius omnibus ijs, qui Athenis sunt, est; aut studiosius earum artium, quas tu maxime amas, hoc est optimarum. itaque tibi, quod uere facere possum, libenter quoque gratulor, nec minus etiam nobis; quòd cum, quem necesse erat diligere, qualiscunque esset, talem habemus, ut libenter quoque diligamus. qui cum mihi in sermone iniecisset, se uelle Asiam uisere; non modo inuitatus, sed etiam rogatus est à me, ut id potissimum nobis obtinentibus prouinciam faceret. cui nos & caritate, et amore tuum officium præstatueros non debes dubitare. illud quoque erit nobis curæ, ut Cratippus una cum eo sit; ne putes in Asia feriatum illum ab ijs studiis, in quæ tua cohortatione incitatur, futurum: nam illum paratum, ut uideo, & ingressum pleno gradu, cohortari non intermitteremus, quo in dies longius discendo, exercendoq; se, procedat. Vos quid ageretis in rep. cum has literas dabam, non sciebam. audiebam quædam turbulenta:

quæ scilicet cupio esse falsa; ut aliquando otiosa libertate fruamur: quod uel minime adhuc mihi contigit. ego tamen nactus in nauigatione nostra pusillum laxamenti, concinnaui tibi munusculum ex instituto meo: & dictum, cum magno nostro honore à te dictum, conclusi, & tibi infra subscripsi. in quibus uersiculis si tibi quibusdam uerbis *Ad. Iu. p. q. u. e. s. d. p. o. s.* uidebor: turpitudine personæ eius, in quam libentius inuehimur, non uindicabit. ignosces etiam iracundiæ nostræ, quæ iusta est in eiusmodi & homines, & ciues. deinde qui magis hoc Lucilio licuerit assumere libertatis, quàm nobis? cum, etiam si odio pari fuerit in eos, quos læsit, tamen certe non magis dignos habuerit, in quos tanta libertate uerborum incurreret. tu, sicut mihi pollicitus es, adiunges me quamprimum ad tuos sermones. namque illud non dubito, quin, si quid de interitu Caesaris scribas, non patiaris me minimam partem & rei, & amoris tui ferre. Vale, & matrem, meosq; tibi commendatos habe. D. VIII. cal. Iun. Athenis.

M. CICERO Q. CORNIFICIO
COLLEGAE S.

Rata mihi uehementer est memoria nostri tua,
G. quam significasti literis: quam ut conserues,
non quo de tua constantia dubitem, sed quia
mos est ita rogandi, rogo. Ex Syria nobis tumultuosiora quædam nunciata sunt; quæ, quia tibi sunt propiora, quàm nobis, tua me causa magis mouent, quàm mea. Romæ summum otium est, sed ita, ut malis salubre aliquod, & honestum negotium: quod spero fore,

quã uideo id curã esse Cæsari. Me scito, dum tu absis, quasi occasionem quandam, & licentiam nactum, scribere audacius, & cætera quidem fortasse, quæ etiã tu concederes: sed proxime scripsi de optimo genere dicendi: in quo sæpe suspicatus sum te à iudicio nostro, sic scilicet, ut doctum hominem à non indocto, paululum dissidere. huic tu libro, maxime uelim ex animo; si minus, gratiæ causa suffragere. dicam tuis, ut eum, si uelint, describant, ad teq; mittant: puto enim, etiã si rem minus probabis, tamen in ista solitudine, quidquid à me profectũ sit, iucundum tibi fore. Quod mihi existimationem tuam, dignitatemq; commendas: facis tu quidẽ omnium more: sed uelim; sic existimes, me cum amori, quem inter nos mutuum esse intelligam, plurimum tribuere, tum de summo ingenio; & de optimis tuis studijs, et de spe amplissimæ dignitatis ita iudicare, ut neminẽ tibi anteponam, comparem paucos. Vale.

CICERO CORNIFICIO

COLLEGE S. D.

Quod extremum fuit in ea epistola, quam à te proxime accepi, ad id primum respondebo: animaduertienim hoc nos, magnos oratores, facere nonnunquã. Epistolas requiris meas. ego autem nunquam, cum mihi denunciatum esset à tuis, ire aliquem, non dedi. Quod mihi uideor ex tuis literis intelligere, te nihil cõmissurum esse temere, nec ante, quã m scisses, quò ille nescio qui Cæcilius Bassus erũperet, quidquam certi constituturũ: id ego et speraram prudentia tua fretus; et, ut confiderẽ, fecerũt tuæ grauissimæ li-

teræ . idq; ut facias quamsepiſſime , ut , & quid tu
 agas , & quid agatur , ſcire poſſim , & etiam quid a-
 cturus ſis , ualde terogo . eſſi periniquo patiebar ani-
 mote à me digredi : tamen eo tempore me conſolabar ,
 quòd & in ſummum otium te ire arbitrabar , et ab im-
 pendentibus magnis negotijs diſcedere . utrunque con-
 tra accidit : iſthic enim bellum eſt exortum , hic pax cõ-
 ſecuta , ſed eiufmodi pax , in qua , ſi aſſeſſes , multa te
 non delectarent , ea tamen , quæ ne ipſum Cæſarẽ qui-
 dem delectent : BELLORVM enim ciuiliũ iij
 ſemper exitus ſunt , ut non ea ſolum ſiant , quæ uelit
 uictor , ſed etiam ut ijs mos gerendus ſit , quibus adiu-
 toribus parta ſit uictoria . equidem ſic iam obdurui , ut
 ludis Cæſaris noſtri æquiſſimo animo uiderem T. Plan-
 cum , audirem Laberij , & Publij poemata . nihil mihi
 tã deeſſe ſcito , quàm quicum hæc familiariter , docteq;
 rideam . iſtu eris , ſi quamprimum ueneris . quod ut fa-
 cias , non mea ſolũ , ſed etiã tua intereſſe arbitror . Vale .

M. CICERO CORNIFICIO S.

libentiſſime legi tuas literas : in quibus incun-
 L diſſimum mihi fuit , quòd cognoui meas tibi
 redditas eſſe . non enim dubitabam , quin eas
 libenter lecturus eſſes : uerebar , ut redderẽtur . Bellum ,
 quod eſt in ſyria , ſyriamq; prouinciam tibi tributam
 eſſe à Cæſare , ex tuis literis cognoui . eandem rem tibi
 uolo bene , & feliciter exuenire . quod ita fore conſido ,
 fretus & industria , & prudentia tua . ſed de Parthi-
 ci belli ſuſpitione quod ſcribis , ſane me commouit quan-

tum copiarum haberes, cum ipse coniectura consequi poteram, tum ex tuis literis cognoui. itaque opto, ne se illa gens moueat hoc tēpore, dum ad te legiones ea perducantur, quas audio duci. quòd si pares copias ad confligendum non habebis, non te fugiet uti consilio M. Bibuli, qui se oppido munitissimo, & copiosissimo tantum diu tenuit, quādiu in prouincia Parthi fuerunt. sed hac melius ex re, & ex tempore constitues. mihi quidem usque cura erit, quid agas, dum, quid egeris, sciero. Literas ad te nunquam habui cui darem, quin dederim. à te, ut idem facias, peto, in primisq; , ut ita ad tuos scribas, ut me tuum sentiant esse. Vale.

M. CICERO CORNIFICIO
COLLEGAE S.

Rata mihi tuæ literæ, nisi quòd sinuessanū diuersortolum contempisti. quam quidem cōtumeliam uilla pusilla iniquo animo feret, nisi in Cumano, & Pompeiano reddideris πόντος τῆς πόλεως. sic igitur facies, meq; amabis, & scripto aliquo laceesses; ego enim respondere facilius possum, quā prouocare. quòd si, ut est, cessabis: lacessam; ne tua ignauia etiam inertiā afferat. plura otiosus. hæc, cum essem in senatu, exaravi. Vale.

M. CICERO CORNIFICIO S.

Anitius, familiaris meus, uir omnibus rebus ornatus, negotiorum suorum causa legatus est in Africā legatione libera. eum uelim rebus omnibus adiues, operamq; des, ut quamcō-

modissime sua negotia conficiat. in primisq; quod ei carissimum est, dignitatem eius tibi commendo. idq; à te peto, quod ipse in prouincia facere sum solitus nō rogatus, ut omnibus senatoribus liētores darem: quod idem acceperam, & cognoueram à summis uiris factitatū. hoc igitur mi Cornifici facies: ceterisq; rebus omnibus eius dignitati, rei q; si me amas, consules. id erit mihi gratissimum. Da operam, ut ualeas.

M. CICERO S. P. D. CORNIFICIO.

O s hic cum homine gladiatore omniū nequis-
 N simo, collega nostro, Antonio bellum gerimus,
 sed non pari conditione, contra arma uerbis.
 at etiam de te concionatur: nec impune: nam sentiet,
 quos lacefferit. ego autē acta ad te omnia arbitror per-
 scribi ab alijs. à me futura debes cognoscere, quorum
 quidē non est difficilis coniectura. oppressa omnia sunt:
 nec habent ducem boni: nostriq; τυραννοκρατοι longe
 gentium absunt. Pansa & sentit bene, & loquitur
 fortiter. Hirtius noster tardius conualescit. quid fu-
 turum sit, plane nescio. spes tamen una est, aliquādo
 populum R. maiorem similem fore. ego certe reip. non
 deero: & quidquid acciderit, à quo mea culpa absit,
 animo forti feram. illud profecto, quoad potero, tuam
 famam, & dignitatem tuebor. ad XIII cal. Ian.
 senatus frequens mihi est assensus cum de ceteris rebus
 magnis, & necessarijs, tum de prouincijs ab ijs, qui
 obtinerent, retinendis, neque cuiquam tradendis, nisi
 qui ex S. C. successisset. hoc ego cum reip. causa cen-
 sui, tum mehercule in primis retinendae dignitatis tue.

quamobrem te amoris nostri causa rogo, reip. causa hortor, ut ne cui quidquam iuris in tua provincia esse patiāre, atque ut omnia referas ad dignitatem, qua nihil potest esse præstantius. uere tecum agam, ut necessitudo nostra postulat: in Sempronio, si meis literis obtinuerasses, maximam ab omnibus laudem adeptus esses. sed illud & præterijt, et leuius est. hæc magna res est. fac, ut provinciam retineas in potestate reip. plura scripsissem, nisi tui festinarent. itaque Cherippo nostro me, uelim, excuses. Vale.

M. CICERO CORNIFICIO S. D.

Mnem conditionē imperij tui, statumq; provincie mihi demonstravit Stratorius. multa intolerabilia locis omnibus. sed quo tua maior dignitas, eo, quæ tibi acciderunt, minus ferenda: neque enim, quæ tu propter magnitudinem et animi, & ingenij moderate fers, à te non ulciscenda sunt, etiā si non sint dolenda. sed hæc posterius. Rerum urbanarum acta tibi mitticerto scio. quod ni ita putarem, ipse perscriberem, in primisq; Cæsaris Octauidni conatum. de quo multitudini fiētunt ab Antonio crimen videtur, ut in pecuniam adolescentis impetum faceret. prudentes autem, & boni viri & credunt factum, & probant. quid quæris? magna spes est in eo. nihil est, quod non existimetur laudis, et glorie causa facturum. Antonius autem, noster familiaris, tanto se odio esse intelligit, ut, cum interfectores suos domi comprehenderit, rem proferre non audeat. ad VII id. Oct.

Brundisium uenerat, profectus obuiam legionibus Macedonicis quatuor: quas sibi conciliare pecunia rogabat, easq; ad urbem adducere. & in ceruicibus nostris collocare: habes formam reip. si in castris potest esse resp. in qua tuam uicem saepe doleo, quod nullam partem per aetatem sanæ & saluæ reip. gustare potuisti. atque antehac quidem sperare saltem licebat; nunc etiam illud ereptum est. quæ enim spes est, cum in concione dicere ausus sit Antonius, Canutium apud eos locum sibi querere, quibus se saluo locus in ciuitate esse non posset? equidem & hæc, & omnia, quæ homini accidere possunt, sic fero, ut magnam habeam philosophiæ gratiam; quæ me non modo à solitudine abducit; sed etiâ contrâ omnes fortune impetus armat: tibiq; idem censeo faciundum, nec, à quo culpa absit, quidquam in malis numerandum. sed hæc tu melius. Non Sinatorium nostrum cum semper probassem, tum maxime in tuis rebus summam eius fidem, diligentiam, prudentiamq; cognoui. Da operam, ut ualeas. hoc mihi gratius facere nihil potes.

M. CICERO CORNIFICIO.

Go nullum locum prætermitto (nec enim des-
 E beo) non modo laudandi tui, sed ne ornandi
 quidem. sed mea studia ergate, et officia ma-
 lo tibi ex tuorum literis, quàm ex meis esse nota. te ta-
 men hortor, ut omni cura in remp. incumbas. hoc est
 animi, hoc est ingenij tui, hoc eius spei, quam habere
 debes amplificandæ dignitatis tuæ. sed hæc de re alias
 ad te

ad te pluribus : cum enim hæc scribebam, in expectatione erant omnia . nondum legati redierant, quos senatus non ad pacem deprecandam , sed ad bellum denunciandum miserat , nisi legatorum nuncio paruisset . ego tamen, ut primū occasio data est, meo pristino more remp. defendi : me principem senatui , populoq; R. professus sum : nec postea, quā suscepī causam libertatis, minimum tempus amisi tuendæ salutis , libertatisq; communis . sed hæc quoque te ex alijs malo . T. Pinarium, famēliarissimum meum, tanto tibi studio commendo , ut maiore non possim : cui cum propter omnes uirtutes , tum etiam propter studia cōmunia sum amicissimus . is procurat rationes, negotiaq; Dionysii nostri, quem et tu multum amas, et ego omnium plurimum . ea tibi ego non debēo commendare, sed commendo tamen . facias igitur, ut ex Pinarij, gratissimi hominis, literis tuum et erga illum, et erga Dionysium studium perspiciamus . Vale .

M. CICERO CORNIFICIO .

Liberalibus literas accepi tuas , quas mihi Cornificius altero uicesimo die, ut dicebat, reddit . eo die non fuit senatus , neque postero . Quinquatribus frequenti senatu causam tuam egi non inuita Minerva : etenim eo ipso die senatus decreuit , ut Minerva nostra , custos urbis , quam turbo deiecerat , restitueretur . Pansa tuas literas recitauit . magna senatus approbatio consecuta est cum summo gaudio, et offensione Minotauri, id est Caluisti, et Tauri . factum de te S. C. honorificum . postulabatur, ut etiam illi notarentur : sed Pansa clementior . ego mi Cornifici quo

die primum in spem libertatis ingressus sum, et cunctan-
 tibus ceteris ad XIII. cal. Ian. fundamenta reip. ie-
 ci; eo ipso die prouidi multum, atque habui rationem
 dignitatis tuæ: mihi enim est assensus senatus de obti-
 nendis prouincijs. nec uero postea destiti labefactare
 eum, qui summa cum tua iniuria, contumeliâq; reip.
 prouinciam absens obtinebat. itaque crebras, uel potius
 quotidianas compellationes meas non tulit, seq; in ur-
 bem recepit inuitus: neque solum spe, sed certa rei am,
 & possessione deturbatus est. meo iustissimo, honestissi-
 moq; conuicio te tuam dignitatem summa tua uirtute
 tenuisse, prouinciâq; honoribus amplissimis affectum,
 uehementer gaudeo. Quod te mihi de Sempronio pur-
 gas: accipio excusationem: fuit enim illud quoddam
 Græcum tempus seruitutis. Ego tuorum consiliorum
 auctor, dignitatisq; fautor, iratus temporibus, in Græ-
 ciam desperata libertate rapiebar, cum me Etesia, quasi
 boni ciues, relinquentem remp. prosequi noluerunt: au-
 sterq; aduersus maximo flatu me ad tribules tuos Rhe-
 gium retulit: atque inde uentis, remisq; in patriam
 omni festinatione properaui: postridieq; in summa reli-
 quorum seruitute liber unus fui: sic sum in Antonium
 inuectus, ut ille non ferret, omnemq; suum uinolentum
 furorem in me unum effunderet, meq; cum elicere uela-
 let ad cædis causam, tum tentaret insidijs: quem ego
 ructantem, & nauseantem conieci in Cæsaris Octauia-
 ni plagas: puer enim egregius præsidium sibi primum,
 et nobis, deinde summa reip. comparauit: qui nisi fuisset,
 Antonij reditus à Brundusio pestis patriæ fuisset.
 quæ deinceps acta sint, scire te arbitror: sed redeamus

*græcū voca-
 bulū est.*

ad illud, unde diuertimus. Accipio excusationem tuam de Sempronio: neque enim statuti quid in tanta perturbatione habere potuisti. nunc hic dies aliam uitam affert, alios mores postulat, ut ait Terentius. quamobrem mi Quinte conscende nobiscum, & quidem ad puppim. una nauis est iam bonorum omnium: quam quidem, nos damus operam, ut rectam teneamus, utinam prospero cursu: sed quicunque uenti erunt, ars nostra certe non abierit: quid enim prestare aliud uirtus potest? tu fac, ut animo magna sis, et excelsa, cogitesque omnem dignitatem tuam cum rep. coniunctam esse debere. P. Lucceium mihi meum commendas, quem, quibuscunque rebus potero, diligenter tuebor. Hirtium quidem, & Pansam, collegas nostros, homines in consulatu reip. salutares, alieno sane tempore amisimus, rep. Antoniano quidem latrocinio liberata, sed nondum omnino explicata: quam nos, si licebit, more nostro tuebimur: quanquam admodum sumus iam defatigati: sed NVLLA lassitudo impedire officium, et fidem debet. uerum hæc hætenus. ab alijs te de me, quam à me ipso, malo cognoscere. De te audiebamus ea, quæ maxime uellemus. De Cn. Minutio, quem tu quibusdam literis ad cælum laudibus extulisti, rumores duriores erant. id quale sit, omninoque quid isthic agatur, facias me uelim certiores.

M. CICERO CORNIFICIO S.

Turius, qui in Africa negotiatus est, uir bonus, & honestus, hæredes fecit similes sui
 Q. Cn. Saturnium, Sex. Aufidium, Cn. Annium,
 Q. Considium Gallum, L. Seruilium Posthumum.

num, Cn. Rubellinum. ex eorum oratione intellexi, gratiarum actione eos magis egere, quàm commendatione: tanta enim liberalitate se tua usos prædicabant, ut ijs plus à te tributum intelligerem, quàm ego aude-rem te rogare. audebo tamen: scio enim, quantum ponderis mea commendatio sit habitura. quare à te pe- to, ut ad eam liberalitatem, qua sine meis literis usus es, quammaximus his literis cumulus accedat. caput autem est mea commendationis, ne patiare Erotem Tu- rium, Q. Turij libertum, ut adhuc fecit, hæredita- tem Turianam auertere: cæterisq; omnibus rebus ha- beas eos à me commendatissimos. magnam ex eorum splendore, & obseruantia capies uoluptatem. quod ut uelis, te uehementer etiam atque etiam rogo. Vale.

M. CICERO CORNIFICIO.

Ex. Aufidius & obseruantia, qua me colit, S accedit ad proximos: & splendore, equiti R. nemini cedit. est autem ita temperatis, mo- deratisq; moribus, ut summa seueritas summa cum hu- manitate iungatur. cuius tibi negotia, quæ sunt in Africa, ita commendo, ut maiore studio, magis ue ex animo commendare non possim. pergratum mihi fece- ris, si dederis operam, ut is intelligat, meas apud te li- teras maximum pondus habuisse. hoc te uehementer mi Cornifici rogo. Vale.

M. CICERO CORNIFICIO.

A Ssentior tibi, eos, quos scribis Lilybæo minari,
 is hic poenas dare debuisse: sed metuisti, ut
 ais, ne nimis liber in ulciscendo uiderere. mea
 tuisti igitur, ne grauis ciuis, ne nimis fortis, ne nimis
 te dignus uiderere. Quod societatem reip. conseruan-
 dæ tibi mecum à patre acceptam renouas, gratum est:
 quæ societas inter nos semper mi Cornifici manebit.
 Gratum etiam illud, quod mihi tuo nomine gratias
 agendas non putas: nec enim id inter nos facere debe-
 mus. Senatus sæpius pro dignitate tua appellaretur, si
 absentibus consulibus unquam, nisi ad rem nouam, co-
 geretur. itaque nec de HS XX, nec de HS DCC quid-
 quam agi nunc per senatum potest. tibi autem ex S. C.
 imperandum, mutuumq; sumendum censeo. In rep.
 quid agatur, credo te ex eorum literis cognoscere, qui
 ad te acta debent perscribere. ego sum spe bona: consi-
 lio, cura, labore non desum: omnibus inimicis reip. esse
 me acerrimum hostem præmefero. res neque nunc diffi-
 cili loco mihi uidetur esse; & fuisset facillimo, si culpa
 à quibusdam abfuisset. Vale.

M. CICERO CORNIFICIO.

N On modo te, cui omnia nostra notissima sunt,
 sed neminem in populo R. arbitror esse, cui
 sit ignota ea familiaritas, quæ mihi cum L. La-
 mia est: etenim magno i theatro spectata est tum, cum
 est ab A. Gabinio consule relegatus, quodlibere, & for-
 titer salutem meam defendisset. nec ex eo amor inter nos

natus est : sed quod erat uetus, & magnus, propterea nullum periculum pro me adire dubitauit. ad hæc officia, uel merita potius, iucundissima consuetudo accedit, ut nullo prorsus plus homine delecter. non puto te iam expectare, quibuscum tibi uerbis commendem. causam enim tanti amoris intelligis. quæ uerba desideret, ijs me omnibus usum putato. tantum uelim, existimes, si negotia Lamie, procuratores, libertos, familiam, quibuscunque rebus opus erit, defenderis, gratius mihi futurum, quam si ea tua liberalitas pertinuisset ad rem familiarem meam. nec dubito, quin sine mea commendatione, quod tuum est iudicium de hominibus, ipsius Lamie causa studiose omnia facturis sis. quamquam erat nobis dictum, te existimare alicui S. C. quod contra dignitatem tuam fieret, scribendo Lamiam affuisse : qui omnino consulibus illis nunquam affuit scribendo. deinde omnia tum falsa S. C. deferebantur. nisi forte etiam illi Semproniano S. C. me censes affuisse, qui ne Romæ quidem tū fui, ut de eo ad te scripsisse recenti. sed hæc hætenus. te mi Cornifici etiam atque etiam rogo, ut omnia Lamie negotia, mea putes esse; curesq; , ut intelligat hanc commendationem maximo sibi usui fuisse, hoc mihi gratius facere nihil potes. Cura ut ualeas.

M. CICERO S. P. D. CORNIFICIO.

Tāne præter litigatores nemo ad te meas literas? multæ istæ quidem: tu enim perfectissimè, ut nemo sine literis meis tibi se commendatum putaret. sed quis unquam tuorum mihi dixit

esse, cui darem, quin dederim? aut quid mihi iucundius, quàm, cum coram tecum loqui non possum, aut scribere ad te, aut tuas legere literas? illud magis mihi solet esse molestum, tantis me impediri occupationibus, ut ad te scribendi meo arbitratu facultas nulla datur: non enim te epistolis, sed uoluminibus lacefferem, quibus quidem me à te prouocari oporteret: quamuis enim occupatus sis, otij tamen plus habes: aut, si ne tu quidem uacas, noli impudens esse, nec mihi molestiam exhibere, & à meliteras crebriores, cum tu mihi raras mittas, flagitare. nam cum antea distinebar maximis occupationibus, propterea quòd omnibus curis temp. mihi tuendam putabam: tum hoc tempore multo distineor uehementius: ut enim grauius egrotant ij, qui, cum leuati morbo uiderentur, in eum de integro inciderunt, sic uehementius nos laboramus, qui, profligato bello, ac pene sublato, renouatum bellum gerere conamur. sed hæc hætenus. Tu tibi mi Cornifici fac ut persuadeas, non esse me tam imbecillo animo, ne dicam inhumano, ut à te uinci possim aut officijs, aut amore. non dubitabam equidem: ueruntamen multo mihi notio- rem amorem tuum effecit Cherippus. ò hominem semper illum quidem mihi aptū, nunc uero etiam suauem. uultus mehercule tuos mihi expressit omnes: non solum animum, ac uerba protulit. itaque noli uereri, ne tibi succensuerim, quòd eodem exemplo ad me, quo ad cæteros. requisui equidem proprias ad me unum à te literas, sed neque uehementer, & amanter. De sumptu, quem te in rem militarem facere, et fecisse dicis, nihil sane possum tibi opitulari, propterea quòd et orbus senatus

consulibus amissis, & incredibiles angustiae pecuniae
 publicae: quae conquiratur undique, ut optime meritis
 militibus promissa solvantur: quod quidem fieri sine
 tributo posse non arbitror. De Accio Dionysio nihil pu-
 to esse, quoniam mihi nihil dixit Stratorius. De P. Luc-
 ceio, nihil tibi concedo, quo studiosior eius sis, quam ego
 sum: est enim nobis necessarius. sed à magistris cum con-
 tenderem de proferendo die, probauerunt mihi, sese,
 quo minus id facerent, & compromisso, & iureiuran-
 do impediti. quare ueniendum arbitror Luceio. quan-
 quam, si meis literis obtemperauit, cum tu haec leges, il-
 lum Romae esse oportebit. Ceteris de rebus, maximeq;
 de pecunia, cum Pansa mortem ignorares, scripsisti,
 quae per nos ab eo consequi te posse arbitrare. quae te
 non fefellissent, si uiueret: nam te diligebat. post mor-
 tem autem eius quid fieri posset, non uidebamus. De
 Venuleio, Latino, Horatio ualde laudo. illud non ni-
 mium probo, quod scribis, quo illi animo equiore fer-
 rent, te tuis etiam legatis lictores ademisse: honore e-
 nim digni cum ignominia dignis non erant comparan-
 di: eosq; ex S. C. si non decedunt, cogendos, ut dece-
 dant, existimo. haec fere ad eas literas, quas eodem
 exemplo binas accepi. De reliquo, uelim tibi per-
 suadeas, non esse mihi meam dignitatem tua cario-
 rem. Vale.

202

M. TVLLII CICERONIS EPISTOLARVM,
AD MEMMIUM, ET ALIOS,
LIBER XIII.

M. CICERO S. D. C. MEMMIO.

TSI non satis mihi constiterat, cum
aliquā ne animi mei molestia, an po-
tius libenter te Athenis uisurus essem,
quod iniuria, quā accepisti, dolore
me afficeret, sapientia tua, qua fers in-
iuriā, letitia: tamen uidisse te malletm. nam quod est
molestie, non sane multo leuius est, cum te non uideo;
quod esse potuit uoluptatis, certe, si uidissem te, plus
fuisset. itaque non dubitabo dare operā, ut te uideam,
cum id satis cōmode facere potero. interea quod per lite-
ras & agi tecum, & ut arbitror, confici potest, agā.
nunc à te illud primū rogabo, ne quid inuitus mea cau-
sa facias; sed id, quod meā intelliges multum, tua nul-
lam in partem interesse, ita mihi des, si tibi, ut id liben-
ter facias, ante persuaseris. Cū Patrone Epicureo mihi
omnia sunt, nisi quod in philosophia uehementer ab eo
dissentio. sed & initio Romæ, cum te quoque, & tuos
omnes obseruabat, me coluit in primis; et nuper, cum
ea, quæ uoluit, de suis cōmodis, & præmijs consecu-
tusest, me habuit suorum defensorum, & amicorum
ferè principem: & iam à Phædro, qui nobis, cum pue-
ri essemus, ante quā Philonem cognouimus, ualde,
ut philosophus, postea tamen, ut uir bonus, & sua-
uis, & officiosus, probabatur; traditus mihi, commē-

datusq; est, is igitur Patro, cum ad me Romam literas
 misisset, uti te sibi placarem, peteremq; ut nescio quid
 illud Epicuri parietinarum sibi concederes: nihil scripsi
 ad te ob eam rem, quod ædificationis tuæ consiliū mea
 commendatione nolebam impediri. idem, ut uenit Athe-
 nas, cum, idem ut ad te scriberē, rogasset: ob eam cau-
 sam impetrauit, quod te abiēcisse illam ædificationem
 constabat inter omnes amicos tuos. quod si ita est, & si
 iam plane tua nihil interest: uelim, si qua offensuscula
 facta est animi tui peruersitate aliquorum, (nouī
 enim gentem illā) des te ad lenitatem, uel propter tuam
 summam humanitatem, uel etiam honoris mei causa.
 equidem, si, quid ipse sentiam, quæris: nec cur ille tan-
 toperere contendat, uideo, nec cur tu repugnes: nisi tamē
 multo minus tibi concedi potest, quā illi, laborare sine
 causa. quanquam Patronis & orationem, & causam
 tibi cognitam esse certo scio. honorē, officium, testamen-
 torum ius, Epicuri auctoritatem, Phædri obtestationem,
 sedem, domicilium, uestigia summorum hominum sibi
 tuenda esse dicit. totam hominis uitam, rationemq;;
 quam sequitur in philosophis, derideamus, licet, si hanc
 eius contentionem uolumus reprehendere. sed mehercu-
 le quando illi, cæterisq;; quos illa delectant, non ualde
 inimici sumus: nescio, an ignoscendum sit huic, si tan-
 toperere laborat: in quo etiam si peccat, magis ineptijs,
 quā improbitate peccat. sed ne plura: (dicendū enim
 aliquando est) Pomponium Atticum sic amo, ut alte-
 rum fratrem. nihil est illo mihi nec carius, nec iucun-
 dius. is, non quo sit ex istis, (est enim omni liberali do-
 ctrina politissimus) sed ualde diligit Patronem, ualde

Phædrum amavit: sic à me hoc contēdit, homo minime
ambitiosus, minime in rogitando molestus, ut nihil una-
quam magis. nec dubitat, quin ego à te nutu hoc con-
sequi possim, ita etiam, si ædificaturus esses. nunc ue-
ro si audierit te ædificationem deposuisse, neque tamen
me à te impetrasse; non te in me illiberalem, sed me in
se negligentem putabit. quamobrem peto à te, ut scri-
bas ad tuos, posse tua uoluntate decretum illud Areo-
pagitarū, quē ἱεροπολιτικὸν illi uocant, tolli. sed
redeo ad prima. prius uelim, tibi persuadeas, ut hoc mea
causa libenter facias, quàm ut facias. sic tamē habeto:
si feceris, quod rogo, fore mihi gratissimum. Vale.

M. CICERO C. MEMMIO.

Aio Auiano Euandro, qui habitat in tuo sa-
crario, et ipso multū uitor, et patrono eius
M. Acmilio familiarissime. peto igitur à te
maiores in modum, quod sine tua molestia fiat, ut ei
de habitatione accōmodes: nam propter opera instituta
multa multorum, subitū est ei remigrare cal. Quint.
impedior uerecundia, ne te pluribus uerbis rogem. ne-
que tamen dubito, quin, si tua nihil, aut non multum
interfit, eo sis animo, quo ego essem, si quid tu me ro-
gares. mihi certe gratissimum feceris. Vale.

M. CICERO C. MEMMIO.

Vlum Fusium, unum ex meis intimis, obser-
uantissimum, studiosissimumq; nostri, eru-
ditum hominē, et summa humanitate, tuāq;
amicitia dignissimum, uelim ita tractes, ut mihi coram

recepisti . tam mihi gratum id erit , quàm quod gratissimum . ipsum præterea summo officio , & summa obseruantia tibi in perpetuum deuinxeris . Vale .

M. CICERO Q. VALERIO Q. F. ORCAE
LEGATO PRO PRAET. S. D.

Um municipibus Volaterranis mihi summa
C necessitudo est : magno enim meo beneficia
affecti , cumulatissime mihi gratiam retulerunt : nam nec in honoribus meis , nec in laboribus unaquam defuerunt . cū quibus si mihi nulla causa intercederet , tamē , quod te uehementissime diligo , quodq; me à te plurimi fieri sentio , & monerem te , & hortarer , ut eorum fortunis consuleres , præsertim cū prope præcipuam causam haberent ad ius obtinendum : primum , quod Syllani tēporis acerbiter deorum immortalium benignitate subterfugerunt : deinde , quod summo studio populi R. à me in consulatu meo defensi sunt : cum enim tribuni pl. legē iniquissimam de eorum agris promulgassent , facile senatui , populoq; R. persuasi , ut eos ciues , quibus fortuna pepercisset , saluos esse , uellent . hanc actionem meā C. Caesar primo suo consulatu in lege agraria comprobauit , agrumq; Volaterranum , & oppidum omni periculo in perpetuum liberauit : ut mihi dubium non sit , quin is , qui nouas necessitudines adiungat , uetera sua beneficia conseruari uelit . quamobrem est tuæ prudentiæ , aut sequi eius auctoritatem , cuius sectam , atque imperium summa cū tua dignitate secutus es ; aut certe illi integram omnē causam reseruare . illud uero dubitare non debes , quin tam graue , tam fir-

mum, tam honestum municipiū tibi tuo summo beneficio in perpetuum obligari uelis. sed hæc, quæ scripta sunt supra, eò spectant, ut te horter, & suadeam. reliqua sunt, quæ pertinent ad rogandū: ut non solum tua causa tibi consilium me dare putes, sed etiā, quod mihi opus sit, me à te petere, & rogare. gratissimum igitur mihi feceris, si Volaterranos omnibus rebus integros, incolumesq; esse uolueris. eorum ego domicilia, sedes, rem, fortunas, quæ et à dijs immortalibus, et à præstantissimis in nostra rep. ciuibus summo senatus, populiq; R. studio cōseruata sunt, tuæ fidei, iustitiæ, bonitatiq; commendo. si pro meis pristinis opibus facultatem mihi res hoc tempore daret, ut ita defendere possem Volaterranos, quæadmodum consueui tueri meos: nullum officium, nullū denique certamē, in quo illis prodesse possem, prætermitterem. sed quando apud te nihilo minus hoc tempore ualere me confido, quàm ualuerim semper apud omnes: pro nostra summa necessitudine, pariq; inter nos, et mutua beneuolentia abs te peto, ut ita de Volaterranis mereare, ut existiment eum quasi diuino consilio isti negotio præpositum esse, apud quem unum nos eorum perpetui defensores plurimum ualere possemus. Vale.

M. CICERO Q. VALERIO Q. F. ORCAE
 LEGATO PRO PRAET. S. P. D.

On moleste fero, eam necessitudinem, quæ
 N mihi tecum est, notam esse quamplurimis.
 neque tamen ob eam causam, quod tu opti-
 me existimare potes, te impedio, quo minus susceptum

negotium pro tua fide, & diligentia ex uoluntate Cæsaris, qui tibi rem magnam, difficilemq; commisit, gerere possis. nam cum multi à me petant multa, quòd de tua erga me uoluntate non dubitent; non committito, ut ambitione mea conturbem officium tuum. C. Curtio ab ineunte ætate familiarissime sum usus. eius & Syllani temporis iniustissima calamitate dolui: & cum ijs, qui similem iniuriam acceperant, amissis omnibus fortunis reditus tamen in patriam uoluntate omnium concedi uideretur, adiutor incolumitatis fui. is habet in Volaterrano possessionem, cum in eam tanquam è naufragio reliquias contulisset. hoc autem tempore eum Cæsar in senatum legit: quem ordinem ille ista possessione amissa tueri uix potest. grauissimum autem est, cum superior factus sit ordine, inferiorem esse fortuna: minimeq; conuenit, ex eo agro, qui Cæsaris iussu diuidatur, eum moueri, qui Cæsaris beneficio senator sit. sed mihi minus libet multa de æquitate rei scribere, ne causa potius apud te ualuisse uidear, quam gratia. quamobrem te maiorem in modum rogo, ut C. Curtij rem, meam putes esse: quidquid mea causa faceres, ut id, C. Curtij causa cum feceris, meum existimes. quod ille per me habuerit, id me habere abs te putato. hoc te uehementer etiam atque etiam rogo. Vale.

M. CICERO Q. VALERIO

Q. F. ORCAE S.

Iuales, bene est: ego quidē ualeo. Credote
 S memoria tenere, me et coram P. Cuspio tecū
 locutum esse, cum te prosequerer paludatum;
 et idem postea plurimis uerbis tecum egisse, ut, quoscū-
 que tibi eius necessarios cōmendarem, haberes eos in nu-
 mero meorum necessariorū. id tu pro tua summa erga
 me beneuolentia, perpetuaq; obseruantia mihi liberalissi-
 me, atque humanissime recepisti. Cuspius, homo in om-
 nes suos officiosissimus, mirifice quosdā homines ex ista
 prouincia tuetur, et diligit, propterea quod fuit in Afri-
 ca bis, cū maximis societatis negotijs praeffet. itaque hoc
 eius officium, quod adhibet erga illos, ego mea faculta-
 te, et gratia soleo, quantum possum, adiuuare. quare
 Cuspianorū omnium cōmendationis causam hac tibi epi-
 stola exponendam putauī. reliquis epistolis tantum fa-
 ciam, ut notā apponam eam, quæ mihi tecum conuenit,
 et simul significem de numero esse Cuspī amicorū. sed
 hanc cōmendationem, quam his literis cōsignare uolui,
 scito esse omnium grauissimam. nā P. Cuspius singula-
 ri studio contendit à me, ut tibi quam diligentissime L.
 Iulium cōmendarem. eius ego studio uix uideor mihi sa-
 tisfacere posse, si utar uerbis ijs, quibus, cum diligen-
 tissime quid agimus, uti solemus. noua quædam posu-
 lat: et putat me eius generis artificium quoddā tenere. ei
 ego pollicitus sum, me ex intima nostra arte deprōpturū
 mirificū genus commendationis. id quando assequi non
 posuī, tu re, uelim, efficias, ut ille genere mearū literarū

die primum in spem libertatis ingressus sum, et cunctan-
 tibus ceteris ad XIII. cal. Ian. fundamenta reip. ie-
 ci; eo ipso die prouidi multum, atque habui rationem
 dignitatis tuæ: mihi enim est assensus senatus de obti-
 nendis prouincijs. nec uero postea desisti labefactare
 eum, qui summa cum tua iniuria, contumeliâq; reip.
 prouinciam absens obtinebat. itaque crebras, uel potius
 quotidianas compellationes meas non tulit, seq; in ur-
 bem recepit inuitus: neque solum spe, sed certa re iam,
 et possessione deturbatus est. meo iustissimo, honestissi-
 moq; conuicio te tuam dignitatem summa tua uirtute
 tenuisse, prouinciâq; honoribus amplissimis affectum,
 uehementer gaudeo. Quod te mihi de Sempronio pur-
 gas: accipio excusationem: fuit enim illud quoddam
 Graecum tempus seruitutis. Ego tuorum consiliorum
 auctor, dignitatisq; fautor, iratus temporibus, in Grae-
 ciam desperata libertate rapiebar, cum me Etesiae, quasi
 boni ciues, relinquentem temp. prosequi noluerunt: au-
 sterq; aduersus maximo flatu me ad tribules tuos Rhe-
 gium retulit: atque inde uentis, remisq; in patriam
 omni festinatione properaui: postridieq; in summa reli-
 quorum seruitute liber unus fui: sic sum in Antonium
 inuectus, ut ille non ferret, omnemq; suum uinolentum
 furorem in me unum effunderet, meq; cum elicere uela-
 let ad cadis causam, tum tentaret insidijs: quem ego
 ruentem, et nauseantem conieci in Caesaris Octauia-
 ni plagas: puer enim egregius praesidium sibi primum,
 et nobis, deinde summa reip. comparauit: qui nisi fuisset,
 Antonij reditus à Brundusio pestis patriæ fuisset.
 quæ deinceps acta sint, scire te arbitror: sed redeamus

græcū voca-
 bulū est.

ad illud, unde diuertimus. Accipio excusationem tuam de Sempronio: neque enim statuti quid in tanta perturbatione habere potuisti. nunc hic dies aliam uitam affert, alios mores postulat, ut ait Terentius. quamobrem mi Quinte conscende nobiscum, & quidem ad puppim. una nauis est iam bonorum omnium: quam quidem, nos damus operam, ut rectam teneamus, utinam prospero cursu: sed quicunque uenti erunt, ars nostra certe non abierit: quid enim præstare aliud uirtus potest? tu fac, ut animo magna sis, et excelsa, cogitesq; omnem dignitatem tuam cum rep. coniunctam esse debere. P. Luceium mihi meum commēdas, quem, quibuscunque rebus potero, diligenter tuebor. Hirtium quidem, & Pansam, collegas nostros, homines in consulatu reip. salutares, alieno sane tempore amisimus, rep. Antoniano quidem latrocinio liberata, sed nondum omnino explicata: quam nos, si licebit, more nostro tuebimur: quanquam admodum sumus iam defatigati: sed NVLLA lassitudo impedire officium, et fidem debet. uerum hæc hætenus. ab alijs te de me, quàm à me ipso, malo cognoscere. De te audiebamus ea, quæ maxime uellemus. De Cn. Minutio, quem tu quibusdam literis ad cœlū laudibus extulisti, rumores duriores erant. id quale sit, omninoq; quid isthic agatur, facias me uelim certiores.

M. CICERO CORNIFICIO S.

Turcius, qui in Africa negotiatus est, uir bonus, & honestus, hæredes fecit similes sui
 Q. Cn. Saturnium, Sex. Aufidium, Cn. Anneium, Q. Confidium Gallum, L. Seruilium Posthu-

num, Cn. Rubellinum. ex eorum oratione intellexi, gratiarum actione eos magis egere, quàm commendatione: tanta enim liberalitate se tua usus prædicabant, ut ijs plus à te tributum intelligerem, quàm ego aude-
rem te rogare. audebo tamen: scio enim, quantum ponderis mea commendatio sit habitura. quare à te pe-
to, ut ad eam liberalitatem, qua sine meis literis usus es, quammaximus his literis cumulus accedat. caput autem est mea commendationis, ne patiari Erotem Tu-
rium, Q. Turij libertum, ut adhuc fecit, heredita-
tem Turianam auertere: cæterisq; omnibus rebus ha-
beas eos à me commendatissimos. magnam ex eorum splendore, & obseruantia capies uoluptatem. quod ut uelis, te uehementer etiam atque etiam rogo. Vale.

M. CICERO CORNIFICIO.

Ex. Aufidius & obseruantia, qua me colit, accedit ad proximos: & splendore, equiti R. nemini cedit. est autem ita temperatis, mo-
deratisq; moribus, ut summa seueritas summa cum hu-
manitate iungatur. cuius tibi negotia, quæ sunt in Africa, ita commendo, ut maiore studio, magis ue ex animo commendare non possim. pergratum mihi fece-
ris, si dederis operam, ut is intelligat, meas apud te li-
teras maximum pondus habuisse. hoc te uehementer mi Cornifici rogo. Vale.

M. CICERO CORNIFICIO.

A *ssentior tibi, eos, quos scribis Lilybæo minari, isthic poenas dare debuisse: sed metuisti, ut ais, ne nimis liber in ulciscendo uiderere. metuisti igitur, ne gravis ciuis, ne nimis fortis, ne nimis te dignus uiderere. Quod societatem reip. conseruandæ tibi mecum à patre acceptam renouas, gratum est: quæ societas inter nos semper mi Cornifici manebit. Gratum etiam illud, quod mihi tuo nomine gratias agendas non putas: nec enim id inter nos facere debemus. Senatus sæpius pro dignitate tua appellaretur, si absentibus consulibus unquam, nisi ad rem nouam, cogeretur. itaque nec de HS XX, nec de HS DCC quidquam agi nunc per senatum potest. tibi autem ex S. C. imperandum, mutuumq; sumendum censeo. In rep. quid agatur, credo te ex eorum literis cognoscere, qui ad te acta debent perscribere. ego sum spe bona: consilio, cura, labore non desum: omnibus inimicis reip. esse me acerrimum hostem præmefero. res neque nunc difficili loco mihi uidetur esse; & fuisset facillimo, si culpa à quibusdam abfuisset. Vale.*

M. CICERO CORNIFICIO.

N *on modo te, cui omnia nostra notissima sunt, sed neminem in populo R. arbitror esse, cui sit ignota ea familiaritas, quæ mihi cum L. La mia est: etenim magno theatro spectata est tum, cum est ab A. Gabinio consule relegatus, quodlibere, & fortiter salutem meam defendisset. nec ex eo amor inter nos*

natus est : sed quod erat uetus, & magnus, propterea nullum periculum pro me adire dubitauit. ad hæc officia ; uel merita potius, iucundissima consuetudo accedit, ut nullo prorsus plus homine delecter. non puto te iam expectare, quibuseum tibi uerbis commendem. causam enim tanti amoris intelligis. quæ uerba desideret, ijs me omnibus usum putato. tantum uelim, existimes, si negotia Lamiae, procuratores, libertos, familiam, quibuscunque rebus opus erit, defenderis, gratius mihi futurum, quam si ea tua liberalitas pertinuisset ad rem familiarem meam. nec dubito, quin sine mea commendatione, quod tuum est iudicium de hominibus, ipsius Lamiae causa studiose omnia facturum sis. quamquam erat nobis dictum, te existimare alicui S. C. quod contra dignitatem tuam fieret, scribendo Lamiam affuisse : qui omnino consulibus illis nunquam affuit scribendo. deinde omnia tum falsa S. C. deferebantur. nisi forte etiam illi Semproniano S. C. me censeres affuisse, qui ne Romæ quidem tū fui, ut de eo ad te scripsi recenti. sed hæc hætenus. te mi Cornifici etiam atque etiam rogo, ut omnia Lamiae negotia, mea putes esse ; curesq; ; ut intelligat hanc commendationem maximo sibi usui fuisse. hoc mihi gratius facere nihil potes. Cura ut ualeas.

M. CICERO S. P. D. CORNIFICIO.

Tāne præter litigatores nemo ad te meas litteras ? multæ istæ quidem : tu enim perfecisti, ut nemo sine literis meis tibi se commendatum putaret. sed quis unquam tuorum mihi dixit

esse, cui darem, quin dederim? aut quid mihi iucundius, quàm, cum coram tecum loqui non possum, aut scribere ad te, aut tuas legere literas? illud magis mihi solet esse molestum, tantis me impediri occupationibus, ut ad te scribendi meo arbitratu facultas nulla datur: non enim te epistolis, sed uoluminibus lacefferem, quibus quidem me à te prouocari oporteret: quamuis enim occupatus sis, otij tamen plus habes: aut, si ne tu quidem uacas, noli impudens esse, nec mihi molestiam exhibere, & à meliteras crebriores, cum tu mihi raras mittas, flagitare. nam cum antea distinebar maximis occupationibus, propterea quòd omnibus curis reip. mihi tuendam putabam: tum hoc tempore multo distineor uehementius: ut enim grauius egrotant ij, qui, cum leuati morbo uiderentur, in eum de integro inciderunt, sic uehementius nos laboramus, qui, profligato bello, ac pene sublato, renouatum bellum gerere conamur. sed hæc hætenus. Tu tibi mi Cornifici fac ut persuadeas, non esse me tam imbecillo animo, ne dicam inhumano, ut à te uinci possim aut officijs, aut amore. non dubitabam equidem: ueruntamen multo mihi notiore amore tuum effecit Cherippus. ò hominem semper illum quidem mihi aptū, nunc uero etiam suauem. uultus mehercule tuos mihi expressit omnes: non solum animum, ac uerba protulit. itaque noli uereri, ne tibi succensuerim, quòd eodem exemplo ad me, quo ad cæteros. requisitui equidem proprias ad me unum à te literas, sed neque uehementer, & amanter. De sumptu, quem te in rem militarem facere, et fecisse dicis, nihil sane possum tibi opitulari, propterea quòd et orbus senatus

consulibus amissis, & incredibiles angustiae pecuniae publicae: quae conquiritur undique, ut optime meritis militibus promissa solvantur. quod quidem fieri sine tributo posse non arbitror. De Accio Dionysio nihil putato esse, quoniam mihi nihil dixit Stratorius. De P. Lucio, nihil tibi concedo, quo studiosior eius sis, quam ego sum: est enim nobis necessarius. sed à magistris cum contenderem de proferendo die, probauerunt mihi, sese, quo minus id facerent, & compromisso, & iureiurando impediri. quare ueniendum arbitror Luceio. quamquam, si meis literis obtemperauit, cum tu haec leges, illum Romae esse oportebit. Ceteris de rebus, maximeque de pecunia, cum Pansa mortem ignorares, scripsisti, quae per nos ab eo consequi te posse arbitrare. quae te non fefellissent, si uiueret: nam te diligebat. post mortem autem eius quid fieri posset, non uidebamus. De Venuleio, Latino, Horatio ualde laudo. illud non nimium probo, quod scribis, quo illi animo aequiore ferrent, te tuis etiam legatis lictores ademisse: honore enim digni cum ignominia dignis non erant comparandi: eosque ex S. C. si non decedunt, cogendos, ut decedant, existimo. haec fere ad eas literas, quas eodem exemplo binas accepi. De reliquo, uelim tibi persuadeas, non esse mihi meam dignitatem tua carior.

Vale.

202

M. TVLLII CICERONIS EPISTOLARVM,
AD MEMMIVM, ET ALIOS,
LIBER XIII.

M. CICERO S. D. C. MEMMIO.

ETSI non satis mihi constiterat, cum aliqua ne animi mei molestia, an potius libenter te Athenis uisurus essem, quod iniuria, quam accepisti, dolore me afficeret, sapientia tua, qua fers iniuriā, letitia: tamen uidisse te mallet. nam quod est molestiae, non sane multo leuius est, cum te non uideo; quod esse potuit uoluptatis, certe, si uidissem te, plus fuisset. itaque non dubitabo dare operā, ut te uideam, cum id satis cōmode facere potero. interea quod per literas & agi tecum, & ut arbitror, confici potest, agā. nunc à te illud primū rogabo, ne quid inuitus mea causa facias; sed id, quod mea intelliges multum, tua nullam in partem interesse, ita mihi des, si tibi, ut id libenter facias, ante persuaferis. Cū Patrone Epicureo mihi omnia sunt, nisi quod in philosophia uehementer ab eo dissentio. sed & initio Romae, cum te quoque, & tuos omnes obseruabat, me coluit in primis: et nuper, cum ea, quae uoluit, de suis cōmodis, & praeijs consecutus est, me habuit suorum defensorum, & amicorum fere principem: & iam à Phaedro, qui nobis, cum pueri essemus, ante quam Philonem cognouimus, ualde, ut philosophus, postea tamen, ut uir bonus, & suauis, & officiosus, probabatur; traditus mihi, commē-

datusq; est, is igitur Patro, cum ad me Romam literas
 misisset, uti te sibi placarem, peteremq; ut nescio quid
 illud Epicuri parietinarum sibi concederes: nihil scripsi
 ad te ob eam rem, quod ædificationis tuæ consiliū mea
 commendatione nolebam impediri. idem, ut ueni Athe-
 nas, cum, idem ut ad te scriberē, rogasset: ob eam cau-
 sam impetravit, quod te abiēcisse illam ædificationem
 constabat inter omnes amicos tuos. quod si ita est, & si
 iam plane tua nihil interest: uelim, si qua offensuscu-
 la facta est animi tui peruersitate aliquorum, (nouī
 enim gentem illā) des te ad lenitatem, uel propter tuam
 summam humanitatem, uel etiam honoris mei causa:
 equidem, si, quid ipse sentiam, quæris: nec cur ille tan-
 toperere contendat, uideo, nec cur tu repugnes: nisi tamē
 multo minus tibi concedi potest, quā illi, laborare sine
 causa. quanquam Patronis & orationem, & causam
 tibi cognitam esse certo scio. honorē, officium, testamen-
 torum ius, Epicuri auctoritatem, Phædri obtestationem,
 sedem, domicilium, uestigia summorum hominum sibi
 tuenda esse dicit. totam hominis uitam, rationemq;,
 quam sequitur in philosophis, derideamus, licet, si hanc
 eius contentionem uolumus reprehendere: sed mehercu-
 le quando illi, cæterisq; quos illa delectant, non ualde
 inimici sumus: nescio, an ignoscendum sit huic, si tan-
 toperere laborat: in quo etiam si peccat, magis ineptijs,
 quā improbitate peccat. sed ne plura: (dicendū enim
 aliquando est) Pomponium Atticum sic amo, ut alte-
 rum fratrem. nihil est illo mihi nec carius, nec iucun-
 dius. is, non quo sit ex istis, (est enim omni liberali do-
 cetrina politissimus) sed ualde diligit Patronem, ualde

Phædrum amavit: sic à me hoc contēdit, homo minime
ambitiosus, minime in rogando molestus, ut nihil un-
quam magis. nec dubitat, quin ego à te nutu hoc con-
sequi possim, ita etiam, si ædificaturus esses. nunc ue-
ro si audierit te ædificationem deposuisse, neque tamen
me à te impetrasse; non te in me illiberalem, sed me in
se negligentem putabit. quamobrem peto à te, ut scri-
bas ad tuos, posse tua voluntate decretum illud Arcæ
pagitarū, quē ἄρκουμαπομὸν illi uocant, tolli. sed
redeo ad prima. prius uelim, tibi persuadeas, ut hoc mea
causa libenter facias, quàm ut facias. sic tamē habeto:
si feceris, quod rogo, fore mihi gratissimum. Vale.

M. CICERO C. MEMMIO.

Aio Auiano Euandro, qui habitat in tuo sa-
crario, & ipso multū utor, & patrono eius
M. Aemilio familiarissime. peto igitur à te
maiores in modum, quod sine tua molestia fiat, ut ei
de habitatione accōmodes: nam propter opera instituta
multa multorum, subitū est ei remigrare cal. Quint.
impedior uerecundia, ne te pluribus uerbis rogem. ne-
que tamen dubito, quin, si tua nihil, aut non multum
interfit, eo sis animo, quo ego essem, si quid tu me ro-
gares. mihi certe gratissimum feceris. Vale.

M. CICERO C. MEMMIO.

Vlum Fusium, unum ex meis intimis, obser-
uantissimum, studiosissimumq; nostri, eru-
ditum hominē, et summa humanitate, tuāq;
amicitia dignissimum, uelim ita tractes, ut mihi coram

recepisti. tam mihi gratum id erit, quàm quod gratissimum. ipsum præterea summo officio, & summa observantia tibi in perpetuum deuinxeris. Vale.

M. CICERO Q. VALERIO Q. F. ORCAE
LEGATO PRO PRAET. S. D.

Um municipibus Volaterranis mihi summa
C necessitudo est: magno enim meo beneficio
affecti, cumulatissime mihi gratiam retulerunt: nam nec in honoribus meis, nec in laboribus unquam defuerunt. cū quibus si mihi nulla causa intercederet, tamē, quòd te uehementissime diligo, quodq; me à te plurimi fieri sentio, & monerem te, & hortarer, ut eorum fortunis consuleres, præsertim cū prope præcipuam causam haberent ad ius obtinendum: primum, quòd Syllani tēporis acerbiter deorum immortalium benignitate subterfugerunt: deinde, quòd summo studio populi R. à me in consulatu meo defensi sunt: cum enim tribuni pl. legē iniquissimam de eorum agris promulgassent, facile senatui, populoq; R. persuasi, ut eos ciues, quibus fortuna pepercisset, saluos esse, uellent. hanc actionem meā C. Cæsar primo suo consulatu in lege agraria comprobauit, agrumq; Volaterranum, & oppidum omni periculo in perpetuum liberauit: ut mihi dubium non sit, quin is, qui nouas necessitudines adiungat, uetera sua beneficia conseruari uelit. quamobrem est tuæ prudentiæ, aut sequi eius auctoritatem, cuius sectam, atque imperium summa cū tua dignitate secutus es; aut certe illi integram omnē causam reseruare. illud uero dubitare non debes, quin tam graue, tam fir-

mum, tam honestum municipiū tibi tuo summo beneficia
 in perpetuum obligari uelis. sed hæc, quæ scripta
 sunt supra, eò spectant, ut te hortor, & suadeam. reli
 qua sunt, quæ pertinent ad rogandū: ut non solum tua
 causa tibi consilium me dare putes, sed etiā, quod mihi
 opus sit, me à te petere, & rogare. gratissimum igitur
 mihi feceris, si Volaterranos omnibus rebus integros,
 incolumesq; esse uolueris. eorum ego domicilia, sedes,
 rem, fortunas, quæ et à dijs immortalibus, et à præstan
 tissimis in nostra rep. ciuibus summo senatus, populiq;
 R. studio cōseruata sunt, tuæ fidei, iustitiæ, bonitatiq;
 commendo. si pro meis pristinis opibus facultatem mihi
 res hoc tempore daret, ut ita defendere possem Volatera
 ranos, quæadmodum consueui tueri meos: nullum offi
 ctum, nullū denique certamē, in quo illis prodesse pos
 sem, prætermitterem. sed quando apud te nihilo minus
 hoc tempore ualere me confido, quā ualuerim semper
 apud omnes: pro nostra summa necessitudine, pariq;
 inter nos, et mutua beneuolentia abs te peto, ut ita de
 Volaterranis mereare, ut existiment eum quasi diuino
 consilio isti negotio præpositum esse, apud quem unum
 nos eorum perpetui defensores plurimum ualere pos
 semus. Vale.

M. CICERO Q. VALERIO Q. F. ORCAE
 LEGATO PRO PRAET. S. P. D.

On moleste fero, eam necessitudinem, quæ
 N mihi tecum est, notam esse quamplurimis.
 neque tamen ob eam causam, quod tu opti
 me existimare potes, te impedio, quo minus susceptum

M. CICERO Q. VALERIO

Q. F. ORCAE S.

Iuales, bene est: ego quidē ualeo. Credote
 S memoria tenere, me et coram P. Cuspio tecū
 locutum esse, cum te prosequerer paludatum;
 et idem postea plurimis uerbis tecum egisse, ut, quoscū-
 que tibi eius necessarios cōmendarem, haberes eos in nu-
 mero meorum necessariorū. id tu pro tua summa erga
 me beneuolentia, perpetuaq; obseruantia mihi liberalissi-
 me, atque humanissime recepisti. Cuspius, homo in om-
 nes suos officiosissimus, mirifice quosdā homines ex ista
 prouincia tuetur, et diligit, propterea quod fuit in Afri-
 ca bis, cū maximis societatis negotijs praeffet. itaque hoc
 eius officium, quod adhibet erga illos, ego mea faculta-
 te, et gratia soleo, quantum possum, adiuuare. quare
 Cuspianorū omnium cōmendationis causam hac tibi epi-
 stola exponendam putauī. reliquis epistolis tantum fa-
 ciam, ut notā apponam eam, quæ mihi tecum conuenit,
 et simul significem de numero esse Cuspj amicorū. sed
 hanc cōmendationem, quam his literis cōsignare uolui,
 scito esse omnium grauissimam. nā P. Cuspius singula-
 ri studio contendit à me, ut tibi quam diligentissime L.
 Iulium cōmendarem. eius ego studio uix uideor mihi sa-
 tisfacere posse, si utar uerbis ijs, quibus, cum diligen-
 tissime quid agimus, uti solemus. noua quædam postu-
 lat: et putat me eius generis artificij quoddā tenere. ei
 ego pollicitus sum, me ex intima nostra arte deprōpturū
 mtrificū genus commendationis. id quando assequi non
 posū, tu re, uelim, efficias, ut ille genere mearū literarū

incredibili quodam perfectum arbitretur. id facies, si omne genus liberalitatis, quod & ab humanitate, & potestate tua proficisci poterit, non modo re, sed etiam uerbis, uultu denique expresseris. quæ quantum in provincia ualeant, uellem expertus esses. sed tamen suspicor ipsum hominem, quem tibi commendo, perdignum esse tua amicitia: nec id solum, quia mihi Cuspius dicit, credo, tametsi id satis esse debebat; sed quia noui eius iudicium in hominibus, & amicis diligendis. harum literarum uis quanta fuerit, propediç iudicabo, tibiq; ut confido, gratias agam. ego, quæ te uelle, quæq; ad te pertinere arbitror, omnia studiose, diligenterq; curabo. Cura ut ualeas.

P. Cornelius, qui tibi has literas reddidit, est mihi à P. Cuspio cõmendatus. cuius causa quantopere cuperem, deberemq;, profecto ex me facile cognouisti. uehementer te rogo, ut cures, ut ex hac cõmendatione mihi Cuspius quàm maximas, quâ primum, quâ sepiissime gratias agat.

M. CICERO C. CLUVIO S. P. D.

Um in Galliam proficiscens, pro nostra necessitudine, tuâq; summa in me obseruantia ad me domum uenisses, locutus sum tecum de agro uectigali municipij Atellani, qui esset in Gallia: quantoq; opere eius municipij causa laborare, tibi ostendi. post tuam autem profectiõnem, cum & maxima res municipij honestissimi, mihiq; coniunctissimi, & summum meum officiũ ageretur: pro tuo animo in me singulari existimaui me oportere ad te accuratius scribere:

bere : etsi non sum nescius, & quæ temporum ratio, et quæ tua potestas sit : tibiq; negotium datum esse à C. Cæsare, non iudicium, præclare intelligo. quare à te tantum peto, quantum & te facere posse, & libenter mea causa facturum esse arbitror . et primum uelim existimes, quod res est, municipij fortunas omnes in isto uenætigali consistere ; his autem temporibus hoc municipiū maximis oneribus pressum, summis affectum esse difficultatibus. hoc etsi commune uidetur esse cum multis : tamen mihi crede singulares huic municipio calamitates accidisse. quas iccirco non commemoro, ne de miserijs meorum necessariorum conquerens, homines, quos nolo, uidear offendere. itaque nisi magnam spem haberem, C. Cæsari nos causam municipij probaturos : non erat causa, cur à te hoc tempore aliquid contenderem . sed quia confido, mihiq; persuasi, illum & dignitatis municipij, & æquitatis, & uoluntatis etiam erga se habiturum esse rationem : ideo à te non dubitavi contendere, ut hanc causam illi integram conseruares. quod etsi nihilo minus à te peterem, si nihil audiuissem te tale fecisse : tamen maiorem spem impetrandi nactus sum, posteaquam mihi dictum est, hoc idem à te Rhegienses impetrauisse. qui etsi te aliqua necessitudine attingunt : tamen tuus amor in me sperare me cogit, te, quod tuis necessarijs tribueris, idem esse tributurum meis : præsertim cum ego pro his unis petam, habeam autem, qui simili causa laborent, complures necessarios. hoc me non sine causa facere, neque aliqua leui ambitione commotum à te contendere, etsi te existimare arbitror : tamen mihi affirmanti credas uelim, me huic municipio

debere plurimum; nullum unquam fuisse tempus neque honorum, neque laborum meorum, in quo non huius municipij studium in me extiterit singulare. quapropter à te etiam atque etiam pro nostra summa coniunctione, proq; tua in me perpetua, & maxima benevolentia maiorem in modum peto, atque contendo, ut, cum fortunas agi eius municipij intelligas, quod sit mihi necessitudine, officijs, benevolentia coniunctissimum, id mihi des. quod erit huiusmodi, ut, si à Cesare, quod speramus, impetraverimus, tuo beneficio nos id consecutos esse iudicemus; sin minus, pro eo tamen id habeamus; quando à te data sit opera, ut impetraremus. hoc cum mihi gratissimum feceris; tum viros optimos, homines honestissimos, eosdemq; gratissimos, & tua necessitudine dignissimos, summo beneficio in perpetuum tibi, tuisq; deuinxeris. Vale.

M. CICERO C. RUTILIO S. P. D.

Um & mihi conscius essem quanti te facerem, & tuā erga me benouolentiam expectatus essem; non dubitavi à te petere, quod mihi petendum esset. P. Sestium quanti faciam, ipse optime scio; quanti autem facere debeam, & tu, et omnes homines sciunt. is cum ex alijs te mei studiosissimum esse cognosceret, petiuit à me, ut ad te quam accuratissime me scriberem de re C. Albini senatoris: cuius ex filia natus est L. Sestius, optimus adolescens, filius P. Sestij. hoc iccirco scripsi, ut intelligeres non solum me pro P. Sestio laborare debere, sed Sestium etiam pro Albino. res autem hæc est. à M. Laberio C. Albinus prædia in

æstimationem accepit: quæ prædia Laberius emerat à Cæsare de bonis Plotianis. ea si dicam non esse è rep. diuidi, docere te uidear, non rogare. sed tamen, cum Cæsar Syllanas uenditiones, & assignationes ratas esse uelit, quo firmiores existimentur suæ: si ea prædia diuidentur, quæ ipse Cæsar uendidit, quæ tandem in eius uenditionibus esse poterit auctoritas? sed hoc quale sit, tu pro tua prudentia considerabis. ego te plane rogo, atque ita, ut maiore studio, iustiore de causa, magis ex animo rogare nihil possim, ut Albino parcas, prædia Laberiana ne attingas. magna me affeceris non modo lætitia, sed etiam quodam modo gloria, si P. Sestius homini maxime necessario per me satisfecerit, cum ego illi plurimum debeam. quod ut facias, te uehementer etiam atque etiam rogo. maius mihi dare beneficium nulum potes. id mihi intelliges esse gratissimum. Vale.

M. CICERO CRASSIPEDI S. P. D.

Vanquam tibi præsens commendauī, ut potui diligentissime, socios Bithyniæ; teq; cum mea commendatione, tum etiam tua sponte intellexi cupere ei societati, quibuscunque rebus posses, commodare: tamen cum ij, quorum res agitur, magni sua interesse arbitrarentur, me etiam per literas declarare tibi, quæ essem erga ipsos uoluntate, non dubitaui hæc ad te scribere. uolo enim te existimare, me, cum uniuerso ordini publicanorum multum semper libentissime tribuerim, idq; pro magnis eius ordinis erga me meritis facere debuerim, tum in primis amicum esse huic

Bithynicæ societati: quæ societas ordine ipso, hominum genere pars est maxima ciuitatis: constat enim ex cæteris societatibus: & casu permulti sunt in ea societate ualde mihi familiares, in primisq; is, cuius præcipuum officium agitur hoc tempore, P. Rupilius P. F. Men. qui est magister in ea societate. quæ cum ita sint, maiorem in modum à te peto, Cn. Pupium, qui est in operis eius societatis, omnibus tuis officijs, atque omni liberalitate tueare: curesq; , ut eius operæ, quod tibi facile factu est, quamgratissimæ sint socijs: remq; , & utilitatem sociorum; cuius rei quantam potestatem quæstor habeat, non sum ignarus; per te quammaxime defensam, & auctam uelis. id cum mihi gratissimum feceris: tum illud tibi expertus promitto, & spondeo, te socios Bithyniæ, si ijs commodaris, memores esse, & gratos cogniturum. Vale.

M. CICERO BRUTO S. P. D.

Um ad te tuus quæstor M. Varro proficisceretur, commendatione egere eum non putabam: satis enim commendatum tibi cum arbitrabar ab ipso more maiorum: qui, ut te non fugit, hanc quæsturæ coniunctionem liberorum necessitudini proximam uoluit esse. sed cum sibi ita persuasisset ipse, meas de se accurate scriptas literas maximum apud te pondus habituras; à meq; contenderet, ut quamdiligentissime scriberem: malui facere, quod meus familiaris tanti sua interesse arbitraretur. ut igitur debere me facere hoc intelligas: cum primum M. Terentius in forum uenit, ad amicitiam se meam contulit. deinde ut

se corroborauit, duæ causæ accesserunt, quæ meam in illum beneuolentiam augerent: una, quod uersabatur in hoc studio nostro, quo etiam nunc maxime delectamur; & cum ingenio, ut nosti, nec sine industria: deinde, quod mature se contulit in societates publicanorum: quod quidem nollem: maximis enim damnis affectus est. sed tamen causa communis ordinis mihi commendatissimi fecit amicitiam nostram firmiorem. deinde uersatus in utrisque subsellijs optima & fide, & fama, iam ante hanc commutationem reip. petitioni sese dedit, honoremq; honestissimum existimauit fructum laboris sui. his autem temporibus à me Brundisio cum literis, & mandatis profectus est ad Cæsarem. quæ in re et amorem eius in suscipiendo negotio perspexi, et fidem in conficiendo, ac renunciando. uideor mihi, cum separatim de probitate eius, & moribus dicturus fuisssem, si prius causam, cur eum tantopere diligerem, tibi exposuissem, in ipsa causa exponenda satis etiam de probitate dixisse. sed tamen separatim promitto, in meq; recipio, fore eum tibi & uoluptati, & usui: nam & modestum hominem cognosces, et prudentem, & à cupiditate omni remotissimum, præterea magni laboris, summæq; industriæ. neque ego hæc polliceri debeo, quæ tibi ipsi, cum bene cognoueris, iudicanda sunt: sed tamen IN omnibus nouis coniunctionibus interest, qualis primus aditus sit, et qua commendatione quasi amicitie fores aperiantur. quod ego his literis efficere uolui: etsi id ipsa per se necessitudo quæstura effectisse debet: sed tamen nihilo infirmius illud hoc addito. cura igitur, si me tanti facis, quanti & Varro existimat, & ipse sen-

tio, ut quamprimum intelligam, hanc meam commendationem tantum illi utilitatis attulisse, quantum & ipse sperarit, nec ego dubitarim. Vale.

M. CICERO BRUTO S. P. D.

Via semper animaduerti, studiose te operam dare, ut ne quid meorum tibi esset ignotum: propterea non dubito, quin scias, non solum cuius municipij sim, sed etiam, quàm diligenter soleam meos municipales Arpinates tueri. quorum quidem omnia commoda, omnesq; facultates, quibus & sacra conficere, & sartasecta ædium sacrarum, locorumq; communium tueri possint, consistunt in ijs uetigalibus, quæ habent in prouincia Gallia. ad ea uisenda, pecuniasq; quæ à colonis debentur, exigendas, totamq; rem & cognoscendam, & administrandam legatos equites Romanos misimus Q. Fuffidium Q. F. M. Faucium M. F. Q. Mamercum Q. F. peto à te maiorem in modum pro nostra necessitudine, ut ea res tibi curæ sit; operamq; des, ut per te quamcommodissime negotium municipij administretur, quamprimumq; conficiatur; ipsosq; quorum nomina scripsi, ut quamhonorificentissime pro tua natura, & quamliberalissime tractes. bonos uiros ad tuam necessitudinem adiunxeris, municipiumq; gratissimū beneficio tuo deuinxeris: mihi uero etiam eo gratius feceris, quòd cum semper tueri municipales meos consueui, tum hic annus præcipue ad meam curam, officiumq; pertinet: nam constituendi municipij causa hoc anno ædilem filium meum fieri uolui, & fratris filium, & M. Cæsium, hominem mihi ma-

xime necessarium: (is enim magistratus in nostro munici-
picio, nec alius ullus, creari solet) quos cohonestaris, in
primisq; me, si resp. municipij, tuo studio, & diligen-
tia bene administrata erit. quod ut facias, te vehemen-
ter etiam atque etiam rogo. Vale.

M. CICERO BRUTO S. D.

Lia epistola communiter comendavi tibi legato
A tos Arpinatum, ut potui diligentissime. hac se-
paratim Q. Fuffidium, quocum mihi omnes
necessitudines sunt, diligentius comendo, non ut aliquid
de illa commendatione deminuam, sed ut hanc addam:
nam et priuignus est M. Casij, mei maxime et familia-
ris, et necessarius: et fuit in Cilicia mecum tribunus mil.
quo in munere ita se tractauit, ut accepisse ab eo benefi-
cium uiderer, non dedisse. est praeterea, quod apud te ua-
let plurimum, & nostris studiis non abhorrens. quare uelim,
eum quamlibet liberalissime complectare; operamq; des, ut in
ea legatione, quam suscepit contra suum commodum, secu-
tus auctoritatem meam, quam maxime eius excellat indu-
stria: uult enim, id quod optimo cuique natura tributum
est, quam maximam laudem cum a nobis, qui eum impulsi-
mus, tum a municipio consequi. quod ei continget, si hac mea
comendatione tuum erga se studium erit consecutus. Vale.

M. CICERO BRUTO S. D.

Castronius Patus, longe princeps municipij
L. Lucensis, est honestus, grauis, plenus offi-
cij, bonus plane uir, & cum uirtutibus,
tum etiam fortuna, si quid hoc ad rem pertinet.

ornatus : meus autem est familiarissimus , sic prorsus ,
ut nostri ordinis obseruet neminem diligentius . quare
et ut meum amicum , et ut tua dignum amicitia tibi
cōmendo : cui quibuscunque rebus commendaueris , tibi
perfecto iucundum , mihi certe erit gratum . Vale .

M. CICERO BRUTO S. D.

Titlone Strabone , equite Romano in pri-
L. mis honesto , et ornato , familiarissime uitor .
omnia mihi cum eo intercedunt iura summae
necessitudinis . huic in tua prouincia pecuniam debet P.
Cornelius . cares à Volcatio , qui Romae ius dicit , reie-
cta in Galliam est . peto à te hoc diligentius , quàm si
mea res esset , quo est honestius de amicorum pecunia la-
borare , quàm de sua , ut negotium conficiendū cures ,
ipse suscipias , transigas ; operamq; des , quod tibi equū ,
et rectum uidebitur , ut quam commodissima condi-
tione libertus Strabonis , qui eius rei causa missus est ,
negotium conficiat , ad nummosq; perueniat . id et mi-
hi gratissimum erit : et tu ipse L. Titionem cognosces
amicitia tua dignissimum . quod ut tibi curae sit , ut o-
mnia solent esse , quae me uelle scis , te uehementer etiā
atque etiam rogo . Vale .

M. CICERO C. CAESARI IMP. S.

Raciliū tibi cōmendo unice , tui necessarij ,
P mei familiarissimi , uiri optimi filium . quem
cum adolescentē ipsum propter eius modestiā ,
humanitatem , animum , et amorem erga me singula-
rem mirifice diligo : tum patrē eius , re doctus , intellexi ,

& didici mihi fuisse semper amicissimum. en hic ille est,
 de illis maxime, qui irridere, atque obiurgare me soliti
 sunt, quod me non tecum, praesertim cum abs te hono-
 rificentissime inuitarer, coniungerem. ἀλλ' ἐμὸν οὐκ ἔ-
 σται. συ μὲν γὰρ σήθεασιν ἔπειθεν: audiebam enim nostros
 proceres clamitantes, ἀλκίμος ἔσ' ἵνα τίς σε καὶ ὁ λό-
 γων οὐ εἴπῃ. ὥς νεφέλῃ κέλευσε μέλαινα. sed tamen
 idem me consolatur. et iam hominem peruersum, etiam-
 num gloria uolunt incendere, atque ita loquuntur. μὴ
 μὲν ἀποσυνδραμε καὶ ἀκλειῶς ἀπολοίμην, ἀλλὰ μέ-
 γα ῥέξω. τί καὶ ἰασομένοισι πυθέσθαι. sed me minus
 iam mouent, ut uides. itaque ab Homeri magniloquen-
 tia confero me ad uera praecepta. Εὐεπίδου. Μισῶ σο-
 φιστὴν, ὃς τις οὐκ αὐτῷ σοφός. quem uersum senex
 Praecilius laudat egregie: & ait posse eundem & ἄμα
 πρῶτον, καὶ ὁπίσω uidere, et tamen nihilo minus αἰὲν
 ἀεὶς δύνειν, καὶ ὃ πείροισιν ἔμμεναι ἄλλων. sed ut re-
 deam ad id, unde coepi: uehementer mihi gratum fece-
 ris, si hunc adolescentem humanitate tua, quae est sin-
 gularis, comprehenderis, & ad id, quod ipsorum Prae-
 ciliorum causa te uelle arbitror, addideris eumulum
 commendationis meae. genere nouo sum literarum ad te
 usus, ut intelligeres non uulgarem esse commendatio-
 nem.

M. CICERO C. CAESARI IMP. S.

P. Crassum ex omni nobilitate adolescentem dilexi plurimum: & ex eo, cum ab ineunte eius ætate bene speravissem, tum optime existimare coepi ex ijs iudicijs, quæ de eo feceram, co-

cognitis . eius libertum Apollonium iam tum equidem , cum ille uiueret , & magnificiebam , & probabam : erat enim & studiosus Crassi , & ad eius optima studia uehemēter aptus : itaque ab eo admodum diligebatur . post mortem autem Crassi , eo mihi etiam dignior uisus est , quem in fidem , atque amicitiam meam recipere , quod eos à se obseruandos , & colēdos putabat , quos ille dilexisset , & quibus carus fuisset : itaque & ad me in Ciliciam uenit ; multisq; in rebus mihi magni usus fuit & fides eius , & prudentia : & , ut opinor , tibi in Alexandrino bello , quantum studio , & fidelitate consequi potuit , non defuit . quod cum speraret , te quoque ita existimare , in Hispaniam ad te , maxime ille quidem suo consilio , sed etiā me auctore est profectus . cui ego commendationem non sum pollicitus : non quia eam ualiturā apud te arbitrarer : sed neque mihi egere commendatione uidebatur , qui & in bello tecum fuisset , & propter memoriam Crassi de tuis unius esset : et si uti commendationibus uellet , etiam per alios eum uidebam id consequi posse . testimonium meum de eo iudicij , quod & ipse magni aestimabat , & ego apud te ualere eram expertus , ei libenter dedi . doctum igitur hominē cognoui , & studijs optimis deditum , idq; à puero : nam domi meae cum Diodoto Stoico , homine , meo iudicio , eruditissimo , multum à puero fuit . nunc autem incensus studio rerum tuarum , eas literis Graecis mandare cupiebat . posse arbitror : ualet ingenio : habet usum : iam pridem in eo genere studij , literarumq; uersatur : satisfacere immortalitati laudū tuarum mirabiliter cupit . habes opinionis meae testimonium : sed

tu hoc facilius multo pro tua singulari prudentia iudicabis: & tamen, quod negaueram, cōmendotibi eum. quidquid ei commodaueris, erit mihi maiorem in modum gratum. Vale.

M. CICERO SER. SVLPICIO S. D.

Curius, qui Patris negotiatur, multis, & magnis de causis à me diligitur. nam & amicitia peruetus mihi cum eo est, ut primū in forum uenit, instituta: et Patris cum aliquoties antea, tum proxime hoc miserrimo bello domus eius tota mihi patuit: qua, si opus fuisset, tū essem usus, quam mea. maximum autem mihi uinculū cum eo est, quasi sanctioris cuiusdam necessitudinis, quod est Attici nostri familiarissimus, eumq; unum præter ceteros obseruat, ac diligit. quem si tu iam forte cognouisti, puto me hoc, quod facio, facere serius: ea enim est humanitate, & obseruantia, ut eum tibi iam ipsum per se cōmendatum putem. quod tamen si ita est, magnopere à te quæso, ut ad eam uoluntatem, si quā in illum ante has meas literas contulisti, quam maximus postea commendatione cumulus accedat. sin autem propter ueracundiam suam minus se tibi obtulit, aut eum nondum satis habes cognitum, aut quæ causa est, cur maioris commendationis indigeat: sic tibi eum commendo, ut neque maiore studio quenquā, neque iustioribus de causis commendare possim. faciamq; id, quod debent facere ij, qui religiose, & sine ambitione cōmendant: spondebo enim tibi, uel potius spondeo, in meq; recipio, eo esse

M. Curiij mores, eamq; tum probitatem, tum etiam humanitatem, ut eum & amicitia tua, & tam accurata commendatione, si tibi sit cognitus, dignum sis estimaturus. mihi certe gratissimum feceris, si intellexero has literas tantum, quantum scribens confidebam, apud te pondus habuisse. Vale.

M. CICERO SER. SVLPICIO S.

Non concedam, ut Attico nostro, quem elatū
N letitia vidi, iucundiores tuæ suauissime ad
eum, & humanissime scriptæ literæ fuerint, quàm mihi. nam etsi utrique nostrum prope æque gratæ erant: tamen ego admirabar magis, te, quasi rogatus, aut certe admonitus liberaliter Attico respondisses, (quod tamen dubium nobis, quin ita futurum fuerit, non erat) ultro ad eum scripsisse, eiq; nec opinanti voluntatem tuam tantam per literas detulisse. de quo nō modo rogare te, ut eo studiosius mea quoque causa facias, non debeo, (nihil enim cumulatiùs fieri potest, quàm polliceris) sed ne gratias quidem agere; quòd tu & ipsius causa, & tua sponte feceris. illud tamen dicam, mihi id, quod fecisti, esse gratissimum. tale enim tuum iudiciù de homine eo, quem ego unice diligo, non potest mihi non summe esse iucundum. quod cum ita sit, esse gratum necesse est. sed tamen quando mihi pro coniunctione nostra uel peccare apud te in scribendo licet: utrunque eorum, quæ negaui mihi faciendæ esse, faciam. nam & ad id, quod Attici causa te ostendisti esse faciendum, tantum uelim addas, quantum ex no-

stro amore accessionis fieri potest : & quod modo uere-
bar , tibi gratias agere , nunc plane ago : teq; ita existi-
mare uolo , quibuscunque officijs in Epiroticis , reliquisq;
rebus Atticum obstrinxeris , ijsdem me tibi obligatum
fore , Vale .

M. CICERO SER. SVLPICIO S. P. D.

Vm Lysonē Patrensi est mihi quidem hospitium
C uetus , quam ego necessitudinem sancte colen-
dam puto : sed ea causa etiam cum alijs com-
pluribus ; familiaritas tanta nullo cum hospite , & ea
cum officijs eius multis , tum etiam consuetudine quoti-
diana sic est aucta , ut nihil sit familiaritate nostra cō-
iunctius . is cum Romæ annū prope ita fuisset , ut me-
cum uiueret , etsi eramus in magna spe , te meis literis ,
commendationeq; diligentissime facturum id , quod fe-
cisti , ut eius rem , & fortunas absentis tuerere : tamen ,
quod in unius potestate erāt omnia , & quod Lyso fue-
rat in nostra causa , nostrisq; praesidijs , quotidie aliquid
timebamus . effectum tamen est & ipsius splendore , et
nostro , reliquorumq; hospitum studio , ut omnia , quæ
uellemus , à Cæsare impetrarentur . quod intelliges ex
ijs literis , quas Cæsar ad te dedit . nunc non modo non
remittimus tibi aliquid ex nostra commendatione , quasi
adepti iam omnia ; sed eo uehementius à te contendimus ,
ut Lysonem in fidem , necessitudinemq; tuam re-
cipias . cuius dubia fortuna timidius tecum agebamus ,
uerentes , ne quid accideret eiusmodi , ut ne tu quidem
mederi posses . explorata uero eius incolumitate , omnia
à te studia summa cura peto . quæ ne singula enume-

rem, totam tibi domum cōmendo, in his adolescentem
 filium eius: quem C. Memmius Gemellus, cliens meus,
 cum in calamitate exiliij sui Patrensis ciuis factus esset,
 Patrensiū legibus adoptauit: ut eius ipsius hæreditatis
 ius, causamq; tueare. caput illud est, ut Lysonem, quē
 ego uirum optimum, gratissimumq; cognoui, recipias
 in necessitudine tuam. quod si feceris, non dubito, quin
 in eo diligendo, cæteriūq; postea cōmendando, idem, quod
 ego, sis iudicij, & uoluntatis habiturus. quod cū fieri
 uehementer studeo: tum etiā illud uereor, ne, si minus
 cumulate uideberis fecisse aliquid eius causa, me ille
 negligenter scripsisse de se putet, non te oblitum mei:
 quanti enim me faceres, cum ex sermonibus quotidianis
 meis, tum ex epistolis etiam tuis potuit cognoscere. Vale.

M. CICERO SER. SVLPICIO S. P. D.

Sclapone Patrensi medico tutor ualde familia-
 A riter: eiūq; tū consuetudo mihi iucūda fuit,
 tum etiā ars, quam sum expertus in ualetudi-
 ne meorū: in qua mihi tum ipsa scientia, tū etiam fideli-
 tate, beneuolentiāq; satisfecit. hunc igitur tibi cōmen-
 do: & à te peto, ut des operam, ut intelligat, diligēter
 me scripsisse de se; meamq; cōmendationem usui ma-
 gno sibi fuisse. erit id mihi uehementer gratum. Vale.

M. CICERO SER. SVLPICIO S. P. D.

Aemilius Auianus ab ineunte adolescenz-
 M. tia me obseruauit, semperq; dilexit, uir-
 cum bonus, tum perhumanus, & in omni
 genere officij diligendus. quem si arbitrarer esse Sycio-

ne, & nisi audirem, ibi eum etiam nunc, ubi ego reli-
qui, Cibyra commorari: nihil esset necesse plura me ad
te de eo scribere: perficeret enim ipse profecto suis mori-
bus, suaq; humanitate, ut sine cuiusquam commenda-
tione diligeretur abs te non minus, quam & à me, &
à cæteris suis familiaribus. sed cum illum abesse putē,
commendotibi maiorem in modum domum eius, quæ
est Sycione, remq; familiarem, maxime C. Avianum
Ammonium libertum eius: quem quidem tibi etiā suo
nomine commendo: nam cum propterea mihi est pro-
batus, quod est in patronum suum officio, & fide sin-
gulari; tum etiam quod in me ipsum magna officia cō-
tulit, mihiq; molestissimis temporibus ita fideliter, be-
neuoletq; præsto fuit, ut si à me manumissus esset. ita-
que peto à te, ut eum Ammonium & in patroni eius
negotio sic tueare, ut eius procuratorem, quem tibi cō-
mendo: & ipsum suo nomine diligas, habeasq; in nu-
mero tuorum. hominem prudentem, & officiosum co-
gnosces, & dignum qui à te diligatur. Vale.

M. CICERO SER. SVLPICIO S. P. D.

Manlium, qui negotiatur Thespis; uehe-
T. menter diligo. nam & semper me coluit, dili-
gentissimeq; observauit: & à studiis nostris
non abhorret. accedit eò, quod Varro Murena magnoa-
pere eius causa vult omnia. qui ita existimauit, etsi suis
liieris, quibus tibi Manlium commendabat, ualde con-
fideret, tamen mea commendatione aliquid accessionis
fore. me quidem cum Manlij familiaritas, tum Var-

ronis studium commouit , ut ad te quam accuratissime scriberem . gratissimum igitur mihi feceris , si huic commendationi meae tantum tribueris , quantum cui tribuisti plurimum , id est si T. Manlium quam maxime , quibuscunque rebus honeste , ac pro tua dignitate poteris , iuueris , atque ornaueris . ex ipsius praeterea gratissimis , & humanissimis moribus , confirmo tibi , eum te , quem soles fructum à bonorum uirorum officijs expectare , esse capturum . Vale .

M. CICERO SER. SVLPICIO S. P. D.

Cossinio , amico , & tribuli meo , ualde familiariter uitor . nam & inter nosmet ipsos uetus usus intercedit : & Atticus noster maiorem etiam mihi cum Cossinio consuetudinem fecit : itaque tota Cossinij domus me diligit , in primisq; libertus eius L. Cossinius Anchialus , homo & patrono , & patroni necessarijs , quo in numero ego sum , probatissimus . hunc tibi ita commendo , ut , si meus libertus esset , eodemq; apud me loco esset , quo et est apud patronum suum , maiore studio commendare non possem . quare pergratum mihi feceris , si eum in amicitiam tuam receperis , atque eum , quod sine molestia tua fiat , si qua in re opus ei fuerit , iuueris . id & mihi uehementer gratum erit , & tibi postea iucundum : hominem enim summa probitate , humanitate , obseruantiaq; cognosces . Vale .

M. CICERO

Vm antea capiebam ex officio meo uolupta-
 C tem; quòd memineram, quàm tibi diligen-
 terer Lysonem, hospitem, et familiarem meū,
 commendassem: tum uero posteaquam ex literis eius co-
 gnoui, tibi eum falso suspectum fuisse: uehementissi-
 me latatus sum, me tam diligentem in eo cōmendando
 fuisse. ita enim scripsit ad me, sibi meam commenda-
 tionem maximo adiumento fuisse; quòd ad te delatum
 diceret, sese contra dignitatem tuam Romæ de te loqui
 solitum esse. de quo etsi pro tua facilitate, & humani-
 tate purgatum se tibi scribit esse: tamen primum, ut
 debeo, tibi maximas gratias ago, cum tantum literæ
 meæ potuerunt, ut ijs lectis omnem offensionem suspici-
 onis, quam habueras de Lysonē, deponeres: deinde,
 credas mihi affirmanti, uelim, me hoc non pro Lysonē
 magis, quàm pro omnibus, scribere; hominem esse ne-
 minem, qui unquam mentionem tui sine tua summa
 laude fecerit. Lyso uero cum mecum prope quodidie es-
 set, unaq; uiueret; non solum quia me libenter audire
 arbitrabatur, sed quia libentius ipse loquebatur, omnia
 mihi tua & facta, & dicta laudabat. quapropter etsi
 à te ita tractatur, ut iam non desideret commendatio-
 nem meam; unisq; se literis meis omnia consecutum pu-
 tet: tamen à te peto maiorem in modum, ut eum etiam
 atque etiam tuis officijs, liberalitate complectare. scri-
 berem ad te, qualis uir esset, ut superioribus literis fe-
 ceram; nisi eum iam per se ipsum tibi satis esse notum
 arbitrarer. Vale.

M. CICERO SER. SVLPICIO S. D. P.

Agessaretus Larissæus magnis meis beneficijs
 H ornatus in consulatu meo, memor, & gra-
 tus fuit, meq; postea diligentissime coluit.
 eum tibi magnopere commendo, ut & hospitem, et fa-
 miliarem meum, & gratum hominem, & uirum bo-
 num, & principem ciuitatis suæ, & tua necessitudine
 dignissimum. pergratum mihi feceris, si dederis ope-
 ram, ut is intelligat, hanc meam commendationem ma-
 gnum apud te pondus habuisse. Vale.

M. CICERO SER. SVLPICIO S. D. P.

Mescinius ea mecum necessitudine coniun-
 L. ctus est, quod mihi quaestor fuit. sed hanc cau-
 sam, quam ego, ut à maioribus accepi, sem-
 per grauem duxi, fecit uirtute, & humanitate sua in-
 stiozem. itaque eo sic utor, ut nec familiarius ullo, nec
 libentius. is, quanquam confidere uidebatur, & sua
 causa, quæ honeste posses, te libenter esse facturum: ma-
 gnum tamen esse sperauit apud te meas quoque literas
 pondus habituras. id cum ipse ita iudicabat: tum pro
 familiari consuetudine sæpe ex me audierat, quàm sua-
 uis esset inter nos, & quanta coniunctio. peto igitur à
 te, tanto scilicet studio, quanto intelligis debere me pe-
 tere pro homine tam mihi necessario, & tam familiari;
 ut eius negotia, quæ sunt in Achaia: ex eo quod heres
 est M. Mindio fratri suo, qui Elide negotiatus est, expli-
 ces, & expedias tum iure, & potestate, quam habes,
 tum etiam auctoritate, & consilio tuo: sic enim perferri

psimus ijs, quibus ea negotia mandauimus, ut omnibus in rebus, quæ in aliquam controuersiam uocarentur, te arbitro, & quod commodum tuo fieri posset, te disceptatore uterentur. id ut honoris mei causa suscipias, uehementer te etiam atque etiam rogo. illud præterea, si non alienum à tua dignitate putabis esse, feceris mihi pergratum; si qui difficiliores erunt, ut rem sine controuersia confici nolint, si eos, quando cum senatore res est, Romam reieceris. quod quo minore dubitatione facere possis, literas ad te à M. Lepido consule, non quæ te aliquid iuberent, (neque enim id tuæ dignitatis esse arbitrabamur) sed quodam modo quasi commendaticias sumpsimus. scriberem, quàm id beneficium bene apud Mescinium positurus esses; nisi & te scire confiderem, & mihi peterem: sic enim, uelim, existimes, non minus me de illius re laborare, quàm ipsum de sua. sed cum illum studeo quamfacillime ad suum peruenire: tum illud laboro, ut non minimum hac mea commendatione se consecutum arbitretur. Vale.

M. CICERO, SER. SVLPICIO S. D. P.

Idem exemplo sæpius tibi huius generis
 L literas mittam, cum gratias agam, quod meas commendationes tam diligenter obserues; quod feci in alijs, & factam, ut uideo, sæpius: sed tamen non parcam operæ; & ut uos in uestris formulis, sic ego in epistolis de eadem re alio modo. C. Auianus igitur Ammonius incredibiles mihi gratias per literas egit & suo, et Aemilij Auiani, patroni sui, nomine, nec liberalius, nec honorificentius potuisse tractari nec

se praesentem, nec rem familiarem absentis patroni sui. id mihi cum iucundum est eorum causa, quos ego tibi, summa necessitudine, & summa coniunctione adductus, commendaueram; quod M. Aemilius unus est ex meis familiarissimis, atque intimis maxime necessarius, homo & magnis meis beneficijs deuinctus, & prope omnium, qui mihi aliquid debere uidentur, gratissimus: tum multo iucundius, te esse in me tali uoluntate, ut plus pro sis amicis meis, quam ego praesens fortasse prodessem: credo, quod magis ego dubitarem, quid illorum causa facerem, quam tu, quid mea. sed hoc, non dubito, quin existimes mihi esse gratum. illud te rogo, ut illos quoque gratos homines esse putes. quod ita esse tibi promitto, atque confirmo. quare uelim, quidquid habent negotij, des operam, quod commodotuo fiat, ut te obtinente Achaiam conficiant. Ego cum tuo Seruio iucundissime, coniunctissimeq; uiuo; magnamq; cum ex ingenio etus, singulariq; studio, tum ex uirtute, & probitate uoluptatem capio. Vale.

M. CICERO SER. SVLPICIO S. P. D.

3
E T si libenter petere à te soleo, si quid opus est meorum cuiquam: tamen multo libentius gratias tibi ago, cum fecisti aliquid commendatione mea: quod semper facis: incredibile est enim, quas mihi gratias omnes agant, etiam mediocriter à me tibi commendati. quae mihi omnia grata, sed de L. Messinio gratissimum: sic enim est mecum locutus, te, ut meas literas legeris, statim procuratoribus suis pollicitum esse omnia, multo uero plura, & maiora fecisse.

id igitur (puto enim etiam atque etiam mihi dicendum esse) uelim existimes, mihi te fecisse gratissimum. quod quidem hoc uehementius laetor, quod ex ipso Mescinio te uideo magnam capere uoluptatem: est enim in eo cum uirtus, et probitas, et summum officium, summaque; obseruantia; tum studia illa nostra, quibus antea delectabamur, nunc etiam uiuimus. quod reliquum est, uelim, augeas tua in eum beneficia omnibus rebus, quae te erunt digna: sed duo, quae te nominatim rogo: primum, ut, si quid satisfidandum erit, amplius eo nomine non peti, cures, ut satisfidetur fide mea: deinde, cum fere consistat hereditas in ijs rebus, quas auertit Oppia, quae uxor Mindij fuit; adiues, in easque; rationem, quemadmodum ea mulier Romam perducatur. quod si putarit illa fore; ut opinio nostra est, negotium conficiemus. hoc ut assequamur, te uehementer etiam atque etiam rogo. illud, quod supra scripsi, id tibi confirmo, in meque; recipio; te ea, quae fecisti Mescinij causa, quaeque; feceris, ita bene collocaturum, ut ipse iudices homini te gratissimo; iucundissimo benigne fecisse: uolo enim ad id, quod mea causa fecisti, hoc etiam accedere.

Nec Lacedaemonios dubitare arbitror, quin ipsi sua, maiorumque; suorum auctoritate satis commendati sint fidei, et iustitiae tuae: et ego, qui te optime nouissem, non dubitavi, quin tibi notissima et iura, et merita populorum essent. itaque cum a me peteret Philippus Lacedaemonius, ut tibi ciuitatem commendarem: etsi memineram, me ei ciuitati omnia debere, tamen respondi, commendatione Lacedaemonios apud te non egere. itaque sic uelim existimes, me omnes Achaiae ciuitates arbitrari

*Puto alia
epistolam
esse.*

pro horum temporum perturbatione felices, quod tu ijs
 præsīs: eundemq; me ita iudicare, te, quod unus opti-
 me nosse non nostra solum, sed etiam Graciae monimen-
 ta omnia, tua sponte amicum Lacedaemonijs & esse, et
 fore. quare tantum à te peto, ut, cum ea facies Laceda-
 moniorum causa, quæ tua fides, amplitudo, iustitia po-
 stulat; his, si tibi uidebitur, significes, te non moleste
 ferre, quod intelligas, ea, quæ facias, mihi quoque gra-
 ta esse. pertinet enim ad officium meum, eos existima-
 re, curæ mihi suas res esse. hoc te uehementer etiam at-
 que etiam rogo. Vale.

M. CICERO L. PLANCO S. P. D.

Non dubito, quin scias, in ijs necessarijs, qui tibi
 à patre relictī sunt, me tibi esse uel coniun-
 ctissimum, non ijs modo causis, quæ speciem
 habent magnæ coniunctionis; sed ijs etiam, quæ fami-
 liaritate, & consuetudine tenentur; quam scis mihi in-
 cundissimam cum patre tuo, & summam fuisse. ab his
 in ijs noster in te amor profectus, auxit paternam ne-
 cessitudinem, & eo magis, quod intellexi, ut primum
 per ætatem iudicium facere potueris, quanti quisque tibi
 faciendus esset, me à te in primis ceptum esse obser-
 uari, coli, diligī. accedebat non mediocre uinculum cum
 studiorum, quod ipsum est per se graue; tum eorum
 studiorum, earumq; artium, quæ per se ipsæ eos, qui
 uoluntate eadem sunt, etiam familiaritate deuinciunt.
 Expectare te arbitror, hæc tam longe repetita principia
 quò spectent. id primum ergo habeto, non sine magna,
 iustaq; causa hanc à me cōmemorationem esse factam.

C. Atteio Capitone utor familiarissime . nota tibi sunt
 uarietates meorum temporum . in omni genere & hono-
 rum, et laborum meorum et animus, et opera, et aucto-
 ritas, et gratia, etiam res familiaris C. Capitonis præsto
 fuit, et paruit & temporibus, & fortunæ meæ . huius
 propinquus fuit T. Antistius . qui cum sorte quæstor Ma-
 cedoniæ obtineret ; neque ei successum esset : Pompeius
 in eam prouinciā cum exercitu uenit . facere Antistius
 nihil potuit : nam si potuisset ; nihil ei fuisset antiquius,
 quā ad Capitonem, quem ut parentem diligebat , res-
 uerti ; præsertim cum sciret, quanti is Cæsarem faceret,
 semperq; fecisset : sed oppressus, tantum attigit nego-
 tij, quantum recusare non potuit . cum signaretur ar-
 gentum Apolloniæ, non possum dicere eum præfuisse,
 neque possum negare eū affuisse, sed non plus duobus,
 aut tribus mensibus . deinde absuit à castris : fugit om-
 ne negotiū . hoc mihi, ut testi, uelim, credas : meam enim
 ille mœstitiam in illo bello uidebat : mecum omnia com-
 municabat . itaque abdidit se in intimam Macedoniā,
 quò potuit longissime à castris ; non modo ut non præ-
 esset ulli negotio ; sed etiam ut ne interesset quidem . is
 post prælium se ad hominem necessarium A. Plancium
 in Bithyniam contulit . ibi eum Cæsar cum uidisset ; ni-
 hil asperere, nihil acerbe dixit ; Romam iussit uenire . ille
 in morbu continuo incidit : ex quo non conualuit . æger
 Corcyra uenit : ibi est mortuus . testamento, quod Romæ,
 Paulo, & Marcello consulibus, fecerat, hæres ex parte
 dimidia, et tertia est Capito . in sextante sunt ij, quorum
 pars sine ulla cuiusquam querela publica potest esse . ea
 est ad HS XXX . sed de hoc Cæsar uiderit . Te mi Plance

pro paterna necessitudine, pro nostro amore, pro studiis, et omni cursu nostro totius uitæ simillimo rogo, & à te ita peto, ut maiore cura, maiore studio non possim; ut hanc rem suscipias, meam putes; enitare, contendas, efficias, ut mea commendatione, tuo studio, Cæsaris beneficio hereditatem propinqui sui C. Capito obtineat. omnia, quæ potui in hac summa gratia tua, ac potentia à te impetrare, si petiuissem, ultro te ad me detulisse putabo, si hanc rem impetrauero. illud fore tibi adiumento spero; cuius ipse Cæsar esse optimus iudex potest: semper Cæsarem Capito & dilexit, & coluit. sed ipse huius rei testis est: noui hominis memoriam. itaque te nihil doceo: tantum tibi sumito pro Capitone apud Cæsarem, quantum ipsum meminisse senties. ego, quod in me ipso experiri potui, ad te deferam: in eo quantum sit ponderis, tu uidebis. quam partem in rep. causamq; defenderim; per quos homines, ordinesq; steterim; quibusq; munitus fuerim; non ignoras. hoc mihi uelim credas: si quid fecerim hoc ipso in bello minus ex Cæsaris uoluntate; quod intellexerim; scire ipsum Cæsarem me inuitissimum fecisse; id feci aliorum consilio, horatu, auctoritate: quod fuerim moderatior, temperatiorq; quam in ea parte quisquam; id me fecisse maxime auctoritate Capitonis. cuius similes si reliquos necessarios habuissem: reip. fortasse non nihil, mihi certe plurimum profuissem. hanc rem mi Plance si effeceris; meam de tua erga me beneuolentia spem confirmaueris; ipsumq; Capitonem, gratissimum, officiosissimum, optimum uirum, ad tuam necessitudinem tuosummo beneficio adiunxeris.

Vale.

CICERO ACILIO PRO CONS. S.

Manlius est Sosis. is fuit Catinensis : sed est
 L. una cū reliquis Neapolitanis ciuis Romanus
 factus , decurioq; Neapoli : erat enim adscri-
 ptus in id municipium ante ciuitatem socijs, & Latinis
 datam. eius frater Catinae nuper mortuus est. nullam
 omnino arbitramur de ea hereditate cōtrouersiam eum
 habiturum : & est hodie in bonis : sed quando habet
 præterea negotia uetera in Sicilia sua ; et hanc heredi-
 tatem fraternam, & omnia eius tibi commendo, in pri-
 misq; ipsum, uirum optimum, mihiq; familiarissimū,
 ijs studijs literarum, doctrinaq; præditum, quibus ego
 maxime delector. peto igitur abste, ut eū, siue aderit,
 siue non uenerit in Siciliam, in meis intimis, maximeq;
 necessarijs scias esse ; itaq; tractes, ut intelligat, meam
 commendationem sibi magno adiumento fuisse. Vale.

CICERO ACILIO PRO CONS. S. •

Flauio, honesto, & ornato equite Romano,
 C. utor ualde familiariter : fuit enim generi mei
 C. Pisonis pernecessarius ; meq; diligentissime
 obseruat & ipse, et L. Flavius frater eius. quapropter
 uelim honoris mei causa, quibus rebus honeste, & pro
 tua dignitate poteris, quam honorificentissime, &
 quam liberalissime C. Flauium tractes. id mihi sic erit
 gratum, ut gratius esse nihil possit. sed præterea tibi
 affirmo, neque id ambitione adductus facio, sed tum
 familiaritate, & necessitudine, tum etiam ueritate ;

te ex C. Flauij officio, & obseruantia, & præterea splendore, atque inter suos gratia magnam uoluptatem esse capturum. Vale.

CICERO ACILIO PRO CONS. S.

N Alesina ciuitate tam lauta, quam nobili
I coniunctissimos habeo & hospitio, & familiaritate M. & C. Clodios, Archagatum, et Philonem. sed uereor, ne, quia complures tibi præcipue commendo, exæquare uidear ambitione quadam commendationes meas. quanquam à te quidem cum ualate satisfit & mihi, & meis omnibus. sed uelim, sic existimes, hanc familiam, & hos mihi maxime esse coniunctos uetustate, officijs, beneuolentia. quamobrem peto à te maiorem in modum, ut his, omnibus in rebus, quantum tua dignitas, fidesq; patietur, commodas. id si feceris, erit mihi uehementissime gratum. Vale.

CICERO ACILIO PRO CONS. S.

Otackio Nasone uxor familiarissime, ita prorsus, ut illius ordinis nullo familiarius: nam & humanitate eius, & probitate in consuetudine quotidiana magnopere delector. nihil iam opus est expectare te, quibus eum uerbis tibi commendem, quo sic utar, ut scripsi. habet is in prouincia tua negotia: quæ procurant liberti Hilarius, Antigonus, Demostratus: quos tibi, negotiaq; omnia Nasonis non secus commendo, ac si mea essent. gratissimum mihi feceris, si intellexero, hanc commendationem magnum apud te pondus habuisse. Vale.

CICERO ACILIO PRO CONS. S.

A Vitum mihi hospitium est cum Lyfone Lysonis filio Lilybatano; ualdeq; ab eo obseruor; cognouiq; dignum & patre, et auo: est enim nobilissima familia. quapropter commendo tibi maiorem in modum rem, domumq; eius; magnoq; opere abs te peto, cures, ut is intelligat, meam commendationem maximo sibi apud te & adiumento, & ornamento fuisse. Vale.

CICERO ACILIO PRO CONS. S.

C. Aulianus Philoxenus antiquus est hospes meus, & prater hospitium, ualde etiam familiaris: quem Caesar meo beneficio in Nouocomenes retulit. nomen autem Auliani consecutus est, quod homine nullo plus est usus, quam Flacco Auliano, meo, quemadmodum te scire arbitror, familiarissimo. quae ego omnia collegi, ut intelligeres, non uulgarem esse commendationem hanc meam. peto igitur abs te, ut omnibus rebus, quod sine molestia tua facere possis, et commodes; habeasq; in numero tuorum; perficiasq; ut intelligat, has literas meas magno sibi usui fuisse. erit id mihi maiorem in modum gratum. Vale.

CICERO ACILIO PRO CONS. S.

C. Vm Demetrio Mega mihi uetustum hospitium est, familiaritas autem tanta, quanta sum siculo nullo. ei Dolabella rogatu meo ciuitatem a Cesare impetrauit. qua in re ego interfui. itaque

nunc P. Cornelius uocatur. cumq; propter quosdam sordidos homines, qui Cæsaris beneficia uendebant, tabulam, in qua nomina ciuitate donatorum incisa essent, reuelli iussisset; eidem Dolabellæ, me audiente, Cæsar dixit, nihil esse, quod de Mega ueretur; beneficium suum in eo manere. hoc te scire uolui, ut eum in ciuium Romanorum numero haberes. ceterisq; in rebus tibi eum ita commendo, ut maiore studio neminē commendarim. gratissimum mihi feceris, si eum ita tractaris, ut intelligat, meam commendationem magno sibi ornamento fuisse. Vale.

CICERO ACILIO PRO CONS. S.

ipptam, Philoxeni filium, Calatinum, hospitem, & necessarium meum, tibi commendo maiorem in modum. eius bona, quemadmodum ad me delata res est, publice possidentur alieno nomine contra leges Calatinorum. id si ita est, etiam sine mea commendatione ab æquitate tua res ipsa impetrare debet, ut ei subuenias. quoquo modo autem se res habet; peto à te, ut honoris mei causa eum expedias; tantumq; ei commodas, & in hac re, & in ceteris: quantum tua fides, dignitasq; patietur. id mihi uehementer gratum erit. Vale.

CICERO ACILIO PRO CONS. S.

Bruttius, eques Romanus, adolescens omnibus rebus ornatus, in meis familiarissimis est, meq; obseruat diligentissime. cuius cum patre magnam mihi fuit amicitia iam inde à quaestura mea

Siciliensi. omnino nunc ipse Bruttius Romæ mecum est: sed tamen domum eius, & rem familiarem, & procuratores tibi sic commendo, ut maiore studio commendare non possim. gratissimum mihi feceris, si curaris, ut intelligat Bruttius, id quod ei recepi, hanc meam commendationem sibi magno adiumento fuisse. Vale.

CICERO ACILIO PRO CONS. S.

Um familia Titurnia necessitudo mihi intercedit uetus: ex qua reliquus est M. Titurnius Rufus; qui mihi omni diligentia, atque officio est tuendus. est igitur in tua potestate, ut ille in me satis sibi præsidij putet esse. quapropter eum tibi commendo maiorem in modum: & abs te peto, efficias, ut is commendationem hanc intelligat sibi magno adiumento fuisse. erit id mihi uehementer gratum. Vale.

M. CICERO Q. ANCHARIO

Q. F. PRO CONS. S. D.

Et C. Aurelius L. F. quibus & ipsis, et patre eorum uiro optimo familiarissime uitor, commendo tibi maiorem in modum, adolescentes omnibus optimis artibus ornatos, meos pernecessarios, tua amicitia dignissimos. si ulla mea apud te commendatio ualuit, quod scio multas plurimum ualuisse; hæc ut ualeat, rogo. quod si eos honorifice, liberaliterq; tractaris; et tibi gratissimos, optimosq; adolescentes adiunxeris, & mihi gratissimum feceris. Vale.

M. CICERO L. CVLLEOLO S. D.

Va fecisti L. Lucceij causa, scire te plane uo-
 lo, te homini gratissimo comodasse. & cum
 ipsi, quæ fecisti, pergrata sunt: tum Poma-
 peius, quotiescunque me uidet, uidet autem sapissime,
 gratias tibi agit singulares. addo etiam illud, quod ti-
 bi iucundissimum esse certo scio, me ipsum ex tua erga
 Lucceium benignitate, maxima uoluptate affici. quod
 superest, quanquam mihi non est dubium, quin cum
 antea nostra causa, nunc iam etiã tuæ constantie gra-
 tia mansurus sis in eadem ista liberalitate: tamen abs-
 te uehementer etiam atque etiam peto, ut ea, quæ ini-
 tio ostendisti, deinceps fecisti, etiam ad exitum augeri,
 et cumulari per te uelis. id et Lucceio, & Põpeio ualde
 gratum fore, teq; apud eos præclare positurum, confira-
 mo, & spondeo. De rep. deq; his negotijs, cogitatio-
 nibusq; nostris perscripseram ad te diligenter paucis ante
 diebus; easq; literas dederam pueris tuis. Vale.

M. CICERO L. CVLLEOLO PRO CONS. S.

Lucceius, meus familiarissimus, homo om-
 nium gratissimus, mirificas tibi apud me gra-
 tias egit, cum diceret, omnia te cumulatissi-
 me, & liberalissime procuratoribus suis pollicitum esse.
 cum oratio tua tam ei grata fuerit; quàm gratam rem
 ipsam existimas fore; cum, ut spero, quæ pollicitus es,
 feceris? omnino ostenderunt Bylliones, sese Lucceio Pom-
 peij arbitrato satisfacturos: sed uehementer opus est
 nobis, & uoluntatem, et auctoritatem, & imperium

tuum accedere. quod ut facias, te etiam atque etiam rogo. illudq; mihi gratissimum est, quod ita sciunt Lucceij procuratores, & ita Lucceius ipse ex literis tuis, quas ad eum misisti, intellexit; hominis nullius apud te auctoritatem, aut gratiam valere plus, quam meam. id ut re experiatur, iterum, & saepius te rogo. Vale.

M. CICERO Q. GALLIO S. D.

Tsi plurimis rebus spero fore, ut perspiciam,
 E quod tamen iam pridem perspicio, me à te amari: tamen nunc ea causa tibi datur, in qua facile declarare possis tuam erga me benevolentiam. L. Oppius M. F. Philomeli negotiatur, homo mihi familiaris. eum tibi unice commendo, eoq; magis, quod eum ipsum diligo, tum quod negotia procurat L. Egnatij Rufi: quo ego uno equite Romano familiarissime utor, & qui cum consuetudine quotidiana, tum officiis plurimis, maximisq; mihi coniunctus est. Oppium igitur presentem ut diligas; Egnatij absentis rem ut tueare; aque à te peto, ac si mea negotia essent. uelim memoria tuæ causa des literarum aliquid, quæ tibi in prouincia reddantur; sed ita conscribas, ut tū, cum eas leges, facile recordari possis huius meæ cōmendationis diligentiam. hoc te uehementer etiam atque etiam rogo. Vale.

M. CICERO Q. GALLIO S. D.

Tsi ex tuis, & L. Oppij, familiarissimi mei, literis cognoui, te memorem commendationis meæ fuisse; idq; pro tua summa erga me benevolentia, proq; nostra necessitudine minime

sum admiratus : tamen etiam atque etiam tibi L. Optimum presentem, et L. Egnatij, mei familiarissimi, absentis negotia commendo. tanta mihi cum eo necessitudo est, familiaritasq; ; ut, si mea res esset, non magis laborarem. quapropter mihi gratissimum feceris, si curaris, ut is intelligat, me à te tantum amari, quantum ipse existimo. hoc mihi gratius facere nihil potes. idq; ut facias, uehementer te rogo. Vale.

M. CICERO APPVLEIO PRO

QVAES. S. P. D.

Egnatio uno equite Romano uel familiarissi-
 L. me utor. eius Anchialum seruū, negotiaq; ;
 quæ habet in Asia, tibi commendo non minore studio, quàm si rem meam commendarem : sic enim existimes uelim, mihi cum eo non modo quotidianam consuetudinem summam intercedere, sed etiam officia magna, & mutua nostra inter nos esse. quamobrem etiam atque etiam à te peto, ut cures, ut is intelligat, me ad te satis diligenter scripsisse : nam de tua erga me uoluntate non dubitabat. id ut facias, te etiam atque etiam rogo. Vale.

M. CICERO APPVLEIO PRO

QVAES. S. P. D.

Nostius Zoilus est coheres meus, heres autē
 L. patroni sui. ea re utrunque scripsi, ut &
 mihi cum illo causam amicitie scires esse ; &
 hominem probum existimares, qui patroni iudicio ornatus

natus esset. eum tibi igitur sic commendo, ut unum ex nostra domo. ualde mihi gratum erit, si curaris, ut intelligat, hanc commendationem sibi apud te magno adiuumento fuisse. Vale.

M. CICERO SILIO S. D. P.

Quid ego tibi commendem eum, quem tu ipse diligis? sed tamen, ut scires, eum non à me diligì solum, uerum etiam amari, ob eam rem tibi hæc scribo. omnium tuorum officiorum, quæ & multa, & magna sunt, mihi gratissimum fuerit, si ita tractaris Egnatium, ut sentiat & se à me, & me à te amari. hoc te uehementer etiam atque etiam rogo. Illa nostra scilicet ceciderunt. utamur igitur uulgarì consolatione. quid, si hoc melius? sed hæc coram. Tu fac, quod facis, ut me ames, teq; amari à me scias. Vale.

M. CICERO C. SEXTILIO RV

FO QVAES. S. D.

Mnes tibi commendo Cyprios, sed magis Paphlos: quibus tu quæcunque commodaris, erunt mihi gratissima. eoq; facio libentius, ut eos tibi commendem, quòd & tuæ laudi, cuius ego fautor sum, conducere arbitror, cum primus in eam insulam quæstor ueneris, ea te instituere, quæ sequatur alij. quæ, ut spero, facilius consequere, si et P. Lentuli, necessarii tui legem, et ea, quæ à me constituta sunt, sequi uolueris. quam rē tibi confido magnæ laudi fore. Vale.

CICERO CVRIO PRO CONS. S. D.

Pompeius, Sex. F. multis, & ueteribus causis
 Q necessitudinis mihi coniunctus est. is cum an-
 tea meis commendationibus & rem, & gra-
 tiam, & auctoritatem suam tueri consueuerit, nunc
 profecto te provinciam obtinente meis literis assequi de-
 bet, ut nemini se intelligat commendatiorem unquam
 fuisse. quamobrem à te maiorem in modum peto, ut,
 cum omnes meos æque ac tuos observare pro nostra ne-
 cessitudine debeas, hunc in primis ita in tuam fidem re-
 cipias, ut ipse intelligat, nullam rem sibi maiori usui,
 aut ornamento, quàm meam commendationem, esse
 potuisse. Vale.

M. CICERO ARISTO PRO CONS. S. D.

Vmpsi hoc mihi pro tua in me observantia,
 S quam penitus perspexi, quandiu Brundusij
 fuimus, ut ad te familiariter, & quasi pro
 meo iure scriberem, si qua res esset, de qua ualde labora-
 rem. M. Curius, qui Patris negotiatur, ita mihi familia-
 ris est, ut nihil possit esse coniunctius. multa illius in me
 officia, multa in illum mea; quodq; maximum est,
 summus inter nos amor, & mutus. quæ cum ita sint:
 si ullam in amicitia mea spem habes; si ea, quæ in me
 officia, et studia Brundusij contulisti, uis mihi etiã gra-
 tiora efficere, quanquam sunt gratissima; si me à tuis
 omnibus amari uides, hoc mihi da, atque largire, ut M.
 Curium sartum et tectum, ut aiunt, ab omniq; incom-
 modo, detrimento, molestia sincerum, integrumq; conser-

ues . et ipse spondeo , & omnes hoc tibi tui pro me recipient , ex mea amicitia , et ex tuo in me officio maximū te fructum , summamq; uoluptatem esse capturū . Vale .

M. CICERO P. CAESIO S. D.

Messienum , equitem Romanum omnibus rebus ornatum , meumq; per familiarē , tibi commendo ea commendatione , quæ potest esse diligentissima . peto à te & pro nostra , et pro paterna amicitia , ut eum in tuam fidem recipias , eiusq; rem , summamq; tueare . uirum bonum , tuaq; amicitia dignum tibi adiunxeris , mihiq; gratissimum feceris . Vale .

CICERO REGI S.

Licinius Aristoteles Melitensis , antiquissimus A. est hospes meus , & præterea coniunctus magno usu familiaritatis . hæc cum ita sint , non dubito , quin tibi satis commendatus sit : etenim ex multis cognosco , meam commendationem plurimum apud te ualere . hunc ego à Cæsare liberaui : frequens enim fuerat nobiscum : atque etiam diutius in causa est , quàm nos , commoratus . quo melius te de eo existimaturum arbitror . fac igitur mi Rex , ut intelligat , hæc sibi literas plurimum profuisse . Vale .

M. CIC. Q. THERMO PRO PRAET. S.

Genucilio Curuo iam pridem familiarissime L. uitor , optimo uiro , et homine gratissimo . eum tibi penitus commendo , atque trado : primum ut omnibus in rebus ei te commodes , quoad fides

tua, dignitasq; patietur: patietur autem in omnibus: nihil enim abs te unquam, quod sit alienum tuis, aut etiam suis, moribus postulabit. præcipue autem tibi commendo negotia eius, quæ sunt in Helleſponto: primum, ut obtineat id iuris in agris, quod ei Pariana ciuitas decreuit, & dedit, & quod semper obtinuit sine ulla controuersia; deinde, si quid habebit cum aliquo Helleſpontio controuersia, ut in illam διοίκωσι reijcias. sed non mihi uideor, cum tibi totum hominem diligentissime commendarim, singulas ad te eius causas perscribere debere. summa illa sit. quidquid officij, beneficij, honoris in Genucilium contuleris, id te existimabo in me ipsum, atque in rem meam contulisse. Vale.

CICERO THERMO PRO PRAET. S.

Um mihi multa grata sunt, quæ tu, addu-
 C etus mea commendatione, fecisti; tum in pri-
 mis, quod M. Marcilium, amici, atque inter-
 pretis mei filium, liberalissime tractauisti: uenit enim Laodiceam, & tibi apud me, mihiq; propter te gratias maximas egit. quare, quod reliquum est, à te peto, quando apud gratos homines beneficium ponis, ut colibentius his commodes; operamq; des, quoad fides tua patietur, ut socrus adolescentis reuocata ne fiat. ego cum antea studiose commendabam Marcilium, tum multo nunc studiosius, quod in longa apparitione singulariorem, & prope incredibilem patris Marcilij fidem, abstinentiam, modestiamq; cognoui. Vale.

Tſi mihi uideor intellexiſſe, cum tecum Ephe
 E ſi de re M. Anneij, legati mei, locutus ſum, te
 ipſius cauſa uehementer omnia uelle: tamen
 & M. Anneium tanti facio, ut mihi nihil putem præ
 termittendum, quod illius interſit: & me à te tanti fie
 ri puto, ut non dubitem, quin ad tuam uoluntatem ma
 gnus cumulus accedat commendationis meæ. nam cum
 iandiu diligerem M. Anneium, deq; eo ſic exiſtima
 rem, ut res declarat, quòd ultro ei detulerim legatio
 nem, cum multis petentibus denegaſſem: tum uero,
 poſteaquam mecum in bello, atque in re militari fuit,
 tantam in eo uirtutem, prudentiam, fidem, tantamq;
 erga me beneuolentiam cognoui, ut hominem neminem
 pluris faciam. eum cum Sardinianis habere controuer
 ſiam, ſcis: cauſam tibi expoſuimus Epheſi: quam tu ta
 men coram facilius, meliusq; cognosces. de reliquo mihi
 mehercule diu dubium fuit, quid ad te potiſſimum ſcri
 berem. ius enim quemadmodum dicas, clarum, et ma
 gna cum tua laude notum eſt: nobis autem in hac cau
 ſa nihil aliud opus eſt, niſi te ius inſtituto tuo dicere.
 ſed tamen cum me non fugiat, quanta ſit in prætoris au
 ctoriſas, præſertim iſta integritate, grauitate, clemen
 tia, qua te eſſe inter omnes conſtat: peto abs te pro no
 ſtra coniunctiſſima neceſſitudine, plurimisq; officijs pa
 ribus, ac mutuis, ut uoluntate, auctoriſate, ſtudio tuo
 perficias, ut M. Anneius intelligat, te & ſibi amicum
 eſſe, quod non dubitat; ſæpe enim mecum locutus eſt;
 et multo amiciorẽ his meis literis eſſe factum. in tuo

toto imperio, atque prouincia nihil est, quod mihi gratius facere possis. iam, apud ipsum, gratissimum hominem, atque optimum uirum, quam bene positurus sis studium tuum, atque officium, dubitare te non existimo. Vale.

CICERO THERMO PROPRAET. 5.

Luuius Puteolanus ualde me obseruat, ualdeq; est mihi familiaris. is ita sibi persuadet, quod in tua prouincia negotij habet, nisi te prouinciam obtinente meis commendationibus consecrari, id se in perditis, & desperatis habiturnum. nunc quando mihi ab amico officiosissimo tantum oneris imponitur, ego quoque tibi imponam pro tuis in me summis officijs, ita tamen, ut tibi nolim molestus esse. Mylasii, & Alabandenses pecuniam Cluui debent. dixerat mihi Euthydemus, cum Ephesi essem, se curaturum, ut ecclici Mylasii Romam mitterentur. id factum non est. legatos audio missos esse: sed malo ecclicos, ut aliquid confici possit. quare peto à te, ut eos, & Alabandenses iubeas ecclicos Romam mittere. praterea Philotes Alabandensis ἑξοδικὰς Cluui dedit: hæc commissæ sunt. uelim, cures, ut aut de hypothecis decedat, easq; procuratoribus Cluui tradat: aut pecuniam soluat. praterea Heracleotæ, & Bargyletæ, qui item debent, aut pecuniam soluant, aut fructibus suis satisfaciant. Cannij praterea debent: sed aiunt, se depositam pecuniam habuisse. id uelim cognoscas: & si intellexeris eos neque ex edicto, neque ex decreto depositam

habuisse, des operam, ut usura Cluuiio instituto tuo conseruentur. his de rebus eo magis laboro, quòd agitur res Cn. Pompeij, etiam nostri necessarij, & quòd is magis etiam mihi laborare uidetur, quàm ipse Cluuius: cui satisfactum esse à nobis ualde uolo. his de rebus te uehementer etiam atque etiam rogo. Vale.

CICERO THERMO PRO PRAET. S.

Vo magis quotidie ex literis, nuncijsq; belum magnum esse in Syria cognosco, eo uehementius à te pro nostra necessitudine contendo, ut mihi M. Anneium legatum primo quoque tempore remittas: nam eius opera, consilio, scientia rei militaris uel maxime intelligo me, & temp. adiuuari posse. quòd nisi tanta res eius ageretur: nec ipse adduci potuisset, ut à me discederet; neque ego, ut eum à me dimittere. ego in Ciliciam proficisci cogito circiter cal. Maias. ante eam diem Anneius ad me redeat, oportet. illud, quòd tecum & coram, & per literas diligentissime egi, id & nunc etiam atque etiam rogo, curæ tibi sit, ut suum negotium, quod habet cum populo Sardinio, pro causa ueritate, & pro sua dignitate conficiat. intellexi ex tua oratione, cum tecum Ephesi locutus sum, te ipsius Anneij causa omnia uelle: sed tamen sic, uelim, existimes, te mihi nihil gratius facere posse, quàm si intellexero, per te illum ipsum negotium ex sententia confecisse. idq; quamprimum ut efficias, te etiam atque etiam rogo. Vale.

toto imperio, atque prouincia nihil est, quod mihi gratius facere possis. iam, apud ipsum, gratissimum hominem, atque optimum uirum, quàm bene positurus sis studium tuum, atque officium, dubitare te non existimo. Vale.

CICERO THERMO PROPRAET. S.

Luuius Puteolanus ualde me obseruat, ualdeq; est mihi familiaris. is ita sibi persuadet, quod in tua prouincia negotij habet, nisi te prouinciam obtinente meis commendationibus confecti, id se in perditis, & desperatis habiturum. nunc quando mihi ab amico officiosissimo tantum oneris imponitur, ego quoque tibi imponam pro tuis in me summis officijs, ita tamen, ut tibi nolim molestus esse. Mylasii, & Alabandenses pecuniam Cluui debent. dixerat mihi Euthydemus, cum Ephesi essem, se curaturum, ut ecclici Mylasii Romam mitterentur. id factum non est. legatos audio missos esse: sed malo ecclicos, ut aliquid confici possit. quare peto à te, ut eos, & Alabandenses iubeas ecclicos Romam mittere. præterea Philotes Alabandensis & Antiochus Cluui dedit: hæ commissæ sunt. uelim, cures, ut aut de hypothecis decedat, easq; procuratoribus Cluij tradat: aut pecuniam soluat. præterea Heracleotæ, & Bargyletæ, qui item debent, aut pecuniam soluant, aut fructibus suis satisficiant. Cauni præterea debent: sed aiunt, se depositam pecuniam habuisse. id uelim cognoscas: & si intellexeris eos neque ex edicto, neque ex decreto depositam

habuisse, des operam, ut usurae Cluio instituto tuo conseruentur. his de rebus eo magis laboro, quod agitur res Cn. Pompeij, etiam nostri necessarii, & quod is magis etiam mihi laborare uidetur, quam ipse Cluuius: cui satisfactum esse à nobis ualde uolo. his de rebus te uehementer etiam atque etiam rogo. Vale.

CICERO THERMO PRO PRAET. 5.

Vo magis quotidie ex literis, nuncijsq; belalum magnum esse in Syria cognosco, eo uehementius à te pro nostra necessitudine contendo, ut mihi M. Anneium legatum primo quoque tempore remittas: nam eius opera, consilio, scientia rei militaris uel maxime intelligo me, & remp. adiuuari posse. quod nisi tanta res eius ageretur: nec ipse adduci potuisset, ut à me discederet; neque ego, ut eum à me dimitterem. ego in Ciliciam proficisci cogito circiter cal. Maias. ante eam diem Anneius ad me redeat, oportet. illud, quod tecum & coram, & per literas diligentissime egi, id & nunc etiam atque etiam rogo, curae tibi sit, ut suum negotium, quod habet cum populo Sardiniano, pro causae ueritate, & pro sua dignitate conficiat. intellexi ex tua oratione, cum tecum Ephesi locutus sum, te ipsius Anneij causa omnia uelle: sed tamen sic, uelim, existimes, te mihi nihil gratius facere posse, quam si intellexero, per te illum ipsum negotium ex sententia confecisse. idq; quamprimum ut efficias, te etiam atque etiam rogo. Vale.

M. CICERO C. TITIO L.F. RVFO
PRAET. VRB. S.

Custidius est tribulis, & municeps, & fami-
L. liaris meus. is causam habet, quam cau-
sam ad te deferret. commendo tibi hominem,
sicuti tua fides, et meus pudor postulat; tantum, ut fa-
ciles ad te aditus habeat; quæ æqua postulabit, ut lu-
bente te impetret, sentiatq; meam sibi amicitiam, etiam
cum longissime absim, prodesse in primis apud te. Vale.

M. CICERO C. CVRTIO PEDV-
CEANO PRAET. S. D.

Fabium unice diligo: summaq; mihi cum eo
M. consuetudo, & familiaritas est peruetus. in
eius controuersis quid decernas, à te non pe-
ro, (seruabis, ut tua fides, & dignitas postulat, edi-
ctum, & institutum tuum) sed ut quamfacillimos ad
te aditus habeat; quæ erunt æqua, lubente te impetret:
ut meam amicitiam sibi, etiam cum procul absim, pro-
desse sentiat, præsertim apud te. hoc uehementer etiam
atque etiam rogo. Vale.

M. CICERO C. MVNATIO C.F. S.

Liuius Trypho est omnino L. Reguli, fami-
L. liarissimi mei, libertus; cuius calamitas etiã
officiosiorē me facit in illum; nam beneuolen-
tior, quàm semper fui, esse non possum: sed ego libertū
eius per se ipsum diligo, summa enim eius erga me of-
ficia extiterunt ijs nostris temporibus, quibus facillime

bonam benevolentiam hominum, & fidem perspicere potui. eum tibi ita commendo, ut homines grati, & memores bene meritos de se commendare debent. pergratum mihi feceris, si ille intellexerit, se, quod pro salute mea multa pericula adierit, sæpe hieme summa nauigarit, pro tua erga me benevolentia gratum etiam tibi fecisse. Vale.

M. CICERO P. SILIO
PRO PRAET. S. D.

Pinnio familiarissime me usum esse, scire te ait. T. bitror. quod quidē ille testamento declarauit, qui me tum tutorē, tum etiam secundum hæredem instituerit. eius filio mire studioso, et erudito, et modesto pecuniam Nicaenses grandem debent, ad HS oëtogies: et, ut audio, in primis uolunt ei soluere. pergratum igitur mihi feceris, quando non modo reliqui tutores, qui sciunt, quanti me facias, sed etiam puer ipse sibi persuasit, te omnia mea causa facturum esse; si dederis operam, quoad tua fides, dignitasq; patietur, ut quamprimum pecunia Pinnio soluatur Nicaensium nomine. Vale.

M. CICERO P. SILIO
PRO PRAET. S. D.

T in Attilij negotio te amant: cum enim sero E uenissem, tamen honestum equitem Romanum beneficio tuo conseruaui: & mehercule semper sic in animo habui, te in meo are esse propter

Lamia nostri coniunctionem, & singulare in necessitudine. itaque primum tibi ago gratias, quod me omni molestia liberas. deinde impudentia prosequor: sed idē sarciam: te enim semper sic colam, & tuebor, ut quē diligentissime. Quintum fratrem meum, si me diligis, eo numero cura ut habeas, quo me. ita magnum beneficium tuum magno cumulo auxeris. Vale.

M. CICERO P. SILIO
PRO PRAET. S. D.

On putavi fieri posse, ut mihi uerba. deessent: sed tamen in C. Lenio cōmendando desunt. itaque rem tibi exponam paucis uerbis; sed tamen ut plane perspicere possis uoluntatem meam. incredibile est, quanti faciamus et ego, et frater meus, qui mihi carissimus est, C. Lenium. id fit cum plurimis eius officiis, tum summa probitate, & singulari modestia. cum ego à me inuittissimus dimisi, tum propter familiaritatem, & consuetudinis suauitatē; tum quod consilio eius fideli, ac bono libenter utebar. sed uereor, ne iam mihi superesse uerba putes, quae dixeram defutura. commendo tibi hominem, sicut intelligis me, de quo ea supra scripserim, debere commendare: à te quē uehementer etiam atque etiam peto, ut, quod habet in tua prouincia negotij, expedias; quod tibi uidebitur relictum esse, ipsi dicas: hominem facillimum, liberalissimumque cognosces. itaque te rogo, ut eum solutum, liberum cōfectis eius negotijs per te quamprimum ad me remittas. id mihi, fratrique meo gratissimū feceris. Vale.

M. CICERO P. SILIO
PRO PRÆT. S. D.

Ero meus mirificas apud me tibi gratias egit,
 N prorsus incredibiles, ut nullum honorem sibi
 haberi potuisse diceret, qui à te prætermisus
 esset. magnum fructum ex ipso capies: nihil est enim il-
 lo adolescente gratius. sed mehercule mihi quoque gra-
 tissimum fecisti: pluris enim ex omni nobilitate neminè
 facio. itaque si ea feceris, quæ ille per me tecum agi vo-
 luit, gratissimum mihi feceris. primum de Pausania
 Alabandensi, sustentens rem, dum Nero ueniat: uehe-
 menter enim eius causa cupere eum intellexi: itaque
 hoc ualde te rogo. deinde Nisæos, quos Nero in primis
 habet necessarios, diligentissimeq; tuetur, ac defendit,
 habeas tibi commendatissimos: ut intelligat illa ciuitas,
 sibi in Neronis patrocínio summum esse præsidium. Stra-
 bonem Seruiliū tibi sæpe commendauī: nunc eo facio
 id impensius, quòd eius causam Nero suscepit. tantum
 à te petimus, ut agas eam rem, nec relinquas hominè
 innocentem ad alicuius tui dissimilis quæstum. id tum
 gratum mihi erit: tum etiam existimabo te humanita-
 te tua esse usum. summa huius epistolæ hæc est, ut or-
 nes omnibus rebus Neronem, sicut instituisti, atque fe-
 cisti. magnum theatrum habet ista prouincia, non ut
 hæc nostra, adolescentis nobilis, ingeniosi, abstinentis
 cōmendationem, atque gloriā. quare si te fauore usus
 erit, sicut et utetur profecto, et usus est; amplissimas
 clientelas acceptas à maioribus cōfirmare poterit, & be-
 neficijs suis obligare. hoc in genere si eum adiueris,

eo studio, quo ostendisti; apud ipsum praeclarissime posueris, sed mihi etiam gratissimum feceris. Vale.

M. CICERO P. SILIO
PRO PRAET. S. D.

Um P. Terentio Hispone, qui operas in scrip-
tura pro magistro dat, mihi summa fami-
liaritas, consuetudoq; est: multaq; & ma-
gna inter nos officia paria, et mutua intercedunt. eius
summa aestimatio agitur in eo, ut actiones cum ciui-
tatibus reliquis conficiat. non me praeterit, nos eam rem
Ephesi expertos esse, neque ab Ephesijs ullo modo impe-
trare potuisse. sed quando, quemadmodum omnes exi-
stimant, & ego intelligo, tua cum summa integrita-
te, tum singulari humanitate, & mansuetudine con-
secutus es, ut libentissimis Graecis nutu, quod uelis,
consequare: peto à te maiorem in modum, ut honoris
meicausa hac laude Hisponem affici uelis. praeterea
cum socijs scriptura mihi summa necessitudo est, non
solum ob eam causam, quod ea societas uniuersa in
mea fide est, sed etiam quod plerisque socijs utor fami-
liarissime. ita & Hisponem meum per me ornaris, &
societatem mihi coniunctiorem feceris: tuq; ipse & ex
eius obseruantia, gratissimi hominis, et ex sociorum gra-
tia, hominum amplissimorum, maximum fructum ca-
pies, & me summo beneficio affeceris: sic enim uelim
existimes, ex tota tua provincia, omniq; isto imperio
nihil esse, quod mihi gratius facere possis. Vale.

M. CICERO P. SERVILIO S. D.

Cæcinam, maxime propriū clientem familiæ
 A. uestræ non cōmendarem tibi, cum scirem qua
 fide in tuos, qua clementia in calamitosos sole
 res esse; nisi me & patris eius, quo sum familiarissime
 usus, memoria, et huius fortuna ita moueret, ut homi
 nis omnibus mecū studijs, officijsq; coniunctissimi moue
 re debet. à te hoc omnī contentione peto sic, ut maiore
 cura, maiore animi labore petere non possim; ut ad ea,
 quæ tua spōte, sine cuiusquam cōmendatione, faceres in
 hominem tantum, et talem, calamitosum, aliquē affe
 rant cumulū meæ literæ, quo studiosius eū, quibuscun
 que rebus possis, iuues. quod si Romæ fuisses, etiā salu
 tē A. Cæcinæ essemus, ut opinio mea fert, per te consecu
 ti. de qua tamen magnā spem habemus, freti clemētia
 collegæ tui. nunc quando iustitiā tuam secutus, tutissi
 mum sibi portū prouinciam istam esse duxit: etiam at
 que etiā te rogo, atque oro, ut eum & in reliquijs uete
 ris negotiationis colligendis iuues, et cæteris rebus tegas
 atque tueare. hoc mihi gratius facere nihil potes. Vale.

M. CICERO P. SERVILIO. S. D.

X prouincia mea Ciliciensi, cui scis Τεῖς διοί
 E κήσεις Asiaticas attributas fuisse, nullo sum
 familiarius usus, quàm Androne, Arthemoni
 nis filio, Laodicensi: eumq; habui in ea ciuitate tum ho
 spitē, tum uehementer ad meæ ultæ rationem, & cōsue
 tudinem accommodatum. quem quidem multo etiā plu
 ris, posteaquam decessi, facere cœpi, quod multis rebus

EPIST. LIB. XIII.

expertus sum gratum hominem, meiq; memorem : itaque cum Romæ libentissime uidi : non te enim fugit, qui plurimis in ista prouincia benigne fecisti, quàm multi grati reperiantur. hæc propterea scripsi, ut, me non sine causa laborare, intelligeres & ut tu ipse eum dignum hospitio tuo iudicares. feceris igitur mihi gratissimum, si ei declararis, quanti me facias, id est, si receperis eum in fidem tuam, &, quibuscunque rebus honeste, ac sine molestia tua poteris, adiuueris. hoc mihi uehementer erit gratum. idq; ut facias, te etiam atque etiam rogo. Vale.

M. CICERO P. SERVILIO ISAVRICO
PRO CONS. COLLEGAE S. D.

Rata mihi uehementer tuæ literæ fuerunt,
G ex quibus cognoui cursus nauigationū tuarum: significabas enim memoriam tuā nostræ necessitudinis: qua mihi nihil poterat esse iucundius. quod reliquum est, multo etiam erit gratius, si ad me de rep. id est de statu prouinciæ, de institutis tuis familiariter scribes. quæ quanquā ex multis pro tua claritate audiam, tamen libentissime ex tuis literis cognoscā. Ego ad te, de reip. summa quid sentiam, non sæpe scribam, propter periculum eiusmodi literarum. quid agatur autem, scribam sæpius. sperare tamen uideor, Cæsari, collegæ nostro, fore curæ, & esse, ut habeamus aliquam remp. cuius consilijs magni referebat te interesse. sed si tibi utilius est, id est gloriosius, Asiæ præesse, & istam partem reip. male affectam tueri: mihi quoque idem, quod tibi, & laudi tuæ profuturū est, optatius

debet esse . ego , quæ ad tuam dignitatem pertinere arbitror , summo studio , diligentiaq̃ ; curabo : in primisq̃ ; tuebor omni obseruantia , clarissimum uirum , patrem tuum : quod & pro uetustate necessitudinis , & pro beneficijs uestris , et pro dignitate ipsius facere debeo . Vale .

M. CICERO P. SERVILIO
COLLEGAE. S. D.

Curtius Mithres est ille quidē , ut scis , liber-
C. tus Postumij , familiarissimi mei : sed me colit ,
& obseruat æque , atque illum ipsum patro-
num suum . apud eum ego sic Ephesi fui , quotiescun-
que fui , tanquā domi meæ : multaq̃ ; acciderūt , in quibus et beneuolentiam eius erga me experirer , et fidem : itaque si quid aut mihi , aut meorum cupiā in Asia opus est , ad hunc scribere consueui , huius cum opera , et fide , tum domo , et re uti , tanquam mea . hæc ad te eo pluribus scripsi , ut intelligeres , me non uulgariter , nec ambitiose , sed ut pro homine intimo , ac mihi pernecessario scribere . peto igitur à te , ut in ea controuersia , quam habet de fundo cum quodā Colophonio , & in cæteris rebus , quantum fides tua patietur , quantumq̃ ; tuo cōmodo poteris , tantum ei honoris mei causa commodes , etsi , ut eius modestiam cognoui , grauis tibi nulla in re erit . si & mea commendatione , et mea probitate affectus erit , uti de se bene existimes : omnia se adeptum arbitrabitur . ut igitur eum recipias in fidem habeasq̃ ; in numero tuorum , te uehementer etiam atque etiam rogo . ego , quæ te uelle , quæq̃ ; ad te pertinere arbitror , omnia studiose , diligenterq̃ ; curabo . Vale .

EPIST. LIB. XIII.

M. CICERO P. SERVILIO
COLLEGAE. S. D.

Quia non est obscura tua in me benevolentia,
sic fit, ut multi per me tibi uelint commen-
dari. ego autem tribuo nonnunquam in uul-
gus, sed plerunque necessarijs, ut hoc tempore. nam
cum T. Ampio Balbo mihi summa familiaritas, necessi-
tudoq; est. eius libertum T. Ampium Menandrum,
hominem frugi, & modestum, & patrono, & nobis
uehementer probatum, tibi commendo maiorem in mo-
dum. uehementer mihi gratum feceris, si quibuscun-
que rebus sine tua molestia poteris, ei comodaris. quod
ut facias, te uehementer etiam atque etiam rogo. Vale.

M. CICERO P. SERVILIO
COLLEGAE S.

Multos tibi commendem necesse est, quando om-
nibus nota nostra necessitudo est, tuaq; in
me benevolentia. sed tametsi omnium causa,
quos commendo, uelle debeo: tamen cum omnibus non
eadem mihi causa est. T. Agusius & comes meus fuit
illo miserrimo tempore, & omnium itinerum, nauiga-
tionum, laborum, periculorum meorum socius: neque
hoc tempore discessisset à me, nisi ego ei permissem.
quare sic tibi eum commendo, ut unum de meis dome-
sticis, & maxime necessarijs. pergratum mihi feceris,
si eum ita tractaris, ut intelligat hanc commendatio-
nem sibi magno usui, atque adiumento fuisse. Vale.

M. CICERO

M. CIC. P. SERVILIO COLLEGAE S.

Cerelliae, necessariae meae, rem, nomina, possessiones Asiaticas commendavi tibi praesens in hortis tuis, quam potui diligentissime: tuque mihi pro tua consuetudine, proque tuis in me perpetuis, maximisque officiis omnia te facturum liberalissime recepisti. meminisse te id spero: scio enim solere. sed tamen Cerelliae procuratores scripserunt, te propter magnitudinem provinciae, multitudinemque negotiorum etiam atque etiam esse commonefaciendum. peto igitur, ut memineris, te omnia, quae tua fides pateretur, mihi cumulate recepisse. equidem existimo, habere te magnam facultatem (sed hoc tui est consilij, et iudicij) ex eo S. C. quod in haeredes C. Vennonij factum est, Cerelliae commodandi. id S. C. tu interpretabere pro tua sapientia: scio enim eius ordinis auctoritatem semper apud te magni fuisse. quod reliquum est, sic uelim existimes, quibuscumque rebus Cerelliae benigne feceris, mihi te gratissimum esse facturum. Vale.

M. CIC. Q. PHILIPPO PRO CONS. S.

Ratulor tibi, quod ex provincia saluum te ad tuos recepisti incolumi fama, et rep. quod si Romae te uidissem, coram gratias egissem, quod tibi L. Egnatius, familiarissimus meus, absens, L. Oppius praesens cura fuisset. Cum Antipatro Derbete mihi non solum hospitium, uerum etiam summa familiaritas intercedit. ei te uehementer succensuisse audiui, et moleste tuli. de re nihil possum iudicare, nisi illud

mihî certe persuadeo, te talem virum nihil temere fecisse. à te autem pro uetere nostra necessitudine etiam atque etiam peto, ut eius filios, qui in tua potestate sunt, mihî potissimum condones: nisi quid existimas in ea re niolari existimationem tuam: quod ego si arbitrarer, nunquam te rogarem, mihîq; tua fama multo antiquior esset, quàm illa necessitudo est. sed mihî ita persuadeo, (potest fieri, ut fallar) eam rem laudi tibi potius, quàm uituperationi fore. quid fieri possit, & quid mea causa facere possis, (nam, quid uelis, non dubito) uelim, si tibi graue non erit, certiore me facias. Vale.

M. CIC. Q. PHILIPPO PRO CONS. S.

Tsi non dubito pro tua in me obseruantia,
 E proq; nostra necessitudine, quin commendationem meam memoria teneas: tamen etiam atque etiam eundem tibi L. Oppium, familiarem meum, presentem, & L. Egnatium, familiarissimum mei, absentis negotia commendo. tanta mihî cum eo necessitudo est, familiaritasq;, ut, si mea res esset, non magis laborarem. quapropter gratissimum mihî feceris, si curaris, ut is intelligat, me à te tantum amari, quantum ipse existimo. hoc mihî gratius facere nihil potes. idq; ut facias, te uehementer rogo. Vale.

M. CICERO T. TITIO T. F. LEGATO S.

Tsi non dubito, quin apud te mea commenda-
 E tio prima satis ualeat: tamen obsequor hominî familiarissimo C. Auiano Flacco: cuius causa omnia sum cupio, tum me hercule etiam debeo. de

quo & præsens tecum egi diligenter, cum tu mihi humanissime respondisti: & scripsi ad te accurate antea. sed putat interesse sua, me ad te quam sapissime scribere. quare uelim, mihi ignoscas; si illius uoluntati obtemperans, minus uidebor meminisse constantiae tuae, à te idem illud peto, ut de loco, quò deponeret frumentum, et de tempore Auiano commodus. quorum utrumque per eundem me obtinuit triennium, dum Pompeius isti negotio praefuit. summa est, in quo mihi gratissimum facere possis, si curaris, ut Auianus, quando se à me amari putat, me à te amari sciat. erit id mihi pergratum. Vale.

M. CICERO, QUATVOR VIRIS, ET
DECVRIONIBVS S. D.

Ante mihi cum Q. Hippii cause necessitudinis sunt, ut nihil possit esse coniunctius, quam nos inter nos sumus. quòd nisi ita esset, uterer mea consuetudine, ut uobis nulla in re molestus essem. etenim uos mihi optimi testes estis, cum mihi persuasum esset, nihil esse, quod à uobis impetrare non possem, nunquam me tamen grauem uobis esse uoluisse. uehementer igitur uos etiam atque etiam rogo, ut honoris meis causa liberalissime C. Valgii Hippianum tractetis, remq; cum eo conficiatis, ut, quam possessionem habet in agro Fregellano, à uobis emptam, eam liberam, & immunem habere possit. id si à uobis impetraro, summo me beneficio uestro affectum arbitrabor. Valete.

M. CICERO P. SVLPICIO IMP. S. ^{MP}

Vm his temporibus non sane in senatum uen-
 titarem, tamen, ut tuas literas legi, non existi-
 mauim me saluo iure nostræ ueteris amicitiaë,
 multorumq; inter nos officiorum facere posse, ut honori
 tuo deessem. itaque affui, supplicationemq; tibi lubèter
 decreui: nec reliquo tempore ullo aut rei, aut existima-
 tionis, aut dignitati tuæ deero. atque ut hoc tui necessa-
 rij sciant, hoc me animo erga te esse; uelim, facias eos
 per literas certiores; ut, si quid tibi opus sit, ne dubitent
 mihi iure suo denunciare. M. Bollandum, uirum bonum,
 et fortem, et omnibus rebus ornatum, meumq; ueterem
 amicum, tibi magnopere cōmendo. pergratum mihi fece-
 ris, si curaris, ut is intelligat hanc cōmendationem sibi
 magno adiumento fuisse. ipsumq; uirum optimum, gra-
 tissimumq; cognosces. promitto tibi, te ex eius amicitia
 magnam uoluptatē esse capturum. Præterea à te peto
 maiorem in modum pro nostra amicitia, et pro tuo perpe-
 tuo in me studio, ut in hac re etiam elaborēs. Dionys-
 sius seruus meus, qui meam bibliothecam multorum num-
 morum tractauit, cum multos libros surripuisset, nec se
 impune laturum putaret, aufugit. is est in prouincia tua.
 eum et M. Bollandus, familiaris meus, et multi alij Naro-
 næ uiderunt. sed cum se à me manumissum esse diceret,
 crediderunt. hunc tu si mihi restituendum curaris, non
 possum dicere, quam mihi gratum futurum sit. res ipsa
 parua, sed animi mei dolor magnus est. ubi sit, et quid
 fieri possit, Bollandus te docebit. ego, si hominem per te recu-
 peraro, summo me à te beneficio affectum arbitrabor. Vale.

CICERO ALLIENO PRO CONS. S. D.

Emocritus Sycionius non solum hospes meus
 D est, sed etiam, quod non multis contingit, Græ-
 cis præsertim, ualde familiaris: est enim in
 eo summa probitas, summa uirtus, summa in hospites
 liberalitas, et obseruantia: meq; præ cæteris et colit,
 et obseruat, et diligit. eum tu non modo suorum ci-
 uium, uerum etiam prope Achaie principem cognosces.
 huic ego tantummodo aditum ad tuam cognitionem pa-
 tefacio; et munit. cognitum, per te ipsum, quæ tua na-
 tura est, dignum tua amicitia, atque hospitio iudicabis.
 peto igitur à te, ut his literis lectis recipias eum in tuam
 fidem, pollicere omnia te facturum mea causa: de rellæ
 quo, si, id quod confido, fore dignum eum tua amicitia,
 hospitioq; cognoueris; peto, ut eum complectare,
 diligas, in tuis habeas. erit id mihi maiorem in modum
 gratum. Vale.

CICERO ALLIENO PRO CONS. S. D.

T te scire arbitror, quanti fecerim C. Auianū
 B Flaccum: et ego ex ipsa audieram, optimo,
 et gratissimo homine, quàm à te liberaliter
 esset tractatus. eius filios dignissimos illo patre, meosq;
 necessarios, quos ego unice diligo, commendo tibi sic, ut
 maiore studio nullos commendare possim. C. Auianus in
 Sicilia est. Marcus est nobiscum. ut illius dignitatem
 præsentis ornes, rem utriusque defendas, te rogo. hoc
 mihi gratius in ista provincia facere nihil potes. Idq; ut
 facias, te uehementer etiam atque etiam rogo. Vale.

M. TULLII CICERONIS EPISTOLARVM, AD THERENTIAM VXOREM,
LIBER XIII.

M. CICERO THERENTIAE, ET
TULLIOLAE, ET CICERO
NI SVIS S. P. D.

T literis multorum, et sermone omnium
perfertur ad me, incredibilem tuam
E uirtutem, et fortitudinem esse, teq;
nec animi, nec corporis laboribus defa-
tigari. me miserum, te ista uirtute, si-
de, probitate, humanitate in tantas arumnas propter
me incidisse? Tulliolamq; nostram, ex quo patre tantas
uoluptates capiebat, ex eo tantos percipere luctus? nam
quid ego de Cicerone dicam? qui cum primum sapere
cepit, acerbissimos dolores, miserasq; percepit. quae si,
ut tu scribis; fato facta putarem, ferrem paulo facie-
lius: sed omnia sunt mea culpa commissa, qui ab ijs
me amari putabam, qui inuidebant; eos non sequebar,
qui petebant: quod si nostris consilijs usi essemus, neque
apud nos tantum ualuisset sermo aut stultorum amico-
rum, aut improborum: beatissimi uiueremus. nunc
quando sperare nos amici iubent, dabo operam, ne mea
ualetudo tuo labori desit. res quanta sit, intelligo; quan-
toq; fuerit facilius manere domi, quam redire. sed ta-
men si omnes tribunos pl. habemus, si Lentulum tam
studiosum, quam uidetur, si uero etiam Pompeium, et
Caesarem: non est desperandum. De familia, quo mor-

do placuisse amicis scribis, faciemus. De loco, nunc quidem iam abiit pestilentia: sed quandiu fuit, me non attingit. Plancius, homo officiosissimus, me cupit esse secum, et adhuc retinet. ego uolebam loco magis deserto esse in Epiro, quo neque Hispani uenirent, nec milites: sed adhuc Plancius me retinet: sperat posse fieri, ut mecum in Italiam decedat. quem ego diem si uidero; & si in uestrum complexum uenero; ac si & uos, & me ipsum recupero: satis magnum mihi fructum uidebor percepisse et uestrae pietatis, & meae. Pisonis humanitas, uirtus, amor in omnes nos tantus est, ut nihil supra possit. utinam ea res ei uoluptati sit: gloria quidem uideo fore. De Q. fratre nihil ego te accusaui: sed uos, cum praesentim tam pauci sitis, uolui esse quameconiunctissimos. Quibus me uoluisti agere gratias, egi, & mea te certiore factum esse scripsi. Quod ad me mea Terentia scribis, te uicum uendituram: quid, obsecro te, (me miserum) quid futurum est? & si nos premet eadem fortuna, quid puero misero fiet? non queo reliqua scribere, (tanta uis lacrymarum est) ne te in eundem fletum adducam. tantum scribo: si erunt in officio amici, pecunia non deerit: si non erunt, tu efficere tua pecunia non poteris. per fortunas miseras nostras uide, ne puerum perditum perdamus. cui si aliquid erit, ne egeat: meo diocri uirtute opus est, & mediocri fortuna, ut cetera consequatur. Fac ualeas, & ad me tabellarios mittas, ut sciam quid agatur, et uos quid agatis. mihi omnino iam breuis expectatio est. Tulliolae, et Ciceroni salutem dic.

Valete. D. ante diem VI. cal. Dec. Dyrrhachij. Dyrrhachin m ueni, quod et libera ciuitas est, & in me

officiosa, & proxima Italia. sed si offendet me loci celebritas, aliò me conferam, & ad te scribam.

M. CICERO TERENTIAE, ET TULLIO
LAË, ET CICERONI SVIS S. P. D.

Oli putare, me ad quenquam longiores epi-
 N stolas scribere, nisi si quis ad me plura scri-
 psit, cui puto rescribi oportere. nec enim ha-
 beo, quod scribam: nec hoc tempore quidquam diffici-
 lius facio. ad te uero, & ad nostrā Tulliolam non queo
 sine plurimis lacrymis scribere. uos enim uideo esse mi-
 serrimas, quas ego beatissimas semper esse uolui: idq;
 præstare debui, & nisi tam timidi fuissetus, præsti-
 tisset. Pisonem nostrum merito eius amo plurimum.
 cum, ut potui, per literas cohortatus sum, gratiasq;
 egi, ut debui. In nouis tribunis pl. intelligo spem te ha-
 bere. id erit firmum, si Pompeij ueluntas erit: sed Cras-
 sum tamen metuo. a te quidem omnia fieri fortissime,
 et amantiſſime uideo. nec miror: sed mæreo casum eius
 modi, ut tantis tuis miserijs meæ miserie subleuentur.
 nam ad me P. Valerius homo officiosus scripsit, id quod
 ego maximo cum fletu legi, quemadmodum à Vesta ad
 Tabulam Valeriam ducta esses. hem mea lux, meum
 desiderium, unde omnes opem petere solebant, te nunc
 mea Terentia sic uexari, sic iacere in lacrymis, et sordi-
 bus; idq; fieri mea culpa, qui ceteros seruavi, ut nos pe-
 rireremus? Quod de domo scribis, hoc est de area: ego ue-
 ro tum denique mihi uidebor restitutus, si illa nobis erit
 restituta. uerum hæc non sunt in nostra manu. illud do-
 leo, quæ impensa facienda est, in eius partē te miseram,

Et despoliatam uenire. quod si conficitur negotium, omnia consequemur. sin eadem nos fortuna premet, etiam ne reliquias tuas misera proijcies? obsecro te mea uita, quod ad sumptum attinet, sine alios, qui possunt, si modo uolunt, sustinere: Et ualeitudinem istam infirmam, si me amas, noli uexare. nam mihi ante oculos dies noctesq; uersaris: omnes labores te excipere uideo; timeo, ut sustineas: sed uideo in te esse omnia. quare ut id, quod speras, Et quod agis, consequamur, serui ualeitudini. Ego, ad quos scribam, nescio, nisi aut ad eos, qui ad me scribunt; aut ad eos, de quibus ad me uos aliquid scribitis. Longius, quoniam uobis ita placet, non discedam: sed uelim, quamsepiissime literas mittatis, praesertim si quid est firminus, quod speremus. Valete mea desideria, ualete. Datum ad III non. Oct. Thessalonicae.

M. CIC. TERENCEIAE, ET TVLLIAE,
ET CICERONI SVIS. S. P. D.

Ccepi ab Aristocrito tres epistolas, quas ego lacrymis prope deleui. conficior enim maerore mea Terentia: nec me mea miseriae magis excruciant, quam tuae, uestraeq;: ego autem hoc miserior sum, quam tu, quae es miserrima, quod ipsa calamitas communis est utriusque nostrum, sed culpa mea propria est. meum fuit officium, uel legatione uitare periculum; uel diligentia, Et copijs resistere, uel cadere fortiter. hoc miserior, turpius, indignius nobis nihil fuit. quare cum dolore conficior, tum etiam pudore. pudet enim me, uxori meae optima, suauissimis liberis.

uirtutem, & diligentiam non praestitisse. nā mihi ante
 oculos dies noctesq; uersatur squalor uester, & moeror,
 & infirmitas ualeitudinis tuæ: spes autem salutis per-
 tenuis ostenditur. inimici sunt multi, inuidi pene om-
 nes. eijcere nos magnum fuit, excludere facile est. sed
 tamen, quandiu uos eritis in spe, non deficiam, ne om-
 nia mea culpa cecidisse uideantur. Ut tuto sim, quod
 laboras: id mihi nunc facillimum est, quem etiam in-
 mici uolunt uiuere in tātis miserijs. ego tamen faciam,
 quæ præcipis. Amicis, quibus uoluisti, egi gratias: &
 eas literas Dexippo dedi: meq; de eorum officio scripsi à
 te certiore esse factum. Pisonem nostrum mirifico esse
 studio in nos, & officio, & ego perspicio, & omnes
 prædicant. Dij faxint, ut tali genero mihi præsentī te-
 cum simul, ac cum liberis nostris frui liceat. nunc spes
 reliqua est in nouis tribunis pl. & in primis quidē die-
 bus: nam si inueterarit, actum est. ea re ad te statim
 Aristocritum misi, ut ad me continuo initia rerum, &
 rationē totius negotij pōsses scribere. etsi Dexippo quo-
 que ita imperaui, statim ut recurreret: & ad fratrem
 misi, ut crebro tabellarios mitteret: nam ego eo nomine
 Dyrrhachij hoc tempore, ut quamcelerrime, quid aga-
 tur, audiam, & sim tuto: ciuitas enim hæc semper à
 me defensa est. cum inimici nostri uenire dicentur, tum
 in Epirum ibo. Quod scribis, te, si uelim, ad me uen-
 turam: ego uero, cum sciam magnā partem istius onera-
 ris abs te sustineri, te isthic esse uolo. si perficitis, quod
 agitis, me ad uos uenire oportet. sin autem. sed nihil
 est opus reliqua scribere. ex primis, aut ad summum
 secundis literis tuis constituere poterimus, quid nobis

faciendum sit. tu modo ad me, uelim, omnia diligentissime perscribas. etsi magis iam rem, quàm literas, debeo expectare. Cura ut ualeas: et ita tibi persuadeas, mihi te carius nihil esse, nec unquam fuisse. uale mea Terentia; quam ego uidere uideor, itaque debilitor lacrymis, Vale. Pridie cal. Dec. Dyrrhachij.

M. CIC. TERENTIAE, ET TVLLIOLAE,
ET CICERONI SVIS. S. P. D.

Go minus saepe ad uos do literas, quàm possum, E propterea quòd cū omnia mihi tempora sunt misera; tu uero, cum aut scribo ad uos, aut uestras lego, conficior lacrymis sic, ut ferre non possim. quòd utinam minus uitæ cupidus fuisset: certe nihil, aut non multū in uita mali uidissemus. quòd si nos ad aliquam alicuius commodi aliquando recuperandi spem fortuna reseruauit: minus est erratum à nobis. sin hæc mala fixa sunt: ego uero te quamprimum mea uita cupio uidere, et in tuo complexu emori: quādo neque dii, quos tu castissime coluisti; neque homines, quos ego seruauī semper, nobis gratiam retulerunt. Nos Brundisij apud M. Lenium Flaccum dies XIII. fuimus, uirum optimum, qui periculum fortunarum, et capitis sui pro mea salute neglexit; neque legis improbiſſimæ poena deductus est, quo minus hospitij, et amicitia ius, officiumq; præstaret. huic utinam aliquando gratiam referre possimus; habebimus quidem semper. Brundisio profecti sumus ad V cal. Maias. per Macedoniam Cyzicum petebamus. ò me perditum, ò me afflictum: quid nūc rogem te, ut uenias, mulierem ægram, et cor=

pore, & animo confectam? non rogem? sine te igitur
 sim? opinor, sic agam. si est spes nostri reditus, eā con-
 firmes, et re adiuues. sin, ut ego metuo, transactum
 est: quoquo modo potes, ad me fac uenias. unum hoc
 scito: si te habebo, non mihi uidebor plane periisse. sed
 quid de Tulliola mea fiet? iam id uos uidete: mihi deest
 consilium. sed certe, quoquo modo se res habebit, illius
 misellæ & matrimonio, et famæ seruiendum est. quid
 Cicero meus, quid aget? iste uero sit in sinu semper, et
 complexu meo. non queo iam plura, scribere: impedit
 mœror. Tu quid egeris, nescio; utrum aliquid teneas,
 an, quod metuo, plane sis spoliata. Pisonem, ut scribis,
 spero fore semper nostrū. De familia liberata, nihil est,
 quod te moueat. primum tuis ita promissum est, te fa-
 cturam esse, ut quisque esset meritus. est autem in of-
 ficio adhuc Orpheus, præterea magnopere nemo. cæte-
 rorum seruorum ea causa est, ut, si res à nobis abesset,
 liberti nostri essent, si obtinere potuissent: sin ad nos
 pertinerent, seruirent, præterquam oppido pauci. sed
 hæc minora sunt. Tu quod me hortaris, ut animo sim
 magno, et spem habeam recuperandæ salutis: id uelim
 sit eiusmodi, ut recte sperare possimus. nūc miser quan-
 do tuas iam literas accipiam? quis ad me perferet? quas
 ego expectassem Brundisiū, si esset licitum per nautas,
 qui tempestatem prætermittere noluerunt. Quod reli-
 quum est, sustenta te mea Terentia, utpotes. honestissi-
 me uiuimus: floruius. non uitium nostrum, sed uir-
 tus nostra nos afflixit. peccatum est nullum, nisi quod
 non una animam cum ornamentis amisimus. sed si hoc
 fuit liberis nostris gratius, nos uiuere: cætera, quan-

quam ferenda non sunt, feramus. atque ego, quæte confirmo, ipse me non possum. Clodium Philetærum, quod ualeitudine oculorum impediabatur, hominem si delem, remisi. Sallustius officio uincet omnes spes. Cennius est perbeneuolus nobis: quem semper spero tui fore obseruantem. Sica dixerat se mecum fore, sed Brundusio discessit. Cura, quoad potes, ut ualeas: et sic existimes, uehementius me tua miseria, quam mea, commoueri. mea Terentia, fidißima, atque optima uxor, et mea carissima filiola, et spes reliqua nostra Cicero, ualete. Pridie cal. Maij, Brundusio.

M. CICERO TERENCE, ET TULLIAE SVIS S.

Itu, et Tullia, lux nostra, ualetis, ego, et suauissimus Cicero ualemus. Pridie id. Oct. Athenas uenimus, cum sane aduersis uentis usi essemus, tardeq; et incommode nauigassemus. de naui exeuntibus nobis Acastus cum literis præsto fuit, uno et uigesimo die, sane strenue. Accepi tuas literas; quibus intellexi te uereri, ne superiores mihi redditæ non essent. omnes sunt redditæ: diligentissimeq; à te perscripta sunt omnia: idq; mihi gratissimū fuit. neque sum admiratus, hanc epistolam, quam Acastus attulit, breuem fuisse: iā enim me ipsum expectas, siue nos ipsos: qui quidem quamprimum ad uos uenire cupimus. etsi, in quā temp. uenimus, intelligo. cognoui enim ex multorum amicorum literis, quas attulit Acastus, ad arma rem spectare: ut mihi, cum uenero, dissimulare non liceat, quid sentiam. sed quando subeunda fortuna est, eo

EPIST. LIB. XIII.

citius dabitur operam, ut ueniamus, quo facilius de
tota re deliberemus. tu, uelim, quod commodo ualeat
dinistuari fiat, quam longissime poteris, obuiam nobis
prodeas. De hereditate Pratiana, quæ quidē mihi ma-
gno dolori est, (ualde enim illum amaui) hoc, uelim, cu-
res; si auctio ante meum aduentū fiet, ut Pomponius;
aut, si is minus poterit, Camillus nostrum negotium cu-
ret. nos, cum uenerimus, reliqua per nos agemus. sin-
tu iam Romam profecta eris, tamen curabis, ut hoc ita
fiet. nos, si dii adiuuabunt, circiter id. Nou. in Italia
speramus fore. Vos mea suauissima, et optatissima Te-
rentia, & Tulliola, si nos amatis, curate, ut ualea-
tis. Athenis, ad XV cal. Nou.

M. CICERO TERENTIAE SVAE S. P. D.

Ec sæpe est, cui literas demus: nec rem habe-
mus ullam, quam scribere uelimus. Ex tuis
literis, quas proxime accepi, cognoui, prædiū
nullum uenire potuisse. quare uideas, uelim, quo mo-
do satisfiat ei, cui scis me satisfieri uelle. Quod nostra
tibi gratias agit, id ego non miror te mereri, ut ea tibi
merito tuo gratias agere possit. Pollicem, si adhuc non
est profectus, quamprimum fac extrudas. Cura, ut ua-
leas. idib. Quint. Vale.

M. CICERO TERENTIAE SVAE S. P. D.

Mnes molestias, & solitudines, quibus &
O. te miserrimam habui, id quod mihi molestissi-
simum est, Tulliolamq; quæ nobis nostra uir-
ta dulcior est, deposui et eieci, quid cause autem fue-

rit, postredie intellexi, quàm à uobis discessi. *ἔλκω* ἄ-
κρω noctu eieci. statim ita sum leuatus, ut mihi deus
 aliquis medicinam fecisse uideatur, cui quidem tu deo,
 quemadmodum soles, pie, & caste satisfacias, id est
 Apollini, & Aesculapio. Naui spero nos ualde bo-
 nam habere. in eam simul atque conscendi, hæc scripsi.
 deinde conscribam ad nostros familiares multas episto-
 las: quibus te, & Tulliolam nostram diligentissime
 commendabo. cohortares uos, quo animo fortiore esse-
 tis, nisi uos fortiores cognoscerem, quàm quenquam ui-
 rum. & tamen eiusmodi spero negotia esse, ut & uos
 isthic commodissime sperem esse, & me aliquando cum
 similibus nostri temp. defensurum. Tu primum ua-
 letudinem tuam, uelim, cures: deinde, tibi si uidebitur,
 uillis ijs utare, quæ longissime aberunt à militibus. fun-
 do Arpinati bene poteris uti cum familia urbana, si an-
 nona carior fuerit. Cicero bellissimus tibi salutem plu-
 rimam dicit. Etiam atque etiam uale. Datum VII.
 id. Iun.

M. CICERO TERENCE

SVAE S. P. D.

I uales, bene est: ego quidem ualeo. Vale-
 tudinem tuam, uelim, cures diligentissime:
 nam mihi et scriptum, et nunciatum est, te
 in febrim subito incidisse. Quod celeriter me fecisti
 de Caesaris literis certiolem, fecisti mihi gratum. item
 posthac, si quid opus erit, si quid acciderit noui, facies,
 ut sciam. Cura ut ualeas, uale. Datum III.
 non. Iun.

EPIST. LIB. XIII.

M. CICERO TERENTIAE

S V AE S. P. D.

D ceteras meas miseras accessit dolor e' Dola
 A bella ualetudine, & Tulliae . omnino de om-
 nibus rebus nec quid consilij capiam , nec
 quid faciam , scio . Tu, uelim, tuam , & Tulliae uale-
 tudinem cures . Vale .

M. CICERO TERENTIAE

S V AE S. P. D.

Vid fieri placeret, scripsi ad Pōponium scrius,
 Q quam oportuit . cum eo si locuta eris , intelli-
 ges, quid fieri uelim . apertius scribi, quando
 ad illum scripseram , necesse non fuit . de ea re , & de
 ceteris rebus quamprimum, uelim, nobis literas mittas .
 Valetudinem tuam cura diligenter . uale . VII id.
 Quint .

M. CICERO TERENTIAE

S V AE S. P. D.

I uales, bene est : ego ualeo . Tullia nostra
 S uenit ad me prid. id. Iun. cuius summa uir-
 tute , & singulari humanitate , grauiore
 etiam sum dolore affectus, nostra factum esse negligē-
 tia , ut longe alia in fortuna esset , atque eius pietas, ac
 dignitas postulabat . Nobis erat in animo , Ciceronem
 ad Casarem mittere , et cum eo Cn. Sallustium . si pro-
 fectus erit , faciam te certiores . Valetudinem tuam
 cura diligenter . uale . XVII cal. Quint .

M. CICERO

M. CIC. TERENCEM SVAE S. P. D.

Vod nos in Italiam saluos uenisse gaudes, perpetuo gaudeas, uelim. sed perturbati dolore animi, magnisq; iniurijs, metuo, ne id consilij ceperimus, quod non facile explicare possimus. quare, quantum potes, adiuua. quid autem possis, mihi in mentem non uenit. in uiam quod te des hoc tempore, nihil est. & longum est iter, & non tutum: & non uideo, quid prodesse possis, si ueneris. Vale. Datum pridie non. Brundisio.

M. CIC. TERENCEM SVAE S. P. D.

Vod scripsi ad te proximis literis de nuncio remittendo; quæ sit istius uis hoc tempore, et quæ concitatio multitudinis, ignoro. si metuendus iratus est, quies tamen ab illo fortasse nascetur. totum, iudicabis, quale sit; & quod in miserrimis rebus minima me miserum putabis, id facies. Vale. VI. id. Quint.

TULLIUS TERENCEM, ET PATER
TULLIOLAE; DVABVS ANIMIS
SVIS; ET CICERO MATRI
OPTIMAE, SVAVISSIMAE
SORORI S. P. D.

I uos ualeis, nos ualemus. Vestrum iam consilium est, non solum meum, quid sit uobis faciendum. si ille Romam modeste uenturus est, recte in praesentia domi esse potestis. sin homo amens

HH

diripiendam urbem daturus est; uereor, ut Dolabella ipse satis uobis prodesse possit. etiam illud metuo, ne iam intercludamini, ut, cum uelitis, exire non liceat. reliquum est, quod ipsa optime considerabitis, uestri similes foeminae sint ne Romae. si enim non sunt: uidendum est, ut honeste uos esse possitis. quomocunque nunc se res habet; modo ut haec uobis loca tenere liceat, bellissime me uel mecum, uel in nostris praedijs esse poteritis. etiam illud uerendum est, ne breui tempore fames in urbe sit. his de rebus, uelim, cum Pomponio, cum Camillo, cum quibus uobis uidebitur, consideretis: ad summam, animo forti sitis. Labienus rem meliorem fecit. adiuuat etiam Piso, quod ab urbe discedit, et sceleris condemnat generum suum. Vos meae carissimae animae quam saepissime ad me scribite, et uos quid agatis, et quid isthic agatur. Quintus pater, et filius, et Rufus uobis salutem dicunt. Valete. VIII. cal. Quint. Minturnis.

TULLIUS TERENTIAE SVAE S. D.

I uales, bene est: ego ualeo. Constitueramus, ut ad te antea scripseram, obuiam Cicero-
nem Casari mittere: sed mutauimus consilium, quia de illius aduentu nihil audiebamus. De ceteris rebus, etsi nihil erat noui, tamen quid uelimus, et quid hoc tempore putemus opus esse, ex Sica poteris cognoscere. Tulliam adhuc mecum teneo. Valetudinem tuam cura diligenter. Vale. XII. cal. Quint.

TVLLIVS TERENCEM SVAE S. D.

S I uales, bene est: ego ualeo. Etsi eiusmodi tempora nostra sunt, ut nihil habeam, quod aut à te literarum expectem, aut ipse ad te scribam: tamen nescio quo modo et ipse uestras literas expecto, et scribo ad uos, cum habeo, qui ferat. Volumnia debuit in te officiosior esse, quam fuit: et id ipsum, quod fecit, potuit diligentius facere, et cautius: quanquam alia sunt, quæ magis curemus, magisque doleamus: quæ me ita conficiunt, ut iuuoluerunt, qui me de mea sententia detruserunt. Cura ut ualeas. pridie non. Ian.

TVLLIVS TERENCEM SVAE S. D.

S I quid haberem, quod ad te scriberem; facerem id et pluribus uerbis, et sepius. nunc, quæ sunt negotia, uides. ego autem quo modo sim affectus, ex Lepta, et Trebatio poteris cognoscere. tu fac, ut tuam, et Tullie ualitudinem cures. Vale.

TVLLIVS TERENCEM, ET PATER
SVAVISSIMAE FILIAE; CICERO
MATRI, ET SORORI S. D. P.

C Onsiderandum uobis etiam atque etiam animæ meæ diligenter puto, quid faciatis; Romæ ne sitis, an mecum in aliquo tuto loco. id non solum meum consilium est, sed etiam uestrum. mihi ueniunt in mentem hæc; Romæ uos esse tuto posse per Dola bellam; eamque rem posse nobis adiumento esse, si quis, aut si quæ rapinæ fieri cœperint: sed rursus illud me

E P I S T. I L I B. XIII.

mouet, quod uideo omnes bonos abesse Roma, et eos mulieres suas secum habere. hæc autem regio, in qua ego sum, nostrorum est tum oppidorum, tum etiam prædiorum: ut & multum esse mecū, & cum abieritis, comode etiam in nostris prædijs esse possitis. mihi plane non satis constat adhuc, utrum sit melius. uos uidete, quid alia faciant isto loco fœminæ; & ne, cum uelitis, exire non liceat. id, uelim, diligenter etiam atque etiā nobiscum, & cum amicis consideretis. Domus ut propugnacula, & præsidium habeat, Philotimo dicetis. Et uelim tabellarios instituatis certos, ut quotidie aliquas à uobis literas accipiam. Maxime autem date operam, ut ualeatis, si nos uultis ualere. VIII. cal. Febr. Formijs.

TULLIVS TERENTIAE SVAE S. D.

IN maximis meis doloribus excruciat me. uale-
 I letudo Tulliae nostrae. de qua, nihil est, quod
 ad te plura scribam: tibi enim aequè magnæ
cure esse certo scio. Quod me propius uultis accedere, uideo
 ita esse faciendum: etiam ante fecissem: sed me multa
 impediunt, quæ nunc quidem expedita sunt. sed à
 Pomponio expecto literas, quas ad me quamprimum
 perferendas cures, uelim. Da operam ut ualeas.

TULLIVS TERENTIAE SVAE S. D.

IN Tusculanum nos uenturos putamus aut
 I nonis, aut postridie. ibi, fac, ut sint omnia pa-
 rata: plures enim sortasse nobiscum erunt:
 & ut arbitror, diutius ibi commorabimur. labrum si
 in balneo non est, fac ut sit: item cetera, quæ sunt ad

uictum, & ad ualeitudinem necessaria . Vale.

V. cal. Oct. de Venusino.

T V L L I V S T E R E N T I A E S V A E S. D.

I uales, bene est : ego ualeo. Da operam, ut con
S ualeascas : quod opus erit, ut res, tempusq; po
stulat, provideas, atque administres, et ad me
de omnibus rebus quamsepiissime literas mittas. Vale.

T V L L I V S T E R E N T I A E S V A E S. D.

I uales, bene est : ego ualeo. Nos quotidie ta
S bellarios uestros expectamus : qui si uenerint,
fortasse erimus certiores, quid nobis facien
dum sit ; faciemusq; te statim certiore. Valetudinem
tuam cura diligenter. Vale. cal. Sept.

T V L L I V S T E R E N T I A E S. D.

I uales, bene est : ego ualeo. Nos neque de Cæ
S sariis aduentu, neque de literis, quas Philotis
mus habere dicitur, quidquam adhuc certi ha
bemus. si quid erit certi, faciam te statim certiore. Va
letudinem tuam, fac, ut cures. Vale. II. id. Sext.

T V L L I V S T E R E N T I A E S V A E S. D.

I uales, bene est : ego ualeo. Redditæ mihi iam
S tandem sunt à Cæsare literæ, satis liberales :
& ipse opinione celerius uenturus esse dici
tur. cui utrum obuiam procedam, an hic eum expecté,
cum constituero, faciam te certiore. Tabellarios mihi,
uelim, quamprimum remittas. Valetudinem tuam cu
ra diligenter. Vale. pridie id. Sext.

M. TVLLII CICERONIS EPISTOLARVM,
AD SENATVM, ET ALIOS,
LIBER XV.

M. TVLLIVS M. F. CICERO PRO
CONS. S. P. D. CONSS. PRAETT.
TRIBB. PL. S. P. Q. R.

1 uos bene ualetis, bene est: ego quidem ualeo. Et si non dubie mihi nunciabatur, Parthos transisse Euphratem cum omnibus fere suis copijs: tamen, quòd arbitrabar à M. Bibulo pro consule certiora de his rebus ad uos scribi posse, statuebam mihi non necesse esse publice scribere ea, quæ de alterius prouincia nunciarentur. postea uero quàm certissimis auctoribus, legatis, nuncijs, literis sum certior factus: uel quòd tanta res erat, uel quòd nondum audieramus Bibulum in Syriam uenisse, uel quia administratio huius belli mihi cum Bibulo pene est communis; quæ ad me delata essent, scribenda ad uos putavi. Regis Antiochi Commageni legati primi mihi nunciarunt, Parthorum magnas copias Euphratem transire cœpisse. quo nuncio allato, cum essent nonnulli, qui ei regi minorem fidem habendam putarent, statui expectandum esse, si quid certius afferretur. ad XIII. kal. Oct. cum exercitum in Ciliciam ducerem, in finibus Lycaoniae, & Cappadociae mihi literæ redditæ sunt à Tarcondimoto, qui fidelissimus socius trans Taurum, amicissimusque populi R. existimatur; Pacorum, Orodis regis Parthorum fi-

lium, cum permagno equitatu Parthico transisse En-
 phratem, & castra posuisse Tyba; magnumq; tumul-
 tum esse in provincia Syria excitatum. eodem die ab
 Iamblichō, phylarcho Arabum, quē homines opinantur
 bene sentire, amicumq; esse reip. nostrae, litera de iisdem
 rebus mihi redditae sunt. his rebus allatis, etsi intelli-
 gam, socios infirme animatos esse, & nouarum rerum
 expectatione suspensos: sperabam tamen, eos, ad quos
 iam accesseram, quiq; nostram consuetudinem, integri-
 tatemq; perspexerant, amiciores populo R. esse factos:
 Cili ciam autem firmiorem fore, si equitatis nostrae par-
 ticeps facta esset. et ob eam causam; & ut opprimeren-
 tur ij, qui ex Cilicum gente in armis essent; & ut hos-
 sis, qui esset in Syria, sciret, exercitum populi R. non
 modo non cedere his nuncijs allatis, sed etiam propius
 accedere: exercitum ad Taurum institui ducere. sed si
 quid apud vos auctoritas mea ponderis habet, in ijs
 praesertim rebus, quas vos audistis, ego pene cerno: ma-
 gnopere vos & hortor, & moneo, ut his provincijs, se-
 rius vos quidem, quam decuit, sed aliquando tamen
 consulatis. nos quemadmodum instructos, & quibus
 praesidijs munitos ad tanti belli opinionem miseritis, non
 estis ignari. quod ego negotium non stultitia occacatus,
 sed uerecundia deterritus non recusavi: neque enim
 unquam ullum periculum tantū putavi, quod subter-
 fugere malletm, quam uestrae auctoritati obtemperare.
 hoc autem tempore res sese sic habet, ut, nisi exercitum
 tantum, quantum ad maximum bellum mittere soletis,
 mature in has provincias miseritis, summū periculū sit,
 ne amittēda sint omnes hae provinciae, quibus uectigalia

populi R. continentur. quamobrem autem in hoc prouinciali delectu spem habeatis aliquam, causa nulla est: neque multi sunt: & diffugiunt, qui sunt, metu oblato: & quod genus hoc militum sit, indicauit, uir fortissimus, M. Bibulus in Asia: qui, cum ei permissetis, delectum habere noluerit. nam sociorum auxilia propter acerbitem, atque iniurias imperij nostri aut ita imbecilla sunt, ut non multum nos inuare possint; aut ita alienata a nobis, ut neque expectandum ab ijs, neque committendum ijs quidquam esse uideatur. Regis Deiotari & uoluntatem, & copias, quantacunque sunt, nostras esse duco. Cappadocia est inanis. reliqui reges, tyranniq; neque opibus satis firmi, nec uoluntate sunt. mihi in hac paucitate militum, animus certe non deerit: spero, ne consilium quidem. quid casurum sit, incertum est. utinam saluti nostrae consulere possimus: dignitati certe consulemus. Valete.

M. TVLLIVS M. F. CICERO PRO
CONS. S. D. CONSS. PRAETT.

TRIBE. PL. S. P. Q. R.

I uos bene ualeatis, bene est: ego quidem ualeo.
S Cum prid. cal. Sex. in prouinciam uenissem,
neque maturius, propter itinerum, et nauigationum difficultatem, uenire potuissem: maxime conuenire officio meo, rei q; pub. conducere putauim, parare ea, quae ad exercitum, quaeq; ad rem militarem pertinerent. quae cum essent a me cura magis, & diligentia, quam facultate, & copia constituta; nunciq; et literae de bello a Parthis in prouinciam Syriam illato quotidie fere

afferrentur: iter mihi faciendum per Lycaoniā, & per
 Isauros, & per Cappadociam arbitratus sum: erat es-
 nim magna suspicio, Parthos, si ex Syria egredi, atque
 irrumpere in meam prouinciam conaretur, iter eos per
 Cappadociam, quod ea maxime pateret, esse faciendū.
 itaque cum exercitu per Cappadociæ partem eam, quæ
 cum Cilicia cōtinens est, iter feci: castraq; ad Cybistra,
 quod oppidum est ad montem Taurum, locavi: ut Ar-
 tuasdes, rex Armenius, quocunque animo esset, sciret,
 non procul à suis finibus exercitum populi R. esse; &
 Deiotarum, fidelissimum regem, atque amicissimum
 reip. nostræ, maxime coniunctum haberem, hominem,
 cuius et consilio, & opibus adiuuari posset res. quo cū
 in loco castra haberem, equitatumq; in Ciliciam misis-
 sem, ut et meus aduentus ijs ciuitatibus, quæ in ea par-
 te essent, nunciatus, firmiores animos hominum face-
 ret; et ego mature, quid ageretur in Syria, scire pos-
 sem: tempus eius tridui, quod in ijs castris morabar, in
 magno officio, & necessario mihi ponendum putavi:
 cum enim uestra auctoritas intercessisset, ut ego regem
 Ariobarzanem, Euseben, & Philoromæum, tuerer;
 eiusq; regis salutem, & incolumitatem regni defende-
 rem; regi, regnoq; præsidio essem; adiunxissetisq;, sa-
 lutē eius regis populo, senatuiq; magnæ curæ esse, quod
 nullo unquam de rege decretum esset à nostro ordine:
 existimaui me iudicium uestrum ad regem deferre debe-
 re, eiq; præsidium meum, & fidem, & diligentiam
 polliceri: ut, quando salus ipsius, et incolumitas regni
 mihi commendata esset à uobis, diceret, si quid uellet.
 quæ cum essem in consilio meo cū rege locutus; initio

ille orationis suæ uobis maximas, ut debuit, deinde et iā
 mihi gratias egit; quod ei permagnum, et perhonorifi-
 cum uidebatur, senatui populoq; R. tantæ curæ esse sa-
 lutem suam, meq; tantam diligentiam adhibere, ut ex
 mea fides, et commendationis uestræ auctoritas perspicui
 posset. atque ille primo, quod mihi maximæ lætitiæ
 fuit, ita mecum locutus est, ut, nullas insidias neque uitæ
 suæ, neque regno, diceret, se aut intelligere fieri, aut etiā
 suspicari. cum ei ego gratulatus essem, idq; me gaude-
 re dixissem, cohortatus, ut recordaretur casum illū in-
 teritus paterni, et uigilanter se tueretur, atque admoni-
 tu senatus consuleret salutem suam: tum à me discessit in
 oppidū Cybistra. postero autem die cum Ariarathæ fra-
 tre suo, et cum paternis amicis maioribus natu ad me in
 castra uenit; perturbatusq;, et flens, cum idem et frater
 faceret, et amici, meam fidem, uestram commendatio-
 nem implorare coepit. cum admirarer, quid accidisset
 noui: dixit, ad se indicia manifestarum insidiarum esse
 delata; quæ essent ante aduentum meum occultata,
 quod ij, qui ea patefacere possent, propter metum reti-
 cuissent: eo autem tempore spe mei presidij complures
 ea, quæ scirent, audacter ad se detulisse: in his aman-
 tissimum suū, summa pietate præditum, fratrem dicere
 ea, quæ is me quoque audiēte dicebat, se sollicitatum esse,
 ut regnare uellet: id uero fratre suo accidere nō potuis-
 se: se tamen ante illud tempus eam rem nunquam in-
 medium propter periculi metum protulisse. quæ cum
 esset locutus: monui regem, ut omnē diligentiam ad se
 conseruandum adhiberet: amicosq; in patris eius fide,
 atque iudicio probatos, hortatus sum, regis sui uitam,

docti casu acerbissimo patris eius, omni cura, custodiaq; defenderent: cum rex à me equitatum, cohortesq; de exercitu meo postularet: etsi intelligebam uestro S. C. non modo posse me id facere, sed etiam debere, tamen, cū resp. postularet propter quotidianos ex Syria nuncios, ut quamprimum exercitum ad Ciliciæ fines adducerem; cumq; mihi rex patefactis iam insidijs non egere exercitu populi R. sed posse se suis opibus defendere uideretur; illū cohortatus sum, ut in sua uita conseruanda primum regnare disceret; à quibus perspexisset sibi insidias paratas, in eos uteretur iure regio; pœna afficeret eos, quos necesse esset; reliquos metu liberaret; praesidio exercitus mei ad eorum, qui in culpa essent, timorem potius, quàm ad contentionem, uteretur: fore autem, ut omnes, quando S. C. nossent, intelligerēt, me regi, si opus esset, ex auctoritate uestra praesidio futurum. ita confirmato illo, ex eo loco castra moui, et iter in Ciliciam facere institui; cum hac opinione è Cappadocia discederem, ut consilio uestro, casu incredibili, ac pene diuino regem, quem uos honorificentissime appellassetis nullo postulante, quemq; meæ fidei commendassetis, & cuius salutem magnæ uobis curæ esse decreuissetis, meus aduētus praesentibus insidijs liberasset. quod ad uos à me scribi, non alienum putauī; ut intelligeretis ex ijs, quæ pene acciderunt, uos multo ante, ne ea acciderent, prouidisse: eoq; uos studiosius feci certiores, quod in rege Ariobarzane ea mihi signa uideor uirtutis, ingenij, fidei, beneuolentiæq; erga uos perspexisse, ut non sine causa tantam curam, diligentiamq; in eius uos salutem uideamini contulisse. Vale.

EPIST. LIB. XV.

M. CICERO IMP. S. D. M. CATONI.

Vm ad me legati missi ab Antiocho Cômage=
 C nouenissent in castra ad Iconium ante diem
 III non. Sept. ijq; mihi nunciaissent, regis
 Parthorum filium, quocû esset nupta regis Armenio=
 rum soror, ad Euphratem cum maximis Parthorum co=
 pijs, multarumq; præterea gentium magna manu uen=
 nisse, Euphratemq; iam transire coepisse; diciq; Arme=
 nium regem in Cappadociam impetum esse facturum:
 putavi pro nostra necessitudine me hoc ad te scribere o=
 portare. publice propter duas causas nihil scripsi, quod
 & ipsum Commagenum legati dicebât ad senatum sta=
 tim nuncios, literasq; misisse: & existimabam M. Bi=
 bulum pro consule qui circiter Id. Sext. ab Epheso in Sy=
 riam nauibus profectus erat, quod secundos uentos ha=
 buisset, iam in prouinciam suam peruenisse: cuius lite=
 ris omnia certiora perlatum iri ad senatum putabam.
 Mihi, ut in huiusmodi re, tantoq; bello, maxima cura
 est, ut, quæ copijs, & opibus tenere nix possumus, ea
 mansuetudine, & continentia nostra, sociorum fideli=
 tate teneamus. Tu, uelim, ut consuesti, nos absentes
 diligas, & defendas. Vale.

M. CICERO IMP. S. D. M. CATONI.

Vm tua auctoritas fecit, meumq; perpe=
 S tuum de tua singulari uirtute iudicium, ut
 magni mea interesse putarê, et res eas, quas
 gessim, tibi notas esse, & non ignorari à te, qua
 æquitate, & continentia tuerer socios, prouinciamq;

administrarem : his enim à te cognitis , arbitrabar , facilius me tibi , quæ uellem , probaturum . Cum in prouinciam prid. cal. Sext. uenissem , & propter anni tēpus ad exercitum mihi confestim esse eundum uiderem : bi-
duum Laodiceæ fui, deinde Apameæ quatrimum, tri-
duum Synnadis , totidem dies Philomeli . quibus in op-
pidis cum magni conuentus fuissent : multas ciuitates
acerbissimis tributis , & grauissimis usuris , & falso
ære alieno liberaui . cumq; ante aduentum meum sedi-
tione quadam exercitus esset dissipatus , quinque cohor-
tes sine legato , sine tribuno mil. denique etiam sine cen-
turione ullo apud Philomelum consedisent , reliquus
exercitus esset in Lycaonia : M. Anneio legato impera-
ui, ut eas quinque cohortes ad reliquum exercitum du-
ceret ; coactōq; in unum locum exercitu , castra in Ly-
caonia apud Iconium faceret . quod cum ab illo diligen-
ter esset actum ; ego in castra ad VII cal. Sept. ueni :
cum interea superioribus diebus ex S. C. et euocatorum
firmam manum , & equitatum satis idoneum , & po-
pulorum liberorum , regumq; sociorum auxilia uolun-
taria comparauissem . interim cū exercitu lustrato iter
in Ciliciam facere cœpissem , cal. Sept. legati à rege Cō-
māgeno ad me missi , pertumultuose , neque tamen nō-
uere , Parthos in Syriam transisse , nunciauerunt . quo
audito, uehementer sum commotus cum de Syria, tum
de mea prouincia, de reliqua denique Asia, itaque exer-
citum mihi ducendum per Cappadociæ regionem eam ,
quæ Ciliciam attingeret , putaui . nam si me in Ciliciam
demissem , Ciliciam quidē ipsam propter montis Ama-
ni naturam facile tenuissem , (duo sunt enim aditus in

Ciliciam ex Syria, quorum uterque paruis praesidijs pro-
 pter angustias intercludi potest: nec est quidquam Cili-
 cia contra Syriam munitius. sed me Cappadocia moue-
 bat, quae patet à Syria, regesq; habet finitimos, qui, etiã
 si sunt amici nobis, tamẽ aperte Parthis inimici esse non
 audent. itaque in Cappadocia extrema non longe à
 Tauro apud oppidum Cybistra castra feci; ut & Cili-
 ciam tuerer; & Cappadociam tenens, noua finitimo-
 rum consilia impedirem. interea in hoc tanto motu, tan-
 taq; expectatione maximi belli, rex Deiotarus, cui non
 sine causa plurimum semper & meo, & tuo, & sena-
 tus iudicio tributum est, uir cum beneuolentia, & fi-
 de erga populum R. singulari, tum praesenti magni-
 tudine, & animi, & consilij, legatos ad me misit, se
 cum omnibus suis copijs in mea castra esse uenturum.
 cuius ego studio, officioq; comotus, egi ei per literas gra-
 tias: idq; ut maturaret, hortatus sum. cum autem ad
 Cybistra propter rationem belli quinque dies essem com-
 ratus, regem Ariobarzanem, cuius salutem à senatu
 te auctore commendatam habebam; praesentibus insi-
 dijs nec opinantem liberaui: neque solum ei saluti fui,
 sed etiam curauì, ut cum auctoritate regnaret. Mea-
 tram, & eum, quem tu diligenter mihi commenda-
 ras, Atheneum, importunitate Athenadis exilio mul-
 tatos, maxima apud regem auctoritate, gratiaq; con-
 stitui. cumq; magnum bellum in Cappadocia concita-
 retur, si sacerdos armis se, quod facturus putabatur,
 defenderet, adolescens & equitatu, & peditatu, &
 pecunia paratus, & toto, is, qui nouari aliquid uo-
 lebant: perfecti, ut è regno ille discederet; rexq; sine tua

multu, ac sine armis, omni auctoritate aulae commu-
nita, regnum cum dignitate obtineret. interea cognoui
multorum literis, atque nuncijs, magnas Parthorum
copias, & Arabum ad oppidum Antiochiam accessisse,
magnumq; eorum equitatum, qui in Ciliciam tran-
sisset, ab equitum meorum turmis, & a cohorte
praetoria; quae erat Epiphaneae praesidij causa, occidio-
ne occisum. quare cum uiderem, a Cappadocia Par-
thorum copias auersas, non longe a finibus esse Cili-
ciae: quam potui maximis itineribus ad Amanum exer-
citus duxi. quò ut ueni; hostem ab Antiochia reces-
sisse, Bibulum Antiochia esse cognoui; Deiotarumq; 71
confestim iam ad me uenientem cum magno, & fir-
mo equitatu, & peditatu, & cum omnibus suis co-
pijs, certiore feci, non uideri esse causam, cur abeso-
ret a regno; meq; ad eum, si quid forte noui accidis-
set, statim literas, nunciosq; missurum esse. cumq; eo
animo uenissem, ut utrique prouinciae, si ita tempus
ferret, subuenirem: tamen id, quod iam ante statue-
ram uehementer interesse utriusque prouinciae, pacare
Amanum, & perpetuum hostem ex eo monte tollere,
agere perrexi. cumq; me discedere ab eo monte simula-
sem, & alias partes Ciliciae petere; abessemq; ab Amas-
so iter unius diei; & castra apud Epiphaneam fecis-
sem: ad IIII id. Oct. cum aduersa seret, expe-
dito exercitu ita noctu iter feci, ut ad IIII id. Oct.
cum luce sceret, in Amanum ascenderem: distribu-
tisq; cohortibus, & auxilijs, cum alijs Quintus fra-
ter legatus mecum simul, alijs C. Pontinus legatus, re-
liquis M. Anneius, & L. Tulleius legati praessent,

plerosque nec opinantes oppressimus, qui occisi, captique sunt, interclusi fuga. Eranam autem, quæ fuit non uici instar, sed urbis, quod erat Amani caput, itemque Sepyram, & Ceminorim, acriter, & diu repugnantibus, Pontino illam partem Amani tenente, ex antelucano tempore usque ad horam diei decimam, magna multitudine hostium occisa, cepimus: castellaque sex capta: complura incendimus. his rebus ita gestis, castra in radicibus Amani habuimus apud Aras Alexandri quatri duum: & in reliquijs Amani delendis, agrisque uastandis, quæ pars eius montis meæ provincie est, id tempus omne consumpsimus. confectis his rebus, ad oppidum Eleutherocilicum Pindenissum exercitum adduxi. quod cum esset altissimo, & munitissimo loco, ab ijsque incoleretur, qui ne regibus quidem unquam paruissent, cum & fugitiuos reciperent, et Parthorum aduentum acerrime expectarent. ad exislimationem imperij pertinere arbitratus sum, comprimere eorum audaciam, quo facilius etiam cæterorum animi, qui alieni essent ab imperio nostro, frangerentur. uallo, & fossa circumdedit: sex castellis, castrisque maximis sepsi: aggere uineis, turribus oppugnauimus: ususque tormentis multis, multis sagittarijs, magno labore meo, sine ulla molestia, sumptu ue sociorum, septimo quinquagesimo die rem confeci; ut omnibus partibus urbis disturbatis, aut incensis, compulsi in potestatem meam peruenirent. His erant finitimi pari scelere, et audacia Tibarani. ab his, Pindenisso capto, obsides accepi. exercitum in hiberna dimisi. Quintum fratrem negotio præposui, ut in uicis aut captis, aut male pacatis exercitus collocaretur.

Nunc

Nunc uelim, tibi sic persuadeas, si de his rebus ad senatum relatum sit, me existimaturum, summam mihi laudem tributam, si tu honorem meum sententia tua comprobabis. idq; etsi talibus de rebus grauissimos homines & rogare solere, & rogari scio, tamen admonendum potius te à me, quàm rogandum, puto. tu es enim is, qui me tuis sententijs sepiissime ornasti; qui oratione, qui predicatione, qui summis laudibus in senatu, in concionibus ad cælum extulisti; cuius ego semper tanta esse uerborum pondera putauì, ut uno uerbo tuo cū mea laude coniuncto, omnia consequi me arbitrarer. te denique memini, cum cuidam clarissimo, atque optimo uiro supplicationem non decerneres, dicere, te decreturum, si referretur ob eas res, quas consul in urbe gessisset. tu idem mihi supplicationem decreuisti togato, non, ut multis rep. bene gesta, sed, ut nemini, rep. conseruata. mitto, quòd inuidiam, quòd pericula, quòd omnes meas tempestates & subieris, & multo etiam magis, si per me licuisset, subire paratissimus fueris: quòd denique inimicum meum, tuum inimicum putaris: cuius etiam interitum, ut facile intelligerem, mihi quantum tribueres, Milonis causa in senatu defendenda approbaris. à me autem hæc sunt profecta, quæ ego in beneficij loco non pono, sed in ueri testimonij, atque iudicij: non ut præstantissimas tuas uirtutes tacitus admirarer, (quis enim in te id non facit?) sed in omnibus orationibus, sententijs dicendis, causis agendis, omnibus scriptis, græcis, latinis, omni denique uarietate literarum mearum te non modo ijs, quos uidissemus, sed ijs, de quibus audissemus, omnibus anteferebam. quæres fortasse, quid sit,

quod ego hoc nescio quid gratulationis, & honoris à senatu tanti aestimem. agam iam tecum familiariter, ut est & studijs, & officijs nostris mutuis, & summa amicitia dignum, & necessitudine etiam paterna. Si quisquam fuit unquam remotus & natura, & magis etiam, ut mihi quidem sentire uideor, ratione, atque doctrina ab inani laude, & sermonibus uulgi, ego profecto is sum. testis est consulatus meus: in quo, sicut in reliqua uita, fateor ea me studiose secutum, ex quibus uera gloria nasci posset: ipsam quidem gloriam per se nunquam putavi expetendam. itaque & prouinciam ornatam, & spem non dubiam triumphi neglexi. sacerdotium denique, cum, quemadmodum te existimare arbitror, non difficillime consequi possem, non appetui. idem post iniuriam acceptam, quam tu reip. calamitatem semper appellas, meam non modo non calamitatem, sed etiam gloriam, studui quamornatissima senatus, populiq; R. de me iudicia intercedere. itaque & augur postea fieri uolui, quod antea neglexeram: et cum honorem, qui à senatu tribui rebus bellicis solet, neglexim à me olim, nunc mihi expetendum puto. huic meae uoluntati, in qua inest aliqua uis desiderij ad sanandum uulnus iniuriae, ut faueas, adiutorq; sis, quod paulo ante me negaram rogaturum, uehementer te rogo; sed ita, si non ieiunum hoc nescio quid, quod ego gessi, & contemnendum uidebitur, sed tale, atque tantum, ut multi nequaquam paribus rebus honores summos à senatu consecuti sint. equidem etiam mihi illud animaduertisse uideor; (scis enim, quam attente te audire soleam) te non tam res gestas, quam mores, instituta

ta, atque uitam imperatorum spectare solere in habendis, aut non habendis honoribus. quod si in mea causa considerabis, reperies me exercitu imbecillo contra metum maximi belli firmissimum praesidium habuisse equitatem, & continentiam: his ego subsidijs ea sum consecutus, quae nullis legionibus consequi potuissem: ut ex alienissimis socijs amicissimos, ex infidelissimis firmissimos redderem, animosq; nouarum rerum expectatione suspensos, ad ueteris imperij beneuolentiam traducerem. sed nimis haec multa de me, praesertim ad te, à quo uno omnium sociorum querelae audiuntur. cognoscas ex ijs, qui meis institutis se recreatos putant. cumq; omnes uno prope consensu de me apud te ea, quae mihi optatissima sunt, praedicabunt, tum duae maxima clientelae tuae, Cyprus insula, & Cappadociae regnum, tecum de me loquentur: puto etiam regem Deiotarum, qui uni tibi est maxime necessarius. quae si etiam maiora sunt, et in omnibus seculis pauciores uiri reperti sunt, qui suas cupiditates, quam qui hostium copias, uincerent: est profecto tuum, cum ad res bellicas haec, quae rariora, & difficiliora sunt, genera uirtutis adiunxeris, ipsas etiam illas res gestas iustiores esse, & maiores, putare. extremum illud est, ut, quasi diffidens rogationi meae, philosophiam ad te allegem: qua nec mihi carior ulla unquam res in uita fuit, nec hominum generi maius à deis munus ullum est datum. haec igitur, quae mihi tecum communis est, societas studiorum, atque artium nostrarum, quibus à pueritia dediti, ac deuincti, soli prope modum nos philosophiam illam ueram, et antiquam, quae quibusdam otij esse, ac desidiae uidetur, in forum, atque

in remp. atque in ipsam aciem pede deduximus; tecum agit de mea laude: cui negari à Catone fas esse non puto. quamobrem, sic tibi persuadeas, uelim: si mihi tua sententia tributus honos ex meis literis fuerit, me existimaturum, cum auctoritate tua, tum beniuolentia erga me, mihi, quod maxime cupierim, contigisse. Vale.

M. CATO M. CICERONI

IMP. S. P. D.

Qvod & resp. me, & nostra amicitia hortatur, libenter facio, ut tuam uirtutem, innocentiam, diligentiam cognitam in maximis rebus domi togati, armati foris pari industria administrare gaudeam. itaque quod pro meo iudicio facere potui, ut innocentia, consilioq; tuo defensam prouinciam, seruatum Ariobarzanis cum ipso rege regnum, sociorum renocatam ad studium imperij nostri uoluntatem, sententia mea, & decreto laudarem, feci. supplicationem decretam; si tu, qua in re nihil fortuito, sed summa tua ratione, & continentia reip. prouisum est, dijs immortalibus gratulari nos, quàm tibi referre acceptum, mauis; gaudeo. quod si triumphi prerogatiuam putas supplicationem, & idcirco casum potius, quàm te, laudari uis: neque supplicationem sequitur semper triumphus: & triumpho multo clarius est, senatum iudicare, potius mansuetudine, & innocentia Imperatoris prouinciam, quàm ui militum, aut benignitate decorum, retentam, atque conseruatam esse: quod ego mea sententia censebam. atque hac ego idcirco ad te contra consuetudinem meam pluribus scripsi, ut, quod ma

xime uolo, existimes me laborare, ut tibi persuadeam, me & uoluisse de tua maiestate, quod amplissimum sum arbitra:us; et, quod tu maluisti, factum esse gaudere. Vale, & nos dilige, & instituto itinere severitatem, diligentiamq; socijs, & reip. presta.

M. CICERO M. CATONI S. D.

Aetus sum laudari me, inquit Hec̃tor, opinor
 L apud Naviū, abste pater laudato uiro: ea
 est enim profecto iucunda laus, quæ ab ijs
 proficitur, qui ipsi in laude uixerunt. ego uero uel
 gratulatione literarum tuarum, uel testimonijs senten-
 tiæ dictæ, nihil est, quod me non affecutum putem. idq;
 mihi tum amplissimum, tum gratissimum est, te liben-
 ter amicitiae dedisse, quod liquido ueritati dares. &, si
 non modo unus, uerum etiam multi Catones essent in
 ciuitate nostra, in qua unum extitisse mirabile est: quæ
 ego currum, aut quam lauream cum tua laudatione
 conferrem? nam ad meum sensum, & ad illud since-
 rum, ac subtile iudicium nihil potest esse laudabilius,
 quam tua oratio, quæ est ad me perscripta à meis ne-
 cessarijs. sed causam meæ uoluntatis, non enim dicam
 cupiditatis, exposuit tibi superioribus literis. quæ etiam
 si parum iusta tibi uisa est, hanc tamen habet rationē,
 ut non nimis concupiscendus honos, sed tamen, si defera-
 tur à senatu, minime aspernandus esse uideatur. spero
 autem illum ordinem pro meis ob temp. susceptis labo-
 ribus me non indignum honore, uisitato præsertim, exte-
 stimaturum. quod si ita erit: tantum ex te peto, quod
 amicissime scribis; ut, cum tuo iudicio, quod amplis-

simum esse arbitraris, mihi tribueris; si id, quod maluerō, acciderit, gaudeas: sic enim fecisse te, & sensisse, & scripsisse uideo: resq; ipsa declarat, tibi illum honorem nostrum supplicationis fuisse iucundum, quod scribendo affuisti: hac enim S. C. non ignoro ab amicissimis eius, cuius de honore agitur, scribi solere. Ego, ut spero, te propediem uidebo, atque utinam rep. meliore, quam timeo. Vale.

M. CICERO PRO CONS. S. D.

M. MARCELLO CONS.

E & pietatis in tuos, & animi in rep. & clarissimi atque optimi consulatus, C. Marcello consule, factō fructum cepisse, uehementer gaudeo. non dubito, quid praesentes sentiant. nos quidem longinqui, & à te ipso missi in ultimas gentes, ad coelum mehercule te tollimus uerissimis, ac iustissimis laudibus. nam cum te à pueritia tua unice dilexerim, tuq; me in omni genere semper amplissimum esse et uolueris, & iudicaris: tamen hoc uel tuo factō, uel populi R. de te iudicio multo acrius, uehementiusq; diligo; maximaq; letitia afficior, cum ab hominibus prudentissimis, uirisq; optimis, omnibus dictis, factis, studiis, institutis uel me tui similem esse audio, uel te mei. unū uero si addis ad praclarissimas res consulatus tui, ut aut mihi succedat quamprimum aliquis, aut ne quid accedat temporis ad id, quod tu mihi & S. C. & lege finisti: omnia me per te consecutum putabo. Cura ut ualeas, & me absentem diligas, atque defendas. Quae mihi de Parthis nunciata sunt; quia non puta-

bam à me etiam nunc scribenda esse publice, propterea ne pro familiaritate quidem nostra uolui ad te scribere; ne, cum ad consulem scripisssem, publice uiderer scripissse. Vale.

M. CICERO PRO CONS. C. MAR-
CELLO CONS. DES. S. D.

Axima sum lætitia affectus, cum audiui te
M consulem factum esse: eumq; honorem tibi
deos fortunare uolo, atque à te pro tua, pa-
rentisq; tui dignitate administrari. nam cum te semper
dilexi, amauiq; , quòd mei amantissimum cognoui in
omni uarietate rerum mearum: tum patris tui pluri-
bus beneficijs, uel defensus tristibus temporibus, uel ora-
natus secundis, necesse est ut et sim totus uester, et esse
debeam: cum præsertim matris tuæ grauissimæ, atque
optimæ fœminæ maiora erga salutem, dignitatemq;
meam studia, quàm erant à muliere postulanda, perspe-
xerim. quapropter à te peto maiorem in modum, ut me
absentem diligas, atque defendas. Vale.

M. CICERO PRO CONS. M. MAR-
CELLO COLLEGE S. D.

Arcellum tuum consulem factum, teq; ea læ-
M titia affectum esse, quam maxime optasti, mi-
rum in modum gaudeo; idq; cum ipsius cau-
sa, tum quòd te omnibus secundissimis rebus dignissi-
mum iudico: cuius erga me singularem beneuolentiam
uel in labore meo, uel in honore perspexi: totam deni-
que domum uestram uel salutis, uel dignitatis mee

studiosissimam, cupidissimamq; cognoui. quare gratum mihi feceris, si uxori tuæ Iunia, grauiissima, atque optimæ fœminæ, meis uerbis eris gratulatus. A te id, quod consuesti, peto, me absentem diligas, atque defendas. Vale.

M. CICERO IMP. C. MARCELLO

C. F. CONS. S. P. D.

Vando id accidit, quod mihi maxime fuit optatum, ut omnium Marcellorum, Marcellinorum etiam, (mirificus enim generis, ac nominis uestri fuit erga me semper animus) quando ergo ita accidit, ut omnium uestrum studio tuus consulatus satisfacere posset, in quem meæ res gesta, lausq; , et honor earum potissimum incideret : peto à te id, quod facillimum factu sit, non aspernante, ut confido, senatu ; ut quamhonorificentissimum S. C. literis meis recitatis faciendum cures. si mihi tecum minus esset, quàm est cum tuis omnibus, allegarem ad te illos, à quibus intelligis me præcipue diligere. patris tui beneficia in me sunt amplissima : neque enim saluti meæ, neque honori amicior quisquam dici potest. frater tuus quanti me faciat, semperq; fecerit, esse hominem, qui ignoret, arbitror neminem. domus tua denique tota me semper omnibus summis officiis prosecuta est. neque uero tu in me diligendo cuiquam concessisti tuorum. quare à te peto maiorem in modum, ut me per te quamornatissimum uelis esse, meamq; & in supplicatione decernenda, & in cæteris rebus existimationem satis tibi esse commendatam putes. Vale.

M. CICERO IMP. C. MARCELLO

CONS. S. P. D.

Vantæ tibi curæ meus honos fuerit, et quàm
 Q idem extiteris consul in me ornando, et am-
 plicando, qui fueras semper cum parentibus
 tuis, et cum tota domo; et si res ipsa loquebatur, con-
 gnouitamen ex meorum omnium literis. itaque nihil
 est tantum, quod ego non tua causa debeam, facturumq;
 sim cum studiose, tum libenter. nam magni interest,
 cui debeas: debere autem nemini malui, quàm tibi; cui
 me cum studia cōmunia, beneficia paterna, tuamq; iam
 ante coniunxerant; tum accedit, mea quidem senten-
 tia, maximum uinculum, quod ita remp. geris, atque
 gessisti, qua mihi carius nihil est, ut, quantum tibi om-
 nes boni debeant, quo minus tantundem ego unus de-
 beam, non recusem. quamobrem tibi, uelim, si sint exi-
 tus, quos mereris, et quos fore confidi. Ego, si me na-
 uigatio non morabitur, quæ incurrebat in ipsos Etesias,
 propediem te, ut spero, uidebo. Vale.

M. CICERO IMP. L. PAVLLO

CONS. DES. S. D.

T si mihi nunquam fuit dubium, quin te po-
 E pulus R. pro tuis summis in remp. meritis,
 et pro amplissima familiæ dignitate, summo
 studio, cunctis suffragiis consulem facturum esset: ta-
 men incredibili lætitia sum affectus, cum id mihi nun-
 ciatum est: eumq; honorem tibi deos fortunare uolo, à
 teq; ex tua, maiorumq; tuorum dignitate administrari.

atque utinam præsens illum diem mihi optatissimum uidere potuissem, proq; tuis amplissimis erga me studiis, atque beneficijs tibi operam meam, studiumq; nauare. quam mihi facultatem quando hic nec opinatus, et im-
prouisus prouinciæ casus eripuit: tamen, ut te consu-
lem remp. pro tua dignitate gerentem uidere possim, magnopere à te peto, ut operam des, efficias, ne quid mihi fiat iniuriæ, ne ue quid temporis ad meum annuū munus accedat. quod si feceris, magnus ad tua pristinā erga me studia cumulus accedet. Vale.

M. CICERO IMP. L. PAVLLO

CONS. S. D.

Axime mihi fuit optatum, Romæ esse tecum,
M multas ob causas; sed præcipue, ut & in pe-
tendo, & in gerendo consulatu meum tibi des-
bitum studium perspicere posses. ac petitionis quidē tuæ ratio mihi semper fuit explorata: sed tamen nauare ope-
ram uolebam. in consulatu uero cupio equidem te mi-
nus habere negotij: sed moleste fero, me consulem tuū
studium adolescentis perspexisse, te meum, cum id æta-
tis sim, perspicere non posse. sed ita fato nescio quo con-
tigisse arbitror, ut tibi ad me ornandum semper detur
facultas, mihi ad remunerandum nihil suppetat præ-
ter uoluntatem. ornasti consulatum, ornasti reditum
meum. incidit meum tempus rerum gerendarum in ip-
sum consulatum tuum. itaque cum & tua summa
amplitudo, & dignitas, & meus magnus honos, ma-
gnāq; existimatio postulare uideatur, ut à te pluribus
uerbis contendam, ac petam, ut quam honorificentissi-

num S. C. de meis rebus gestis faciendum cures : non audeo uehementer à te contendere; ne aut ipse tua perpetuæ consuetudinis erga me oblitus esse uidear, aut te oblitum putem. quare ut te uelle arbitror, ita faciam; atque ab eo, quem omnes gētes sciunt de me optime meritum, breuiter petam. si alij consules essent, ad te potissimū Paulle mitterem, ut eos mihi quamamicissimos redderes. nunc cum tua summa potestas, summaq; auctoritas, notaq; omnibus nostra necessitudo sit : uehementer te rogo, ut et quamhonorificentissime cures discernendum de meis rebus gestis, & quamcelerrime. dignas res esse & honore, & gratulatione, cognoscas ex ijs literis, quas ad te, & collegam, & senatum publice misi : omniumq; mearum reliquarum rerum, maximeq; existimationis meæ procurationem susceptam, uelim, habeas; in primisq; tibi curæ sit, quod ab te superioribus quoque literis petiui, ne mihi tēpus prorogetur. Cupio te consulem uidere, omniaq; quæ spero, cum absens, tum etiam præsens te consule assequi. Vale.

M. CICERO C. CASSIO
PRO QVAES. S.

Fabium quòd mihi amicū tuæ commendatione
M. ne das, nullum in eo facio quæstum : multi enim anni sunt, cum ille in ære meo est, & à me diligitur propter summam suā humanitatem, & obseruantiam. sed tamen, quòd te ab eo egregie diligenti sensi, multo amicior ei sum factus. itaque quanquam profecerunt literæ tuæ : tamen aliquanto plus comendationis apud me habuit animus ipsius erga te mihi per-

spectus, et cognitus. sed de Fabio faciemus studiose, quæ
 rogas. Tu, multis de causis uellem, me conuenire potuis-
 ses: primum ut te, quem tandiu plurimi facio, tanto
 interuallo uiderem: deinde ut tibi, quod feci per literas,
 possem præsens gratulari: tum ut quibus de rebus uel-
 lemus, tu tuis, ego meis, inter nos communicaremus:
 postremo ut amicitia nostra, quæ summis officijs ab
 utroque culta est, sed longis interuallis temporum in-
 interruptam consuetudinem habuit, confirmaretur uehe-
 mentius. id quando non accidit, utemur bono literarum;
 & eadem fere absentes, quæ si coram essemus, conse-
 quemur. unus scilicet ille fructus, qui in te uidendo est,
 percipi literis non potest. alter gratulationis est, is qui-
 dem exilior, quàm si tibi, te ipsum intuens, gratula-
 rer: sed tamen & feci ante, & facio nunc, tibiq; cum
 pro rerum magnitudine, quas gessisti, tum pro oppor-
 tunitate temporis gratulor, quod te de provincia dece-
 dentem summa laus, et summa gratia prouinciæ pro-
 secuta est. tertium est, ut id, quod de nostris rebus co-
 ram communicassemus inter nos, conficiamus idem li-
 teris. ego cæterarum rerum causa tibi Romam prope-
 randum magnopere censeo. nam & ea, quæ reliqui,
 tranquilla de te erant: & hac tua recenti uictoria tan-
 ta clarum aduentum tuum fore intelligo. sed si quæ sunt
 onera tuorum, si tanta sunt, ut ea sustinere possis, ni-
 hil tibi erit lauius, nihil gloriosius: sin maiora, consi-
 dera, ne in alienissimum tempus cadat aduentus tuus.
 huius rei totum consilium tuum est: tu enim scis, quid
 sustinere possis: si potes, laudabile, atque popolare est:
 sin plane non potes, absens hominum sermones facilius

sustinebis . De me autem idem tecū his ago literis , quod superioribus egi , ut omnes tuos nervos in eo contendas , ne quid mihi ad hanc provinciam , quam et senatus , et populus annuam esse voluit , temporis prorogetur . hoc à te ita contendo , ut in eo fortunas meas positas putem . habes Paullum nostrum nostri cupidissimum : est Curio : est Furnius . sic uelim enitare , quasi in eo sint mihi omnia . Extremum illud est de ijs , quæ proposueram , confirmatio nostræ amicitiae . de qua pluribus uerbis nihil opus est . tu puer me appetisti . ego autem semper ornamento te mihi fore duxi . fuisti etiam praesidio tristissimis meis temporibus . accessit post tuum discessum familiaritas mihi cum Bruto tuo maxima . itaque in uestro ingenio , et industria mihi plurimum et suauitatis , et dignitatis constitutum puto . id tu ut tuo studio confirmes , te uehementer rogo , literasq; ad me et continuo mittas , et , cum Romam ueneris , quam saepissime . Vale .

M. CICERO S. D. C. CASSIO.

¶ Tsi uterque nostrum spe pacis , et odio diuili sanguinis abesse à belli pertinacia uoluit : tamen , quando eius cōsiliij princeps ego fuisset uideor , plus fortasse tibi praestare ipse debeo , quàm à te expectare . etsi , ut saepe soleo mecum recordari , sermo familiaris meus tecum , et item mecum tuus adduxit utrumque nostrum ad id consilium , ut uno praelio putaremus si non totam causam , at certe nostrum iudicium definiri conuenire . neque quisquam hanc nostram sententiam uere unquam reprehendit , praeter eos ,

qui arbitrantur melius esse deleri omnino remp. quàm imminutam, & debilitatam manere. ego autem ex interitu eius nullam spem scilicet mihi proponebam, ex reliquijs magnam. sed ea sunt consecuta, ut magis mirum sit accidere illa potuisse, quàm nos non uidisse ea futura, nec, cum homines essemus, diuinare potuisse. equidem fateor meam coniecturam hanc fuisse, ut illo quasi quodam fatali praelio facto, & uictores còmunì salutì consulere uellent, et uicti suæ. utrumque autem positum esse arbitrabar in celeritate uictoris: quæ si fuisset, eandem clementiam experta esset Africa, quam cognouit Asia, quam etiam Achaia, & ut opinor, ipso legato, ac deprecatore: amissis autem temporibus, quæ plurimum ualent, præsertim in bellis civilibus, interpositus annus alios induxit, ut uictoriàm sperarent, alios ut ipsum uincti contemnerent. atque horum malorum omnium culpam fortuna sustinet: quis enim aut Alexandrini belli tantam moram huic bello adiunctum iri, aut nescio quem istum Pharnacem Asiæ terrorem illaturum putaret? nos tamen in consilio pari, casu dissimili uisi sumus. tu enim eam partem petisti, ut & consilijs interesses, & quod maxime curam leuat, futura animo prospicere posses: ego, qui festinaui, ut Casarē in Italia uiderem, (sic enim arbitrabamur) eumq; multis honestissimis uiris conseruatis redeuntem, ad pacem currentem, ut aiunt, incitarem, ab illo longissime & absum, & absui: uersor autem in gemitu Italiae, & in urbis miserrimis querelis: quibus aliquid opis fortasse, ego pro mea, tu pro tua, pro sua quisque parte ferre potuisset, si auctor affuisset. quare, uelim, pro tua erga

me perpetua beneuolentis scribas ad me, quid uideas, quid sentias, quid expectandum, quid agendum nobis existimes. magni erunt mihi tuæ literæ. atque utinam primis illis, quas Luceria miseris, paruissimæ: sine ulla enim molestia dignitatem meam retinuissimæ. Vale.

M. CICERO C. CASSIO S. P. D.

Vto te iam suppuere, cum hæc te tertia iam
P epistola ante oppressit, quàm tu schedulam,
aut literam. sed non urgeo: longiores enim
expectabo, uel potius exigam. ego, si semper haberem,
cui darem, uel ternas in hora darem: sit enim nescio
quid, ut quasi coram adesse uideare, cum scribo ali-
quid ad te: neque id ἡστ' εἰδῶλων φαντασίαις, ut
dicunt tui amici noui, qui putant etiam δαίμονι καὶ
φαντασίαις spectris Catianis excitari. nam, ne te fu-
giat, Catius Insaber Epicureus, qui nuper est mortuus,
quæ ille Gargettius, etiam ante Democritus, εἰδῶλα,
hic spectra nominat. his autem spectris etiam si oculi
possent feriri, quod uelis ipsa currunt; animus qui
possit, ego non uideo: doceas tu me oportebit, cum salu-
uus ueneris. in mea ne potestate sit spectrum tuum;
ut, simul ac mihi collibitum sit de te cogitare, illud
occurrat. neque solum de te, qui mihi hæres in medulla-
lis: sed si insulam Britanniam cœperis cogitare, eius εἰδῶ-
λον mihi aduolabit ad pectus? sed hæc posterius: tento
enim te, quo animo accipias: si enim stomachabere,
et moleste feres, plura dicemus; postulabimusq; ex
qua hæresi ut hominibus armatis deiectus sis, in eam
restituare. in hoc interdicto non solet addi, in hoc

anno . quare si iam biennium , aut triennium est , cum uirtuti nuncium remisisti , delinitus illecebris uoluptatibus ; in integro res nobis erit . quāquam quicum loquor ? cum uno fortissimo uiro : qui postea quā forum attigisti , nihil fecisti , nisi plenissimum amplissimæ dignitatis . in ista ipsa αἰεὶ μετuo , ne plus neruorum sit , quā ego putarim , si modo eam tu probas . quid tibi in mentem uenit ? inquires . quia nihil habebā aliud , quod scriberem : de rep. enim nihil scribere possum : neque enim , quod sentio , libet scribere . Vale .

M. CICERO S. D. C. CASSIO.

Raposteros habes tabellarios : etsi me quidem
P non offendunt : sed tamen cum à me discedunt , flagitant literas : cum ad me ueniunt , nullas afferunt . atque id ipsum facerent commodius , si mihi aliquid spatij ad scribendum darent : sed petasati ueniunt : comites ad portā expectare dicunt . ergo ignoscas : alteras habebis has breues : sed expecta πάντα περὶ πάντων . etsi quid ego me tibi purgo , cum tui ad me inanes ueniant , ad te cum epistolis reuertantur ? Nos hic , (tamen ad te scribam aliquid) D. Syllam patrem mortuum , habebamus . alij à latronibus , alij cruditate dicebant . populus non curabat : combusti enim esse constabat . hoc tu pro sapientia tua feres aequo animo . quāquam πέσσωπον πέλεις amisimus . Casarem prestant moleste laturum , uerentem ne hasta refrixisset . Mindius Marcellus , et Attius pigmentarius ualde gaudebant se aduersarium perdidisse . De Hispania noui nihil , sed expectatio ualde magna : rumores tristes ,
 sed

S. Mammy

sed ἀδελφοί. Pansa noster paludatus ad III. cal. Ian. profectus est, ut quiuis intelligere posset, id quod tu naper dubitare coepisti, τὸ καλὸν δὲ αὐτὸ αἶρετόν εἶναι. nam, quod multos miserijs leuauit, & quod se in his malis hominem praeiuit, mirabilis eum uirorum bonorum beneuolentia prosecuta est. Tu quod adhuc Brundisij moratus es, ualde probo, & gaudeo: et me hercule puto te sapienter facturum, si ἀκρόπολιν fueris. nobis quidem, qui te amamus, erit gratum. & , amabo te, cum dabis posthac aliquid domum literarum, mei memineris. ego nunquam quenquam ad te, cum sciam, sine meis literis ire patiar. Vale.

M. CICERO C. CASSIO, S. P. D.

Longior epistola fuisset, nisi eo ipso tempore L. petita esset à me, cum iam iretur ad te: longior etiam, si φλυαρον aliquem habuisset: nam ἀπουδένειν sine periculo uix possumus. ridere igitur, inquit, possumus. non mehercule facillime: ueruntamen aliam aberrationem à molestijs nullam habemus. ubi igitur, inquit, philosophia? tua quidem in culina, mea molesta est: pudet enim seruire. itaque facio, me alias res agere, ne conuicium Platonis audiam. De Hispania nihil adhuc certi; nihil omnino noui: Te abesse, mea causa moleste fero; tua, gaudeo. sed flagitat tabellarius. ualebis igitur, meq; , ut à puero fecisti, amabis.

C. CASSIVS S. D. M. CICERONI.

On mehercule in hac mea peregrinatione quid-
N quam libentius facio, quam scribo ad te: uideor
enim cum praesente loqui, et iocari. nec tamen
hoc usu uenit propter spectra Catiana: pro quo tibi pro-
xima epistola tot rusticos Stoicos regera, ut Catium Athe-
nis natum esse dicas. Pansa nostrum secunda uolun-
tate hominum paludatu ex urbe exisse, cum ipsius cau-
sa gaudeo, tum mehercule etiam omnium nostrum: spe-
ro enim homines intellectuuros, quanto sit omnibus odio
crudelitas, et quanto amor probitas, et clementia; at-
que ea, quae maxime mali petant, et concupiscant, ad bo-
nos peruenire. difficile est enim hominibus persuadere,
καλὸν δ' αὐτὸ αἶρετον esse: ἡδονῶν uero, et ἀνάλ-
ησιων uirtute, iustitia, et καλῶ parari, et uerum, et
probabile est: ipse enim Epicurus, a quo omnes Catij,
et Amasani, mali uerborum interpretes, proficiuntur, di-
cit, οὐκ ἔστιν ἡδέως ἄνδρ' ἢ καλῶς καὶ δικαίως ζῆν. ita-
que et Pansa, qui ἡδονῶν sequitur, uirtutē retinet: ἔ-
μ, qui a nobis φιληδονοὶ uocantur, sunt φιλόκαλοι, καὶ
φιλόδικοι, omnesq; uirtutes et colunt, et retinent. ita-
que Sylla, cuius iudicium probare debemus, cū dissentire
philosophos uideret, non quaesuit, quid bonū esset, et
omnia bona coemit. cuius ego mortē forti mehercule ani-
mo tuli. nec tamen Caesar diutius nos eū desiderare pa-
tietur: nā habet damnatos, quos pro illo nobis restituat:
nec ipse secltorē desiderabit, cum filium uiderit. Nūne
ut ad temp. redeam, quid in Hispanijs geratur, rescri-
be. peream, nisi sollicitus sum, ac malo ueterē, et clemen-

tem dominum habere, quàm neuū, et crudelem experiri. scis, Cneus quàm sit fatuus: scis, quo modo crudelitatem uirtutem putet: scis, quàm se semper à nobis derisum putet. uereor, ne nos rustice gladio uelit *αὐτοὺς τῆς ἐλπίδος*. quid fiat, si me diligis, rescribe. hui, quàm uelim scire, utrū ista sollicito animo, an soluto, legas: sciā enim eodē tēpore, quid me facere oporteat. Ne longior sim, uale, et me, ut facis, ama. Si Caesar uicit, celeriter me expecta.

M. CICERO C. TREBONIO S. D.

Ratorem meum (sic enim inscripsi) Sabino tuo commendauī. natio me hominis impulit, ut ei recte putarem. nisi forte candidatorum licentia hic quoque usus, hoc subito cognomen arripuit. et si modestus eius uultus, sermoq; constans habere quiddam à Curibus uidebatur. sed de Sabino satis. Tu mi Treboni, quando ad amorē meum aliquantulum discedens addidisti; quo tolerabilius feramus igniculum desiderij tui, crebris nōs literis appellato, atque ita, si idē fiet à nobis. quanquā duæ causæ sunt, cur tu frequenitior in isto officio esse debeas, quàm nos: primū, quodd olim solebant, qui Romæ erant, ad prouinciales amicos de rep. scribere: nūc tū nobis scribas oportet: res enim publica isthic est: deinde, quod nos alijs officijs tibi absenti satisfacere possumus, tu nobis, nisi literis, nō uideo, qua re alia satisfacere possis. sed cætera scribes ad nos postea: nunc hæc primo cupia cognoscere; iter tuū cuiusmodi sit; ubi Brutum nostrum uideris; quandiu simul fueris: deinde, cū processeris longius, de bellicis rebus, de toto negotio: ut existimare possimus, quo statu simus. ego tantū me scire puta-

bo, quantum ex tuis literis habebam cognitum. Cura
ut ualeas, meq; ames amore illo tuo singulari.

M. CICERO TREBONIO S. P. D.

Epistolam tuam legi libenter, & librum li-
bentissime. sed tamen in ea uoluptate hunc
accepi dolorem, quod, cum incendisses cupidita-
tem meam consuetudinis augendae nostrae, (nam ad amo-
rem quidem nihil poterat accedere) tum discedis a nobis,
meq; tanto desiderio afficis, ut unam mihi consolationem
relinquas, fore, ut utriusque nostrum absentis desiderium
crebris, & longis epistolis leniatur. quod ego non modo
de me tibi spondere possum, sed de te etiam mihi: nullam
enim apud me reliquisti dubitationem, quantum me de-
mares. nam, ut illa omitam, quae ciuitate testis fecisti,
cum mecum inimicitias communicasti, cum me concio-
nibus tuis defendisti, cum quaestor in mea, atque in pu-
blica causa consulum partes suscepisti, cum tribuno pl.
quaestor non paruisti, cui tuus praesertim collega pareret;
ut hac recentia, quae meminero semper, obliuiscar; quae
tua sollicitudo de me in armis, quae letitia in reditu,
quae cura, qui dolor, cum ad te curae, et dolores mei per-
ferrentur; Brundisium denique te ad me uenturum
fuisse, nisi subito in Hispaniam missus esses: ut haec igitur
omitam, quae mihi tanti aestimanda sunt, quanti ui-
tam aestimo, et salutem meam: liber iste, quem mihi mi-
fisti, quantam habet declarationem amoris tui? primum,
quod tibi facerem uidetur, quidquid ego dixi, quod alijs
fortasse non item: deinde, quod illa siue faceta sunt, siue
sic, siunt narrante te, uenustissima: quin etiam ante,

quàm ad me ueniat, risus omnis pene consumitur. quòd si in his scribendis nihil aliud, nisi, quòd necesse fuit, de uno me tandèu cogitauisses: ferreus essem, si te non amarem. cum uero ea, quæ scriptura persecutus es, sine summo amore cogitare non potueris: nò possum estimare, plus quèquàm à se ipso, quàm me à te, amari. cui quidem ego amori, utinà cæteris rebus possem, amore certe respondebo: quo tamen ipso tibi confido futurum satis. Nunc ad epistolam uenio: cui copiose, et suauiter scriptæ, nihil est, quòd multa respondeam. primū enim ego illas Caluo literas misi, non plus, quàm has, quas nunc legis, existimans exituras: aliter enim scribimus, quòd eos solos, quibus mittimus; aliter, quòd multos leturos putamus. deinde ingenium eius melioribus extulit laudibus, quàm tu id uere potuisse fieri putas. primū, quòd ita iudicabam. acute mouebatur: genus quoddam sequebatur, in quo iudicio lapsus, quo ualebat, tamen assequebatur, quòd probaret. multæ erant, et reconditæ literæ: uis non erat. ad eam igitur adhortabar. in excitando autem, et in acuendo, plurimum ualet, si laudes eum, quem cohortere. habes de Caluo iudicium, et consilium meum: consilium, quòd hortandi causa laudauim: iudicium, quòd de ingenio eius ualde existimaui bene. Reliquum est, tuam profectiorem amore prosequar, reditum spe expectem, absentem memoria colam, omne desiderium literis mittendis, accipiendisq; leniam. tu, uelim, tua in me studia, et officia multum tecum recordere. quæ cum tibi liceat, mihi nefas sit obliuisci, non modo uirum bonum me existimabis, uerum etiam te à me amari plurimum iudicabis. Vale.

M. TVLLII CICERONIS EPISTO-
LARVM, AD TIRO NEM,
LIBER XVI.

TVLLIVS, ET CICERO F. ET Q. Q.
TIRO NI HVMANISS. ET
OPT. S. D.

Ide, quanta in te sit suauitas : duas
horas Thyrei fuimus : Xenomenes
V hospes tam te diligit, quàm si uixerit
tecum. is omnia pollicitus est, quæ tibi
essent opus : facturum puto. mihi pla-
cebat, si firmior esses, ut te Leucadem deportares, ut
ibi te plane confirmares. uidebis, quid Curio, quid
Lysoni, quid medico placeat. uolebam ad te Mario-
nem remittere, quem, cum meliuscule tibi esset, ad me
mitteres : sed cogitauì, unas literas Marionem asferre
posse, me autem crebras expectare. poteris igitur, &
facies, si me diligis, ut quotidie sit Acastus in portu.
multi erunt, quibus recte literas dare possis, qui ad me
libenter perferant. equidem Patras euntem neminem
prætermittam. ego omnem spem tui diligenter curan-
di in Curio habeo. nihil potest illo fieri humanius, ni-
hil nostri amantius. ei te totum trade. malo te paulo
post ualentem, quàm statim imbecillum uidere. cura
igitur nihil aliud, nisi ut tu ualeas : cætera ego cura-
bo. Etiam atque etiam uale. Leucade proficiscens,
VII id. Non.

TULLIVS, ET CICERO S. D.
TIRONI SVO.

Eptimum iam diem Corcyra tenebamur;
S Quintus autem pater, & filius Buthroti.
soliciti eramus de tua ualetudine mirum in
modum: nec mirabamur nihil à te literarum: ijs enim
uentis istinc nauigatur, qui si essent; nos Corcyra non
sederemus. cura igitur te, & confirma; & cum com-
mode, & per ualetudinem, & per anni tempus nauig-
gare poteris, ad nos amantissimos tui ueni. nemo nos
amat, qui te non diligit. carus omnibus, expectatusq;
uenies. Cura ut ualeas etiam atque etiam Tiro nos-
ter. uale. XV. cal. Nov. Corcyra.

TULLIVS, ET CICERO MEVS, ET FRA-
TER, ET FR. F. TIRONI SVO S. D.

Aulo facilius putavi posse me fere desiderii
P tui, sed plane non fero. & quanquam ma-
gni ad honorem nostrum intusit, quod
mum ad urbem me uenire: tamē, procul a te disce-
or, qui à te discesserim. sed quia te ualeudinem ad-
batur esse, ut prorsus, nisi contra ualeudinem, non
nauigare: approbaui tuum consilium, ut nunc mu-
to, si tu in eadem ualeudine sis, quam a te ualeudinem
cepisti, ut nunc tuum consilium, ut nunc tuum
est. Matronam autem, ut nunc tuum ad me quam-
primum ueniet, ut si tu ualeudinem, statim ad me re-
diret, tu autem, ut nunc tuum a te ualeudinis
tua fieri, ut nunc tuum a te ualeudinis, quam te esse mecum:

sin intelliges opus esse te Patris, cōualefcendi causa, paulum commorari, nihil me malle, quā te ualere. si statim nauigas, nos Leucade consequere. sin te confirmare uis; & comites, & tempestates, et nauem idoneam ut habeas, diligenter uidebis. unum illud mi Tiro uideto, si me amas, ne te Marionis aduentus, & hæ literæ moueant. quod ualetudini tuæ maxime conducet, si feceris, maxime obtemperaris uoluntati meæ. hæc pro tuo ingenio considera. nos ita te desideramus, ut amemus. amor, ut ualentem uideamus, hortatur: desiderium, ut quamprimum. illud igitur potius. cura ergo potissimum, ut ualeas. de tuis innumerabilibus in me officijs erit hoc gratissimum. III. non. Nou. Vale.

T V L L I V S T I R O N I S V O S.

On queo ad te, nec lubet scribere, quo animo
 N sim affectus: tantum scribo, & tibi, et mihi
 maximæ uoluptati fore, si te firmum quāpri-
 mum uidero. tertio die abs te ad Alyziam accesseramus.
 is locus est citra Leucadem stadia CXX. Leucade aut
 te ipsum, aut tuas literas à Marione putabam me acce-
 pturum. quantum me diligis, tantum fac ut ualeas,
 uel quantum te à me scis diligere. non. Nou. Alyzia.

T V L L I V S, E T C I C E R O T I R O N I S V O
 S. D. E T Q. P A T E R, E T F I L I V S.

Os apud Alyziam, ex quo loco tibi literas an-
 N te dederamus, unum diem commorati sumus,
 quod Quintus nos consecutus non erat. is
 dies fuit non. Nou. inde ante lucem proficiscentes, an te

diem VIII id. Nou. has literas dedimus. Tu si nos omnes amas, & precipue me, magistrum tuum, confirma te. ego ualde suspensio animo expecto, primum te scilicet, deinde Marionem cum tuis literis. omnes cupimus, ego in primis, quamprimum te uidere, sed mi Tiro ualentem. quare nihil properaris. satis quotidie uidero, si ualebis. utilitatibus tuis possum carere: te ualere, tua causa primum uolo, tum mea mi Tiro. Vale.

TVLLIVS TIRONI SVO S. P. D.

ET CICERO, ET Q. PA-
TER, ET Q. F.

Arie sum affectus tuis literis, ualde priore pa-
V gina perturbatus, paulum altera recreatus.
quare nunc quidem nō dubito, quin, quoad
plane ualeas, te neque nauigationi, neque uia cōmit-
tas. satis te mature uidero, si plane confirmatum uide-
ro. De medico & tu bene existimari scribis, & ego sic
audio. sed plane curationes eius nō probō: ius enim dan-
dum tibi non fuit, cum uxoribus esset. sed tamen
& ad illum scripsi accurate, & ad Lysonem. ad Cu-
rium uero, suauissimum hominem, & summi officij,
summaq; humanitatis, multa scripsi; in his, etiam ut,
si tibi uideretur, te ad se transferret. Lyso enim noster,
uereor, ne negligentior sit: primum, quia omnes Græci:
deinde, quod cum à me literas accepisset, mihi nullas
remisit. sed eum tu laudas. tu igitur, quid faciendum
sit, iudicabis. illud mi Tiro te rogo, sumptui ne parcas
ulla in re, qua ad ualitudinem opus sit. scripsi ad Cu-

viu, quod dixisses, daret. medico ipsi puto aliquid dan-
dum esse, quo sit studiosior. innumerabilia tua sunt in
me officia; domestica, forensia; urbana, prouincialia;
in re priuata, in publica; in studijs, in literis nostris.
omnia uiceris, si, ut spero, te ualidum uidero. ego pu-
to, te bellissime, si recte erit cum quaestore Mescinio de-
cursurum. non inhumanus est, teq; ut mihi uisus est,
diligit. Et cum ualeitudini tuae diligentissime consulue-
ris, tum mi Tiro consulito nauigationi. nulla in re iam
festinare uolo. nihil laboro, nisi ut saluus sis. sic habe-
to mi Tiro, neminem esse, qui me amet, quin idem te
amet. Et cum tua, et mea maxime interest te ualere:
tum multis est cura. adhuc, dum mihi nullo loco deesse
uis, nunquam te confirmare potuisti. nunc te nihil im-
pedit. omnia depone: corpori serui. quantam diligen-
tiam in ualeitudinem tuam contuleris, tanti me fieri a-
te iudicabo. Vale mi Tiro, uale, uale, et salue. Leo-
pta tibi salutem dicit, et omnes. Vale. VII id. Non.
Leucade.

TULLIUS, ET CICERO, ET Q. Q.
TIRONI S. P. D.

Etiam ad te hanc epistolam scripsi eadem die,
T magis instituti mei tenendi causa, quia na-
etus eram, cui darem, quam quod haberem,
quid scriberem. igitur illa: quantum me diligis, tan-
tum adhibe in te diligetiae. ad tua innumerabilia in me
officia adde hoc, quod mihi erit gratissimum omnium.
cum ualeitudinis rationem, ut spero, habueris, habeto
etiam nauigationis. in Italiam entibus omnibus ad me

litteras dabis, ut ego euntem Patras neminem pratermit-
to. cura, cura te Tiro. quando non contigit, ut simul
navigares; nihil est, quod festines, nec quidquam cu-
res, nisi ut ualeas. Etiam atque etiam uale. VII id.
Non. Actio, uesper.

Q. CICERO TIRONI S. D.

M Agnæ nobis est solitudini uoletudo tua. nā
tamei si qui ueniunt, ἀκινδύα μὲν, ἡρόνως
τῶν δὲ nunciant: tamen in magna consola-
tione ingens inest sollicitudo, si diutius à nobis absfuturus
es, is, cuius usum & suauitatē desiderando sentimus.
attamen quanquam uidere te tota cogitatione cupio: ta-
men te penitus rogo, ne te tam longæ nauigationi, &
uia per hiemem, nisi bene firmum, cōmittas, ne ue na-
uiges, nisi explore. uix in ipsis tectis, & oppidis fra-
gus infirma uoletudine uitatur; nedum in mari, &
uia sit facile abesse ab iniuria tēporis. Ἰὺρος δὲ λεπῶ
ῥώλιν πολεμῶτατον, inquit Euripides. cui tu quan-
tum credas, nescio: ego certe singulos eius uersus singu-
la testimonia puto. effice, si me diligis, ut ualeas, et ut
ad nos firmus, ac ualens quamprimum uenias. Ama
nos, & uale. Q. F. tibi salutem plurimam dicit.

TVLLIUS, ET CICERO TIRONI

S V O S. P. D.

Os à te, ut scis, discessimus ad IIII non.
N Non. Leucadē uenimus ad VII I id Non. ad
VII Actiū. ibi propter tēpestatē ad V I id.
morati sumus, inde ad V id. Corcyra bellissime nauiga-

uimus. Corcyrae fuimus usque ad XVI cal. Dec. tempestatibus retenti. ad XV cal. à portu Corcyraeorum ad Cassiopen stadia CXX processimus. ibi retenti uentis sumus usque ad I X cal. interea qui cupide profecti sunt, multi naufragia fecerunt. nos eo die coenati soluimus. inde austro lenissimo, caelo sereno, nocte illa, & die postero in Italiam ad Hydruntē ludibundi peruenimus: eodemq; uento postridie (id erat ad VII cal. Dec.) hora quarta Brundisium uenimus: eodemq; tempore simul nobiscum in oppidum introit Terentia, quae te facit plurimi. Ad V cal. Dec. seruus Cn. Plancij Brundisii tandem aliquando mihi à te expectatissimas literas reddidit, datas id. Nou. quae me molestia ualde leuauerunt: utinam omnino liberassent. sed tamen Asclapio medicus plane confirmat, propediem te ualentem fore. nunc quidem ego te hortor, ut omnem diligentiam adhibeas ad conualescendum. tuam prudentiam, temperantiam, amorem erga me noui. scio te omnia facturum, ut nobiscum quamprimum sis. sed tamen ita uelim, ut ne quid properes. symphoniam Lysonis, uelim, uitasses, ne in quartam hebdomadē incideres. sed quando pudori tuo maluisti obsequi, quàm ualeitudini, reliqua cura. Curio misi, ut medico honor haberetur, & tibi daret, quod opus esset: me, cui iussisset, curaturum. equum, & mulum Brundisij tibi reliqui. Roma, uereor, ne ex cal. Ian. magnitumultus sint. nos agemus omnia modice. Reliquum est, ut te hoc rogem, & à te petam, ne temere nauiges. solent nauae festinare quaestus sui causa. cautus sis mi Tiro. mare magnum, et difficile tibi restat. si poteris, cum Mescinio:

(caute is solet nauigare) se minus, cum honesto aliquo homine, cuius auctoritate nauticarius moueatur. in hoc omnem diligentiam si adhibueris, teq; nobis incolu mem praestiteris, omnia a te habebo. Etia atque etiam noster Tiro uale. Medico, Curio, Lysoni de te scripsi diligentiissime. Vale, salue.

TVLLIVS, ET CICERO, TERENTIA,
TVLLIA, Q. Q. TIRONI
S. P. D.

Tsi opportunitatem operæ tuæ omnibus locis
desidero: tamen nō tam mea, quā tuā cau
sa doleo te non ualere. sed quando in quar
tanam conuersa uis est morbi: sic enim scribit Curius:
spero te diligentia adhibita etiam firmiorem fore. modo
fac id, quod humanitatis tuæ est, ne quid aliud cures
hoc tempore, nisi ut quam commodissime conualescas.
non ignoro, quantum ex desiderio labores: sed erunt
omnia facilia, si ualebis. festinare te nolo, ne nausæ
molestiam suscipias æger, & periculose hieme nauiges.
Ego ad urbē accessi prid. non. ian. obuiam mihi sic est
proditum, ut nihil fieri potuerit honoratus. sed incidi
in ipsam flammam civilis discordiæ, uel potius belli: cui
cum cuperem mederi, & ut arbitror, possem, cupis
ditates certorum hominum (nā ex utraque parte sunt,
qui pugnare cupiant) impedimento mihi fuerunt. om
nino et ipse Cæsar, amicus noster, minaces ad senatum,
& acerbæ literas miserat: & erat adhuc impudens,
qui exercitum, & provinciam inuito senatu teneret:

Curio meus illum incitabat: Antonius quidem non
ster, et Cassius nulla vi expulsi, ad Caesarem cum
Curlone profecti erant. posteaquam senatus consulibus,
prætoribus, tribunis pl. et nobis, qui pro consulibus su-
mus, negotium dederat, ut curaremus, ne quid resp.
detrimenti caperet: nunquam maiore in periculo ciuitas
fuit: nunquam improbi ciues habuerunt paratiore du-
cem. omnino ex hac quoque parte diligentissime compa-
ratur. id sit auctoritate, et studio Pompeii nostri, qui
Caesarem sero coepit timere: nobis inter has turbas sena-
tus amen frequens flagitauit triumphum: sed Lentu-
lus consul, quo maius suum beneficium faceret, simul
atque expedisset, quæ essent necessaria de rep. dixit se re-
laturum. nos agimus nihil cupide: eoq; est nostra plu-
ris auctoritas. Italiae regiones descriptæ sunt, quâ quis-
que partem tueretur. nos Capuam sumpsimus. hæc te
scire uolui. Tu etiam atque etiam cura, ut ualeas; lite-
raiq; ad me mittas, quotiescunque habebis, cui des. Etia
atque etiam uale. Datum pridie id. Ian.

TULLIVS S. D. TIRONI SVO.

Vo in discrimine uersetur salus mea, et bono-
rum omniū, atque uniuersæ resp. ex eo scire
potes, quod domos nostras, et patriam ipsam
uel diripiendā, uel inflammandam reliquimus. in eum
locum res deducta est, ut, nisi quis deus, uel casus ali-
quis subuenerit, salui esse nequeamus. equidē, ut ueni
ad urbē, non destiti omnia et sentire, et dicere, et face-
re, quæ ad concordiam pertinerent: sed mirus inuase-

rat furor non solum improbos, sed etiam hos, qui boni habentur, ut pugnare cuperent, me clamante, nihil esse bello civili miserius. itaque cum Cæsar amentia quadam raperetur, et oblitus nominis, atque honorum suorum, Ariminum, Pisaurum, Anconâ, Arretium occupasset: urbem reliquimus; quàm sapienter, aut quàm fortiter, nihil attinet disputare. quo quidem incasu simus, uides. feruntur omnino conditiones ab illo, ut Pompeius eat in Hispaniam: delectus, qui sunt habiti, et præsidia nostra dimittantur: se ulteriorem Galliam Domitio, citeriorem Cōsidio Noniano (his enim obtulerunt) traditurum: ad consulatus petitionem se uenturum: neque iam uelle absentis rationem haberi sui: se præsentem trinundinum petilurum. accepimus conditiones, sed ita, ut remoueat præsidia ex ijs locis, quæ occupauit, ut sine metu de his ipsis conditionibus Romæ senatus haberi possit. id ille si fecerit, spes est pacis, non honestæ, leges enim imponuntur: sed quiduis est melius, quàm sic esse, ut sumus. sin autem ille suis cōditionibus stare noluerit, bellum paratū est, eiusmodi tamen, quod ille sustinere non possit, præsertim cum à suis conditionibus ipse fugerit. tantūmodo ut eum intercludamus, ne ad urbē possit accedere: quod sperabamus fieri posse: delectus enim magnos habebamus: putabamusq; illum metuere, si ad urbem ire coepisset, ne Gallias amitteret, quas ambas habet inimicissimas præter transpadanā nos. ex Hispaniaq; sex legiones, et magna auxilia, Afranio, et Petreio ducibus, habet à tergo. uidetur, si insaniet, posse opprimi. modo ut urbe salua. maximā autem plagam accepit, quod is, qui summam auctora

ritatem in illius exercitu habebat, T. Labienus, socius sceleris esse noluit, reliquit illum, & nobiscum est: multiq; idem facturi esse dicuntur. Ego adhuc ora maritima præsum à Formijs. nullum maius negotium suscipere uolui, quo plus apud illum meæ literæ, cohortationesq; ad pacem ualerent. sin autem erit bellum, ui deo me castris, & certis legionibus præfuturum. habeo etiam illam molestiam, quòd Dolabella noster apud Cæsarem est. hæc tibi nota esse uolui: quæ caue te perturbent, & impediant ualetudinem tuam. Ego A. Varroni, quem tum amantiſſimum mei cognoui, tum etiam ualde tui studiosum, diligentissime te commendauī, ut & ualetudinis tuæ rationem haberet, & nauigationis, & totum te susciperet, ac tueretur: quem omnia facturum confido: recepit enim, & mecum locutus est suauissime. Tu quando eo tempore mecum esse non potuisti, quo ego maxime operam, & fidelitatem desiderauī tuam; caue festines, aut committas, ut aut æger, aut hieme nauiges. nunquam ego sero te uenisse putabo, si saluus ueneris. adhuc neminem uideram, qui te postea uidisset, quàm M. Volusius, à quo tuas literas accepi: quod non mirabar: neque enim meas puto ad te literas tanta hieme perferri. sed da operam, ut ualeas: & si ualebis, cum recte nauigari poterit, tum nauiges. Cicero meus in Formiano erat; Terentia, & Tullia Romæ. Cura ut ualeas. IIII cal. Febr. Capua.

TYLLIVS

TVLLIVS TIRONI S.

Go uero cupiote ad me uenire : sed uiam ti-
 E meo . grauissime ægrotasti : inedia , & pur-
 gationibus , & uī ipsius morbi consumptus
 es . graues solent offensiones esse ex grauibus morbis , si
 quaculpa commissa est . iam ad id biduum , quod fue-
 ris in uia , dum in Cumanum uenis , accedent cōtinuo
 ad reditum dies quinque . ego in Formiano ad .III. cal.
 esse uolo . ibi te ut firmum offendam , mi Tiro effice .
 literula meæ , siue nostræ , tui desiderio ablonguerunt . a
 hac tamen epistola , quam Acastus attulit , oculos pau-
 lum sustulerunt . Pompeius erat apud me , cum hac
 scribebam . hilare , et libenter eicnpienti audire nostra ,
 dixi , sine te omnia mea muta esse . tu musis nostris pa-
 ra ut operas reddas . nostra ad diem dictam fient : docui
 enim te , fides ē *ἔτυμν* quod haberet . fac plane ut uale-
 leas . nos ad summum . Vale . XIIII. cal.

TVLLIVS TIRONI S.

Egypta ad me uenit prid. id. Apr. is etsi mihi
 A nunciavit te plane febrī carere , et belle habere :
 tamen , quod negauit te potuisse ad me
 scribere , curā mihi attulit , et eo magis , quod Hermia ,
 quē eodem die uenire oportuerat , non uenerat . incredi-
 bili sum solitudine de tua ualeitudine : quā si me libera-
 ris , ego te omni cura liberabo . plura scriberem , si iam
 putarem libenter te legere posse . ingenium tuum , quod
 ego maximū facio , confer ad te mihi , tibiq; conseruan-
 dum . cura te etiam atque etiam diligenter . Vale .

EPIST. LIB. XVI.

Scripta iam epistola, Hermia uenit. accepi tuam epistolam uacillantibus literulis: nec mirum, tam graui morbo. Ego ad te Aegyptum misi, quod nec inhumanus est, & te uisus est mihi diligere; ut is tecum esset; & cum eo coquum, quo uterere. Iterum uale.

TULLIUS TIRONI S.

Ndricus postridie ad me uenit, quam expectaram. itaque habui noctem plenam timoribus, ac miseris. tuis literis nihilo sum factus certior, quo modo te haberes: sed tamen sum recreatus. ego omni delatione, literisq; careo: quas ante, quam te uidero, attingere non possum. Medico mercedis, quantum poscet, promitti iubeto: id scripsi ad Mummiū. Audio te animo angī, et medicum dicere, ex eo te laborare. si me diligis, excita ex somno tuas literas, humanitatemq; propter quam mihi es carissimus. nūc opus est te animo ualere, ut corpore possis. id cum tua, tum mea causa facias, à te peto. Accusum retine, quo commodius tibi ministretur. conserua te mihi. dies promissorum adest: quem etiam representabo, si adueneris. Etiam atque etiam uale. III id. hora III.

TULLIUS TIRONI S.

Mnia à te data mihi putabo, si te ualentem uidero. Summa cura expectabam aduentum Menandri, quem ad te miseram. Cura, si me diligis, ut ualeas: & cum te bene confirmaris, ad nos uenias. Vale. IIII id. Apr.

forte,
que.

QVINTVS MARCO FRATRI S.

E Tirone mi Marce, ita te, meumq; Cicero=
 D nem, & meam Tulliolam, tuumq; filium
 uidam, ut mihi gratissimum fecisti, cū eum
 indignum illis fortuna, nobis amicum, quā seruum,
 esse maluisti. mihi crede, tuis, & illius literis perlectis,
 exilui gaudio, & tibi & ago gratias, & gratulor.
 si enim mihi Statiij fidelitas est tantæ uoluptati: quanti
 esse in isto hæc eadem bona debent, additis literis, ser=
 monibus, humanitate, quæ sunt his ipsis commodis po=
 tiora? amo te omnibus equidem maximis de causis, uen=
 rum etiam propter hanc, uel quòd mihi sic, ut debuisti,
 nunciaſti. te totum in literis uidi. Sabini pueris, &
 promisi omnia, & faciam. Vale.

TVLLIVS TIRONI S.

Ideo, quid agas. tuas quoque epistolas, uis, re=
 V ferā in uolumina. sed heus tu, qui κενὼν esse
 meorum scriptorū soles, unde illud tam ἀνυ=
 ποῦ, ualeitudini fideliter inserviando? unde in istum lo=
 cum fideliter uenit? cui uerbo domicilium est proprium
 in officio, migrationes in alienum multæ. nam & do=
 ctrina, & domus, & ars, & ager etiam fidelis dici
 potest: ut sit, quo modo Theophrasto placet, uerecun=
 da tralatio. sed hæc coram. Demetrius uenit ad me: quo
 quidem comitatu * ἀφωμέληται, satis scis. tu eum ui=
 delicet non potuisti uidere: cras aderit: uidebis igitur:
 nam ego hinc perendie mane cogito. Valetudo tua
 me ualde sollicitat: sed inserui, & fac omnia. tum te

mecum esse, tum mihi cumulatissime satisfacere p^{ro}ta=to. Cussio quod operam dedisti, mihi gratum est: ualde enim eius causa uolo. Vale.

TULLIUS TIRONI S.

Vid igitur? non sic oportet? equidem censeo
 Q sic, addendum etiam, suo. sed, si placet, inuidia nitetur: quam quidem ego saepe con=tempsi. Tibi διαφύσσειν gaudeo profuisse. si uero etiam Tusculanum; dii boni, quanto mihi illud erit amabilius. sed, si me amas, quod quidem aut facis, aut perbe ille simulas, quod tamen in modum procedit, sed, ut est, indulge uoletudini tuæ: cui quidem tu adhuc, dum mihi deseruis, seruisti non satis. ea quid postulet, non ignoras, πέλει, ἀλυπία, περίπατον σύμμετρον, τὸ δὲ μέν, δὴ λυσία καὶ κοιλία. fac bellus reuertare: non modo te, sed etiā Tusculanum nostrum plus amem. Parhedrum excita, ut hortum ipse conducat: sic olitorum ipsum commouebis. heluo nequissimus HS CIO dabat nullo aprico horto, nullo emissario, nulla maceria, nulla casa. iste nos tanta impensas derideat? calface hominem, ut ego M. Othonem: itaque abutor coronis. De Crabra quid agatur, etsi nunc quidem, etiam nimium est aquæ, tamen uelim scire. Horologium mit tam, & libros, si erit sudum. sed tu nullos ne tecum libellos? an pangis aliquid Sophocleum? fac opus appareat. A. Liguorius, Cæsaris familiaris, mortuus est, bonus homo, & nobis amicus. Te quando expectemus, fac ut sciam. Cura te diligenter. Vale.

TVLLIVS TIRONI S.

Xpesclo tuas literas de multis rebus. te ipsum
 E multo magis. Demetrium redde nostrum,
 Et aliud si quid potes boni. De Aufidiano
 nomine nihil te hortor : scio tibi curæ esse : sed cor.sice.
 Et, si ob eam rem moraris, accipio causam : si te id
 non tenet, aduola. Literas tuas ualde expesco. Vale.

TVLLIVS TIRONI S.

Olicitat, ita uiuam, me tua mi Tiro ualetu
 S do : sed confido, si diligentiam, quam insti-
 tuisti, adhibueris, cito te firmum fore. libros
 compone, indicem, cum Metrodoro lubebit, quando
 eius arbitratu uiuendum est. Cum olitore, ut uide-
 tur. Tu potes calendis spectare gladiatores, postridie
 redire : Et ita censeo. uerum, ut uidebitur. Cura te,
 si me amas, diligenter. Vale.

CICERO F. TIRONI SVO

DVLCISS. S. D.

Vm uehementer tabellarios expectarem quoti
 C die, aliquando uenerunt post diem XL Et
 VI, quam à uobis discesserant : quorū mihi
 fuit aduentus optatissimus. nam cum maximam cepis-
 sem letitiam ex humanissimi, Et carissimi patris epi-
 stola : cum uero inuēdisimæ tuæ literæ cumulum mihi
 gaudij attulerunt. itaque me iam non poenitebat, in-
 tercapedinem scribendi ferisse, sed potius latebar : fru-
 Etum enim magnum humanitatis tuæ capiebam ex sic

lentio mearum literarum. uehementer igitur gaudeo, te
 meū sine dubitatione accepisse excusationē. Gratos tibi,
 optatoisq; esse, qui de me rumores afferuntur, nō dubito
 mi dulcissime Tiro: præstaboq; et enitar, ut in dies ma-
 gis magisq; hæc nascens de me duplicetur opinio. quare
 quod polliceris, te buccinatorē fore existimationis meæ, fir-
 mo id, constantiq; animo facias licet. tantū enim mihi
 dolorem, cruciatumq; attulerunt errata ætatis meæ, ut
 non solū animus à faciliis, sed aures quoque à cōmemo-
 ratione abhorreant. cuius te sollicitudinis, et doloris par-
 ticipē fuisse, notum, exploratumq; est mihi: nec id mi-
 rum: nam cum omnia mea causa uelles mihi successa,
 tum etiā tua: socium enim te meorum cōmodorum sem-
 per esse uolui. quando igitur tum ex me doluisti, nunc
 ut duplicetur tuum ex me gaudium, præstabo. Cratip-
 po me scito, non ut discipulum, sed ut filium, esse coniun-
 ctissimū: nam cum audio illum libenter, tum etiā eius
 propriam suauitatē uehementer amplector. sum totos
 dies cum eo, noctisq; sæpenumero partem: exoro enim,
 ut mecum quamsepiissime cœnet. hac introducta con-
 suetudine, sæpe inscientibus nobis, et cœnantibus obre-
 pit, sublataq; seueritate philosophiæ, humanissime no-
 biscum iocatur. quare da operam, ut hunc talem, tam
 iucundum, tam excellentē uirum uideas quamprimū.
 nam quid ego de Bruttio dicam? quem nullo tempore à
 me patior discedere: cuius cum frugi, seueraq; est ui-
 ta, tum etiā iucundissima conuictio: non est enim se-
 iunctus iocus à philologia, & quotidiana συζήτης.
 huic ego locum in proximo conduxī, & ut possum,
 ex meis angustiis illius sustento tenuitatē. præterea de-

Brutto

clamitare græce apud Cassium institui: latine autem apud Bruttium exerceri uolo. utor familiaribus, et quotidianis conuictoribus, quos secum Mytilenis Cratippus adduxit, hominibus & doctis, & illis probatissimis. multum etiam mecum est Epicrates, princeps Atheniensis, et Leonides, & horum ceteri similes. τὰ μὲν οὖν καὶ ἡμᾶς, τὰ δὲ. De Gorgia autem quod mihi scribis, erat quidē ille in quotidiana declamatione utilis, sed omnia postposui, dummodo præceptis patris parerem: διαρρῆν enim scripserat, ut eum dimittere statim. tergiversari nolui, ne mea nimia ἀποδοὺ suspicionem ei altius quam importaret. deinde illud etiam mihi succurrebat, graue esse, me de iudicio patris iudicare. tuum tamē studium, & consiliū gratum, acceptumq; est mihi. Excusationem angustiarū tui temporis accipio. scio enim, quā soleas esse occupatus. Emisse te prædium, uehementer gaudeo: feliciterq; tibi rem istam euentre cupio. hoc loco me tibi gratulari, noli mirari: eodem enim fere loco tu quoque, emisse te, fecisti me certiorē. habes, ubi deponendæ tibi sint urbanitates. rusticus Romanus factus es. cum ego mihi nunc ante oculos tuum incunctissimum conspectum propono, uideor uidere ementem te rusticas res, cum uillico loquentem, in lacinia seruātem ex mensa secunda semina. sed quod ad rem pertinet, me tum tibi defuisse, æque, ac tu, doleo. sed noli dubitare mi Tiro, quin te subleuaturus sim, si modo fortuna me: præsertim cum sciam, cōmunem nobis emptum esse istum fundum. De mandatis quod tibi curæ fuit, est mihi grātū. sed peto à te, ut quācelerrime mihi librarius mittatur, maxime quidem Græcus: multum

EPIST. LIB. XVI.

enim mihi eripitur operæ in exscribendis hypomnematis.
 Tu uelim in primis cures, ut ualeas, ut una *συμῶλον*
λογεῖν possimus. Antherum tibi cōmendo. Vale.

TVLLIUS TIRONI SVO S.

Pero ex tuis literis tibi melius esse, cupio quā
 S dem certe. cui quidem rei omni ratione cura
 ut inseruias: et caue' sufficeris contra uolun-
 tatē meam te facere, quod non sis mecum. mecum es, si
 te curas. quare malo, te ualitudini tuæ seruire, quā
 meis oculis, et auribus: etsi enim et audio te, et uideo li-
 benter, tamen hoc multo erit, si ualebis, iucundius. Ego
 hic cesso, quia ipse nihil scribo, lego autem libentissime.
 tu isthic, si quid librarij mea manu nō intelligent, mon-
 strabis. una omnino interpositio difficilior est, quam ne
 ipse quidem facile legere soleo; de quadrimo Catone.
 De triclinio cura, ut facis. Tertia aderit, modo ne Pu-
 blius rogatus sit. Demetrius iste nunquam omnino Pha-
 lereus fuit: sed nunc plane Bilienus est. itaque te do uī
 carium. tu eum obseruabis. Etsi, uerūtamen, de illis.
 nosti cetera. sed tamen si quem cum eo sermonem ha-
 bueris, scribes ad me, ut mihi nascatur epistolæ argumē-
 tū, et ut tuas quālongissimas literas legā. Cura mi Tiro,
 ut ualeas. hoc mihi gratius facere nihil potes. Vale.

TVLLIUS TIRONI S.

V uero confice professionem, si pots. etsi hæc
 T pecunia ex eo genere est, ut professione non
 egeat. ueruntamen. Balbus ad me scripsit,
 tanta se epiphora oppressum, ut loqui non possit,

Antonius de lege quid egerit. liceat modo rusticari. Ad Bithynicum scripsi. De Seruilio tu uideris, qui senectutem non contemnis. etsi Atticus noster, quia quondam me commoueri πανικῶς intellexit, idem semper putat, nec uidet quibus praesidijs philosophiae sepius sim. & hercle, quod timidus ipse est, Τρεῖς κοπιᾷ. ego tamen Antonij inueteratam sine ulla offensione amicitiam retinere sane uolo, scribamq; ad eum, sed non ante, quam te uidero. nec tamen te auoco à synographa. γόγγυ μνήμης. Cras expecto Leptam: etenim ad cuius rutam pulegio mihi tui sermonis utendum est. Vale.

cuius p.

TVLLIUS TIRONI S.

¶ Tsi mane Harpalum miseram: tamen, cum haberem, cui recte darem literas, etsi noui nihil erat, iisdem de rebus uolui ad te saepius scribere: non quin considerem diligentiae tuae: sed rei me magnitudo mouebat. Mihi prora, & puppis, ut Graecorum prouerbiū est, fuit à me tui dimittendi, ut rationes nostras explicares. Offilio, & Aurelio utique satisfiat. à Flamma, si non potes omnem, partem aliquam uelim extorqueas: in primisq; ut expedita, sit pensio cal. Ian. De attributione conficies. de representatione uidebis. De domesticis rebus haectenus. de publicis omnia mihi certa, quid Octauius, quid Antonius; quae hominum opinio; quid futurum putes. ego uix te neor, quin accurrā. sed s. literas tuas expecto. & scito Balbum tum fuisse Aquini, cum tibi est dictum,

Et postridie Hirinum. puto utrunque ad aquas. Sed quod egerint *. Dolabellæ procuratores fac ut admo-
neantur. appellabis etiam Papiam. Vale.

CICERO F. TIRONI SVO S.

Tsi iusta, & idonea usus es excusatione in-
E termissionis literarum tuarum: tamen, id ne
sepius facias, rogo. nam etsi de rep. rumori-
bus, & nuncijs certior fio, & de sua in me uoluntate
semper ad me perscribit pater: tamen de quauis mini-
ma re scripta à te ad me epistola semper fuit gratissi-
ma. quare cum in primis tuas desiderem literas, noli
committere, ut excusatione potius expleas officium scri-
bendi, quàm assiduitate literarum. Vale.

Q. CICERO TIRONI SVO S. D.

Erberavi te cogitationis tacito duntaxat con-
V uicio, quòd fasciculus alter ad me iam sine
tuis literis perlatus est. non potes effugere hu-
ius culpæ pœnam te patrono. Marcus est adhibendus:
isq; diu, & multis lucubrationibus commentata ora-
tione, uide, ut probare possit, te non peccasse. plane te ro-
go, sicut olim matrem nostram facere memini, quæ la-
genas, etiam inanes, obsignabat, ne dicerentur inanes
aliquæ fuisse, quæ furtim essent exsiccata: sic tu, etiã
si, quod scribas, non habebis, scribito tamen, ne furtum
cessationis quæsiuisse uidearis: ualde enim mihi semper
& uera, & dulcia tuis epistolis nunciantur. Ama
nos, & uale.

Q. CICERO TIRONI SVO S. P. D.

Irificam mihi uerberationem cessattonis epi-
 M stola dedisti: nam quæ parcius frater perscri-
 pserat, uerecundia uidelicet, & properatione,
 ea tu sine assentatione, ut erant, ad me scripsisti,
 & maxime de consulibus dess. quos ego penitus noui
 libidinum, & langoris effœminatissimi animi plenos.
 qui nisi à gubernaculis recesserint, maximū ab uniuer-
 so naufragio periculum est. incredibile est, quæ ego illos
 scio oppositis Gallorum castris in æstiuis fecisse: quos ille
 latro, nisi aliquid firmitus fuerit, societate uitiorum de-
 leniet. res est aut tribunicij, aut priuatis consilij mun-
 nienda. nam isti duo uix sunt digni, quibus alteri Ce-
 senam, alteri Cossutianarum tabernarum fundamenta
 credas. Te, ut dixi, fero oculis. Ego uos ad III. cal.
 uidebo, tuosq; oculos, etiam si te ueniens in medio foro
 uidero, dissuauabor. Me ama. Vale.

M. TVLLII CICERONIS EPI-
 STOLARVM FAMILIARVM
 RIVM FINIS.

VERBA GRAECA LATI-
NIS EXPRESSA.

πολιτικώτερον, *ciuiliorem*. 22. κωμικὸς μάρτυς, *comicus testis*. 25: ὑβόχῃ, *excellētia*. 36. οὐχίλεια, *nobilitas*. 36. πρὲ μοί γε καὶ ἄλλοι, οἱ ἐμὲ πυνθισοῖ, *μάλιστα δὲ μητιέτω ἰδὲ, apud me quidem, et alij, qui me colunt, maxime uero cōsiliarius iupiter*. 36. φιλαίπιος, *querulus*. 36. Ἐπικούρειον, *epicureū*. 39: ἐβρωνόμειναι, *disſimulare*. 48: ἐβρωνόμελιος, *ſimulans*. 48: γλαῦκ' εἰς ΑἈθήνας, *noctuat Athenas*. 80. τῆς δ' ἀρετῆς ἰσφάτω, *uirtutis uero ſudorem*. 92. πολιτδύνασαι, *res publicas regi*. 101: φιλοδίωρον, *ſpectandi cupidum*. 102: Νίκωνος πωδὶ πελυφάγας, *Niconis de edacitate*. 105. γέλωτα σαρδώνιον, *riſum ſardonium*. 107. δυσουεχά, καὶ διουεντόρια πάθη, *ueſica, et uiſcerum tormina*. 107: διουεντέρων, *uiſcerum morbum*. 107: λιγύτητα, *frugalitatem*. 107: διάρροια, *profluuium*. 107. χήσει μὲν, *uſu quidem*. 108: κτήσει δὲ, *mancipio autem*. 108: οὐχίπελία, *feſtiuitas*. 110. ἄκυρον, *alienum*. 110. ἀμυβολογία, *ambiguum*. 110. ὑπερβολή, *ſuperlatio*. 110. πρᾶξις, *commutatio literæ*. 110. πρὸ περσοδοκίαν, *præter expectationem*. 110. εὐτεχνά, *artificioſa*. 110. σωματάγμα, *opus*. 113: διδασκαλία, *diſciplinam*. 113. ἴωλος, *obſoleta*. 126: λεληθός, *ſenſim*. 127. πολιτεία, *rerum publicarum reſtiones*. 127. γλαῦκ' εἰς ΑἈθήνας, *noctuat Athenas*. 127: πωδὶ δωαπτό, *de ὧς, quæ fieri poſſunt*. 127: καὶ Διόδωρον κείναι, *ſecundum*

Diodorum iudicare. 127 : τίς ἀδυνάτων, ex iis, quæ
fieri non possunt. 127 : κρείσσ, iudicium. 127 :
Χρυσιππίαια, Chrysippeum. 127 : καὶ τὰ χρυσίπων
διῶν τὸν, secundum Chrysippum quod fieri possit. 128.
σὺν τε δύο ἄρχοις, simulq; duo euntes. 129. ἀρ-
πενημένον, relectum. 129. πολλοὶ μαθηταὶ κρείττο-
ν δὲ διδασκάλων, multi discipuli meliores magi-
stris. 129. ὀβελίζει, ueru notat. 131. τῶ ποιητῇ,
poetæ. 131. πρὸς ἐβλημένοι, interfecti. 131.
συμβιώτην, conuictorem. 131. ἀρφευγμάτων,
dictorum. 136 : περιεχόμενα, antedicta. 138 :
ὀψιμεθεῖς, sero discentes. 138 : ἀπὸ τὸν γμα, quod
non successit. 139. ὁ σοφὸς δὲ θυρρημῶν ἔσθ, sa-
piens rectiloquus eris. 141. συμπότια, computatio-
nes. 141 : σὺν δειπνα, concenationes. 141 : Κυρί-
παιδείων, Cyri disciplinam. 142. ζήτημα, questio-
nem. 142 : πόλις πόρον, urbis directorem. 152. ὄρ-
γανον, instrumentum. 174 : σκιαμαχίαι, umbrati-
les pugnae. 174 : λακωνισμόν, breuitatem. 170. φι-
λοσοφούμενα, in philosophia tractata. 180. πατρίδα
ἐμὴν μᾶλλον φιλοῦν, patriam meam magis amans.
191 : δὲ θυρρημένεος, liberior in loquendo. 194. πάντα
πᾶσι πάντων, omnia de omnibus. 196. τυραννοκτό-
νοι, tyrannicide. 196. ἀπομνημονεύειν, decreui,
quod ad rei memoriā literis mandatum sit. 200. ἀλλ' ἐ-
μὴν οὐ ποτε θυμὸν ἐνὶ στήθεσιν ἐπειθεν, sed meum
nunquam animum in pectore persuadebat. 210 : ἄλ-
κυμος ἔσ' ἵνα ἕσσε καὶ ὀφθόνων δὲ εἴη, fortis esto,
ut quis te et posterorum laudet. 210. ὡς νεφέλη ἐκεί-
νη λευκὴ μελάν, sic nebula inuoluit atra. 210. μὴ μὲν

ἀποσυνδῆγε καὶ ἀκλειῶς ἀχλοΐμην, Αλλὰ μέγα
ῥίξας πῆ καὶ ἰσομελίοισι πυθίῳ, ne negligenter, ὅ
sine gloria peream, sed magno aliquo edito facinore, ὅ
posteris audiendo. 210. Εὐριπίδου, Euripidis. 210.
μωῶ σοφιστῇ, ὅσπιν οὐκ αὐτῷ σοφός, odi sapientē,
qui non est sibi sapiens. 210. ἅμα πέσω, καὶ ὀπίσω,
simul ante, ὅ pone. 210. αἰὲν ἀρῖς δύνειν, καὶ ὑπεί=
ροχον ἔμμελαι ἄλλων, semper antecellere, ὅ princi=
pem esse aliorum. 210. διοίκησιν, iurisdictionem. 222 :
ὑποθήκας, pignora. 224 : πῆσ διοικήσεις, iure iu=
risdictiones. 228. χαλῶν ἄκρατον, bilem meram. 236 :
κατ' εἰδῶλων φαντασίαν, per speculorum uisa. 253.
διαμονητικὰς φαντασίας, intelligentia uisa. 253.
εἰδῶλον, imago. 253. αἰρέσει, secula. 253 :
πάντα παρὰ πάντων, omnia de omnibus. 253. πέ=
σωπον πρόλιος, faciem ciuitatis. 253 : ἀδέσποτοι,
sine auctore. 253 : τὸ καλὸν δι' αὐτὴν αἰρετὸν, hone=
stum per se optabile. 253 : ἀκενόσπουδός, non inanis
homo studij. 254. φλυαρόν, garrulum. 254 :
σπουδαῖεν, serio agere. 254 : τὸ καλὸν δι' αὐτὸ
αἰρετὸν, honestum per se optabile. 254 : ἡδονῶν, uo=
luptatem. 254. ἀαλγησίων, indolentiam. 254 :
τῷ καλῷ, honesto. 254 : οὐκ ἔστιν ἡδέως, ἀνδρὶ τῷ
καλῶς καὶ δικαίως ζῆν, non potest iucunde, nisi ho=
neste, ὅ iuste, uiri. 254 : φιληδονοί, cupidi uolu=
ptatis. 254 : φιλόκαλοι, καὶ φιλοδίκαιοι, cupidi ho=
nesti, ὅ cupidi iusti. 254 : ἀνυμνητικόν, uicissim
subsannare. 254 : κακός μαχρός, stomacho non bo=
no. 258. ἀκίνδυνα μὲν, χρονιώτερὰ δὲ, iuta qui=
dem, sed diuturniora. 259. ψυχὴ δὲ λεπτὴ ψυχῶν.

πολεμώτατον, frigus autem tenui cuti inimicissi-
mum. 259. ἔτυμον, notationem. 262. κανών, regula.
263: ἄκυρον, improprium. 263. διαφόρητιν, ges-
tationem. 263: πέφιν, ἀλυπία, περίπατον συμ-
μετρον, τὸ ῥῆμα, δὲ λυσία κοιλία, concoctionem, ἡσ-
ταρίαν, ambulationem modicam, oblectationem, fa-
cilitatem alui. 263: συζητήσει, mutua questione. 264:
τὰ μὲν οὖν καθ' ἡμᾶς, τὰ δὲ: quæ igitur ad nos spe-
ctant, hæc sunt. 265. διαρρήδην, aperte. 265. ἀπο-
δοῖ, contentio. 265. συμπυλαλαγῆν, de literis inter
nos disputare. 265: πανικοῖς, panicis terroribus. 266.
ἰσχυροποιεῖ, tumultuatur. 266. γόνυ κνήμης, ge-
nu tibia. 266.

VARIAE LECTIONES: IN QVIBVS

lector admonendus est; quæ duabus prioribus literis scriptæ sunt maiusculis, eas ex ingenio, reliquas ex uetustis libris omnes esse.

frequentis. non magna	4. ID mihi uehementer g.	32.
tempore Catoniano	6: honorem, n. ad gratia	36.
uirtutiq; . simul	7: CONscientiæ meæ	39.
uidentur, siquidem	9. committere, ut scrib.	39:
fuisse, cum	14. Censores creentur	40:
inscientem me fugisset	15. gesta sunt, ab alijs	44:
ARTIS est; & si portum	quasi perditius	47:
t. n. q, cum id	15: aut quid? non illis rebus	
semper præstare	16. excitatus a. calere	50.
QVas Menocrati	16: uicem, cedo,	50.
nominare. quos	16: temporibus f. ut eorum	
esset, paraturum	16: tum	51:
quis est tam scrib.	18. tuæ, cuiuscuiusmodi	53.
Vita decederet	18: frui, stulti n. priuatam	54.
rationem edisseram	18: uti medicos: coegi	56.
EXpectas: domesticos	19. PERueniri	57:
cum Seruiliū	20. nunquam imminuta	60.
S. P. D. Primum tibi	22: leues ab hmoi homi.	61:
ad me, quod	22: Essem, ad Lollium	61:
idem certos	28: domum XXXV.	63.
Arriobarzanem, quia	29. beneuolentia pari	65.
proficiscuntur, ut	30. obtrectationis, & iniuriæ	
OMnia summæ	32: as	65:

LEgendo

LEgendo retinere	68. in Pand.)	105.
PAtrie non plus	70. tantum quod ex	105 :
uiuere posse eq. maxi.	71. tamen erant	106.
VIDeat t. non dedisse	73. OPinor Crassum	106 :
TEmporibus nos nati	73 : BONum cantorem	107.
IPsiq; Valerio	75 : uereri, nisi istum hab.	107.
REm à me non insipienter	VEReri, nisi istum cauere	
excogitatam, ne cogita-	mus,	107.
tam quidem putes	75 : si fio, si forsitan.	113.
quando de logeo parum inepto ?	aliquid	113 :
grauisum, uel gauisum,	Cornificius adolescentiorem	
uel, gratiosum	76. syllæ filiam	116.
quemuis auctorum, aut eorum,	hercule conscripta omnia fœ	
qui discesserunt. alteri.	80 : dera	115 :
non quo, sed quod diff.	81. concerpitur : leuiss.	116 .
aliquando defuisset	83 : dederit si quod iniurijs suis	
solistimis, aut soniujs	83 : esset, ut Vestorius tene	
TREBIANO S. D. uel ret		116 :
TREBELLIANO	87. ut solent, non redigam	117.
SCRibere, hac opinione	91. Ad hunc ordinem referri.	
ut mihi uidetur,	92 : ita legendum nō nulli pu	
LOquor) reliquos	96 : tant, quod in antiquo li	
scriptum erat, M. Rufum,	bro scriptum est, adhuc or	
uel, M. Vrsuuium	98. dinem referri	118 .
faciā, u. hūc Leptæ dele.	98 : audent. scena rei	121 :
ANTEa ne anabata	100. bellum se erupit	123 :
facias ? ubi	101. cognoscam quidnā rei.	123.
sero. primas	102 : hanc portam, uel partē	125 :
presertim tantis n.	104. coegero, arrūtaniū me	129 :
posse : NI (ex Budæo	aliquid : mane ut	126 :

fecerunt, grauare rēp.	127.	quā me inuare	153 :
Chrysippias hac, quam	127.	illis feruentibus	157 :
De Coſtio	128.	C. Catium	157 :
alicubi, ſi quid	129.	miſſum ab A. ad me cū	157 :
ingentium cularum	131.	Iun. anerone	158 .
domum Silianam	135 .	TVam nauatam	159 :
poſuiſti loco	136.	FAma, ſententiāq;	159 :
Mihi Pompilum	136 :	LEntulum Conſ. (ex epiſto-	
rē habebas, quæſticulis	136 :	lis ad Atticum 124.)	164 .
antea delibitari	136 :	ſtudia officiū mutuo	167 .
idem quod phil.	137.	Reddidit, Quom	170 :
artolagani. n. i. ex artis	138.	hominib. honoris, non	172 .
Violat Iupiter. bene	140.	obſtrinxerim. ſeptem	172 :
turpis. ſuppendet, uel ſuſpē-		aliū facti	173 :
det, uel, ſuſcipitur	140:	ambitus excitare	175 :
tempore ferre te p.	141 :	niſi, quod	176 :
ſtatuo ſtudeoq; habere com-		reſtitutionem mecum	178 .
munem ; uel, ſtatuo habe		COMmode nobis	178 :
re cōmunē, uel, ſtatuo ha		frequentes uentitare	182 .
bere eſſe cōmunē : ut non		ANCEps propter	187 :
abſurde quidam legendū		Cypro, ac Romam yatri-	
putent, ſtatuo debere eſſe		de	190 .
communem	144.	iniuriæ unquam	190 :
exiſtimarent. elic.	148 .	GERebant : hac	192 :
itineribus Vienna	149.	POſſent, uoluerunt	193 .
fuerunt. ſtatimq; equita-		CONſumpſerant	193 .
tum	150.	nauſeantem conſeci	198 :
Allobrogibus iter conſti-		GERere cogamur.	201 .
tui,	150.	Ignominia non	201 :
complexus es, tene,	151 :	Q. F. ORTAE (antiquus	

liber Pauli Boti) 203: homines, quibus e. serui-
 feceris, existimes, q. i. p. m. h. ui 235.
 i. m. h. a. te. hoc 204: SVMus ad II cal. 235.
 incredibili quiddam 205: possitis. quoquo modo qui-
 DElectatur 208. dem nunc 238.
 tamen ratio comm. 208. MODO & uestras l. e. e. f.
 amicissimum. Em hic ille est ipse ad 238:
 maxime, q. i. a. o. me soli= δὲ σὺ βῆ καὶ ἀλλοθωμῶ
 tusest 210. ov, 242.
 VT eum & in 213. eius atque 242:
 tamē speravit apud te meas Sepyrā, & Cōmorin 245.
 quoq; literas ualituras 214: Amasini 254:
 operæ; & ut uolet is in for FACeta s. f. secus, fiūt 255:
 mulis. probo coniecturam COLam, commune 256.
 eorum, qui legendum exi C A L. Dec. 257:
 stimant; & ut uos sole= scripsi ad Vmmium 262:
 tis in formulis, 215. comitatu ἀφων, ὅχ πιν 263
 Q. ACHARIO 220. τέλει, ἀκεππῶν 263:
 M. C. DECIO AV= commouebis. Elico 263:
 CTO 222: factus es. quō ego 265.
 Milaseis, et Alabādeis 224: PRæsidijs septus 266.
 carissimus est, M. Le. 226: oratione uidelicet pr. 266:

1. The first part of the document is a list of names and their corresponding addresses. The names are written in a cursive script, and the addresses are written in a more formal, printed script. The list is organized in a table-like format, with the names in the first column and the addresses in the second column.

2. The second part of the document is a list of names and their corresponding addresses. The names are written in a cursive script, and the addresses are written in a more formal, printed script. The list is organized in a table-like format, with the names in the first column and the addresses in the second column.

3. The third part of the document is a list of names and their corresponding addresses. The names are written in a cursive script, and the addresses are written in a more formal, printed script. The list is organized in a table-like format, with the names in the first column and the addresses in the second column.

4. The fourth part of the document is a list of names and their corresponding addresses. The names are written in a cursive script, and the addresses are written in a more formal, printed script. The list is organized in a table-like format, with the names in the first column and the addresses in the second column.

5. The fifth part of the document is a list of names and their corresponding addresses. The names are written in a cursive script, and the addresses are written in a more formal, printed script. The list is organized in a table-like format, with the names in the first column and the addresses in the second column.

6. The sixth part of the document is a list of names and their corresponding addresses. The names are written in a cursive script, and the addresses are written in a more formal, printed script. The list is organized in a table-like format, with the names in the first column and the addresses in the second column.

7. The seventh part of the document is a list of names and their corresponding addresses. The names are written in a cursive script, and the addresses are written in a more formal, printed script. The list is organized in a table-like format, with the names in the first column and the addresses in the second column.

8. The eighth part of the document is a list of names and their corresponding addresses. The names are written in a cursive script, and the addresses are written in a more formal, printed script. The list is organized in a table-like format, with the names in the first column and the addresses in the second column.

9. The ninth part of the document is a list of names and their corresponding addresses. The names are written in a cursive script, and the addresses are written in a more formal, printed script. The list is organized in a table-like format, with the names in the first column and the addresses in the second column.

10. The tenth part of the document is a list of names and their corresponding addresses. The names are written in a cursive script, and the addresses are written in a more formal, printed script. The list is organized in a table-like format, with the names in the first column and the addresses in the second column.

PAVLI MANVTII SCHOLIA
IN FAMILIARES CICERO-
NIS EPISTOLAS.

EX EPISTOLA I. LIBRI I.

PAGINA I.

VOD commodo reip. facere possis]
Olim ita emendauimus, cum aliter in
Q omnibus impressis legeretur. sunt au-
tem uerba, quibus ueteres utebantur,
ut id, quod faciendum decernerent,
ita demum fieri uelle ostenderent, si modo reip. com-
modo fieri posset. Caesar libro I. comm. charta 12. Quo-
niā M. Messalla, M. Pisone cōsulibus senatus censuis-
set, uti quicumque Galliam prouinciam obtineret, quod
commodo reip. facere posset, Heduos ceterosq; amicos
populi R. defenderet: se Heduorum iniurias non negle-
cturum. & lib. V. charta 60: scribit Labieno, si reip.
commodo facere posset, cum legione ad fines Nerulo-
rum ueniat. item lib. VI. char. 73: Labienum, Trebo-
niumq; hortatur, si reip. commodo facere possint, ad
eam diem reuertantur. Cicero item ad Brutum, epistola
V. Deceui hoc amplius, ut tu, si arbitrare utile fore,
& è rep. esse, persequerere Dolabellam bello: si minus
id commodo reip. facere posses, in iisdem locis exercitiū
contineres. ad Appium autem epistola VII. lib. III.
Quod, inquit, tuo commodo fieri possit, utriusque no-
strum magni interest, prius ut te conueniam, quam de-
cedas. et libro XIII. 219. simili sententia dixit, quod

sine molestia tua facere possis . ad Atticum autem epistola III. lib. I. quod commodò tuo facere poteris, uenias ad id tempus. itemq; alibi sæpius, quod tuo commodò fiat, quòd sine peccato meo fiat. quibus ex locis, ueterem hanc, atque usitatam fuisse locutionem, cognoscere quilibet potest . Nostra coniectura hæc est, quam, ut ostendimus, ueterum scriptorum auctoritas confirmat. quòd si quis legere malit, Quod commodò rem facere possis, ut fere est in omnibus antiquis exemplaribus, accipiendum erit, còmodo pro commode, quemadmodum & Plautus in Friuolaria, & Titinius in Iurisperita locuti sunt : quos Charisius citat : qui etiam, arcane pro arcane, quotidio pro quotidie ueteres dixisse, tradit.

Ex epistola II. charta 3.

LENTULI consulis] In libris quibusdam manuscriptorum legitur, Lucij consulis non omnino absurde : potest enim intelligi de L. Philippo Lentuli Marcellini in consulatu collega . sed, Lentuli ; si legas : de Lentulo Marcellino accipietur .

3.

QUATENUS de religione dicebat] Sensus hic est . cum Bibulus sententia sua duas res complexus esset, de religione, & de tribus legatis : postulatum est, ut eius sententia diuideretur, id est, ut singulis de rebus separatim referretur . ac, de religione quatenus dixit, ut scilicet contra Sibyllinos libros ne decerneretur, qui regem Aegyptium cum exercitu reduci uetarent : assensum (inquit) est. caput illud, de tribus legatis, qui regem reducerent, improbatum . dixit autem, frequentes iterum in alia omnia, pro frequentes dissenserunt .

neque solum, ire in alia omnia, sed & discedere, & transire, eodem sensu ueteres dicebant. libro X. ad Plancum, char. 151. Eum (inquit) senatus reliquit, et in alia omnia discessit. Hirtius autem prope finem VIII. de bello Gallico libri, Discessionem (ait) faciente Marcello, senatus frequens in alia omnia transiit. Festus Pompeius in dictione Ques. Qui hoc censetis, illuc transite: qui alia omnia, in hac partem. his uerbis praeit, ominis uidelicet causa, ne dicat, qui non censetis. inde factum, ut ire in alia omnia idem significet, quod non censere, id est, contra id, de quo discessio fit, sentire:

3.

MULTIS partibus plures] Sunt qui ita explicant: uidisse consules, in Hortensii sententiam plures ituros a multis partibus, id est hinc, & illinc; parum scilicet agnoscetes purissimam, & ornatissimam locutionem, qua eloquentissimi eius aetatis uiri suis in scriptis eleganter usi sunt. M. Caelius libro harum epistolarum VII. pag. 119. Turpe tibi erit, Patiscum Curioni decem pantheras misisse, te non multis partibus plures. item Caesar 185. quoniam numero multis partibus esset inferior. multis partibus plures, & multis partibus inferior dixerunt, pro eo, quod est, multo plures, & multo inferior. Cicero item libro III. de finibus 98. multis partibus malit, pro multo malit. Suetonius quoque, non omnino malus latinitatis auctor, in Iulij uita eodem loquendi modo usus est.

Ex epistola III. char. 4.

T. AMPIVS] Antea, T. Appius, corrupte legabatur: duo enim praenomina simul esse non possunt.

sunt, ut si dicas, Marcus Caius, aut Cneus Lucius.
 Ampiorum autem familiam Romæ fuisse, notissimum est.

Ex epistola IIII. char. 4.

PRIDIE EIVS dici f.] Dicit quod supra in epistola II. in qua ita scripsit: De tribus legatis, frequentes ierunt in alia omnia. sed cum ibi factum id esse dicat die, qui consecutus est idus Ian. hic autem die, qui XVI. cal. Febr. præcessit: fuere, qui, dum arbitrantur, Ianuario mense, ut nunc, ita tum unum & XXX fuisse dies, corruptum esse locum crederent, uidentes hanc diem, ut quidem ipsi numerabant, aliam esse ab ea, quæ est in epistola II. cum tamen eandem esse oporteret, quod absque dubio locus hic alter de tribus legatis repetitio prioris esset. quod si ad rationem eius anni, quo scripta est epistola, supputassent: & locum carere mendo, & eandem, quam in II. epistola diem significari, cognouissent: fuit enim tunc Ianuarius mensis tantummodo XXIIX. dierum. postea Iulius Cæsar annum corrigens, binos addidit, et, ut tricenos singulos haberet, qui antea tantummodo XXIIX. habuerat, effecit. auctor Macrobius.

4:

EGO TIBI à ui] Timebat, ne tribunus aliquis per uim legem ferret, qua Lentulo uel Ptolemæi regis restitutionem eriperet, uel imperium abrogaret: quod factum est. epistola II. libri II. ad Q. Fratrem eadem de re scribens, Quid futurum sit, inquit, latrocinio tribunorum, non diuino: sed tamen suspicor per uim rogationem Caninium perlaturum.

Ex epistola V. char. 5.

HIC quæ agantur] Aut hoc est alterius epistolæ initium : aut quæ sequuntur , non eodem die scripta sunt , quo superior epistola pars . sæpe autem accidit , ut literas non continuata , sed crebro repetita scriptione conficiamus , singulis diebus noui aliquid appingentes : id quod in epistolis ad Atticum scriptis sæpissime factum uidemus .

Ex epistola I X. char. 12.

NON modo præmijs] Ita legendum est , & ita in libris uetustissimis habetur . sed cum locutio primo aspectu durior uideatur , hinc factum est , ut ueterem lectionem hætenus omnes contempserint : quam nos eo libentius restituimus , quòd ea Ciceronem alibi quoque non semel usum esse animaduertimus : epistola enim VI. libri X. ad Atticum , regnum , inquit , non modo Romano homini , sed ne Persæ quidem cuiquam tolerabile . et ad eundem scribens 184. mihi non modo irasci grauissima iniuria accepta , sed ne dolere quidem impune licet . libro autem de oratore I. Neque solum in scientiam meam , sed ne rerum quidem magnitudinem perspicit . harum autem epistolarum lib. I X. 127. Hoc tamen scito , non modo me , sed ne ipsum quidem principem scire , quid futurum sit . quanquam hic quoque inculcata erat dictio , non : quæ in libris manuscriptis non est .

12.

IN prætura autem , & in consulatu] In prætura orationem habuit pro lege Manilia ; qua populum magnopere est hortatus , ut Pompeio Mithridaticum

in Catiline
101. in Caelio
§ 2. & 56.

SCHOLIA

bellum lege à Gabinio lata demandaretur . in consula-
tu autem cum alijs officijs Pompeium ornavit , tum et-
tiam illo , quòd retulit de supplicationibus ei decernen-
dis pro rep . Mithridatico bello felicissime gesta . vide ora-
tionem de provincijs consularibus .

12.

BONORVM omnium consensus] Antea , con-
sensus . nos , consensus , restituumus ex veterum libro-
rum fide .

13.

§ I ijs pro me stante pugnare licuisset] Septimum
abhinc annum , cum hos epistolarum libros , quàm di-
ligentissime tum potuit , emendaremus , hunc locum
ita , ut legitur , ex libris manuscriptis restituumus ,
cum antea ita corruptus esset , ut bonus sensus elici nul-
lus posset .

13.

PRIMUM illa furta] Hæc fortasse parenthe-
si sunt includenda ; ut subaudiatur , fuerant . quasi di-
cat , omitto corruptum illud iudicium de sacris Bonæ
deæ violatis : loquor de ijs , quæ post reditum meum fla-
gitiose commissa sunt . nam si , primum illa furta , in-
telligas reditum Ciceronis esse consecuta : præter histo-
riæ fidem erit : neque enim illa furta muliebrium reli-
gionum Ciceronis exilium sunt consecuta . itaque Vba-
dini Bandinelli , qui legendum arbitratur , illa furia ,
coniecturam probamus . quoniam tamen in omnibus
manuscriptis libris illa furta legimus , opinioni no-
stræ , fortasse nobis ipsis assentantes , libentius acquie-
scimus .

P A R pro pari] Antea , cum legeretur , par pari , uersus erat mancus , qui nunc integer est , addita à nobis propositione pro , ex uetustissimo libro Pauli Boti Regiensis , hominis tum religiosi , tum etiam literati . itaque etiam in Terentio uersus est restituendus .

LIBERALITATEM] Alij , libertatem . ego nihil muto . uidi enim librum perantiquum , quem habet adolescens nobilis et literatus Bernardinus Massenus , in quo , liberalitatem , scriptum erat . quam uocem eo libentius conseruauì , quòd subiicit paulo post , cum sine suspitione tuæ cupiditatis non possis illius cupiditatem refutare . quòd enim dixerat , liberalitatem , antitheoton opposuit , suspitione cupiditatis .

FACILITATE autem , quod uellem] Alij aliter . mihi , quæ lectio in nostris libris est , magis probatur . nã et sensum , ut opinor , habet meliorem : et in uetustis aliquot exemplaribus ita scriptum animaduertimus .

Ex epistola ultima , char. 17:

C V R enim tibi hoc non gratificer , nescio] Senatus horum uerborum ex titulo pendet : cum enim ita inscripisset , **VALERIO IURISCONSULTO** , subiunxit , nam cur te iurisperitum non appellem , nescio , etiam si iurisperitus ualde non sis : iocans uidelicet cum eo familiarius , quod etiam in reliqua epistola facit . & libro tertio . 3 1. ad Appium scribens , L . Valerium , inquit , iurisperitum ualde tibi commendo , sed ita etiam , si non est iurisperitus .

quoniam autem sunt, qui huius epistolæ initium desiderari potius, quàm esse hoc, quod legitur; existimēt: aliud huic simile Ciceronis exemplum ex epistolis ad Atticum scriptis afferemus. ita igitur libro III. 49. M. CICERO S. D. Q. CAECILIO Q. F. POMPONIANO ATTICO. Quod quidem ita esse, & auunculum tuum functum esse officio, uehementissime probo. quorū uerborum sensum hic quod *regi ex.* que ex titulo regi, nemini est obscurum. dicit enim, se probare ita esse, id est, eum, ab auunculo adoptatum, & heredem factum, appellari non, ut antea, T. Pomponium Atticum, sed (ut in adoptionibus fieri solebat: in quibus eius, qui adoptabat, & prænomen, & nomen, & cognomen, & aliquando etiam agnomen ij, qui adoptabantur, sumebant, nomen, quod ante habuerant, deriuantes, ut in anum desineret: cognomen tamen suum, ut antea fuerat, retinebāt: sed post eius cognomen ponebant, qui adoptarat, si modo id ille habuisset) Q. Ceciliū Q. F. Pomponianum Atticum: ut nemo iam de epistola ad Valerium dubitare possit.

PARTIM te superbum esse dicunt, quod nihil respondeas; partim contumeliosum, quod male respondeas] locus est in his uerbis & abstrusus, & elegās: uult enim innuere, ideo nihil eum respondere, nō quod superbus sit, sed quod aut eum nemo consulat, cum homines bonum iurisconsultum nō existiment; aut si quis consulat, nullum auferat responsum ob eius ignorantiam: ideo autem male respondere, non quod contumeliosus, sed quod imperitus, & indoctus.

Ex epistola I. libri II. char. 18.

QVODQVE in omnibus tuis rebus , meis optatis fortuna respondet ; breue est , quod me tibi præcipere meus in te amor cogit] Hic locus antea perperâ inter punctus distrahebat sensum : quem nos , distinctionibus immutatis , tanquam in suam sedem reduximus . est autem hic , quod me facere meus in te amor cogit , ut tibi præcipiam ; id faciam breuiter : quando omnibus tuis in rebus meis optatis fortuna respondet .

Ex epistola V. char. 20:

I N SVFFRAGIIS studia] Dictionem , studia , sustulimus : supra enim dixit , studium ; & qua regi e.
uoce sequentes genitui reguntur .

Ex epistola IX. char. 23.

DE te , quia , quod sperabam ; de Hillo , (balbus enim sum , quod non putaram] In epistola , quæ tertia est V III. libri , Cælius de Hirro competitore loquens ita scripserat . spero te celeriter auditurum & de nobis , quod sperasti ; & de illo , quod uix sperare ausus es . itaque Cicero respondens , iisdem fere uerbis eadem repetit : & quia Cælius scripserat , de nobis , quod sperasti ; de illo , quod uix sperare ausus es ; rescribit ; de te , quia , quod sperabam ; de Hillo , (balbus enim sum) quod non putaram . facete autem , cum repeteret uocem illam Cælij , illo , aspirationem addidit , & subiunxit (balbus enim sum) Hirrum significans : cuius nomen propter balbutiem exprimi à se non posse fingit . in sequentibus autem cū , r , literā expedite proferat , sed balbi , inquit , nō sumus .

23.

D I V I S V S aquarum diuortijs] Plerosque latet

huius loci sensus . & uidi doctos aliqui uiros , qui sic interpretarentur : fuisse fluuium , qui montem Amanum interfluens diuideret , & Ciceroni , ac Bibulo communem faceret : cum dixerit Cicero , non diuisus fluuius , aut , diuisus aquis , sed , diuisus aquarum diuortijs . quam illi uocem parum diligenter expenderant . diuortium autem aquarum ita fit . cadunt in montem aque pluuiæ . is mons cum sit procliuius , utrinque defluant , & decurrant , necesse est . ita fit , ut diuidatur , & earum quasi diuortium fiat . itaque dixit de oratore libro 1. 149. ut ex Apennino fluminum , sic ex communi sapientium iugo sunt doctrinarum facta diuortia . ad Atticum autem idem scribit , quod ad Cælium , inquit enim libro V. 76 ad Amanum contendit , qui Syriam à Cilicia aquarum diuortio diuidit . Liuius etiam libro XXXVII. ubi loquitur de Cn. Manlio , prope , inquit , ipsis iugis ad aquarum diuortia castra posuisse : id est , ad eum locum , unde aque duas in partes diuise incipiunt defluere . à quo igitur loco ex Amano monte Ciliciam uersus aquæ delabantur , ad eum usque locum Cilicia pertinebat . & ex altera montis parte , eadem Syriæ , quam Bibulus regebat , erat ratio : terminum enim habebat eum locum , unde in eam ex Amano defluere aquæ incipiebant .

Ex epistola XI. char. 24.

QVINQVATRVS] Dicitum opinor nominandi potius , quàm , ut alij crediderunt , generandi casu . nam hanc uocem tantum multitudinis numero memini me legisse . forte etiam legi possit , quinquatri-

bus : ut intelligatur dies , quo gesta sunt res , non quo allata : cum inferat , ceteriora nondum audiebamus . nam in libro manuscripto , quem habet uir doctissimus Hieronimus Ferrarius Corrigiensis , legitur , quinquat . ut etiam pro , gladiatoribus , gladiat . uetustis in libris quandoque scriptum uideas .

Ex epistola XIIII. char. 26.

EXEMPLO] Antea , exemplum . nos ex uetustis libris , exemplo , sextum ab hinc annum correximus , & impressimus .

26 :

PONTINIUS] Nam is quidem superiore honore usus erat : fuerat enim prætor Cicerone cons. itaque dixit ad Atticum epistola II. lib. VI. Fratrem solum habeo prætorium : Pontinius enim iam à me discesserat .

26 :

DE MATRINIO] Locus est obscurus , cuiusmodi in ipsius Ciceronis scriptis alij quoque sunt . quare etsi sensum non percipio , tamen ueterem lectionem libenter conseruo . omnino & libri sunt , in quibus legitur , De matrimonio : sed uetustiores habent , De Matrinio . quæ uox quid sibi uellet , cum minus constaret : fuisse opinor , qui Matrinio deleant , & matrimonio ex ingenio reposuerint . forte autem , cum ad Cælium ædilem scribat , de Matrinio scriba ædilio , cuius meminit in oratione pro Cluentio , quidpiam significauit , sed nihil affirmamus .

Ex epistola XV. char. 27.

NON ENIM te celari sermonem . sed non

ne tum prouidisti] Sic antea . postea alij aliter emendarunt . nos , cum in uetere libro scriptum uideremus , non enim te celauī sed nomen tuum prouidisti : contra Eturam secuti correximus : non enim te celauī . sed nonne tum prouidisti . &c.

27:

SED ego fortasse uaticinor) Non est hic uaticinor pro diuino , sed pro ariolor , & quasi deliro , ut etiam in oratione pro Sestio , uaticinari eos atque insanire dicebat .

EX epistola I I I I . libri I I I . char. 31:

PRO nostra constantissima uoluntate erga te] Nihil muto . Cicero enim id agit , ut ostendat , etsi Appij consuetudine propter inimicitias P. Clodij nō sit usus , nunquam tamen ei se fuisse inimicum , neque suam in illum pristinam uoluntatem unquam fuisse immutatam . epistola etiam huius libri I X . ita scribit , conscientia meae constantis erga te uoluntatis . itaque de hac lectione non arbitror esse dubitandum .

32.

C. PONTINIVM , legatū] Ciceronis Ciliciæ pro consule quæstores fuere L. Messinius , C. Coelius : legati Q. Cicero eius frater , C. Pontinius , M. Anneius , L. Tullius : tribunus mil. Q. Fuffidius : præfectus euocatorum Antonius : præfectus fabrum Q. Lepta : scriba M. Tullius : accensus Pausanias : apparitor M. Marcilius . de quæstoribus , legitur in his epistolis 29 : et 214 : de legatis 245 . de tribuno mil. 209 . de præfecto euocatorum 34 : de præfecto fabrum 35 : de scriba 74 : & ad Atticum 70 . de accenso 35 . de apparitore . 223 :

EX

CUM ad urbem esses] Antea, isses. nos, es-
ses, ex libris manuscriptis; & ex alijs ipsius Ciceronis
locis: Inquit enim ad eundem Appium scribens, 34: ad
urbem te otiosissimum esse arbitrabar. & ad Atticum
lib. VII. 113. Trebatius quidem scripsit, se ab illo I X.
cal. Feb. rogatum esse, ut scriberet ad me, ut essem ad
urbem: & alibi. dicebatur autem de ijs, qui cum pos-
testate provinciali reuersi, aut in provinciam profecti
nondum essent. auctor Pedianus.

L A E D I se putat] Quod ex mels institutis non
eos fructus capiat, quos capere solitus erat ex tuis. Huc
spectat id, quod sequitur, liberalitas tua. & illud pau-
lo post, non debent mirari homines me esse acerbum sin-
bi, ut sim dulcis mihi.

S I C I A M; magis aperte inimicus esse] cum
antea legeretur, sic iam magis aperte inimicus essem:
Petrus Daresius Parisiensis, vir doctrina singularis,
cuius ego iudicium tanti facio, ut cum demum aliquid
prober, cum ipsi probari, animaduertit, corruptum es-
se locum; & sententiam secutus, nihil adiuantibus
ueteris libris, ex ingenio felicissime correxit. A [15]

A D M E autem adire quosdam memini, nimirum
ex Epicteto, qui dicerent. Licet alij credant,
quod lubet. ego tres illas dictiones, nimirum ex Epicte-
to; Ciceronis esse non existimo, neque haecenus in ue-

tustis libris inueni, quanquam & multos, & uetustissimos inspexerim.

c. 2:

QV AE à me perfecta, quæq; instituta sint, cognosce. Alij, quæ à me profecta. placet, profecta, consentientibus antiquis libris: ut hoc dicat, exponere se uelle non solum quæ pro Appio iam perfecit, sed etiam quæ instituerit. exposuit autem, opinor, in commentario, quem literis adscriptum mittebat.

Ex epistola XII. 44:

ANTE diem III. non. Sext. Perinde est, ac si dixisset, III. non. Sext. id ex libri XVI. epistola V. ad Tronem intelligi facile potest, ante diem III. non. ueteres dicebant, id est die tertio ante nonas. nam cum dicitur, III. non. concisa locutio est: quæ integra esset, si diceres, III. die ante nonas: quæ non admodum utebantur antiqui, sed eius loco, ante diem III. nonas.

Ex epistola V. libri III. char. 50.

AN illius uicem (credo) doleis? Forte melior lectio, at illius uicem c. d. ut per troniam sine interrogatione dicta sint.

Ex epistola IX. 54.

CONIUNCTVM esse periculum suo cerneret. Alij hanc lectionem uidentur suspectam habuisse. nos eam in uetusto libro Ioannis Scalæ, & in alijs manuscriptis inuenimus.

Ex epistola XI. 55.

BONIS Nobis; emendassem, ut Hieronymo Ferrario placet, nisi uetusti omnes libri repugnarent.

quanquam & in oratione XIII. in Antonium, ubi
uulgata exemplaria, omnibus enim bonis, habent; ma-
nuscripta, omnibus enim nobis.

Ex epistola XII. 56.

CERTA res nulla] Scripsimus, ulla, ut in an-
tiquioribus libris legitur. locutionem esse usitatam in-
telliget, qui uiderit ea, quæ diximus in illum epistolæ pe-
nultimæ libri I. locum, non modo præmijs.

57:

VT te hortor, et obsecrem] Nihil muto. sic enim
in VII. uetustissimis exemplaribus scriptum esse ui-
deo. aliorum tamen lectionem non improbo: etsi eam
in libris manuscriptis ipse quidem nondum inueni.

Ex epistola II. libri V. char. 60.

MVTIA] Pompeij magni uxore, Scæuolæ fi-
lia, quam postea dimissam; quod adulterium cum Cæ-
sare commisisset, M. Scaurus, Syllæ priuignus, in ma-
trimonium duxit. Pedianus 69: Suetonius I 4:

60:

IN aliquo magistratu] Vetusiores libri habent,
in animo: ex qua legendum esse, minimo, existimat
Vbalдинus Bandinellus: quam & nos ueram huius lo-
ci lectionem esse credimus. more enim suo contrarijs cō-
traria reddidit, cum dixit, ego consul, qui emp. con-
seruaram, ea sum affectus iniuria, qua minimo magi-
stratu nemo unquam improbissimus.

Ex epistola IX. 65:

CVM Vardæis] Antea, Vardacis, legebatur.
nos in libris manuscriptis lectionem, quam impressi-
mus, inuenimus. neque de ea dubitandum quidquam

cēsumus, cū à Plinio Vardeos inter Dalmatiae populos,
in qua Vatinius bellum gerebat, numeratos uideremus.

66.

ACTIONE expostulant.] Ea forma dictum
est, qua, actione repetere. omnino antiqui libri habent,
actiones expostulant. sed mihi quidem magis probatur,
actione expostulant; aut, actiones postulant.

Ex epistola XII. 68.

IGNOTIS nota faciebant] Ignotis, pro ijs, qui
non nouerant; actione posuit, ut etiam Liuius lib. III.
notos gratia eorum, turbam indignitas rei uirgini con-
ciliat. & Curtius 64. ignoti iumenta agebant. Plau-
tus autem in Pseudolo, 194. Noui: notis prædicas. no-
tis, dixit, id est ijs qui nouerant. itemq; Cicero in ora-
tione pro M. Caelio, 38. et in Verrem libro VI. 251.

Ex epistola XIII. 69:

ITAQUE hoc etiam] Atque hoc etiam legen-
dum putat Hieronymus Ferrarius; sensu omnino me-
liore: tamen nihil immutandum duxi, cum libris o-
mnes manûscripti cum impressis consentiant.

Ex epistola XIII. 70:

QUAM à me discesseras] Vetustos libros, qui-
bus ego nunc multis ad harum epistolarum emendatio-
nem uxor, ita, ut impressimus, habere omnes uideo.
itaque aliorum lectionem non sequor.

Ex epistola XIX. 74.

M. CICEROR VFO S. D.] Aut mendosus
est huius, & sequentis epistola titulus, & pro Rufo, le-
gendum, Messinior aut Rufus Messinio cognomen fuit.
Mescinius quidem hic sit, necesse est: cuius fratrem

fuisse M. Mindium, scribit lib. XII. 1. 214: quem epistola sequenti, ad eundem hunc Rufum scribens, fratrem eius esse dicit.

74:

QVARE tu] Ita in impressis: sed in manuscriptis, *Que tu*: aut, *Quæ tu*: quo modo legitur in libro Petri Bembi, Cardinalis omni laude cumulati, et in exemplari Mediceæ bibliothecæ. docti locum diligentius considerent. ego, hoc adnotare, mei officij esse duxi.

Ex epistola penultima, 78:

M. TULLIUS scriba meus] Hic est M. Tullius cognomento Laurea, Ciceronis libertus, qui Academiam nullam uersibus, quos recitat Plinius libro XXXI. celebravit.

75.

MEO seruo scriba,] Tallenda uidetur dictio, seruo, ut glossema ab imperito additum, qui putauit scribam Ciceronis esse seruum, cum libertus esset. quod perispicuum est, cum M. Tullius appelletur.

75.

QVAM scribæ meo] Vetus libri habent, quàm darem. unus tamen est, et is quidem omnium fere optimus, in quo scriptum sit, quàm tibi. ego ita coniicio, cum olim in uetere libro scriptum esset, quàm Tullio, descriptores fecisse, quàm Te; ut una litera, quemadmodum etiam in titulis epistolarum, Tullij nomen significaret: quod imperitiores postea cum ignorarent, scripsisse, quàm tibi. ut fortasse ita sit legendum, cui potius id negotij, quàm Tullio darem. uoces illæ certe, scribæ meo, uetustis in libris non leguntur.

LEGATVM meū, præfectumq; Q. Leptam] Induxi has duas dictiones, Q. Leptam : primū quòd in antiquo libro non sunt : deinde, quòd Ciceronē, si præfecti nomen ponere uoluisset, legati fuisse omisissurum, uerisimile non est. postremo cur nomen ponat, cū ad Messiniam quæstorē suum scribat, qui et præfectū, et alios, qui cum Cicerone in Cilicia fuissent, optime nouerat ?

VT tua, quam tu deposueras, Sextius.] Hæc est antiquissimi libri lectio, ex quo nihil immutandum. est autem sensus. quam ego pecuniam deposui, Pōpeius abstulit ; quā tu, Sextius. quod uero de tua, qua Sextius est usus, sollicitus es, propterea quòd adscriptum cuperes, à te iussu meo esse depositam : de hoc (inquit) quòd labores, nihil est : erit enim S. C. erunt tuæ literæ, quæ pecuniam istam Sextio traditam esse testabuntur.

IN pecunia exacta ita efferre] Ex uarietate duorum exemplariū hæc lectio sumpta est. cuius hic est sensus. Prouinciæ rationes Cicero retulerat. id eius quæstor Rufus se absente fieri noluerat : pecuniæ enim nescio quid à se in prouincia exactum in libro rationum scribē cupiebat, existimans, nisi id cum reliquis Ciceronis rationibus referretur, eius rei potestatem se deinceps non habiturum. quod ei fuisset inuidiæ, quasi publicam pecuniam uoluisset auertere. itaque commotus est. Cicero autem non esse ait, cur irascatur : nam licet ipse rationes iam retulerit, Rufo tamen facultatem non adimi de pecunia referendi, quam exegisset. in pecunia, in-

quit, à te exacta non æquum fuit, ex eo quòd ego meas rationes retulerim ut ita te efferres, itaq; mecum insoleter, & tracunde ageres: neque enim, cur id facias, causa ulla est: nisi quid me fallit: sūt enim alij peritiores.

76.

DE LATOS esse] Magistratus è provincia reuerſi, poſt relatas rationes, eorum nomina ad ærarium deferrebant, quorum opera recipi uideretur utilis fuiſſe. deferrebant autem ex ijs, quos ſecum adduxerant. in quo erat ambitio quadam: nam oſtendere uolebant, cohortem apud ſe fuiſſe hominum lætiſſimorum, qui beneficia in remp. conſuliſſent. ideoq; dicebatur, deferre in beneficijs; quòd is, qui deferbat, quaſi beneficium aliquod deferre uidebatur. hinc illud in oratione pro Archia, 187: In beneficijs ad ærarium delatus eſt à L. Lucullo prætorè & conſule. Et pro Balbo, 68. In prætura, in conſulatu præfectum fabrum deculit. Quod autem inferit, MOLESTE TVLI NON ILLA BENEFICIA TVÆ. POTIVS AMBITIONI RESERVATA ESSE, QUAM MEÆ: ideo dicit, quia Rufus deferre et ipſe uoluiffet. ex quo apparet, deferendius & quæſtores habuiſſe. quod etiam declaratur membro proximo ſubſequenti, DE CENTVRIONIBVS RES EST IN INTEGRO. quaſi dicat, poteris deferre, ſi uoles: nam delati à me non ſunt, quoniã hos quidem triginta diebus deferre lex non cogebat.

76.

EX provincia deceſſemus] Vetusſti libri omnes, deceſſimus, habent. nos una litera i in e commutata

NN liij

decessimus, pro decessissemus, è sensu scripsimus.

Ex epistola ultima, 77.

COMMODA omnia] Melius ita opinor, quàm communia omnia. itaq; olim impressimus, secuti libros aliquot manuscriptos, quorum unum sane perantiquum Hieronymus Ferrarius habet.

77.

ETENIM cum esset] Alij, ut enim: quā lectionem nos non admodum probamus: particula enim, ut, quæ respondeat, uox non erit. ex libro igitur manuscripto Bernardini Maffei, etenim, emendauimus.

Ex epistola V. libri VI. char. 82.

QVARE ad eam spem &c.] Inconsequens, & obscura locutio. ex quo uereor, ne corrupte totus hic locus legatur. ac fieri tamen potest, ut ita scripserit Cicerō, & inciderit in uitium, quod Græci πολλοις φανείσθαι appellant. cuius generis nonnulla cum in reliquis eius scriptis, tum in libris maxime contra Verrem deprehenduntur: quæ Pedianus adnotauit.

Ex epistola I. V. I. 85.

MVLT A Deos uenerati] Nihil est immutandū, ut alijs crediderunt: nam etiam alibi nomen pro aduerbio positū est, ut, cum dicitur, multa peccas, & multa ego. Cicero de natura Deorū 8: pro Murena 138: Topicorum autem initio, cum (inquit) mihi, meisq; multa sæpe cauisses. Gellius lib. X I I I. cap. X X I I I.

85.

ELATVM] Antea, latum: nos, elatum, meliorem, ut opinor, sensum secuti, quàm qui latum, scribunt. nostram autem lectionem accepimus ex libro ma-

manuscripto Bernardini Maffei.

Ex epistola X. 87.

RECUPERES] Antea, receperis : nos, recuperes, aliquot iam annis emendauimus, & impressimus. liber uetustus scriptum habet, reciperes et in alijs etiam exemplaribus, i, literam pro, u, sapissime reperias.

Ex epistola XIX. 91:

SIMVL accipi] Vetustorum librorum hæc est lectio: cuius etiam Florentini meminerunt. & est simul, pro simul ac. cuius uocis ex ijs, qui soluta in oratione scripserunt, exempla non afferam: (nam si quis erit, qui locum ubique deprauatum esse contendat, & pro simul, uel simul ac, uel simul atque, legendum dicat: quibus argumentis contra pugnabimus? sed è poetis; in quibus eam uocem in aliam mutari carminis ratio non patitur. dixit igitur Virgilius libro Georgicorum IIII. Taygete simul os terris ostendit honestum Pletas: & Lucretius libro I. Cui simul infula uirgineos circumdata comptus, Ex utraque pari malarum parte profusa est: & Horatius epistola X. libri I. uiuo, & regno, simul ista reliqui. & Catullus non semel. quibus in locis, simul, dictum esse pro, simul ac, licet animaduvertere.

Ex epistola XX. 92.

MVNERVVM regionum] Aliquot iam annis ita impressimus, cum ex antiquissimis exemplaribus hæc lectio sumpta esset. in quibusdam tamen libris, regionum: cuius uocis quæ possit esse sententia, non intelligo. de muneribus autem regionum, id est, de ludis regionatim urbe tota edendis, Suetonius in Casare, II.

IN QVO sit spes] Non uideo, cur quidquam mutari debeat: cum & ita legatur in libris uetustissimis, & sensus meo iudicio sit apprime commodus. nam cum dixisset, quod eo labore assequi uis, nullo modo assequere; intulit, aliquid uidebimus, in quo sit spes, id est, quod nos assecuturos sperare possimus. deinde illud: Aliter quidem, &c.

Ex epistola I. libri VII. char. 94.

P. METIVS] Hic est P. Metius cognomento Tarpa, qui ea, quæ in scena recitanda erant, prius indicabat. eius meminit Horatius in epistola de arte poetica, & Satyra X. libri I.

HOMINI politico] Vetus libros, in quibus ita legatur, habet Vbaldinus Bandinellus, Ioannes Scala, Hieronymus Ferrarius, Bernardinus Maffeus, Paulus Botus, alij, quos non necesse est commemorare. ita= que nihil muto.

FRVCTVM ullum laboris expecto] Veteres omnes libri pro, expecto, habent ex his peto. alij legunt, ex his expecto. mihi nostra lectio magis probatur, ut quæ à ueteri scriptura minus recedat: nam & expecto, & exscribo, & exsupero, et alia huiusmodi cum, s, litera ueteres scribebant, ut ex antiquis monumentis licet cognoscere: uide Quintilianum lib. I.

Ex epistola II. 96.

DE BURSA] Hic est T. Plancius Bursa, frater L. Planci, ad quem sunt epistolæ lib. X. accusatus est ambitus, & condemnatus à Cicerone, cui antea tri=

bunus pl. in causa Milonis aduersatus fuerat, & in concionibus magnam inuidiam concitarat. postea rerum potitus Caesar eum, & omnes lege Pompeia damnatos restituit. Dion, Pedianus, & alij, in his autem epistolis 131. 195.

Ex epistola III. 97.

OPTAREM, multa causa] Sic antea. nos ex libris manuscriptis uocem, causa, sustulimus, ut purior & elegantior sit lectio.

97:

ME VOLVISSE etiā reliquis omnibus; postquam non potuerim, mihi ipsi finem fecisse belli] Hic locus antea in omnibus impressis perperam distinctus sensum peruertebat.

Ex epistola V. 98.

M. FVRIVM] Varie legitur in libris manuscriptis. alij, M. Orsium, impresserunt, arbitrati eum esse, de quo in epistola XI. libri II. ad Q. fratrem. quod mihi secus uidetur. ex hac enim epistola, qua Trebatium commendat, eum ante Trebatium iuisse se ad Caesarem, manifestum est. cum autem ad Q. Fratrem scribit, dicit se eas literas M. Orsio dedisse, cum iam Trebatius in exercitu Caesaris esset: quod in iisdem literis postea significat, cum inquit, Trebatium ut uale de ames, uehementer te rogo.

98:

LEPTAE legatum] Crederem legendum esse, leg. III. legatum, id est, legionis tertiae legatum. forte enim librarius scripserat, leg. t^e. pro legionis tertiae: quod deinde is, qui legebat, cum non intelligeret, ex dua

bus dictionibus unam fecit, & scripsit, Leptæ.

98:

QVOD familiam ducit] Quod caput est, quod in eo summum est: ut referatur non ad Trebatium, sed ad id quod dicit, in iure ciuili singularis memoria, summa scientia. cum enim Trebatium à multis rebus laudasset; memoriam, & scientiam in iure ciuili ceterarum laudum, quibus Trebatius abundaret, quasi familiam dixit ducere: tralatione sumpta à rectoribus familiarū, quos domestici omnes ueluti duces sequuntur.

98:

PUTIDIUSCVLI] Paulo, quàm satis est, diligentiores. excusat enim se, quòd in Trebatio commendando plura uerba consumpserit, quàm Cæsaris humanitas patiatur. putidum autem appellat Cicero, in quo nimia diligentia reprehendi possit, ut de oratore lib. III. 146. nolo exprimi putidius, nolo obscurari diligentius. & de off. lib. I. 27. literæ neque expressæ, neque oppressæ, ne aut obscurum esset, aut nimis putidum. legitur autem in nonnullis manuscriptis libris, blandiusculi; sed in antiquioribus, quos secuti sumus, putidiusculi.

99:

DIDICISSE] Hoc dicit, quia Trebatius Cornelij auditor fuerat in iure ciuili. Digestorum lib. I. Titulo II.

Ex epistola IX. 99.

PROPTER eius occupationes nihil sum ausus scribere] In duobus uetustissimis libris non est uox illa occupationes; sed eius loco spatij aliquantum est relictum, ex quo credimus, à recentioribus, quorum

imperitia deprauati leguntur ueterum scriptorum libri, uocem, occupationes, esse repositam. nos, quid ea dictio, quam in exscribendo librarius omisit, significare potuerit, assequi coniectura non possumus. græcam quidem deesse crediderim. id enim uerisimilius est, quàm latinam, ut etiam alibi cognoscitur in ipsius Ciceronis scriptis; ubi græcum desideratur exscriptorum inscitia, qui, cum id legere non possent, mittebant, relicto spatio, ut ab alijs aliquando reponeretur. in Vbaldini libro apparet spatium fuisse. quo in loco reposita est uox, occupationes, non eiusdem librarij manu.

Ex epistola X. 100 :

AUT CONSOLANDO, aut consilio, aut re iuuero] Senarius integer è Terentij Heautontimorumeno translatus in hunc locum. sic enim in ea fabulla, actu I. scena I. cum Menedemo loquens Chremes inducitur : istuc, quidquid est, fac me, ut sciam : Ne retice; ne uerere; crede inquam mihi: Aut consolando, aut consilio, aut re iuuero. Terentius porro, ut opinor, à Plauto paucis immutatis accepit. apud quem in Pseudolo, actu primo, ita loquitur Pseudolus seruus, Fac me certum, quid tibi sit : iuuabo aut, re, aut opera, aut consilio bono.

Ex epistola XI. 100 :

OMNIBVS, unde petitur] Debitoribus. ita etiam de oratore libro I. 98 : homo ex disertorum numero postulabat, ut illi, unde peteretur, uetus atque usitata exceptio daretur, cuius pecuniæ dies fuisset. apud iuriconsultos frequens est locutio.

Ex epistola XII. 101.

FIDUCIAE, INTER bonos bene agier ?

quis] Ita legitur in libro manuscripto . Et sane crediderim , non aliter hunc locum esse scribendum . et se priorem lectionem conseruari . uoces enim illæ , V T , ET OPORTET , quæ sunt in impressis , additæ sunt ab imperito , qui locutionem parum integram crederet ; cum alibi à Cicerone iuriconsultorum formulas sine uerbo citari non animaduertisset , ut de off. lib. III. In fiducia , (inquit) inter bonos bene agier . uetusti enim libri non habent , V T . Et ibidem paulopost . cum dicitur , inter bonos bene agier , quidquam agi dolose , aut malitiose potest ? in topicis etiam 226 : ubi eadem hæc usurpantur uerba , manuscripti libri ab impressa lectione dissentientes , nostram sententiam confirmant , quam etiam Romæ doctissimis hominibus probaui .

Ex epistola XIII . 102 .

TREVIROS uites , censeo : audio capitales esse .] Vt unicuique , quod suum est , tribuamus , Petri Bembi , hominis et dignitate , et omnium uirtutum cognitione clarissimi , epistolam , qua huius loci sententiam diligentissime , et ornatissime exposuit , adscribemus . nō enim eos imitari placet , qui ex aliena industria sibi laudem aucupantes , quæ ab alijs didicerunt , edunt pro suis . Petrus Bembus Bernardino Sandro S . Quod hodie mane querenti tibi à me de illis Ciceronis ad Trebatium uerbis : Treuiros uites censeo : audio capitales esse : mallem , auro , argento ære essent : respondi , iocum esse et multiplicem , et festiuum : qui quidem locus in antiquis et nummis , et scriptoribus deprehenderetur : itaque , quoniā eramus in uia , ut neque libros , neque nūmos haberemus , reieci te in alium diem : id , ne te diutius

torqueat, est eiusmodi, ut ioci causa, quod quidem Cicero ad illum scribens more suo fere semper facit: *Treniri*, & capitales in ambigui genere sint posita. nam cum uideatur monere illum, ut uitet *Treniros* Gallia populos, qui capitales, bellicosiq; sint: ludit cum in *Trenirorum*, tum in capitalium uerbo. erat enim *Roma* magistratus, *Triumui*ri capitales, qui etiam *Trenui*ri dicebantur. sed quoniam hoc ipsum *Triumui*rum nomen iterum in ambiguo poni poterat, cum essent etiam apud Romanos *Triumui*ri pecuniae cudendae: quos ita inscribebant, A. A. A. FF. hoc est, *Auro*, *Argento*, *Aere Flando Feriundo*; locatur iterum in hoc uerbo, luditq; Cicero, ut mihi quidem uidetur, bellissime: addens, mallet *Treniros* istos esse pecuniosos, quam bellicosos; ut *Cæsare* eos uincente tu ditesceres. itaque infert, mallet esse *Treniros* auro, argento, aere; quam scilicet capitales. *Triumui*ros autem *Trenui*ros solitos dici, *Liuius* satis locuples esse testis potest. cuius sunt haec in libro XL. *Colonia Grauiscae* eo anno deducta est in agrum *Etruscum*, de *Tarquiniensibus* quondam captum. quina iugera agri data. *Trenui*ri deduxerunt *C. Calpurnius Piso*, *P. Claudius Pulcher*, *C. Terentius Hister*. Quod uero *Triumui*ri pecuniae sic, ut dixi, inscriberentur; est apud me nummus aeneus per antiquus ita inscriptus, C. PLOTIVS III. VIR. A. A. A. FF. sunt et alij nummi aliorum nominum, eiusdem tamen tituli; quos inspicies, cum uoles. Hac ad te scripsi, cum domum redissem, et nummos, ac librum sumpsissem, amore tui admonitus. Vale. Prid. idus. Iun. M. D. XXXIII.

NON NIMIS ΟΙΛΟΘΕΩΡΟΝ] Aliter antea in omnibus impressis. nos, ut in nostro libro legitur, emendauimus, & impressimus septimum abhinc annum. iocās enim, ut solet, dicit se Trebatium non reprehendere, quod non nimis spectandi cupidus fuerit, id est, quod in Britanniam profectus non sit, ut essedarios spectaret. tacite autem ut ignauum, & pusilli animi subaccusat, qui Caesarem in Britanniam sequi ad bellum noluerit.

102:

RESPONDERE] Negant, inquit, esse qui percontentur: cum homines te iureconsultum imperitum existiment. iocatur enim in uerbo respondere: quasi dicat: negant te habere, cui respondeas, cum s. nemo te consulat.

Ex epistola XVII. 103:

GRAECVLAM tibi misi cautionem chirographi mei] Puto sensum esse. commendauit te Casari literis grace scriptis.

104:

QVAM hac scribere.] Suspicor mendum subesse. mihi enim perobscurus est sensus: & ut libere dicam, quod sentio, legendum crederem, quam exscribere, nulla propemodum mutatione facta. deprauationis enim origo, ut opinor, ea fuit. describendis libris saepe duos praeficimus, qui legat, & qui de legente excipiat, ut scilicet celerius, & certius id muneris conficiatur. cum autem is, qui legeret, protulisset, exscribere, credidit scriptor, exscribere, dictum esse, itaque fecit in libro. alius deinde errorem, quem per imprudentiam commissum debuit tollere, temeritate auxit, una dictione in duas diuisa, priori duabus literis, quas falso desiderari

derari credidit; adscriptis, h, & a; ut legeretur, hæc, sensu fortasse commodo, sed, ut dixi; mihi perobscuro. quod si legatur, exscribere, hoc dicet. uideo te parum ditescere, cui charta desit, in qua tuas formulas, aut aliud quidpiam exscribas. ea enim si suppeditaret, nunquam profecto ad nos in palimpsesto. infert enim, an hoc significas, nihil fieri, frigere te, ne chartam quidem tibi suppeditare? dixit autem, quod delere malueris, quàm exscribere, per locum significans, non habuisse Trebatium in quo exscriberet id, quod delerat: itaque se mirari, quid fuerit in illa chartula, quasi moleste ferat id perisse: chartæ enim inopiam ostendi, cum scribat in palimpsesto. idem error in III. epistolam VIII. libri ad Atticum irrepsit: ubi enim antea legebatur, fasces laureatos hæc ferre ex Italia, nemo non uidet legendum esse, exferre.

104.

M. AEMILII Philemonis] Cum in libris manuscriptis uarie legeretur: (quidam enim Meulij, quidam Metilli habent) ausus sum emendare M. Aemilij: procul enim dubio libertus fuit adoptatus in Romanam familiam, ut alij multi. cum autem Metriliorum mentionem nondum inuenerim; & uetustorum exemplarium uarietate, in quibus uera lectionis quasi quadam uestigia cernuntur; & Pediani uerbis, qui eiusdem (ut opinor) liberti meminit, adductus sum, ut, M. Aemilij, corrigerem. libet autem ipsius Pediani locum recitare, ut studiosis quærendi labor absit. is igitur ita in argumento orationis pro Milone. Munatius Plancus tribunus pl. produxerat in concionem M. Aemilium Phi-

NON NIMIS ΟΙΛΟΓΙΩΡΟΝ] Aliter antea in omnibus impressis. nos, ut in nostro libro legitur, emendauimus, & impressimus septimum abhinc annum. iocās enim, ut solet, dicit se Trebatium non reprehendere, quod non nimis spectandi cupidus fuerit, id est, quod in Britāniam profectus non sit, ut essedarios spectaret. tacite autem ut ignauum, & pusilli animi subaccusat, qui Cæsarem in Britanniam sequi ad bellum noluerit.

RESPONDERE] Negant, inquit, esse qui percontentur: cum homines te iureconsultum imperitum existiment. iocatur enim in uerbo respondere: quasi dicat: negant te habere, cui respondeas, cum s. nemo te consulat.

GRAECVLAM tibi misi cautionem chirographi mei] Puto sensum esse. commendauit te Cæsari literis græce scriptis.

QVAM hæc scribere.] Suspicio mendum subesse. mihi enim perobscurus est sensus: & ut libere dicam, quod sentio, legendum crederem, quàm exscribere, nulla propemodum mutatione facta. deprauationis enim origo, ut opinor, ea fuit. describendis libris sæpe duos præficimus, qui legat, & qui de legente excipiat, ut scilicet celerius, & certius id muneris conficiatur. cum autem is, qui legeret, protulisset, exscribere, credidit scriptor, exscribere, dictum esse, itaque fecit in libro. alius deinde errorem, quem per imprudentiam commissum debuit tollere, temeritate auxit, una dictione in duas diuisa, priori duabus literis, quas falso desin-

derari credidit; adscriptis, h, & a; ut legeretur, hæc, sensu fortasse commodo, sed, ut dixi; mihi perobscuro. quod si legatur, exscribere, hoc dicet. uideo te parum ditescere, cui charta desit, in qua tuas formulas, aut aliud quidpiam exscribas. ea enim si suppeditaret, nunquam profecto ad nos in palimpsesto. infert enim, an hoc significas, nihil fieri, frigere te, ne chartam quidem tibi suppeditare? dixit autem; quod delere malueris, quam exscribere, per locum significans, non habuisse Trebatium in quo exscriberet id, quod delebat: itaque se mirari, quid fuerit in illa chartula, quasi moleste ferat id periisse: chartæ enim inopiam ostendi, cum scribat in palimpsesto. idem error in III. epistolam VIII. libri ad Atticum irrepsit: ubi enim antea legebatur, fasces laureatos hæc ferre ex Italia, nemo non uidet legendum esse, exferre.

104.

M. AEMILII Philemonis] Cum in libris manuscriptis uarie legeretur: (quidam enim Menilij, quidam Metilli habent) ausus sum emendare M. Aemilij: procul enim dubio libertus fuit adoptatus in Romanam familiam, ut alij multi. cum autem Metriliorum mentionem nondum inuenerim; & uetustorum exemplarium uarietate, in quibus ueræ lectionis quasi quædam uestigia cernuntur; & Pediani uerbis, qui eiusdem (ut opinor) liberti meminit, adductus sum, ut, M. Aemilij, corrigerem. libet autem ipsius Pediani locum rectare, ut studiosis quærendi labor absit. is igitur ita in argumento orationis pro Milone. Munatius Plancus tribunus pl. produxerat in concionem M. Aemilium Phi-

SCHOLIA

lemonem, nouum hominem, libertum M. Lepidi. ita tamen hoc sentimus, ut, affrentibus alijs meliora, perlibenter de nostra sententia discessuri simus.

Ex epistola XX. 104:

DOCTOREM tamen, lumenq; desiderant] Omnino in omnibus libris manuscriptis, pro lumenq;, legitur, unumq;. ego tamen libentius legerim, usumq;, id est exercitationemq;: ut dicat idem, quod supra, nullam artem literis sine interprete, & sine aliqua exercitatione percipi posse. ita enim, unius literulae mutatione, apta in primis & perspicua sententia efficitur. Mouet omnino me, ut si quem alium, librorum ueterum auctoritas; neque tamen ita, ut non eos quoque ipsos interdum coniectura & ingenio modice adiuvandos putem. quæ autem nuper alij attulerunt, ad ueterem illam scripturam confirmandam, etiamq; exemplo, ut ipsis uisum est, simili comprobendam, leuiores sunt, quam ut aut me, aut quenquam, qui rem ipsam ex ueritate pendat, mouere debeant.

Ex epistola XXI. 104:

RUFIO mediusfidius tuus] Tuus, inquit, quod eiusdem esset gentis: Rufio enim Trebatorum cognomen fuit. id ex lapide, qui Romæ est in porta Latina: sic enim in eo scriptum legitur. C. VIBIVS C. F. MACER, C. TREBATIVS RVFIO FACIVND. CVRAVERVNT.

105.

HABET lucum] Sunt, qui, lucum, ideo male legi credant, quod neque luci capax esset priuata domus; et luci, qui sacri essent, non sine scelere incidi pos-

sent . nos existimamus , lucum non intra parietes , sed ante aedes Trebatij fuisse ; neque Ciceronem impie consuluisse , qui eum à Trebatio cadi uellet . quo modo enim recte , & sine piaculo id fieri possit , docet M. Cato in primo de re rustica .

Ex epistola XXIII. 105 :

MANEAT Damasippus in sententia] Ut emat à me , quemadmodum dixit , quæ mihi non placuerint . est autem is , de quo Horatius Satyra III . libri II . Insanit ueteres statuas Damasippus emendo .

Ex epistola XXV . 106 :

CAPIVS , opinor , olim , Non omnibus dormio] Alias ita emendauimus , cum libri omnes non modo im-pressi , sed etiam manuscripti hoc in loco mendosi legerentur . quidam enim Citius , quidam Cepio , alij aliter habebant . nos ex Festo Pompeio locum restituimus ; qui adagium , Non omnibus dormio , natum esse à Capio quodam scribit , qui Pararencho diceretur , quòd simularet dormientem , ut impuni uxor moecharetur .

Ex epistola XXVI . 107 .

VEREOR , ne in Catonem , Cato in nos] Hanc lectionem cum alij uetusti libri habent , tum is , qui est apud Bernardinum Maffeuum . sensus est . uereor , ne nos scribamus in Catonem , & eum nostris scriptis laudemus : Cato autem laudatus exitio nobis sit , Casare nos , quòd ipsius inimicum laudemus , male multante . quasi dicat , uereor , ne Catonem extollamus , ipsi autem deprimamur . & dixit , in Catonem , (subaudi , scribere) id est in Catonis laudem , ut de oratore libro II . 141 . & de natura Deorum libro I . 17 . Alij malunt lege-

unde aut
Catonum pro
sede inferorum
reperio quidem
apud Pollucem
libro 8, cap.
πρὶ τῆς ἐν-
δεκα, μά-
ζης ποτὶς τῆς
ὁμοφυλαξί-
ας vocatam
fuisse Χάρ-
μειον, δι' ἧς
τὴν ἐπὶ θα-
λάτῃ ἀπὸ
Λυττο. atque
hoc forte di-
cere voluit.

re, Vereor ne in Catonium Cato nos, hoc sensu. ue-
reor, ne Cato in Catonium, id est sedem inferorum,
nos trahat.

Ex epistola XXVIII. 108.

GALLO S. D.] Alij credunt, hunc esse M. Fa-
bium Gallum, qui de conturbatione Catilinæ, quæ ab Al-
lobrogibus acceperat, ad Ciceronem detulit. sed est ami-
cissimus meus, uir sane his literis, quæ humaniores ap-
pellantur, instructus, sed maximarum doctrinarum
cognitione præstantior, qui hunc potius existimet esse
P. Sextium, pro quo extat oratio, cui cognomen fuerit
Gallo: fuisse enim hoc Sextiæ gentis cognomen, intelli-
gitur ex oratione pro Milone, ubi ita scribit: Sacrarium,
quod est in fundo T. Sextij Galli. Tribunatum autem
plebis et petisse Sextium Ciceronis restituendi causa, et
pro eius salute gessisse, ex ipsius Ciceronis scriptis notis-
simum est. quod item de M. Fabio dici non potest: ne-
que enim is, quo tempore Cicerō exulauit, tribunus
fuit: ne alijs quidem temporibus, quod sciri possit. nam
quod infra dixit, si falsa fuerūt, quæ tu ad me detulisti:
significat ea, quæ Sextius, C. Antonij cōsulis quæstor, ad
Ciceronem consulem de ipso Antonio, consule suo, detu-
lit: sic enim in oratione pro eodem Sextio habita. Quæ-
stor C. Antonij collegæ mei fuit ~~forte~~, sed societate con-
siliorum meus. impediōr nonnullius officij, ut ego in-
terpretor, religione, quo minus exponam, quanta ad
me detulerit. Hæ rationes faciunt, ut amicissimi homi-
nis sententiæ libenter acquiescam.

Ex epistola XXXI. 109:

SALVIS rebus] Potius, rep. nondum afflictæ,

forte

quàm , ut quidam uolunt , sine bonorum imminutio-
ne . sic enim dixit etiam ad Sulpicium epistola I . li-
bri I I I I . Vtinam Serui saluis rebus colloqui potuis-
semus inter nos . & Philos . uol . I . I 5 . Deli fuisse per-
multos saluis rebus illis .

Ex epistola ultima , 110 :

PENNIGERO , non armigero in corpore] non
dubium est intelligi de auibus , quas Philoctetes confis-
gebat tardus celeres , stans uolantes . alij tamen , pinni-
gero maluerunt , contra Quintiliani sententiam , qui
pinnae de auibus dici non uult .

111 .

ILLIS . interioribus literis meis , quibus saepe uere-
cundio rem me in loquendo facis] tandiu suspicatus
sum , hunc locum esse deprauatum : neque enim , si ita
legatur , sensus elici bonus possit . Hieronymus autem
Ferrarius Corrigiensis arbitratur esse legendũ , illis inte-
rioribus literis , eis , quibus saepe uerecundio rem me in lo-
quendo facis . cuius sententiae nos facile acquiescimus :
ita enim & aptus colligetur sensus , et erit locutio sane-
quam elegans , qua in suis scriptis ita frequenter Cicero
est usus , ut eius exempla huc asferre putidum prope sit .

Ex epistola I I I I . 113 .

LENTULI Cruris] Hic est , opinor , L. Len-
tulus Cruscellus , qui anno sequenti consule fuit cum
M. Marcello . puto autem illum & Cruris , et Cruscelli
cognomine indifferenter . appellari solitum .

113 :

NOSTRI equites] Cum in libro manuscripto
legeretur , equ . facile in eam opinionem descendi , ut ,

equites, legendum esse existimarem. nostri autem, inquit, quod erat ipse ex ordine equestri, ut ex oratione, qua eum Cicero defendit, cognoscitur.

114.

RATIONE, & insidijs usus uideretur in euitandis eorum consilijs] forte melius, ratione, & consilio usus uideretur in euitandis eorum insidijs.

114.

LAELIOS] Forte, Lollios; qui Caesaris amici fuerunt, quemadmodum Antonij: nam Laelij Pompeiani. qua in opinione magis sum confirmatus, postquam in epistola III. libri V. ubi, Laelium, impressum erat, uetustissimos libros, Lollium, habere uidi.

114.

MEA porro comitia quem euentum sint habitura] sic antea in omnibus impressis. nos uocem, comitia, sustulimus: quæ subintelligitur; ut etiam cum dixit, Prætorijs moræ quædam inciderunt.

Ex epistola V. 115.

QUODAM silice iam omnia] Liber uetustus Ioannis Scalæ sic habet, quodam omnia in Sicilia: Bernardini Maffei, Quodam uicilicra omnia: Qui est in Medicea bibliotheca, & qui apud Vbalatinum Bandinellum, Quodā incilicia omnia. uulgata lectio nō est in libris manuscriptis. uidendum an ita legi possit; Quodam incili iam omnia. notū autē, incile quid sit.

Ex epistola VI. 115:

CONFECTA, omnia foeda, et inhonesta sunt] Hoc in loco uetusti libri inter se discrepant: nos eū, quē habet Ioānes Scala, ut minus deprauatū secuti sumus.

mus : sic enim in eo legitur : confecta omnia fœda , & inhonestasunt . ex quo adducti sumus , ut , una litera immutata , legeremus : confecta , omnia fœda , & inhonestasunt . Post in Petri Bembi libro , confecta omnia , distincte scriptum animaduerti .

115:

TABERNARIIS] Aquarum ius penes ædiles , & censores erat . itaque cum tabernarij publicas aquas in suum usum deducerent , Cœlius , qui tunc ædilitatem gerebat , ea de re cum tabernarijs & aquarijs pugnavit : concionem etiam de aquis scripsit , cuius meminit Frontinus libro II . de aquæ ductibus .

116.

VIARIAM] Dicit nescio quid Appianus de viis à Curione instauratis : tamen , Vinariam , magis probarem , quàm Viariam : & post , Quis iubet ædiles metiri . ut hoc dicat : iubet ædiles legibus , quas ipse fert , uinum , & alimenta populò metiri . Annonianam legem et P. Clodius tulerat : de qua in oratione pro Sextio , & Asconius in Pisonem .

Ex epistola VII. 116.

PAULA Valeria] Alij , an hæc Bruto nupserit , dubitare videntur , propterea quòd libro XI . Pollam Bruti uxorem fuisse perspiciant . ego nupsisse existimo , et eam ipsam esse , quæ libro XI . appellatur Polla : ut , quemadmodum ab aula olla , sic à Paula Polla dicta sit .

116.

NONDUM retulerat] Si ita legatur , subintelligi poterit , dotem . sed mihi non displicet amicissimæ mei consuetudo , qui ita legendum putat , mundum re-

tulerat . mundus autem muliebris qui sit , exponit Li-
uius lib. XXXIII. munditiæ (inquit) ornatus, et
cultus, foeminarum insignia sunt . hunc mundum mu-
liebrem appellarunt maiores nostri .

Ex epistola VIII. 116 :

M. TVCCIVM accusatorem suum etc.] Hu-
ius loci sensum, etsi obscurissimus est, tamen declarare
conabimur. Reorum causæ ordine agebantur : nam
quæ tempore prior fuerat, eius prior item locus erat .
excipiebantur tamen ea causæ, quæ cum causis iam iu-
dicatis coniunctionem aliquam habebant, ut earum quasi
appendices quædam uiderentur : eiusmodi enim causis,
etiam si post multas alias delatæ essent ; tamen primus
locus erat constitutus . itaque in oratione pro Cluentio ,
Fabricium (inquit) reum statim fecit ; utq; ei locus pri-
mus constitueretur, propter causæ coniunctionem, im-
petrauit . propter causæ coniunctionem , inquit, quòd
Fabricij causa eadem erat, quæ Scamandri, qui antea
condemnatus erat . & infra in eadem oratione : apud
eosdem iudices reus est factus Oppianicus, cum is duo-
bus præiudicijs iam damnatus esset . ab iisdem autem
iudicibus locus ei primus est constitutus . Hoc ideo fa-
ctum est, quòd Oppianici causa coniunctionem habe-
bat cum Fabricij, et Scamandri causa, quos iudices iam
damnauerant . Excipiebantur etiam causæ de ui, quæ
primo loco agebantur, reiectis alijs causis, quæ tempore
priorer fuerant . sic Milonis causa, quòd erat de ui, ex-
tra ordinem est acta . sic M. Cœlius, cum Atratini patrè
de ambitu reum fecisset, de ui postea accusatus, causam
ipse prior dicere coactus est . sic etiam C. Sempronius

cum à M. Tuccio esset accusatus, & causam suam eo anno nollet agi, (forte quòd ex ijs, qui tunc indices erāt, complures sibi infensos intelligeret) accusauit accusatorem suum lege Plotia de ui, eo consilio, ut, interposita extraordinaria causa, tempus tereretur: et suae causae iudicium, cum eius agenda spatium nō esset, in annum sequentem necessario reijceretur. Extraordinarius autem reus is dicebatur, cuius causa non ordine, ut aliae causa, sed primo loco semper ageretur: & inde extraordinaria causa, quae statim ante omnes causas ageretur, ut cum erat de ui, uel coniunctionem habebat cum aliqua causa antea iudicata.

117.

LATERENSIS leges ignorans, pronunciauit quod singuli ordines iudicassent. Cum ex tribus ordinibus, qui res iudicabant, duo Seruilium absoluisent, unus condemnasset, uniuersorum autem iudicium aequa numero sententiae fuissent, Laterensis, qui ordines, nō sententias respiceret, absolutum credidit, seq; eum in tabulas dixit absolutum relaturum. postea cum in lege reperisset, non ex ordinum numero, sed è iudiciū maiori parte uel absoluendos, uel condemnandos esse reos: non retulit, ut dixerat, in tabulas absolutum; ordinū iudicia perscripsit. fusius autē explicabimus, propterea quòd obscurior est sensus, ita ut eum pauci uiderint, nemo certe ostenderit: non enim, in quo Laterensis praetor deceptus sit, animaduertentur. quod nos pluribus uerbis, ut etiam tardiores intelligant, ostendemus. Iudicia penes tres ordines erant: qui quidem tres ordines ex senatoribus, equitibus, tribunis aerarijs constabant.

fieri autem poterat, ut, quem duo ordines absoluisſent, unus condemnasset, iſtamen non absolutus, sed condemnatus iudicaretur, hoc modo. Eunt in consilium senatores XXVI. equites XXV. tribuni aerarii XXXIII. ex senatoribus absoluunt reum XXXIII. condemnant XII. ex equitibus absoluunt XIII. condemnant XII. ex tribunis aerariis absoluunt IIII. condemnant XX. si ex ordinum numero iudicaretur reus, absolutum appareret: quippe cum ex tribus ordinibus absoluerint duo, senatorius, & equester. cum autem lex, quod iudicium maior pars iudicarit, id ius ratum esse uelit: condemnatum reum; nemo est, quin uideat, cum sententias graues habuerit XLIIII. absolutorias XXXI. praetor autem Laterensis cum ex more pronunciare deberet, quot sententiis absolutus, quot esset condemnatus reus; leges ignorans, de numero iudicium nihil, de ordinibus, quod singuli iudicassent, pronunciauit, ac se in tabulas absolutum dixit relatum. postea cum, lege perspecta, erratum intelligeret; dubius animi, quid ageret; quod neque contra legem, neque contra id, quod pronunciarat, uellet facere; neque absolutum, neque damnatum retulit: tantum ordinum iudicia perscripsit. ex quo paulo post infert Coelius: Sic nunc neque absolutus, neque damnatus Seruilius, de repetundis saucius Pilio tradetur.

117.

EMISSARIO est factus. In exemplari antiquo Mediceae bibliothecae, & in libro manuscripto Petri Bembi Cardinalis, & Vbaldini Bandinelli legitur, emissarius factus. forte corrigendum, emissario.

Tetio factus : ut existimat amicissimus meus. Tetios autem & liberos, & amicos Claudiorum fuisse, è qua gente erat Appius, ostēdit Asconius, ubi in oratione pro Milone locum illū exponit : Hæc insidiata Pompeio est, quanquam ibi tantum de Damione Clodij liberto loquitur. sed Damionem Tetiæ gentis fuisse, ostēditur in ad Atticum 56. itaque hic Cælius de Appio loquens, accusatus, inquit, est à quodam suorum Sexto Tetio. nam cum, Sextus, antiqui significare uolebant, uel Sex scribebant, uel S.

117:

L. IULIUS L. F. POM. Annalis] Villius, pro Iulius, reposuimus. nam Annales plebei : & Iulij patricij. sic etiam in Liuiο, ubi erat Iulius, correxit, & reposuit ingenio doctrināq; excellens, summa mihi coniunctus amicitia Carolus Sigonius. POM. tribus Pomptina fuit. nam ex XXXV. tribubus, aliquam, ut inquit Pedianus, necesse erat, cuiuscunque esset ordinis, ciuis Romanus obtineret. is autem ostendebatur à prænominē suo, à nomine, (nomine autem familia significatur) à patris prænominē, à tribu, à cognominē, ut Philippica I X. Ser. Sulpicius Q. F. Lemonia Rufus. Lemonia enim tribus est ablatiui casus : ut sit, ex Lemonia, ut inquit Asconius. In lapidibus autem antiquis fere semper, in libris aliquando prioribus tātummodo literis significari tribus animaduertas, ut in hoc S. C. ubi enim legitur, Pom. sciendum est, Pontinam intelligi. (nam & Pontina, & Pomptina in lapidibus antiquis, & uetustis libris scriptum est) ubi Pop. Popilliam : ubi Pup. Pupiniā : ubi An. Aniensē :

quod cum antea non esset exploratum, alij pro An. Capito, duabus uocibus coniunctis legebant Ancapito: Bernardino autem Rutilius, qui nuper Venetijs obiit, in suis adnotationibus credidit, antiquas notas fuisse, quæ significarent, Atteij nepos. in quo quàm deceptus sit, non attinet dicere. si enim ab auo ostendendus aliquis erat, non ab eius nomine, sed à prænominе ostendebatur. sed incidit in errorem, quia tribum Aniensem non agnouit, quæ duabus modo literis, ut iam dixi, scripta fuerat. quæ meratio mouit, ut ubi, Puphirrus, una tantum uoce antea legebatur, duabus in nostro libro scriberem, Pup. Hirrus, id est, Pupinia Hirrus: tribus enim ante cognomen ponebatur, ut etiam alibi licet uideri. quoniam autem hanc tribuum cognitionem non ita facilem esse perspicimus, (nam & Volaterranus, et Alexander, qui dies Geniales scripsit, & alij, quos non necesse est commemorare, parum uidentur in suis libris earum numerum, & nomina tenuisse) studiosis non fore prorsus inutile, aut iniucundum arbitramur, si quæ in hanc rationem dispersa in ueterum monumentis leguntur, coacta huc afferamus. Fuerunt igitur Romanæ tribus XXXV. quarum nomina infra scripsimus, & scriptores aliquot, qui de his meminerunt, apposuius, ut indefacilior earum, ac certior unicuique cognitio sit.

A E M I. Aemilia. Cicero ad Atticum libro. I I. 30: Liuius libro. XXXVI I I. antiquæ urbis inscriptiones. 75:

A N I. Anienfis. Cicero pro Plancio. 270. epistola

larum fam. lib. VIII. 117. Linus libro X. antiquæ urbis inscr. 160: 175: & in libro Petri Appiani de inscriptionibus antiquis totius orbis. 93.

ARNIENSIS. Cicero in agraria II. in Rullum 81: Linus lib. VI. & lib. XXIX. ubi corrupte legi putamus Narniensis. nam lapis antiquus, quem Vulsinijs in templi parietibus uidimus, expressam Arniensis mentionem continet.

CL A . Claudia. Linus lib. II. Virgilius lib. VII. Dionysius Halic. lib. V. antiquæ urbis. ins. 75: 84. 113. liber Appiani 479.

CL V . Clusumina. Cicero pro Plancio 267. pro Balbo. 76. antiquæ urbis.

COL . Collina. Varro lib. IIII. delin. L. Plinius lib. XV III. cap. III. Festus in litera V. antiquæ urbis. inscr. 27. 99. 120. liber Appiani 110.

COR . Cornelia. Linus lib. XXXV III. antiquæ urbis. inscr. 29.

ES Q . Esquilina. Varro lib. IIII. de l. L. Plinius lib. XV III. cap. III. Festus in litera V. antiquæ urbis. inscr. 75. est prætereain ædibus uiri optimi, ualdeq; eruditi, Gentilis Delphinij Romani fragmentum antiqui lapidis cum hac tribu; quod ipse quidē non uidi, sed is, cui facile credo, se uidisse dixit, Honofrius Veronensis, monachus ordinis Augustiniani, qui ordinem annorum urbis Romæ à Romulo ad Iustinianum peritissime descripsit.

FAB . Fabia. Horatius epistola VI. libri I. Suetonius in Augusto 38. antiquæ urbis. inscr. 61. 73. 76. 74. et Petri Appiani lib. 62. 66. 335. 343. 500.

- FAL.** Falerina. Liuius lib. IX. in libr. Appiani
 105. 120. et Neapoli antiquus lapis est ita inscriptus:
 C. PISTORIO C. F. FAL. FIRMO
 AEDIL. II VIR CVRATORI OPER.
 PVBLICOR. item Iosephus ἐν τῷ τῆς ἰουδαϊκῆς ἀρχαιολογίας λόγῳ γ. κεφαλῇ ιζ.
GAL. Galeria. Liuius lib. XXV. Plinius lib.
 VII. cap. 11. et si, pro Galeria, legitur Galerius.
 sed corrigendus locus est ex antiquo libro auunculi
 mei Francisci Asulani. & antiquæ urb. inscr. 89.
 142: 159: liber Appiani 14. 15. 18. 19. 21. 22.
LEM. Lemonia. Cicero pro Plancio 267. Philippi
 ca IX. 223: Festus in litera l. antiquæ urb. inscr.
 91: 151:
MAEC. Mæcia. Hanc in antiquis lapidibus duobus
 inuenimus: C. OCTAVIO. C. F. MAEC. VERO:
 C. HERBACIO MAEC. ROMANO. in libris quinquies nominatam obseruauimus,
 à Tullio lib. IIII. ad Atticum 63. à Liuii libro
 XXIX. à Valerio Max. lib. III. cap. IIII. à
 Festo in litera m
MEN. Mentina. Cicero lib. XIII. epist. fam.
 Iosephus ἐν τῷ τῆς ἰουδαϊκῆς ἀρχαιολογίας λόγῳ
 γ. κεφαλῇ ιζ. cum quibus lapides tres consensu
 tiunt: C. VALERIO C. F. MEN. DO
 LVITIO MARCIANO: A. MVNIO
 A. F. MEN. EVARISTO: C. CATIO
 C. F. MEN. BALBO C. CATIVS. C. F.
 MEN. GALLVS.
OVF. Onfentina. Liuius lib. IX. Festus in litera

I N E P I. F A M.

Q. antiquæ urb. inscr. 86. 133. in lib. Appiani 27.
28. 30. 51. 63. 71. 79. 84. 85. 86. & in libro Ve-
ronensium antiquitatum sic: Q. E V P H E M V S
Q. F. O V F. L V C V L L I V S.

P A L. Palatina. Cicero in Verrem I I I I. 124:
Pedianus 18: Varro lib. I I I I. de L. L. Plinius libro
X V I I I. cap. I I I. Linus lib. X X. Festus in
litera u. antiquæ urbis inscr. 29. 34. 39: 62: 116.
155. 176. liber Appiani 17. 22. 34. 64.

P A P. Papiria. Festus in litera p. antiquæ urb.
inscr. 72. 135.

P A P I A. Scriptum in libris de hac tribu ni-
hil est; quod ego quidem legerim. in libro tamen de
antiquæ urbis inscriptionibus explicata mētio est 61.
nec semel in Pyrrhi thesauris. sic enim eius libros
appello.

P O B. Poblilia. quæ deinde Publilia scripta est:
sicuti ex Poblus Publius factus est. reperitur in la-
pidibus & P V. & P V B. & P V B L. et P V =
B L I L. & P O B. Linus libro V I I. antiquæ
urb. inscr. 10. liber Appiani 252. & in libro Vero-
nensium antiquitatum sæpe. exempla Publiliæ, per
u scriptæ, quinque habemus, duo in antiquæ urbis
inscriptionibus, 66. 81. tria in Appiani libro. 65.
105. 352.

P O L. Pollia. Linus lib. X X I X. Valerius
Max. lib. I I. cap. I I I I. & lib. I X. cap. X.
antiquæ urbis inscriptionibus. 110. 113. 147: liber
Appiani. 18.

P O P. Popillia. Cicero epist. fam. lib. V I I I. 17:

Valerius Max. lib. VIII. Festus in litera p. liber Appiani 297.

P O M. Póptina. Cicero ad Atticum lib. IIII. 63. Liuius lib. VII. Festus in litera p. antiquæ urbis in scr. 114. 177. liber Appiani 141. 484.

P V P. Pupinia. Cicero ad Quintum fratrem lib. III. epist. fam. lib. VIII. 117: Liuius lib. XXVI. Festus in litera p. duo antiquorum lapidum exempla extant, alterum Capuæ, D. VIBIDI D. F. PVP. NIGRI: alterum Patavij, CLAVSIO C. F. PVP.

Q V I R. Quirina. Cicero pro Quintio 4. epist. fam. lib. VII. 117: Asconius 61. Festus in litera q. antiquæ urb. in scr. 15. 34. 44: 115. liber Appiani 14. 17. 18. 19. 103.

R O M. Romilia. Cicero in Verrem II. 70: et in agraria II. 18: Asconius 18: Varro lib. IIII. de l. l. Festus in litera r. Seruius in III. Aeneidos. antiquæ urb. in scr. 165: in libro Veronensium antiquitatum. 51: L. GALLIO L. F. ROM. est etiam Ferrariæ semisfractus lapis, in imis summi templi parietibus instratus, in quo ita scriptum vidimus. = ITIO T. F. ROM.

S A B. Sabatina. Liuius lib. VI. Festus in litera s. lapis antiquus Romæ in ædibus Cardinalis Carpensius: CN. CORNELIO CN. F. SAB. MVSAEO MANCIPI VIAE APPIE.

S C A. Scaptia. Liuius lib. VIII. Suetonius in Augusto 38. Festus in litera s. lapidis antiqui exemplū Romæ extat in regione Pantheonis: C. AVIE=

I N E P I. F A M.

LIVS C. F. SCA. SEVERVS. & item aliud, C. GRANTANIVS SCAPTIA MACER.

SER. Sergia. Asconius 61. antiquæ urb. inf. 61. 63 : 81 : 165 . est & in eodem libro 63 : quatuor literis SER G.

STEL. Stellatina. Liuius lib. VI. antiquæ urb. inf. 110. & duabus literis ST. 239.

SVB. Suburana. Varro lib. 1111. de l. L. Cicero etiã in agraria 11. quo in loco uidetur corrupte legi, ab Oriculana : cū in libris quinque manuscriptis, quos se uidisse affirmavit, uir optimus, ac doctissimus, Gabriel Phaernus, legatur, ab usura nam. unde mihi orta coniectura est, quam Phaernus ipse & Octavius meus probarunt, legi posse, A' Suburana, mutatione fere nulla. Plinius lib. X V I I I. cap. 111. Festus in litera s. & litera u. antiquæ urb. inf. 147.

TER. Terentina. Cicero pro Plancio 263. epist. fam. lib. VIII. 117 : Liuius lib. VI. & lib. X. antiquæ urb. inf. 140. 199. liber Appiani 105. 336.

TRO. Tromentina. Festus in litera t. Liuius etiam libro VI. scripsit, Tromentina, ut opinor, non, ut impressum est, Promentina. antiquæ urb. inf. 107 : liber Appiani 16. 177. et in lapide, qui Caietæ est, L. ATILLIO L. F. TROMEN.

VEL. Velina. Cicero ad Atticum lib. 1111. 63. in Bruto. Horatius epistola VI. libri I. Persius. antiquæ urb. inf. 162. liber Appiani 19.

VOL. Voltinia. Cicero pro Plancio 267. antiquæ

urb. inf. 155. & in antiquo lapide, qui est Venetijs
in turri S. Vitalis, CN. NUMERIVS CN.
F. VOL. FRONTO. est & quatuor literis
VOLT. in Appiani libro 484.

Hæ sunt XXXV. tribus, in quas urbs differtita erat.
ex hoc autem numero quatuor tantum urbanae fue-
runt, Palatina, Esquilina, Collina, Suburana, in quas,
ut inquit Plinius, transferri ignominia esset, dictæ à
partibus urbis, in quæ habitabant. reliquæ omnes ru-
stica, laudatissimæ, eorum, qui rura haberent: quæ
proprie ingenuorum erant; cum urbanae libertino-
rum essent; ut in Asconio 92: & in epitomes Liui-
nae lib. XX. Asconium autem, ubi in III. oratio-
ne in Verrem illud exponit, V. ET XXX. TRI-
BVS, cur de nominibus Sabinarum plures tribus es-
se factas dixerit, mirari non satis possum; cum à Sabi-
nis non tribus, sed curiæ nomina acceperint, ut inquit
Liuius lib. I. & Sex. Pompeius de uerborum significa-
tione libro III. tribus autem unde dictæ sunt, uel ex
eodem Pompeio, uel ex alijs facile est cognoscere. Vr-
bem Romam in XXX. curias à Romulo, à Seruio au-
tem Tullio, qui multis annis post Romulum regnavit,
in IIII. tantum tribus diuisam esse constat; quæ
XXXI. numerum expleuere. Dionysius autem Ha-
lyc. lib. II. in III. partes multitudinem omnem, ac
trium rursus earum partium in denas partes unam-
quaque à Romulo diuisam esse scribit: uocatas au-
tem partes maiores, tribus; minores, curias. M. item
Varro libro IIII. de lingua lat. agrum Romanum
in III. partes, unde tribus appellata sit, diuisum

fuisse scribit . ex quibus exemplis manifestum est , & tribus à curijs diuersas fuisse , & à Sabinis mulieribus non tribus, quæ Romuli etate III . modo fuerunt, sed curias esse nominatas . Illud multo magis animaduertendum, diligenterq; considerandum censeo, cur in epi tomes Liuianæ lib. XIX . duas tribus multis post exa- Etos reges annis adiectas esse scriptum sit, Velinam, & Esquilinam : cum Esquilina ex IIII . tribubus una fuisset , in quas Ser. Tullius urbem diuiserat . libro etiam VI . Liuius ita scribit : Tribus IIII . ex nouis ciuibus additæ, Stellatina, Tromentina, Sabatina, Nar niensis : eaq; XXXV . numerum explevere . post au tem libro VII . duas tribus ait additas esse, Pontinam, & Publiciam, et duas item libro IX . Oufentinam, & Falerinam : ut uideatur à se ipso dissentire : nisi si, additas, & adiectas, pro auetæ, (ut quidem ego acci pio) dictum uelis . Quæ de tribubus diceremus, hæc habuimus . Vbi autem scripsimus, antiq. librum, qui Romæ olim est impressus, cui titulus est, antiquæ urbis epigrammata, significauimus. chartarum autem eius- dem libri numerum subiecimus, ut facilius, quæ uolu- mus, reperiri possint .

117.

AD EX cal. Mart.] Forte, ex ad cal. Mart. id est, ex cal. Mart. quod paulo post ostendit . usus est hoc loquendi modo & M. Varro libro I . de re rustica . etsi libri omnes impressi eo loco deprauati leguntur. ubi enim est, extant ad VII . idus Feb. extant ad VII . idus Maij. extant ad III . idus Sept. extant ad III . id. Nou. manuscriptum exemplar habet, ex ad VII .

equites, legendum esse existimarem. nostri autem, inquit, quod erat ipse ex ordine equestri, ut ex oratione, qua eum Cicero defendit, cognoscitur.

114.

RATIONE, & insidijs usus uideretur in euitandis eorum consilijs] forte melius, ratione, & consilii usus uideretur in euitandis eorum insidijs.

114.

LAELIOS] Forte, Lollios; qui Caesaris amici fuerunt, quemadmodum Antonij: nam Laelii Pompeiani. qua in opinione magis sum confirmatus, postquam in epistola III. libri V. ubi, Laliwm, impressum erat, uetustissimos libros, Lollium, habere uidi.

114.

MEA porro comitia quem euentum sint habitu- ra] Sic antea in omnibus impressis. nos uocem, comitia, sustulimus: quæ subintelligitur; ut etiam cum dixit, Prætorij moræ quædam inciderunt.

Ex epistola V. 115.

QUODAM silice iam omnia] Liber uetustus Ioannis Scale sic habet, quodam omnia in Sicilia: Bernardini Maffei, Quodam uicilicra omnia: Qui est in Medicea bibliotheca, & qui apud Vbaldinum Bandinellum, Quodā incilicia omnia. uulgata lectio nō est in libris manuscriptis. uidendum an ita legi possit; Quodam incili iam omnia. notū autē, incile quid sit.

Ex epistola VI. 115:

CONFECTA, omnia fœda, et inhonesta sunt] Hoc in loco uetusti libri inter se discrepant. nos eū, quæ habet Ioānes Scala, ut minus deprauatū secuti su-

mus : sic enim in eo legitur : confecta omnia foeda , & inhonesta sunt . ex quo adducti sumus , ut , una litera immutata , legeremus : confecta , omnia foeda , & inhonesta sunt . Post in Petri Bembi libro , confecta omnia , distincte scriptum animaduerti .

115:

TABERNARIIS] Aquarum ius penes aediles , & censores erat . itaque cum tabernarii publicas aquas in suum usum deducerent , Caelius , qui tunc aeditatem gerebat , ea de re cum tabernariis & aquariis pugnavit : concionem etiam de aquis scripsit , cuius meminit Frontinus libro II . de aquarum ductibus .

116.

VIARIAM] Dicit nescio quid Appianus de viis à Curione instauratis : tamen , Vinariam , magis probarem , quam Viariam : & post , Quis iubet aediles metiri . ut hoc dicat : iubet aediles legibus , quas ipse fert , vinum , & alimenta populo metiri . Annonianam legem et P. Clodius tulerat : de qua in oratione pro Sextio , & Asconius in Pisonem .

Ex epistola VII. 116.

PAULA Valeria] Alij , an hæc Bruto nupsit , dubitare videntur , propterea quod libro XI . Pollam Bruti uxorem fuisse perspiciant . ego nupsisse existimo , et eam ipsam esse , quæ libro XI . appellatur Polla : ut , quemadmodum ab aula olla , sic à Paula Polla dicta sit .

116.

NONDUM retulerat] Si ita legatur , subintelligi poterit , dotem . sed mihi non displicet amicissimi mei conjectura , qui ita legendum putat , mundum re-

tulerat . mundus autem muliebris qui sit , exponit Li-
uius lib. XXVIII . munditiæ (inquit) ornatus, et
cultus, fœminarum insignia sunt . hunc mundum mu-
liebrem appellarunt maiores nostri .

Ex epistola VIII . 116 :

M. TVCCIVM accusatorem suum etc.] Hu-
ius loci sensum, etsi obscurissimus est, tamen declarare
conabimur. Reorum causæ ordine agebantur: nam
quæ tempore prior fuerat, eius prior item locus erat .
excipiebantur tamen eæ causæ, quæ cum causis iam iu-
dicatis coniunctionem aliquã habebant, ut earum quasi
appendices quædam uiderentur: eiusmodi enim causis,
etiam si post multas alias delatæ essent; tamen primus
locus erat constitutus. itaque in oratione pro Cluentio,
Fabricium (inquit) reum statim fecit; utq; ei locus pri-
mus constitueretur, propter causæ coniunctionem, im-
petrauit . propter causæ coniunctionem, inquit, quod
Fabricij causa eadem erat, quæ Scamandri, qui antea
condemnatus erat . & infra in eadem oratione: apud
eosdem iudices reus est factus Oppianicus, cum is duobus
præiudicijs iam damnatus esset . ab ijsdem autem
iudicibus locus ei primus est constitutus . Hoc ideo fa-
ctum est, quod Oppianici causa coniunctionem habe-
bat cum Fabricij, et Scamandri causa, quos iudices iam
damnauerant . Excipiebantur etiam causæ de ui, quæ
primo loco agebantur, reiectis alijs causis, quæ tempore
prioribus fuerant . sic Milonis causa, quod erat de ui, ex-
tra ordinem est acta . sic M. Cœlius, cum Atratini patrē
de ambitu reum fecisset, de ui postea accusatus, causam
ipse prior dicere coactus est . sic etiam C. Sempronius

cum à M. Tuccio esset accusatus, & causam suam eo anno nollet agi, (forte quòd ex ijs, qui tunc iudices erant, complures sibi infensos intelligeret) accusauit accusatorum rem suam lege Plotia de ui, eo consilio, ut, interposita extraordinaria causa, tempus tereretur: et suæ causæ iudicium, cum eius agendæ spatium nō esset, in annum sequentem necessario reijceretur. Extraordinarius autem reus is dicebatur, cuius causa non ordine, ut aliæ causa, sed primo loco semper ageretur: & inde extraordinaria causa, quæ statim ante omnes causas ageretur, ut cum erat de ui, uel coniunctionem habebat cum aliqua causa antea iudicata.

117.

LATERENSIS leges ignorans, pronunciauit quod singuli ordines iudicassent. Cum ex tribus ordinibus, qui res iudicabant, duo Seruilium absoluisent, unus condemnasset, uniuersorum autem iudicum æqua numero sententiæ fuissent, Laterensis, qui ordines, nō sententias respiceret, absolutum credidit, seq; eum in tabulas dixit absolutum relaturum. postea cum in lege reperisset, non ex ordinum numero, sed è iudiciū maiori parte uel absoluendos, uel condemnandos esse reos: non retulit, ut dixerat, in tabulas absolutum; ordinū iudicia perscripsit. fusius autē explicabimus, propterea quòd obscurior est sensus, ita ut eum pauci uiderint, nemo certe ostenderit: non enim, in quo Laterensis prætor deceptus sit, animaduertunt. quod nos pluribus uerbis, ut etiam tardiores intelligant, ostendemus. Iudicia penes tres ordines erant: qui quidem tres ordines ex senatoribus, equitibus, tribunis ararijs constabant.

fieri autem poterat, ut, quem duo ordines absoluisſent, unus condemnasset, is tamen non absolutus, sed condemnatus iudicaretur, hoc modo. Eunt in consilium senatores XXVI . equites XXV . tribuni ararij XXIII . ex senatoribus absoluunt reum XIII . condemnant XII . ex equitibus absoluunt XIII . condemnant XII . ex tribunis ararijs absoluunt III . condemnant XX . si ex ordinum numero iudicaretur reus, absolutum appareret: quippe cum ex tribus ordinibus absoluerint duo, senatorius, & equester. cum autem lex, quod iudicum maior pars iudicavit, id ius ratum esse uelit: condemnatum reum, nemo est, quin uideat, cum sententias graues habuerit XLI . absolutorias XXXI . prætor autem Laterensis cum ex more pronunciare deberet, quot sententijs absolutus, quot esset condemnatus reus; leges ignorans, de numero iudicũ nihil, de ordinibus, quod singuli iudicassent, pronunciauit, ac se in tabulas absolutum dixit relatũrum. postea cum, lege perspecta, erratum intelligeret; dubius animi, quid ageret; quod neque contra legem, neque contra id, quod pronunciarat, uellet facere; neque absolutum, neque damnatum retulit: tantum ordinum iudicia perscripsit. ex quo paulo post infert Cælius: Sic nunc neque absolutus, neque damnatus Seruilius, de repetundis saucius Pilio tradetur.

117.

EMISSARIO est factus. In exemplari antiquo Mediceæ bibliothecæ, & in libro manuscripto Petri Bembi Cardinalis, & Vbalдини Bandinelli legitur, emissã rustetio factus. forte corrigendum, emissario 3.

Tetio factus : ut existimat amicissimus meus. Tetios autem et libertos, et amicos Claudiorum fuisse, è qua gente erat Appius, ostendit Asconius, ubi in oratione pro Milone locum illū exponit : Hæc insidiata Pompeio est : quanquam ibi tantum de Damione Clodij liberto loquitur . sed Damionem Tetiæ gentis fuisse, ostenditur in ad Atticum 56. itaque hic Cælius de Appio loquens, accusatus, inquit, est à quodam suorum Sexto Tetio . nam cum, Sextus, antiqui significare uolebant, uel Sex . scribebant, uel S.

117:

L. IULIUS L. F. POM. Annalis] Villius, pro Iulius, reposuimus . nam Annales plebeij : et Iulij patricij . sic etiam in Liuiο, ubi erat Iulius, correxit, et reposuit ingenio doctrināq; excellens, summa mihi coniunctus amicitia Carolus Sigonius. POM. tribus Pomptina fuit. nam ex XXXV. tribubus, aliquam, ut inquit Peditanus, necesse erat, cuiuscunque esset ordinis, ciuis Romanus obtineret . is autem ostendebatur à prænومine suo, à nomine, (nomine autem familia significatur) à patris prænومine, à tribu, à cognومine, ut Philippica I X. Ser. Sulpicius Q. F. Lemonia Rufus . Lemonia enim tribus est ablatiui casus : ut sit, ex Lemonia, ut inquit Asconius . in lapidibus autem antiquis fere semper, in libris aliquando prioribus tantummodo literis significari tribus animaduertas, ut in hoc S. C. ubi enim legitur, Pom. sciendum est, Pontinam intelligi . (nam et Pontina, et Pomptina in lapidibus antiquis, et uetustis libris scriptum est) ubi Pop. Popilliam : ubi Pup. Pupiniam : ubi An. Aniensem :

quod cum antea non esset exploratum, alij pro An. Capito, duabus uocibus coniunctis legebant Ancapito: Bernardinus autem Rutilius, qui nuper Venetijs obiit, in suis adnotationibus credidit, antiquas notas fuisse, quæ significarent, Atteij nepos. in quo quàm deceptus sit, non attinet dicere. si enim ab auo ostendendus aliquis erat, non ab eius nomine, sed à prænومine ostendebatur. sed incidit in errorem, quia tribum Aniensem non agnouit, quæ duabus modo literis, ut iam dixi, scripta fuerat. quæ me ratio mouit, ut ubi, Puphirrus, una tantum uoce antea legebatur, duabus in nostro libro scriberem, Pup. Hirrus, id est, Pupinia Hirrus: tribus enim ante cognomen ponebatur, ut etiam alibi licet uideri. quoniam autem hanc tribuum cognitionem non ita facilem esse perspicimus, (nam & Volaterranus, et Alexander, qui dies Geniales scripsit, & alij, quos non necesse est commemorare, parum uidentur in suis libris earum numerum, & nomina tenuisse) studiosis non fore prorsus inutile, aut iniucundum arbitramur, si quæ in hanc rationem dispersa in ueterum monumentis leguntur, coacta huc asseramus. Fuerunt igitur Romanae tribus XXXV. quarum nomina infra scripsimus, & scriptores aliquot, qui de his meminere, apposui, ut inde facilius earum, ac certior unicuique cognitio sit.

A E M I. Aemilia. Cicero ad Atticum libro. I I. 30:

Liuius libro. XXXVI I I. antiquæ urbis inscriptiones. 75:

A N I. Aniensis. Cicero pro Plancio. 270. episto-

I N E P I . F A M .

larum fam. lib. VII. 117. Liuius libro X. antiquæ urbis inscr. 160: 175: & in libro Petri Appiani de inscriptionibus antiquis totius orbis. 93.

ARNIENSIS. Cicero in agraria II. in Rullum 81: Liuius lib. VI. & lib. XXIX. ubi corrupte legi putamus Narniensis. nam lapis antiquus, quem Vulsinijs in templi parietibus uidimus, expressam Arniensis mentionem continet.

CLA. Claudia. Liuius lib. II. Virgilius lib. VII. Dionysius Halic. lib. V. antiquæ urbis. ins. 75: 84. II. liber Appiani 479.

CLV. Clusumina. Cicero pro Plancio 267. pro Balbo. 76. antiquæ urbis.

COL. Collina. Varro lib. IIII. delin. L. Plinius lib. XVIII. cap. III. Festus in litera V. antiquæ urbis. inscr. 27. 99. 120. liber Appiani 110.

COR. Cornelia. Liuius lib. XXXV. II. antiquæ urbis. inscr. 29.

ESQ. Esquilina. Varro lib. IIII. de l. L. Plinius lib. XVIII. cap. III. Festus in litera V. antiquæ urbis. inscr. 75. est prætereain ædibus uiri optimi, ualdeq; eruditi, Gentilis Delphinij Romani fragmentum antiqui lapidis cum hac tribu; quod ipse quidē non uidi, sed is, cui facile credo, se uidisse dixit, Honofrius Veronensis, monachus ordinis Augustiniani, qui ordinem annorum urbis Romæ à Romulo ad Iustinianum peritissime descripsit.

FAB. Fabia. Horatius epistola VI. libri I. Suetonius in Augusto 38. antiquæ urbis. inscr. 61. 73. 76. 74. et Petri Appiani lib. 62. 66. 335. 343. 300.

- FAL.** Falerina. Liuius lib. IX. in libro Appiani
105. 120. et Neapoli antiquus lapis est ita inscriptus:
C. PISTORIO C. F. FAL. FIRMO
AEDIL. II VIR CVRATORI OPER.
PVBLICOR. item Iosephus ἐν τῷ τῆς ἰουδαϊκῆς
ἀρχαιολογίας λόγῳ γ. κεφαλῇ 17.
GAL. Galeria. Liuius lib. XXVI. Plinius lib.
VII. cap. 11. et si, pro Galeria, legitur Galerius.
sed corrigendus locus est ex antiquo libro auunculi
mei Francisci Asulani. & antiquæ urb. inscr. 89.
142: 159: liber Appiani 14. 15. 18. 19. 21. 22.
LEM. Lemonia. Cicero pro Plancio 267. Philippi-
ca IX. 223: Festus in litera l. antiquæ urb. inscr.
91: 151:
MAEC. Mæcia. Hanc in antiquis lapidibus duo-
bus inuenimus: C. OCTAVIO. C. F. MAEC. VE-
RO: C. HERBACIO MAEC. ROMA-
NO. in libris quinquies nominatam obseruauimus,
à Tullio lib. IIII. ad Atticum 63. à Liuiolibro
XXIX. à Valerio Max. lib. II. cap. IIII. à
Festo in litera m
MEN. Mentina. Cicero lib. XIII. epist. fam.
Iosephus ἐν τῷ τῆς ἰουδαϊκῆς ἀρχαιολογίας λό-
γῳ γ κεφαλῇ 17. cum quibus lapides tres consen-
tiunt: C. VALERIO C. F. MEN. DO-
LVTIO MARCIANO: A. MVNIO
A. F. MEN. EVARISTO: C. CATIO
C. F. MEN. BALBO C. CATIVS C. F.
MEN. GALLVS.
OVF. Oufentina. Liuius lib. IX. Festus in litera

I N E P I . F A M .

Q. antiquæ urb. in scr. 86. 133. in lib. Appiani 27.
28. 30. 51. 63. 71. 79. 84. 85. 86. & in libro Ve
ronensium antiquitatum sic: Q. E V P H E M V S
Q. F. O V F. L V C V L L I V S.

P A L. Palatina. Cicero in Verrem I I I I. 124:
Pedianus 18: Varro lib. I I I I. de L. L. Plinius libro
X V I I I. cap. I I I. Liuius lib. X X. Festus in
litera u. antiquæ urbis in scr. 29. 34. 39: 62: 116.
155. 176. liber Appiani 17. 22. 34. 64.

P A P. Papiria. Festus in litera p. antiquæ urb.
in scr. 72. 135.

P A P I A. Scriptum in libris de hac tribu ni
hile est; quod ego quidem legerim. in libro tamen de
antiquæ urbis inscriptionibus explicata mētio est 61.
nec semel in Pyrrhi thesauris. sic enim eius libros
appello.

P O B. Poblilia. quæ deinde Publilia scripta est:
sicuti ex Poblus Publius factus est. reperitur in la
pidibus & P V. & P V B. & P V B L. et P V
B L I L. & P O B. Liuius libro V I I. antiquæ
urb. in scr. 10. liber Appiani 252. & in libro Vero
nensium antiquitatum sæpe. exempla Publiliæ, per
u scriptæ, quinque habemus, duo in antiquæ urbis
inscriptionibus, 66. 81. tria in Appiani libro. 65.
105. 352.

P O L. Pollia. Liuius lib. X X I X. Valerius
Max. lib. I I. cap. I I I I. & lib. I X. cap. X.
antiquæ urbis inscriptionibus. 110. 113. 147: liber
Appiani. 18.

P O P. Popillia. Cicero epist. fam. lib. V I I I. 117:

Valerius Max. lib. VIII. Festus in litera p. liber Appiani 297.

POM. Póptina. Cicero ad Atticum lib. IIII. 63. Liuius lib. VII. Festus in litera p. antiquæ urbis in scr. II 4. 177. liber Appiani 141. 484.

PVP. Pupinia. Cicero ad Quintum fratrem lib. III. epist. fam. lib. VIII. 117: Liuius lib. XXVI. Festus in litera p. duo antiquorum lapidum exempla extant, alterum Capuæ, D. VIBIDI D. F. PVP. NIGRI: alterum Patauij, CLAVSIO C. F. PVP.

QVIR. Quirina. Cicero pro Quintio 4. epist. fam. lib. VIII. 117: Asconius 61. Festus in litera q. antiquæ urb. in scr. 15. 34. 44: 115. liber Appiani 14. 17. 18. 19. 103.

ROM. Romilia. Cicero in Verrem II. 70: & in agraria II. 18: Asconius 18: Varro lib. IIII. de l. l. Festus in litera r. Seruius in III. Aeneidos. antiquæ urb. in scr. 165: in libro Veronensium antiquitatum. 51: L. GALLIO L. F. ROM. est etiam Ferrariæ semifractus lapis, in imis summi templi parietibus instratus, in quo ita scriptum uidimus. = ITIO T. F. ROM.

SAB. Sabatina. Liuius lib. VI. Festus in litera s. lapis antiquus Romæ in ædibus Cardinalis Carpensius: CN. CORNELIO CN. F. SAB. MVS SÆO MANCIPI VIAE APPIE.

SCA. Scaptia. Liuius lib. VIII. Suetonius in Augusto 38. Festus in litera s. lapidis antiqui exemplū Romæ extat in regione Pantheonis: C. AVLE

I N . E P I . F A M .

LIVS C. F. SCA. SEVERVS. & item aliud, C. GRANTANIUS SCAPTIA MACER.

SER. Sergia. Asconius 61. antiqua urb. inf. 61. 63 : 81 : 165 . est & in eodem libro 63 : quatuor literis SERG.

STEL. Stellatina. Livius lib. VI. antiqua urb. inf. 110. & duabus literis ST. 239.

SVB. Suburana. Varro lib. IIII. de l. L. Cicero etiā in agraria II. quo in loco videtur corrupte legi, ab Ocriculana : cū in libris quinque manuscriptis, quos se uidisse affirmavit, vir optimus, ac doctissimus, Gabriel Phaernus, legatur, ab usura nam. unde mihi orta coniectura est, quam Phaernus ipse & Octavius meus probarunt, legi posse, A' Suburana, mutatione fere nulla. Plinius lib. XVIIII. cap. III. Festus in litera s. & litera u. antiqua urb. inf. 147.

TER. Terentina. Cicero pro Plancio 263. epist. fam. lib. VIII. 117 : Livius lib. VI. & lib. X. antiqua urb. inf. 140. 199. liber Appiani 105. 336.

TRO. Tromentina. Festus in litera t. Livius etiam libro VI. scripsit, Tromentina, ut opinor, non, ut impressum est, Promentina. antiqua urb. inf. 107 : liber Appiani 16. 177. et in lapide, qui Caietæ est, L. ATILLIO L. F. TROMEN.

VEL. Velina. Cicero ad Atticum lib. IIII. 63. in Bruto. Horatius epistola VI. libri I. Persius. antiqua urb. inf. 162. liber Appiani 19.

VOL. Voltinia. Cicero pro Plancio 267. antiqua

urb. inf. 155. & in antiquo lapide, qui est Venetijs
in turri S. Vitalis, CN. NUMERIVS CN.
F. VOL. FRONTO. est & quatuor literis
VOLT. in Appiani libro 484.

Hæ sunt XXXV. tribus, in quas urbs dispartita erat.
ex hoc autem numero quatuor tantum urbanae fue-
runt, Palatina, Esquilina, Collina, Suburana, in quas,
ut inquit Plinius, transferri ignominia esset, dictæ à
partibus urbis, in quæ habitabant. reliquæ omnes ru-
stica, laudatissimæ, eorum, qui rura haberent: quæ
proprie ingenuorum erant; cum urbanae libertino-
rum essent; ut in Asconio 92: & in epitomes Liuiæ
lib. XX. Asconium autem, ubi in IIII. oratio-
ne in Verrem illud exponit, V. ET XXX. TRI-
BUS, cur de nominibus Sabinarum plures tribus es-
se factas dixerit, mirari non satis possum; cum à Sabinis
non tribus, sed curiæ nomina acceperint, ut inquit
Liuius lib. I. & Sex. Pompeius de uerborum significa-
tione libro IIII. tribus autem unde dictæ sunt, uel ex
eodem Pompeio, uel ex alijs facile est cognoscere. Ur-
bem Romam in XXX. curias à Romulo, à Servio au-
tem Tullio, qui multis annis post Romulum regnavit,
in IIII. tantum tribus diuisam esse constat; quæ
XXXI. numerum explevere. Dionysius autem Ha-
lyc. lib. II. in IIII. partes multitudinem omnem, ac
trium rursus earum partium in denas partes unam-
quamque à Romulo diuisam esse scribit: uocatas au-
tem partes maiores, tribus; minores, curias. M. item
Varro libro IIII. de lingua lat. agrum Romanum
in IIII. partes, unde tribus appellata sit, diuisum

fuisse scribit . ex quibus exemplis manifestum est , & tribus à curijs diuersas fuisse , & à Sabinis mulieribus non tribus , quæ Romuli ætate III . modo fuerunt , sed curias esse nominatas . Illud multo magis animaduertendum , diligenterq; considerandum censeo , cur in epî tomes Linianæ lib. XXI . duas tribus multis post exas Etos reges annis adiectas esse scriptum sit , Velinam , & Esquilinam : cum Esquilina ex IIII . tribubus una fuisset , in quas Ser. Tullius urbem diuiserat . libro etiam VI . Linius ita scribit : Tribus IIII . ex nouis ciuibus additæ , Stellatina , Tromentina , Sabatina , Narniensis : eæq; XXXV . numerum explere . post autem libro VII . duas tribus ait additas esse , Pontinam , & Publiciam , et duas item libro IX . Oufentinam , & Falerinam : ut uideatur à se ipso dissentire : nisi si , additas , & adiectas , pro auetæ , (ut quidem ego accipio) dictum uelis . Quæ de tribubus diceremus , hæc habuimus . Vbi autem scripsimus , antiq. librum , qui Romæ olim est impressus , cui titulus est , antiquæ urbis epigrammata , significauimus . chartarum autem eiusdem libri numerum subiecimus , ut facilius , quæ uoluimus , reperiri possint .

117.

AD EX cal. Mart.] Forte , ex ad cal. Mart. id est , ex cal. Mart. quod paulo post ostendit . usus est hoc loquendi modo & M. Varro libro I . de re rustica . etsi libri omnes impressi eo loco deprauati leguntur . ubi enim est , extant ad VII . idus Feb. extant ad VII . idus Maij . extant ad III . idus Sept. extant ad III . id. Non. manuscriptum exemplar habet , ex ad VII .

id. Feb. ex ad VII. id. Mai. ex ad III. id. Sext. ex ad III. id. Nov. itaq; legendum est. significat enim, ex eo die, qui dicitur, ad VII. idus: & ex eo die, qui, ad III. similiq; locutione usus est ad Atticum 47: Nuncij nobis tristes nec uarij uenerant ex ante die non. Iun. quod idem est ac si dixisset, ex nonis Iunij, ut supra ostendimus. Illud est animaduertendum, ubi in impressis libris legitur, ad IIII. cal. ad VI. id. ad III. non. & similia, plerunque in uetustioribus libris pro ad, legi, a. d. quæ notæ significant ante diem. quod imperiti descriptores cum ignorarent, pro a. d. scripserunt ad.

117.

QVI eorum in CCC. iudicibus essent] Populus Cæsari fauebat, Pompeio senatus. & quoniam eorum, qui iudices erant, magni interesset populum non habere aduersarium; quia populi ius erat primum in deligendis iudicibus, deinde in eisdem iudicibus ad quæstionem uocandis: itaque in oratione pro Cluentio, Populus, inquit, L. Iunium iudicem quæstionis, in inuidiam uocatum, condemnauit; ut non iniuria omnes iudices à populo timerent: ex quo sequebatur, ut contra populi uoluntatem non admodum libere iudicaret: ideo recte factum est S. C. ut qui senatores in trecentis iudicibus essent, ij excluderentur, cum in senatu de successione prouinciarum ageretur. aperte enim uniuersa illa actio hoc significat, Cæsarem ex prouincia reuocandum, contra quam populus decreuerat: qui nō modo imperium Galliarum Cæsari ad decem annos prorogauerat, sed etiam hoc decreuerat, ut in petitione consula-

tus absentis ratio haberetur . unde illud 83. Ipso consule pugnante populus iusserat . Et Suetonius , Et omnes historici . de CCC . autem iudicibus ex ordine senatorio , Plutarchus in C. Graccho . Quod autem in nostro libro imprimi uoluimus , eos adducere : fecimus , id omnium antiquorum librorum auctoritate commoti . nam , quod in impressis legitur , sex ; cum ex cōiectura ortum est , tum sententiam , ut ego arbitror , satis absurdam habet . quod si permittitur , ut diuinemus : malim ; eos , quàm , sex : tum quia non discrepat ab eo , quod Cicero intellexit : tum etiam quia locutio est antiquitatem redolens : cuius exemplum ibidem est infra .

Ex epistola IX. 119.

CURIONEM prorsus non mediocriter obiurgatus . hac repulsa se mutauit . Obiurgatus , uidetur hic esse uerbum deponens . quod alibi non memini me legisse . itaque libentius ita legerim , Curionem prorsus non mediocriter obiurgat . s. hac repulsa se mutauit . ut una litera significetur scilicet .

119:

SOLES libenter , ut ego , maiorem partem nihil curare . Locus ita interpungendus . Et est antiqua locutio , qua etiam usus est 134 : epistola ad Patrum libri IX . decimaquinta . intellexi tamen , inquit , idem , quod his intelligo literis , non existimasse te mihi licere , res has non omnino quidem , sed magnam partem relinquere . Et alibi saepius . Caesar autem initio libri IIII de bello Gallico , Magnam partem lacte , atque pecore uiuunt . et Lucretius libro III . charta 40 . hac uulnera uitae Non minimam partem mortis formidine aluntur .

AGROS, quos fructuarios habent civitates]
Ita legitur in duobus libris manuscriptis Ioannis Scalæ,
& in libro Petri Bembi. itaque nihil muto, cum sit ap-
perta sententia.

Ex epistola XI. char. 121:

DECRERANT qui inique transigi volebant]
Manuscripti libri, quidam, deerant; alij, deserant; alij
aliter habent. ex tam uaria lectione adducti sumus, ut,
decrerant, legendum crederemus. loci autem sensus hic
est. Domitius, & Scipio, cum de Ciceronis supplicatio-
nibus transigi, moleste, & inique ferverent, easq; Cur-
ionis tribuni pl. intercessione impediri cuperent: simu-
latione benevolentiae supplicationes Ciceroni decreuerunt,
ut ea re Curionem, qui omnibus eorum actionibus acri-
ter aduersari solitus erat, ad interdicens elicerent.
quibus interpellantibus uenustissime Curio respondit, se
colibentius non intercedere, quod quosdam, qui decera-
nerent, (significabat autem Domitium, et Scipionem)
eo animo esse intelligeret, ut confici minime uellent.
& DECRERANT imminutum, dixit, ut De-
cresset, in Verrem lib. V.

Ex epistola XII. 122.

VIX HOC erat Pola elocutus] In uetusto li-
bro, qui est Florentiae in Medicea bibliotheca, ita legi-
tur, ut in impressis. huius lectionis alij quoque memine-
runt. sed eam minus integram existimarunt, offensi,
ut opinor, in uoce, Pola, quod eam se alibi uidisse non
meminerant. est autem id seruij accusatoris cognomen,
de quo ad Q. fratrem epistola penultima 11. libri, his

uerbis: Vereor, ne homo teter, & ferus Pola Seruius
ad accusationem ueniat. uix igitur (inquit Caelius) hoc
elocutus erat Pola, Appium scilicet, & Domitium
summum circensibus ludis meis lege Scantinia me possu-
landum curare; cum ego eadem lege Appium censo-
rem postulauim.

COERI sacellum, in domo quod est, ab eo petere. Censorum erat curare, ut sacella non in domo cuiusquam essent, sed populo paterent. itaque Livius libro XL. ubi loquitur de Lepido & Fulvio censoribus, Complura, inquit, sacella, publica q; sacra occupata à privatis, ut paterent, essent q; populo, curaverunt. Coelius autem, ut ostenderet, Appium censorem officio suo deesse, petere coepit ab eo, ut sacellum in domo privata ne relinqueretur: cuius rei cura Appij, qui censor erat, esse debuerat. sed libentius intellexerim de sacello, quod ipse Appius occupasset: ex quo grauior ei concitata esset inuidia, occupatis rebus à censore, quas censor ab alijs occupatas populo restituere deberet.

Ex epistola XIII. 122:

STOMACHO est scilicet Pompeius Magnus] Libentius legerem, Stomacho est Magnus, ut duæ illæ dictiones, scilicet Pompeius, inducantur, tanquam inanes, et supernuacaneæ, non à Cœlio, sed ab imperito scriptæ; quicum inter legendum in eam uocem, Magnus, incidisset, existimans eam obscuriorem fore, nisi alijs ipse uerbis illustrasset, supra scripsit, scilicet Pompeius. postea qui librum exscripserunt, imperiui, ut id genus ho-

minum esse solet, neque, quod adulterinum fuit, agnoscentes, glossema ad uerba Ciceronis admiscuerunt.

Ex epistola XIII. 123:

DE AGRI modo, de ære alieno] Libentius ita lego, quàm, ut alij, de agris modo. forte autem id fieri uolebat Appius, quod maiorum memoria uoluerant C. Licinius, & L. Sextius tribuni pl. qui leges promulgarunt, unam de ære alieno, ut deducto de capite quod usuris pernumeratum esset, id, quod superesset, triennio æquis portionibus persolueretur: alteram de modo agrorum, ne quis plus XL iugera agri possideret.

Ex epistola XV. 124:

QUANTVM ipse catenatus] Legit amicissimus meus, quantum Psecade natus: ut significetur Bellienus uerna: Psecas enim ancilla est: uernas autem eos esse, qui ancillis nascantur, nemo nescit. itaque dixit: si Bellienus ancilla natus Domitium comprehendere, & strangulare non dubitauit: quid Cæsari, qui est Venere prognatus, in uestro Domitio faciundum fuit? Hæc amicissimi hominis lectio, non dubito, quin à doctis probetur: cum & sensum habeat optimum, & à uetusto libro parum, ac pene nihil discrepet. De Psecade meminerunt Iuuenalis satyra VI. & Ouidius metamorphoseon lib. III. Cum hæc iam scripisssem, liber est allatus ad me perantiquus, in quo ita scriptum erat, quantum ipsecadenatus. posteaq; etiam in libro Petri Bembi scriptum animaduerti, ipse cadenatus: itemq; in alio, quem Cypro aduectum chirurgus mihi quidam commodauit. Itaque cum hanc lectionem & antithetorum gratia commendet;

(nam Caelius Caeliano illo suo more, hoc est, perargu-
te, Psecade natus, & Venere prognatus, opposuit) &
ueterum librorum confirmet auctoritas; non est, quod
quisquam de illius integritate dubitare amplius debeat.
Qua in sententia eo magis confirmor, quòd eam sum-
mo consensu eorum omnium, qui de literis optime iudi-
cant, quibusq; ego plurimum tribuò, comprobari ani-
maduerto. Utinamq; amicissimo illi meo tantum esset
à grauioribus studijs ocij, ut similia multa excogitare,
aut ea potius, quæ iampridem in hoc genere innume-
rabilia notata habet, commodo suo colligere, & cum
studiosis communicare posset. sperarem fore, ut, uete-
rum scriptis magna ex parte integritati suæ restitutus,
multorum, qui nunc sese inani labore torquentes, ni-
hil approbare, nisi quod ipsi pepererint, queunt, su-
peruacanea opera uideretur.

Ex epistola V. libri I X. 128.

CONSILII nostri, ne si eos quidem, qui id se-
cuti non sunt, non poeniteret, nobis p. p.] Vetusti li-
bris sic habent omnes: tantum in eo differunt, quòd, ubi
nos, ne si, scripsimus, habent, nisi. quam uocem non
temere immutauimus: qui enim aliter fuisset absurdis-
simus, is nunc, ut mihi quidem uidetur, aptissimus
est sensus, quem pluribus uerbis ostendemus: ut, si quis
eum probabit, (probabit autem, nisi fallor, quicun-
que recte iudicat) acceptam referat huius loci emenda-
tionem diligentia, atque iudicio Hieronymi Ferrarij,
præstantissimi iuuenis, qui restituendæ antiquitatis stu-
dio quodam adductus incredibili, quotidie fere præcla-
rum aliquid in literis à se aut animaduersum, aut ex

cogitatum, ultro ad me defert, ut id aliquando meis typis in communem studioforum utilitatem diuulgetur. sed ad rem. Consilij (inquit) nostri, quod & Pōmpeium in bellum secuti simus, & , eoin Pharsalia superato, uictori nos crediderimus; ne tum quidem nobis pœnitendum putarem, si eos, qui minus id secuti sunt, nō pœniteret. significat enim, qui secus fecerint, eos iam pœnituisse. quos si non pœniteret, ego tamen (inquit) nobis pœnitendum non putarem.

Ex epistola XV. 131.

INTELLEXI. pergratam tibi esse curam meam ualitudinis tuæ] Hunc locum ex libris manuscriptis restituiimus.

134:

AD scribendum:] quid, si, ADE. SCRIB. ut sit, adfuisse scribendo? quo modo et alibi locutus est, cum eos significaret, qui scribendo senatus consulto afuerant.

Ex epistola XVI. char. 136:

TV autem quod mihi bonam copiam iures, nihil est] Hieronymus Ferrarius, iuuenis subtilissimi iudicij, legendum arbitratur, bonam copiam iures, hoc sensu: non est, quod te mihi semper præsto fore, tuisq; bonam copiam facturum esse iures. ut respexerit ad id, quod M. Varro scribit libro VI. de lingua Latina: Debitores nonnulli pro pecunia, quam debebant, operas in seruitutem dabant, dum soluerent. id Sylla dictator sustulit: uoluitq; , ut ij bonam copiam iurarent, id est, ut, sui facultatem creditoribus semper esse facturos, iureiurando promitterent. Ferrarius sic accipiebat:

ego autem puto hic dictum esse, quod mihi bonam copiam eiures, pro quod iures mihi, te non habere unde sumptum facias. tantumq; abest, ut ex Varrone Ciceronis locum emendem, ut potius ex Cicerone Varronis locum putem esse corrigendum: ut legatur, uoluitq;, ut ij bonam copiam eiurarent: id est, ut iurarent, se non habere unde creditoribus satisfacerent. hoc multis argumentis probare non conabor. rectabo locum Sex. Pompeij, qui nostram sententiam ita confirmat, ut dubitatio prorsus nulla relinquatur. Eiuratio, inquit lib. V. significat, id, quod desideretur, non posse praestari. Plautus, Eiurauit militiam.

136:

AESTIMATIONEM te aliquam putes accipere: Allusit ad aestimationem possessionum, quam Caesar per arbitros debitorum causa fieri uoluerat, ut ij creditoribus facilius satisfacerent. qua de re initio libri III. de bellis ciuilibus, his uerbis. Cum fides tota Italia esset angustior, neque creditae pecuniae soluerentur, constituit, ut arbitri darentur; per eos fierent aestimationes possessionum, & rerum, quanti quaeque earum ante bellum fuissent, atque ea creditoribus traderentur. hoc & ad timorem nouarum tabularum tollendum, minuendum uel, qui fere bella, et ciuiles dissensiones sequi consuevit, & ad debitorum tuendam existimationem esse aptissimum existimauit. Suetonius etiam in Caesare, De pecunijs, inquit, mutuis, disiecta nouarum tabularum expectatione, quae crebro mouebatur, decreuit tandem, ut debitores creditoribus satisfacerent per aestimationem possessionum,

quanti quasque ante ciuile bellum comparassent, deducta summa æris alieni, si quid usuræ nomine numeratum, aut perscriptum fuisset. qua conditione quarta pars fere debiti deperibat. Cum igitur Papius ex eo Cæsaris decreto magnam à debitoribus plagam accepisset, æstimatis eorum possessionibus, non quanti uenire tunc possent, sed quanti ante ciuile bellum fuissent: iocans, ut solet, Cicero, Ne credas, inquit, cum me hospitio recipias, æstimationem te aliquā accepturum. Et dixit, æstimationem aliquam, tanquam si, magnum aliquod damnum, dixisset. Papius enim æstimationes, id est prædia, per arbitros iniæque æstimata à debitoribus accipiens, crediti iacturam non minimam fecerat. deinde sequitur, Etiam hæc leuior est plaga ab amico, quàm à debitore, hoc est, Et tamen, quod ab amico bona tua comedantur, non id tibi æque graue esse debet, atque illud est, quod debitorum causa deperdis: à quibus possessiones, quanti uendere nunquam poteris, accipiendæ tibi sunt.

Ex epistola XVII. 137.

NON modo me] Libri omnes uetusti hanc lectionem habent; quam, ut incorruptā, secuti sumus, qui autem ea sunt offensi, ex ingenio particulam, non, interiecerunt: uide quæ diximus in illum locum epistolæ penultimæ libri I. Non modo præmijs, sed ne periculis quidem:

Ex epistola XVIII. 138.

ÆSTIMATIONES tuas uendere nō potes] Hunc locum qui recte interpretaretur, neminem uideo fuisse. significat autem possessiones per æstimationem à

debitoribus acceptas . & , quemadmodum supra , posuit æstimationes pro rebus æstimatis .

Ex epistola X X . 138 .

NEC tamen ad hanc insolentiam] Alij mendum esse in uoce , insolentiam , existimarunt . ego insolentiã pro nimijs sumptibus , qui s . fiebant in coenas , accipio : à quibus se alienum esse dicit ; lautitiam tantum quærere . quod etiam supra , epistola huius libri X V I . his uerbis ostendit : Nec tamen eas coenas quæro , ut magnæ reliquæ fiant . quod erit , magnificum sit , et lautum . insolentiam eodem sensu posuit Philippica I X . 22 . magnifice enim , inquit , Ser . Sulpicius maiorum continentiam diligebat , huius seculi insolentiam uituperabat . et in oratione pro Sex . Roscio , 22 . Qui in sua re fuisset egentissimus , erat , ut fit , insolens in aliena .

138 :

C V M in sumptum habebas] Vetusiorum librorum hæc est lectio : quam alij quoque receperunt , licet eam (ut ipsi dixerunt) mendosam suspicati . mihi ea uel maxime probatur , ut desiderari nihil credam . dixit autem , cum in sumptũ habebas , pro eo quod dicimus , cum ad sumptum copiæ suppetebant , cum pro sumptu facultates erant ; cum erat tibi , quod esset in sumptum satis . sic enim hoc loco , in sumptum , id est , pro sumptu , dixit , quemadmodum etiam ad Atticum epistola V . libri V I I I . Tironem Curius commēdes , ut ei , si quid opuserit , in sumptum eroget . epistola etiam , quæ sequitur , eodem libro , sed eum , inquit , uideo in sumptum ab alijs mutuatum . & ad eundem libro X V . uelim cures , ut permutetur Athenas , quod sit in an-

num sumptum . imitamur igitur lautitiam tuam , inquit ; illam ueterem , cum habebas in sumptum : etsi nunc quidem plura prædia tibi sunt : quæ scilicet à debitoribus pro pecunia , quam credideras , inuitus accepisti , æstimata ex edicto Cæsaris , quanti quæque ante ciuile bellum fuissent . hæc enim quasi per iocum dicta sunt ; ut irrideatur Pætus , qui non habeat in sumptum , ut antea ; cum ei possessiones multo , quàm antea , plures sint .

Ex epistola XX I . 139 .

I L L V D à Trabea ,] Cum Papirius ostendere uellet Ciceroni , se frustra ipsius stylum imitari , Trabea poeta uerbis id ostenderat . quod reijcit Cicero , ac potius sibi illud ipsum à Trabea opus esse affirmat . nã cum Papirius non solum consequatur , sed etiam uincat : suum esse , frustra conari , affirmat . ἀπὸ τοῦ γμα igitur meum , subaudi , est . tu enim omnia , quæ uis , consequeris : quod ego non possum : itaque ἀπὸ τοῦ γμα meum est , non tuum .

Ex epistola XX I I . 104 .

P E R uim uiolat] Antiqui , uiolauit uirginem , pro , uitiauit ; & cum muliere fuit , pro , concubuit , modeste dicebant . auctor M . Varro libro V . de lingua Latina .

140 .

P E N I C V L V S] In omnibus fere manuscriptis libris ita legitur . cuncti tamen impressi , penicillus , habent : quam lectionem ab ijs repositam existimo , qui , quid peniculus significaret , non intellexerunt . quæ quidem uox à Sex . Pompeio libro X I I I . bis exponitur .

Peniculi (inquit) spongiæ longæ propter similitudinem caudarum appellatæ : penes enim uocabantur caudæ . Et inferius . Penem caudam uocabant . hinc peniculos diximus , quibus calceamenta terguntur . ex quo uel maxime uetusti libri lectio comprobatur : eisdem enim sensum S. Pompeius ijsdem uerbis , quibus Cicero , cõplexus est . Plautus quoque in Menæchmis , actû I. Iuuenius (inquit sub persona parasiti) nomen fecit Peniculo mihi , Ideo quia mensam , quando edo , detergeo . ut eius uocis significatio obscura iam esse non possit . hunc autem locum ingeniosissimo , atque eruditissimo iuueni Hieronymo Ferrario debemus .

Ex epistola penultima , 142.

N V N C ades ad imperandum , uel ad parendum potius : sicut enim antiqui loquebantur .] Difficilis locus : qui me diu ualde torfit . interpretes enim omnes , alij eum , ut scopulum , euitarunt . alij , dum uideri uolunt intelligere quod minime omnium intelligunt , ineptiarum nescio quid attulerunt , quod rideri magis , quàm refelli , debeat . comperi igitur , locutionem esse ueterem , Et antiquis usitatam : licet eius non multa habeamus exempla : quibus enim in scriptis ueteres illi dicendi modi frequentius potuissent deprehendi , eâ ferme omnia deperierunt , itaque ex unius Sallustij uerbis locus hic ad Patum exponitur . facile enim colligitur , antiquos , ad imperandum , passim dicere solitos , ut etiâ Cicero ipse exponit . sed ponamus Sallustij uerba , quæ sunt in Iugurthino , 52 : Iugurtha , inquit , ubi armis , uirisq̃ , Et pecunia spoliatus est : cum ipse ad imperandum Tisdrum uocaretur , rursus cœpit flectere animû

suum, & ex mala conscientia digna timere. ad imperandum, dixit, id est ad parendum, & ad imperata facienda: quemadmodum Cicero, ades ad imperandū, pro ades, ut ego tibi imperem. Hunc loquendi modum et Seruius agnouit in illo bucolicorum uersu apud Virgilium, Frigidus in pratis cantando rumpitur anguis. Cantando, inquit, dum incantatur.

Ex epistola ultima, 142.

HARVM exemplum] Cum Cicero apud Volturnium Eutrapelum cœnaret, hanc epistolam ad Papi-
rium in codicillis conscripserat, eo consilio, ut, cum domum redisset, eam in charta exscriberet, & ad Papi-
rium mitteret. propterea harum exemplum dixit: nō enim in animo habebat, eas ipsas mittere, quas scribebat, quas uocat exemplum, sed eas, quas inde exscribere cogitabat.

142:

ET SI minimum mihi est in cœna] Postquam in literis satis uersatus sum, etsi cœnas in minimis pono; tamen, cum aliud, quod agam, non habeam, ad cœnas me confero. locatur autem in his uerbis, Minimum mihi est in cœna, referens uerba Papi-
rij: qui cū Dioni philosopho posuisset illud ὀντισμα, esset ne aliquid minimum; negassetq; Dion; (negāt enim philosophi, quicquā esse in magnitudine minimum; cū tam parua magnitudo nulla sit, quæ non diuidi queat) iocans Papi-
rius adiecit, Mihi uero minimū est in cœna; cum cœna nam sibi tenuiter admodum paratam esse indicaret.

Ex epistola ultima, 143.

ET gemitum etiam in risus maximos transfero]

Hunc

Hunc locum alij ita , ut nos , iam ante emendarunt : sed interpunctis aliter distinxerant , ut sensum plane alium efficerent . nos Ciceronem credimus hoc dicere . In conuiuio cum patriam satis luxi , à mœstitia & gemitu uel maximam ad hilaritatem , maximosq; risus me conuerto .

143.

ILLE BARO] Baro mulier fuit philosophiæ dedita , ut scribit Suida . ex eo philosophos , qui stolidiores essent , non philosophos , quòd eo nomine uiderentur indigni , sed Barones uocabant , ut quasi muliercula per contemptum appellarentur .

Ex epistola I . libri X . char . 143 :

DE MEDIO cursu] Ex ueteri libro ita emendauimus . sic autem locutus est in fine libri III . de officijs , eadem de re loquens , si ipse (inquit) uenissem Athenas : quod quidem esset factum , nisi me de medio cursu clara uoce patria reuocasset . item ad M . Brutum epistola , cuius initium est , Messallam habes . itaque in medio Achaico cursu , cum Etesiarum diebus auster me in Italiam retulisset .

Ex epistola VIII . 148 :

VICTORIAM pararemus] Hæc lectio cum neque sensu careat , & in libro manuscripto Vincentij Riccij sit , itemq; in eo , quem Vbalдинus Bandinellus habet : (ut omittam alios) non uideo , cur quidquam immutetur . in antiquis libris tum , pararemus , tum , patere-
mur , tum , patiremur .

Ex epistola XII . 150 :

TVA dignitas affert] Antea legebatur , affe-

Q. Q.

Baro, Sisto-
rius fuit, qui
scripsit episto-
lam eandem que
Alexandri tem-
poribus contige-
rat. Suidas.
nihil aliud.

rat. nos, affert, ex uetusto libro, quem habet Ioannes
Scala. est autem sensus. ita mihi detur te uictorem com-
plecti rep. recuperata, ut mihi magnam letitia partem
tua dignitas, affert. uerbum complectar, qui credide-
runt esse indicatiui modi; uocem, affert; ut ipsi puta-
bant, emendarunt; ut ego existimo, deprauarunt.

151:

BREVIA, fugacia, caduca existima] In uoce
fugacia, uetusti libri dissentiunt. alij, fugacia; alij;
fugatocia; alij, fugato, habent. ego, etsi uulgata le-
ctio sensu non caret, tamen libentius legerem, fucata:
ut tralatio sit à mulieribus, quarum saepe nitor non
naturalis, sed fucatus est, ideoq; breuis, & caducus.
hæc (inquit) fucata existima, quoniam uerum splen-
dorem non habent, sed collecta sunt inanissimis splen-
doris insignibus.

Ex epistola XVII. 153:

OBSIDE fide] Sic in omnibus uetustis exem-
plaribus. & dixit, fide, pro fidei, generandi casu;
quemadmodum etiam Sallustius in Iugurtha, decima
parte die reliqua, pro diei. id quod Gellius adnotauit:
qui etiam C. Casarem, huius die, & huius specie, dicen-
dum putasse tradit.

153:

DE tribus fratribus Segauiano probauit.] Ita lea-
gitur in omnibus libris manuscriptis. forte melius, S:
Gauiano, ut significetur Sex. Atilius Gauianus, de
quo in oratione pro Sextio. sensus erit: In ea re (ut
scilicet Lepidus Apellam ad me mitteret) studium mihi
suum Gellius probauit; de tribus autem fratribus,

(quidpiam significat nobis minus notum, cuiusmodi in epistolis ad Atticum scriptis multa sunt) Sexto Gauiano. Postea in Vbaldini libro animaduerti scriptum esse, Gauiano, pro Segauiano.

Ex epistola XIX. 155.

GRAVISSIMAE, & maxime fortissimi animi, summiq; consilij] Sic habent omnes impressi libri. nos in nostro ita legi, & interpungi uoluimus: grauissima, & maxima, fortissimi animi, summiq; consilij: ut animi maxima res sint, consilij grauissima.

Ex epistola XX. char. 155:

ERRARE] Potuisti errare: decipi non potuisti: error enim facile in mentem irrepit, neque id cuiusquam licet effugere. quoniam autem qui decipiuntur, ostendunt se minus ualere prudentia, quam satis sit: iccirco tu, qui prudentissimus es, decipi non potuisti: & est turpius decipi, quam errare: nam erramus ipsi, opinione lapsi; decipimur ab alio, prudentia uicti. sed quoniam, inquit Cicero, credulitas te in errorem induxit, cum sperares, Lepido te esse bono usurum, qui deinde tuam spem fefellit; eadem credulitas non iam te amplius in eundem errorem inducet: nam re expertus es, Lepidum esse infidum, neque eum recte facturum. ergo etiam erroris causa sublata iam est; ut iam non modo decipi, sed ne errare quidem possis. nisi si in eadem re iterum errare, hoc est, iterum Lepido uelles credere, homini fallacissimo, & à reip. partibus alieno. quod si committeres, magnam infamiam subires, quod quasi ad eundem lapidem, ut dicitur, offendisses. quam culpam scis uulgari prouerbio esse reprehensam.

SCHOLIA

Ex epistola XXX. 162.

AMPLIVS passus quingentos] Passuum numerum; quem alij manuscriptis in libris se non vidisse dixerunt, comperimus in libro perantiquo Vincenzij Riccij.

Ex epistola XXXI. 163:

QUANTAS habuerim contentiones] Antea, conciones. nos, contentiones, emendauimus ex uetusto libro Pauli Boti, & ex epistola sequenti, in qua idem Pollio ita scribit: Nec uero minus Lepidus urfit me & suis, & Antonij literis, ut legionem trigesimam mitterem sibi.

Ex epistola XXXII. 164.

DUXIT se à Gadibus] Locutio quibusdam uisetur durior: qua tamen & Terentius in Hecyra usus est, Vxor (inquit) ubi me ad filiam ire sensit, se duxit foras: et Plautus in Aulularia cum dixit, Ego me deor sum duco de arbore. & in Bacch. Duc te ab ædibus.

164.

SEX. Varro pro consule] Historia mihi quidem ignota. & ut dicam, quod sentio, mendum subesse crediderim: nam etiam librum habeo uetustissimum, in quo hæc uerba non leguntur.

164:

CIVIS Romanus natus sum] Cum mihi Hieronymus Ferrarius Corrigiensis hunc locum se habere suum spectum dixisset; & ut ueteres libros inspiceremus, rogasset; collatis cum impressa lectione manuscriptis libris, diſtinctionem, natus, ita ut ipse existimauerat, abundare comperimus. quo factum est, ut eam de nostro

expungere ne dubitarem . hanc autem coniecturam ea ratione Ferrarius faciebat, quòd Ciceronem VII. in Verrem libro ita locutum esse meminisset. Cervices (inquit) in carcere frangebantur indignissime civium Romanorum, ut etiam illa vox, & illa imploratio, Cuius Romanus sum, quæ sæpe multis in ultimis terris opem inter barbaros, & salutem tulit, ea mortem illis acerbior, & supplicium maturius ferret. et infra eodem libro, Nulla vox audiebatur, nisi hæc, Cuius Romanus sum, & item paulo post sæpissime: ut sibi quisque legendo facile reperiet.

Ex epistola XXXIII. 165.

NON maior tamen, quam Planco fuit] Hoc dicit . sane mecum iniquissime agatur, si propter amicitiam, quæ mihi cum Antonio fuit, durius quidquam homines de me suspicentur; cum eundem Antonium non minus, quàm ego, dilexerit Plancus; cui tamen exercitum credidistis, ut cum Antonio, reliquisq; bonarum partium inimicis bellum gerat. scripsit autem hoc cum indignatione quadam, graviter ferens, inimicum suum melius erga remp animatum existimari. inimizias autem inter Asinium, & Plancum fuisse, cum alijs, tum Plinius in præfatione librorum suorum ad Vespasianum ostendit.

166.

HABERE equitum] Sic omnes libri manuscripti . forte legendum sit, habere equitatum, ut subaudiatur, quem antea habuerat . equitem enim in pugna nullum amiserat Antonius . nam etiam epistola huius libri ultima, Equitatum, scribit Lepidus, habet bene ma

gnum : nam omnis ex praelio integer discessit. sæpe autem , à librarijs in scribendo syllabam fuisse omissam , animaduertimus.

166.

P. VAGIENI] Hanc lectionem in extremo olim adnotaueram , è coniectura tantum , uetustis libris nihil adiuuantibus : postea in antiquo exemplari , quod Bernardinus Maffeus habet , eam reperi.

Ex epistola penultima , 166 :

IMPERATOR iterum ,] In libro Vincentij Riccij , & in alijs legitur , imperator ter. id est tertium : quo modo etiam dicebatur , consul tertium . sed siue , iterum , siue , tertium , legas : mihi tamen de loci integritate certum non est . nam quod alij dicunt , in titulis , & monumentis solitos fuisse ueteres notare , quoties à militibus ob rem bene gestam imperatores essent appellati : sane id assentior : sed factum esse antequam Augustus remp. opprimeret , nondum comperi . ego , ut dicam quod conijcio , sine affirmatione tamen , malletm legere sic : imperator , pontifex max. ab antiquis literis non admodum discedens : si quidem in libro manuscriptorum Petri Bembi legitur , Imp. & ter. Idem Vbalduino Bandinello uidebatur .

166.

IN ciuibus conseruandis] Potius ita lego , quàm , obseruandis . nostram lectionem habet liber manuscriptus Bernardini Maffei , & antiquissimus alter , qui est apud Vbaldinum Bandinellum .

166 :

III. cal. à Ponte Argenteo] Vitiosi sunt hoc loco

eo manuscripti libri : sed boni tamen aliquid habent singula. in tribus uetustissimis legitur , IIII. cal. à ponte Argenteo : in eo , de quo mihi Vincentius Riccius commodauit , qui & ipse per antiquus est , III. cal. Iunij : itaque in nostro libro , IIII. cal. Iunij , scribere non dubitauit : ut sit dies , quo se cum Antonio coniunxit . libro enim X. epistola , cuius initium est , Nunquam mehercule , ita scribit Plancus . Lepidus , desperato aduentu meo , se cum Antonio coniunxit ad IIII. cal. Iun. hanc autem epistolam , post eam , quæ sequitur , scriptam esse , nemo non uidet .

Ex epistola ultima , 167.

XXX.] Lineam , quam super numerum duximus , olim ab aliquo fuisse omissam credimus , qui , ea quanti esse , ignoraret : nam in libro Vincentij Riccij scriptum est , XXX. quo modo autem nos scripsimus , triginta millia , significatur .

167.

MEMINI autem] Sic , opinor , melius , quam , ut antea , memini enim . quo enim spectabat uox illa , enim ? mihi certe cum superioribus coherere posse non uidetur . itaque deleta , reposui , autem , motus auctoritate uetustissimi libri , quem habet Vincentius Riccius , in quo , autem , pro enim , scriptum est . quam præcedens dictio mendum habet . non enim , memini , sed maxime , in eo libro legitur . sed nullus est tã antiquus liber , qui non multis locis corruptus tamen sit . itaque uno , aut etiam altero manuscripto libro qui se putant ueteres scriptores posse restituere , meo iudicio saluatur . plurimis opus est . qui licet inquinati sint : tamen

ex singulis boni aliquid excerpentes, usu saepe uenire uideamus, ut ex multis libris, qui mali sint, bonus tamen liber efficiatur unus.

Ex epistola X. libri X. char. 172.

MALLE me tuum iudicium] referuntur hæc ad id, quod dixit, exploratum habes. totum autem hunc locum ex libro Pauli Boti, & Vincentij Ricci emendauimus.

Ex epistola XVII. 180.

QVID defuit nostræ familiaritati in maximis rebus? quonam modo me gererem aduersus Cæsarem; usus tuo consilio sum] Distinguo sic. quid defuit nostræ familiaritati? in maximis rebus quonam modo me gererem aduersus Cæsarem, usus tuo consilio sum.

Ex epistola ultima; 182:

DIGNISSIMO Cæsare] ita lego ex libro Ioannis Scalæ manuscripto. sensus hic est. munus illud & eius hominis, qui mihi amicissimus fuit, memorie præstare debui; & ei adolescenti, qui optimæ spei est, ac Cæsare dignissimus, negare non potui. in quibusdam antiquis exemplaribus legitur, Cæsari repetenti. quod nostram lectionem magis uidetur confirmare.

Ex epistola I. libri XII. char. 183.

ITA compressum est] Antea, compressa est, in libris omnibus impressis. nos, compressum, ut est in libro Vincentij Ricci, rectius, quàm compressa, legi putauimus: ut referatur ad uerbum, manabat: antitheta enim sunt comprimere & manare: quibus etiam usus est libro ad Atticum II. orationem illam ita compresseram, ut nunquam emanaturam putarem.

TANTA contentione] Corrigo, concione: fidem habens Volfango Vuerter docto & probò adolescenti, mihiq; familiaritate coniunctissimo, qui se in antiquo libro, concione, pro contentione, legisse affirmat.

NON subita, nec incōuenientia] Ita legitur in libro manuscripto Bernardini Maffei, Ioannis Scale, Pauli Boti, Vbaldini Bandinelli, Petri Bembi. unus Vincentij Riccij habet, disconuenientia. qua uoce Horatius quoque usus est epistola I. libri I. Aestuat, & uitæ disconuenit ordine toto. itaque si quis, inconuenientia, non probat; disconuenientia, poterit legere.

Cui Lucilius praeerat] Appianus hunc appellat L. Figulum. quod cum ita sit, & cum Figulos non è Lucilia gente, sed potius è Nigidia fuisse compererim: libentius legerim, Lucius, quàm Lucilius: nam etiam in uetusto libro Bernardini Maffei, non, Lucilius, sed, Lucius, legitur.

CASTRÀ habet posita Παλῶϊ] E' ueteri libro Pauli Boti sic emēdauimus, figura græca in aduerbijs in loco, ut κορυθαλλος κορυθαλλοῖ, περβαλινθος περβαλινθοῖ, φάληρον φάληροῖ, φρεαρόοι φρεαρόοι.

AC ROMANI iacride] Vetus libri alij aliter habent. sunt qui legendū credant, à Cromyu Acrīde. alij, Acamantide, quòd in antiquo libro scriptum dicant, Acomantide. utraque lectio defendi potest. de

promontorio Acamantide Plinius, & Strabo.

Ex epistola XIII. 190.

QVAM re uera furere eos inueni. quod uero alii quid de his scripsi,] Totum hoc non erat in impressis, praterquam in uno, quem Robertus Stephanus, typographus Parisiensis diligentissimus, ediderat. quem ego secutus, omnes illas uoces addidi septimum abhinc annum. eas nunc in uetusto libro Vincentij Riccij esse uideo.

Ex epistola XVII. 195.

IN ista solitudine] Solitudine potius, quam sollicitudine, è tribus antiquis libris, et e sensu legendum putauì. dixit enim, sollicitudine, pro summo otio: quod apertius sequenti epistola. Et si (inquit) periniquo patiebar animo te à me digredi: tamen eo tempore me consolabar, quod & in summum otium te ire arbitrabar, & ab impendentibus magnis negotijs discedere.

Ex epistola XXII. 196.

COLLEGA nostro] Vetusli libri nonnulli habent, uestro: quos alij secuti sunt: qui quidem, non uideo, qua ratione ducti id fecerint: fecisse tamen arbitror non temere: sed cum in libris item manuscriptis, collega nostro, legatur; (habet autem unum ex antiquis exemplaribus, in quibus ita scriptum sit, Petrus Bembus, habet & Bernardinus Maffeus) Antonium autem Ciceroni in auguratu collegam fuisse, notissimū sit: priorem lectionem conseruauì, quam eo minus arbitror immutandam, quod & ad Atticum scribens, epistola penultima libri X. collegam suum appellat Antonium: inquit enim, Misit puerum, se ad me uenire: hoc quia

dem melius, quàm collega noster Antonius, cuius inter liſtores lectica mima portatur. & Philippica II. 181. ſumē diē : uide, qui te inauguret : collega ſumus.

Ex epistola XXV. 198.

QVAM turbo deiecerat] Vide Dionem libro XXXVIII. chart. XVIII. item libro XLV. charta CVI. & Iulium Obſequentem in libro de proſ digijs.

198:

QVODDAM græcum tempus ſeruitutis] Suſpicio in uoce, græcum, eſſe mendum. neque tamen excogitare quidquam ipſe potui, quod pro ea reponendum uideretur. Vbaldini autem Bandinelli coniecturā non improbo. cum enim ſatis commodum uidetur habere ſenſum, tum à ueteri ſcriptura nō admodum recedit. nam cum in libris quibuſdam antiquis, pro Græcum, ſcriptum ſit, cecum; ipſe, nihil fere præter unā literam immutans, legendum putat, necūm, id eſt neceſſarium. cecum autem in antiquo libro Vincentij Ricciſ ſcriptum eſt. mihi tamen & M. Antonij Muræti, iuuenis cum politoribus literis ualde eruditi, tum ſcientiarum etiam laude præſtantis, ualde placet opinio: qui putat græcam uocem deſiderari: quam librarius cum non intelligeret, in libri margine adſcripſit, Græcum. deinde alij, quaſi à Cicerone ſcriptum, receperunt.

Ex epistola II. libri XIII. char. 203.

SUBITUM eſt ei remigrare cal. Quint.] Calēda (inquit) Quintiles; quo die domo tua, in quam uenerat, exeundum eſt; nimis ſubita ſunt, &

propius adsunt, quàm ut ipse possit, operibus, quæ instituit, perfectis, suo commodo discedere. sciendum autem est, annuas domorum locationes calendis Quint. apud ueteres fieri solitas. itaque epistola I I I. libri I I. ad Q. fratrem, domus (inquit) tibi ad lucum Pisonis Liciniana conducta est: sed, ut spero, paucis mensibus post cal. Quint. in tuam commigrabis. post cal. Quint. dixit, id est finito locationis tempore, demigrantibus ijs, quibus eam locaueras. Suetonius autem in Tiberio, Senatori (inquit) latum clauum ademit, quæ cognouisset sub cal. Iulij demigrasse in hortos, quo uilius post diem ædes in urbe cōduceret. quòd igitur Euanthro, quem statuarium fuisse coniicimus, subitū erat, id est, propter breuitatem temporis incommodum, remigrare cal. Quint. ad quam diem opera, quæ multa multis instituisset, absolui non posse intelligebat; quæ moueri loco, & alio transferri, cum perfectæ non essent, commode non poterant: petit à Memmio Tullius, ut ei de habitatione accommodet, ne cogatur cal. Quint. ut moris erat, remigrare, quod sine damno facere nō posse uidebatur. sed, ut dicam quod sentio, legendum uidetur, demigrare. in antiquo libro Vbaldini scriptum est, eius remigrare.

Ex epistola V I I I. 20:

C V I V S ex filia] Antea, cuius ex familia, in omnibus impressis legebatur. nos septimum abhinc annum, filia, correximus ex oratione pro P. Sextio, in qua C. Albinus filiam P. Sextio nupsisse traditur.

Ex epistola I X. 207:

R V P I L I V S P. F. Men.] Diximus supra,

ciues Romanos à tribu ostendi solitos : quæ quidem tribus plerunque in antiquis & lapidibus , et libris prima tantum syllaba scripta legitur : itaque corruptos opinor hic esse libros , & pro Men. legendum Met. ut intelligatur Metia tribus . sed est quod magis placeat : potius enim ita legi uellem , P. Rupilius P. F. An. ut Anien-sis tribus significetur : nam Vincentij Ricci liber anti-quus habet , P. Rupilius P. Fannius . cuius uitij fuit hæc origo , quòd cum scriptum esset , P. F. An. imperia-ti , ueteres notas non intelligentes , scripserunt , P. Fan-nius . de tribubus autem multa diximus in V I I I . epi-stola V I I I . libri.

Ex epistola X . 207 :

DEINDE ut se corroborauit] Interpretes uerbi significatū non intelligentes , alij aliter exposuerunt. dixit autem , corroborauit , pro , egressus est annos pu-bertatis , & uir esse cœpit , quemadmodum in oratione pro M. Cœlio . 39 : Cum is iam se corroborauisset , ac uir inter uiros esset . & in eadem 46 . non modo hæc ætas , sed etiam iam corroborata , id est , non modo adolescen-tes , sed etiam uiri . & supra , eiusdem orationis initio 38 : eos , qui non , ut Cœlij accusator , adolescentes es-sent , sed uiri , robustiores appellauit . alibi etiam in hæc sententiam eodem uerbo usus est .

Ex epistola X I I . 209 .

SED ut hanc addam] Alij aliter . nos sic emen-dauimus ex uetusto libro Bernardini Maffei .

Ex epistola X V . 210 .

PERVSTVM , etiamnum] Cum antea lege-retur , perustum & inanem , nos ex uetustis libris , &

è sensu olim emendauimus, perustum etiamnum. sed quoniam Vincentij Ricci liber habet, perustum immani; alij autem, perustum inanem: non absurde etiam legi posset, perustum, inani gloria uolunt incendere. quod autē dixit, & iam, uide, num legi possit, at ij me.

Ex epistola XV II. 211.

QVAM maximus postea commendatione c. d.] Etsi uetusti omnes libri ita scriptum habent: ego tamen legendum crediderim, quā maximus potest, mea cōmendatione c. d. uel, quam maximus post mea commendatione c. d.

Ex epistola XX I. 212.

IN omni genere officij diligendus] Quid, si legatur in omni genere officij diligentiss. id est, diligentissimus? qua ratione etiam dixit in oratione pro Plancio, 232: in omni officio diligentissimus. et pro M. Caelio, 53. uiro omnis officij diligentissimo. & pro Cluentio, 45. in omnibus officijs retinendis diligentior esse nemo potest. sed hæc eruditorum iudicio permittimus: incerta enim in re affirmare quidquam, & immutare, tum temerarium est, tum periculosum.

Ex epistola XXXVII. 219:

PUBLICÈ possidentur] Legem apud Calatianos fuisse crediderim, quæ cauere, ne quidquam publice, nisi publico nomine, possideretur. Hippia autem bona alieno nomine, ut puta cuiuspiam absentis, uel pupilli, publice possidebantur.

Ex epistola XLI I. 220:

BYLLIONES] impressi libri, Belliones, habebant; manuscripti, Pylliones itaque nihil dubitant

dum putauimus, quin esset uera lectio, Bylliones: u enim literam pro y scribebant antiqui; & ita in uetustis libris persæpe legitur, ut Sulla pro Sylla, myrrha pro myrrha, & alia huiusmodi. Bylliones populi sunt supra Epidamnum, quorum meminit Strabo lib. V I I. dicti à Byllide, quæ est ciuitas in Illyrico, de qua Stephanus de urbibus.

Ex epistola L. 222.

M V L T A in illū mea; quodq; maximum est,] Hanc lectionem puriorem, & elegantiorē existimamus, quā quæ antea in omnibus impressis habebatur. eam accipimus ex libro manuscripto Vincentij Riccij.

Ex epistola L I I. 223.

C I C E R O regi S.] Opinor hunc Regem aliquem fuisse gentis Martiæ, cuius cognomen fuit Rex: itaque etiam Clodij sororis uir Q. Martius Rex appellatus est, auctore Plutarcho in Cæsaris uita. ad Atticum etiam, char. 12: cum dicit, ille autem Regis hereditatem spe deuorarat, eum, quem diximus. Q. Martium Regem intelligit.

Ex epistola I I I I. libri X I I I I. char. 235.

P R A E T E R E A magnopere nemo cæterorum seruorum. ea causa est, &c.] Sic antea in libris impressis. ego distinctione tantum locum restituo, ut ita legatur. præterea magnopere nemo. cæterorum seruorum ea causa est, ut si res &c. quoniam autem non ita apertus uidetur sensus, pluribus uerbis exponemus. Cicero ueritus amissionem seruorum cum tota re, remisit eos hac conditione, ut, si per legem Clodiam bonis

omnibus priuandus esset, ij suo beneficio liberti essent, si modo id per Clodium licuisset: sin autem lex seruos non adimeret, & ut ad ueterem dominum pertinerent, concederet; seruirent, ut antea, praterquam pauci, quos benemeritos omnino liberos uellet. dixit autem, ceterorum seruorum, intelligens suos: nam ex Terentia seruus neminem manumiserat: tantum ijs, eam facturam esse, ut quisque esset meritus, promiserat.

Ex epistola V I. 136:

POLLICEM] Antea, Pollucem: nos septimum abhinc annum emendauimus, Pollicem, ex uetustis libris, & lib. XII I. ad Atticum: quo in lib. circa finem ita scribit. Pollex quidem, ut dixerat, ad idus Sext. ita mihi Lanuuij pridie iduum praesto fuit, sed plane pollex, non index.

Ex epistola V I I. 236:

ID EST Apollini, & Aesculapio] Hoc totum suspicor in margine ab aliquo fuisse scriptum, qui uellet nomen eius dei ponere, quem Cicero significat. deinde qui librū exscripserunt, Ciceronis uerba falso existimantes, receperunt in ordinē uerborū quod glossematis uice fuit. nihil tamen immutauit, quando manuscripti libri, ut impressum est, omnes habent.

Ex epistola I. libri XV. char. 240:

A' TARCONDIMOTO] sic habent uetusti libri: à quibus, nō uideo, cur hoc in loco dissentiendū sit: praesertim cum et Dion in fine lib. XLI. & L. Florus initio belli ciuilis inter Casarem, & Pompeium gesti, Tarcondimotum eum appellent: mendose enim in Floro, Tarcon Himotus, duabus uocibus impressum est,

est, cum in libro manuscripto una sit.

240:

CONSVETVDINEM] Putat legendum esse Hieronymus Ferrarius, mansuetudinem: quod etiam 243: quæ copijs (dixit) & opibus tenere uix possumus, ea mansuetudine, & continentia teneamus: ad Atticum 78. socijs incredibilis uideretur & nostra mansuetudo, & abstinentia.

Ex epistola III. 244.

PRAESENTIA, magnitudine & animi, & consilij] Est hæc, ut opinor, huius loci uera lectio: quam ex antiquis exemplaribus accepimus: quibus in omnibus, quos quidem ipse uiderim, præsentia, legitur, non præstanti, aut præsent. nos autem ueterum librorum auctoritatem in dies magis, magisque facimus: permulta enim, quæ in ijs primo intuitu uideantur absurda; post, ubi, diligentius animaduuerteris, commodissime dicta reperientur: ut hoc in loco, qui statim, uerbum illud, præsentia, quid sibi uellet, aut quò spectaret, non perceperunt, uitiosum credentes, immutarunt: est enim ita dictum, præsentia, magnitudine, et animi, & consilij, tanquam si dixisset, præsent. animo, magno consilio; ut præsentiam animi, magnitudinem consilij esse uoluerit: quemadmodum etiam alibi, præsentem animum sæpiissime dixit: etsi ubique fere eandem uocem imperiti deprauarunt, præstantem, non præsentem, legentes. præsentiam quoque animi dixit in oratione pro Milone 113. et Caesar belli Gallici lib. V. 59:

244:

SACERDOS] Quid sacerdos hic significet,

RR

Hirtij uerbis ostendimus : sic enim scribit de bello Alexandrino lib. I I I I . 215 : Comana, uetustissimum, & sanctissimum in Cappadocia Bellonæ templum, quod tanta religione colitur, ut sacerdos eius Deæ, maiestate, imperio & potentia secundus à rege consensu gentis illius habeatur ; id homini nobilissimo Nicomedi Bithynio adiudicauit. Appianus autem in fine Mithridatici, Commagenis (inquit) Archelaum sacerdotem præfecit, quæ dignitas habetur regia . Strabo etiam initio libri XII . idem tradit.

244:

ADOLESCENS & equitatu, & peditatu, & pecunia paratus, & toto, ijs, qui nouari aliquid uolebant] Sunt, quos offendat hæc lectio. ac fuit, cum ego quoque corruptum locum existimarem . nunc de mendo nihil suspicor : dixit enim, & toto, id est, & ea re, quæ summa est : deinde exposuit, totum illud quid sit : ijs, qui nouari aliquid uolebant : à quibus maxime timendum erat, quod adolescentem uel leuibus rationibus ad bellum possent impellere . adolescens, igitur dixit, & equitatu, & peditatu, & pecunia paratus, et, quod summum est, ijs, qui nouari aliquid uolebant. sic etiam ad Atticum, 80. est totum, quid cal. Mart. futurum sit, pro, est summum, est maximum, in eo sunt omnia, quid cal. Mart. futurum sit .

245:

TIBARANI] Forte, Tibarenî, de quibus Plutarchus in Lucullo, & Plinius, ubi Temiscyræ regionis gentes persequitur : nam Tibaranorum mentionem nondum inueni .

RES, quas consul in urbe gessisset] In quo ita legatur, uetustum habet librum magnæ spei adolescens Iosephus Tramezinus. Consul autem, id est Cicero: commemorantur enim, quæ pro Ciceronis dignitate & dixerat, & fecerat Cato. quis sit autem is, quem clarissimum, atque optimum uirum appellat, intelligere nondum potui. Cæsarem quidem, ut alij existimant, non arbitror. quem Cicero nunquam optimum uirum uocasset, ad Catonem scribens, Cæsaris inimicum, præsertim cum tota fere epistola eius beneuolentiam quasi aucupari uideatur, quo facilius supplicationem obtineret Catone comprobante.

CUM hæc te tertia iam epistola ante oppressit,] Alij, ante operis sit, durius omnino, & sensu, ut ego existimo, non admodum probabili. quid enim? adeo longa est hæc epistola; ut opus uideri possit? nam quod illas dictiones, schedam aut literam, epistolarum numero respondere negant: id ego illis concedo: sed referri dico ad illam uocem, epistola: ut quasi Cassium reprehendat, qui schedam aut literam nondum dederit, cum epistolas iam tres acceperit. legitur autem, ut nos impressimus, cum in alijs libris manuscriptis, tum in eo, quem habet Vincentius Riccius: qui quidem liber uetustissimus est; ut græcas dictiones, quæ sunt in uetustis exemplaribus perquam raro, maiusculis literis scriptis habeat.

Ex epistola XVI. 253.

QVO'D uelis ipsa currunt] Fuit, cum de mena

do suspicarer : nunc de loci integritate non dubito: cum
 & ueteres libri cum impressis fere omnes consentiant ,
 et currere uelis, Latine atque usitate dici constet. exem-
 plis, quia patent, abstinere. Vincentij Riccij liber hoc in
 loco etsi deprauatus, ab alijs tamen diuersus est : habet
 enim, quod in his incurrat . alij emendarunt, quod uel
 ijs ipsa occurrunt . quam lectionem etsi laudamus, ut
 ingeniose excogitatam, non tamen sequimur, neque sa-
 tis ei confidendum credimus, cum à uetustis libris, et
 tiam quos ipsi habuerunt, discrepet. nam quòd Germa-
 nos pro, currunt, occurrunt, impressisse dicunt : id ego
 eos fecisse tantum modo coniectura duetos facile credi-
 derim : non enim hic solum, sed in reliquis etiam Cice-
 ronis scriptis multa eos arbitratu suo uideo mutasse.

Ex epistola XIX. 254:

• ΗΔΟΝΗΝ uero, & ἀναλγησίαν] Robertus
 Stephanus Parisiensis hanc uocem, ἀναλγησίαν; ubi
 legebatur, διαξιαν; in suo libro impresserat . quæ uox
 sensum cum haberet meliorē, quàm uulgata illa prior :
 ipse item in meo libro septimum abhinc annum eam im-
 pressi, existimans, Robertum, si quid immutasset, id
 fecisse librorum antiquorum auctoritate testimonioq;
 adductum. alij postea non absurde emendarunt, ἀτα-
 γαξιαν : etsi uetusti libri repugnent. unus tamen Vin-
 centij Riccij liber habet, ἀταξιαν .

254:

• H A B E T damnatos, quos pro illo nobis restituat]
 Lege Pompeia damnatos Cæsar restituerat. eos nunc la-
 tenter significat, cum tamen de ijs loqui uideatur, qui
 ad sectiones faciendas Syllæ mortuo essent surrogandi.

Ex epistola penultima, 255.

AD amorem meum aliquantulum discedens addi
 si] Antea legebatur, aliquantum olim . nos cum in
 libris manuscriptis & , aliquantulum olim , & , ali-
 quantum olim , legeremus : aliquantulum , emendare
 non dubitauimus . neque enim , ut opinor , habere lo-
 cum hic potest uox illa , olim ; cū ex ipsa epistola , Tre-
 bonium non multo ante Roma profectum esse , colliga-
 tur . atque etiam sensus erit commodior , si , aliquantu-
 lum , quā si aliquantum olim , legas ; ut ostendatur ,
 Ciceronis amorem erga Trebonium summum , & maxi-
 mum iam fuisse , cui quamminimum addi potuerit .

Ex epistola I X. 259:

CASSIOPE] Antea , Cassoden . nos ex Pli-
 nio , & Strabone Cassiopen restituimus .

Ex epistola X. 260.

FVERVNT omnino . & ipse] Distinctionem
 mutauimus , ut legatur , fuerunt . omnino & ipse .

Ex epistola XXIII. 266.

ACCURRAM . sed s.] In uetustioribus libris
 scriptum est , sed si . ego arbitror legendum , sed st . quā
 silentij notam qui non agnouere , scripserunt , si . de-
 inde alius cum uideret , si , locum hic habere non posse ,
 fecit , s. id est scilicet . sic etiam in de oratore lib. II . pro,
 st , scriptum erat , si . quod mendum VII . abhinc an-
 num susulimus . in Plauto etiam , ubi legendum est ,
 st , modo si , modo ast , modo at , uulgo legitur . Te-
 rentius quoque in Phormione hac nota usus est : quem
 locum citat Velius Longus , grammaticus .

DOLABELLAE procuratores, fac ut admon-
neantur.] Verbum admoneantur, ad pecuniam re-
fertur, quam Dolabella Ciceroni debebat: itaque intus
lit, appellabis etiam Papiam: quod itē creditorum ver-
bum est. Pro Quintio: 7. Cum tibi quotidie potestas ho-
minis fuisset admonendi, verbum nullum facis: bien-
nio iam confecto fere, appellas. Quod praecedit, in an-
tiquo libro Vbaldini scriptum est, seu quod elegerunt:
in eo, quem habet Petrus Bembus, quod elegerint.

Ex epistola ultima, 267.

QUIBUS alteri Cesenam,] Locus sine du-
bio corruptus. neque enim adeo tum ignobilis, aut obs-
cura fuit Cesena, ut, tāquam abiecta res, nominari de-
buerit. vetus liber Vincentij Riccij sic habet, quibus
gesa, uel quibus sutianarum tabernarum fundamen-
ta credas. deliberent eruditi, quo modo sit legendum.
Liuius quidem libro IX. de Cesennia meminit, oppido
non admodum celebri: ut fortasse non inepte pro, Cese-
nam, Cesenniam, hic legi possit. antiquus liber ē Cy-
pro, Cesenam.

R E G I S T R V M.

— — — — —
A B C D E F G H I K L M N O P Q R S T V X Y Z.
A A B B C C D D E E F F G G H H I I K K
L L M M N N O O P P Q Q R R.

— — — — —
Omnes quaterniones, preter R R qui est duernio.

— — — — —
A P V D P A V L V M M A N V T I V M,
A L D I F I L I V M.

— — — — —
V E N E T I I S, M. D. L I I I I.



BIBLIOTECA NAZ.
ROMA
VITTORIO EMANUELE





